

**А. Набиев**

# **ТАРИХИЙ ЎЛКАШУНОСЛИК**

**(ЎЛКАНИ ЎРГАНИШНИНГ АСОСИЙ  
МАНБАЛАРИ)**

---

Узбекистон Республикаси ҳалқ таълимни вазирлиги Олий  
ва ўрта педагогика ўқув юртлари талабалари ва ўрта  
мактаб тарих ўқитувчилари учун ўқув қўйлланма сифатида  
тавсия этган

**ҚАЙТА ИШЛАНГАН ВА ТҮЛДИРИЛАГАН  
ИККИНЧИ НАШРИ**

ТОШКЕНТ «ЎҚИТУВЧИ» 1996

*Масъул мұхаббаттың Үзбекистон Республикасы ғанлар академиясунинг  
академиги тарих ғанлари доктори, профессор Б. А. Ахмедов*

1805080000 — 174  
Н \_\_\_\_\_ 84—91  
(04) 353—96  
ISBN 5-645-00972-X

© «Ўқитувчи» нашриёти,  
1979.  
© «Ўқитувчи» нашриёти,  
1996. Тўлдириш ва ту-  
затишлар билан.

## Кириш

Бугунги ўз-ўзини англаб, мустақиллигимиз кун сайин мустаҳкамланиб бораётган шароитда она юртнинг ҳар бир фарзанди учун Ватан тарихини севиш, ўрганиш, дилига жо этишдан ҳам муқаддасроқ бурч бўлмаса керак.

Ушбу китоб айнан шу мулоҳазадан келиб чиқсан ҳолда яратилган. Ота-боболаримиз, аждодларимизнинг ақл-заковати, олтин қўли ила IX – XII асрлардаёқ киши ақли бовар қила олмайдиган даражада нафис ва нозик қилиб ишланган нақшлар қадимий ва навқирон Самарқанд, Бухоро ва Хива деворларида ўзини кўз-кўз қилиб турибди. Ўша давр услуби билан юксак маҳорат кўрсатиб қурилган муҳташам бинолар ва бу бинолардаги Шарқ услугига хос ўймакорлик нақшлари ўз тараққиётининг чўққисига кўтарилганлигидан гувоҳлик беради. Бундай ўймакорлик нақшлари билан бир қаторда ислимиий услугуда ишланган нақшлар, яъни гул ва новдаларнинг мураккаб услубдаги нақшлари ва ҳозирги кунгача яхши сақланиб келаётган тиллада қорилиб ўйилган бошقا безаклар аждодларимиз юксак санъатининг тимсоли сифатида бугун ҳам ҳаммани лол қолдириб турибди. Қадимги ва ўрта асрлар меъморчилик обидаларини сақлаш, ўрганиш ва муҳофаза қилиш ҳозирги замон ёш авлодни, меҳнаткашларни ватанпарварлик руҳида тарбиялашда, халқларнинг байналмилал дўстлигини мустаҳкамлашда катта роль ўйнайди. Шунинг учун ҳам ўтмиш тарихий ва моддий-маданий ёдгорликларини ўрганиш, муҳофаза қилишининг ролини ошириш муаммоларини ҳал қилишга катта аҳамият берилмоқда.

Қўлланмада ўзбек халқининг тарихий тараққиёти, маънавий, моддий, тарихий манбаларини «Ўлқашуносликда археологиянинг роли», «Ўлқашуносликда этнографиянинг аҳамияти», «Топонимика – ўлка тарихини ўрганишининг асосий манбаи», «Ўлқашуносликни ўрганишда архившуносликнинг ўрни» ва «Ўлқашуносликни ўрганишда музей экспонатлари» деб номланган асосий беш қисм орқали ўрганишининг усуллари берилган.

«Тарихий ўлкашунослик» ўқув-қўлланмаси ҳозирги кунда ўз мустақиллигини қўлга киритган Ўзбекистон халқларининг қадимий тарихини, унинг жаҳон тарихий тараққиётига қўшган катта ҳиссасини, ўз бағридан Муҳаммад Мусо Хоразмий ва Али Қушчи сингари машҳур математиклар, Аҳмад Фарғоний ва Улуғбекдек фалакиёт билимдонлари, Ибн Сино каби табиблар, Наршахий ва Абулғозихон сингари тарихчилар, ал-Форобийдек файласуфлар, Замахшарий каби лингвистларни етиштириб, жаҳон тараққиётига қўшган ҳиссасини далилий ашёлар воситаси билан исботлаб беради.

Мазкур қўлланма яна шуниси билан аҳамиятлики, унда тарихий, маънавий ёдгорликлар, археологик, антропологик, этнографик, этник, топонимик материаллар ўз ифодасини тоғган.

Ўзбек халқининг тарихий, маданий ва меъморчилик ёдгорликлари жаҳон маданий меросининг таркибий қисми бўлиб, жаҳон тараққиётига қўшилган гоят катта улушидир. Мана шундай муҳим, нодир, қимматли аҳамиятга молик бўлган маддий ва маънавий ёдгорликларни ҳар томонлама илмий ва амалий жиҳатдан ўрганадиган ва таҳдил қиласиган фан ҳам «Тарихий ўлкашунослик»дир.

Мазкур ўқув қўлланмаси асосан қўйидаги масалаларни ўз ичига олади:

**Тарихий ёдгорликлар.** Бунга инсоният ҳаётидаги энг муҳим тарихий воқеалар, жамиятнинг ривожланиш босқичлари, инқилобий ҳаракат бўлиб ўтган жойлар, атоқли саркардалар, йирик давлат, фан ва маданият арбобларининг номлари билан боғлиқ воқеа жойлари, ўтмишдан қолган қўлёзма асарлари ва шу кабилар киради.

**Археология ёдгорликлари.** Бунга кўхна шаҳарлар, қўрғонлар, қалъалар, қадимий манзилгоҳлар, истеҳкомлар, корхоналар, каналлар, шунингдек йўлларнинг қолдиқлари, қадимий дағн жойлари, тош ҳайкаллар, қоялардаги тасвиirlар ва бошқалар киради.

**Шаҳар қурилиши ва меъморчилик ёдгорликлари.** Буларга меъморчилик ансамбллари ва комплекслари, тарихий марказлар, кварталлар, майдонлар, кўчалар, шаҳарлар ва бошқа аҳоли яшайдиган жойларнинг қолдиқлари: фуқаро, саноат, ҳарбий, диний, халқ меъморчилиги иншоотлари киради.

**Санъат ёдгорликлари.** Бунга монументал, тасвирий,

амалий-декоратив ва бошқа турдаги санъат асарлари киради.

**Ёдгорлик ҳужжатлари.** Бунга марказий ва маҳаллий давлат ҳокимияти органлари ва давлат бошқарув органларидан қолған түрли ҳужжатлар, бошқа ёзма ва чизма ҳужжатлар, кино-фото ҳужжатлари ва товуш ёзувлари, шунингдек, қадимий қўллётмалар ҳамда архив материаллари, фольклор ва мусиқа ёзувлари, нодир босма нашрлар киради.


**Этнографик ва топонимик материаллар.** Бунга халқ урф-одатлари, моддий ва маънавий маданият, халқларнинг эртак, фольклор, мифологияси ҳамда жой номлари нинг илмий жиҳатдан келиб чиқишини ўрганиш киради.


Булар билан бир қаторда тарихий, илмий, бадиий қимматга ёки бошқа хил маданий қимматга эга бўлган обьектлар ҳамда музейда сақланадиган экспонатлар ва улардан ўқув, таълим-тарбия ишларида фойдаланиш услублари, намунавий дарс режалари ўз аксини топган.

Юқоридаги манбаларни ўрганиш ва умумлаштириш илмий ўлкашунослик тадқиқотчилари, жамоат ўлкашунослиги ва ҳаваскорлари учун ҳам, у ёки бу воқеаларга тавсиф бериш, түрли тарихий тушунчаларга аниқлик киритиш учун ҳам кўп зарур маълумот бўлиб хизмат қиласди.

Олий ўқув юртлари ва мактабда ўқитилаётган тарихий ўлкашунослик фани маълум икки мақсадни: биринчидан, ўз ўлкасининг ўтмиши ва ҳозирги ҳаёти тарихини ҳар томонлама илмий асосда ўрганиш йўли билан тўпланган археологик, этнографик, топонимик, нодир қўллётмалар, архив ҳужжатларини саралаш, тартибга солиш ва таҳлил қилишни; иккинчидан, тўпланган ўлка материалларидан ўқув-тарбиявий ишларда ўринли ва самарали фойдаланиб, ёш авлодни ватанпарварлик руҳида тарбиялашни кўзда тутади.

Ўқув қўлланмасини ёзишда мумкин қадар маҳаллий материаллардан, Ўзбекистон Республикасига доир ўлкашунослик ҳужжатларидан, етук тарихчи олимларнинг асарларидан, архив материалларидан фойдаланиш масалаларини ёритишда Ўзбекистон Марказий Давлат Архиви ходимлари томонидан тайёрланган картотека ва кўрсаткичлардан, музей экспонантларини ёритишда эса Ўзбекистон тарихи музейи материалларидан фойдаланилди.





---

## 1. Ўлкашунослик ҳақида қисқача маълумот

1. Ўлкашунослик турлари
2. Тарихий ўлкашуносликнинг ривожланиши
3. Ўрта Осиё тарихини ўрганишда рус Шарқшуносларининг роли
4. Рус шарқшунослигининг маҳаллий тарихчиликка таъсири
5. Тарихий ўлкашуносликнинг 1917 йилдан кейинги аҳволи
6. Ўлкашуносликнинг асосий манбалари

Ватан ҳақидаги теран фикрлар туркii тасаввуф шеъриятининг атоқли вакили хожа Аҳмад Яссавий ҳикматларидан бирида қуйидагича талқин әтилади:

Бошим тупроқ, ўзим тупроқ, жисмим тупроқ,  
Ҳақ васлига етарман деб руҳим муштоқ.

Бинобарин, тупроқ — инсон туғилиб ўсган ўлка, макон, тупроқ — Ватан. Тупроқ неча юз йиллардан бўён не-не улуғ фарзандларини ардоқлаб келаётган Замин. Шунинг учун биз уни эъзозлаб она тупроқ деймиз.

Демак, барча ишлар ўз она тупроғини, ўз она ўлкасини қадрлашдан бошланади. Она тупроғини, она ўлкасини севган кишини эл қадрлайди, дунё танийди... Ўз тарихини она юртдан — она тупроқдан қидирган инсон-гина ҳақиқий инсон бўла олади.

Тарихга назар ташласақ, ўз ўлкасини севмаган ва унинг тупроғини ардоқламаган бирон ҳам зотни учрата олмаймиз. Шунинг учун ҳам Ватанин севмоқ иймондан-дир, деймиз. Зотан, она юрт фарзандлари учун Ватанин севиш, унинг тарихини ўрганиш, дилга жо әтиш муқаддас бурчдир.

## 1. Ўлкашуносликнинг турлари

Ўлкашунослик уч турга бўлинади: 1) илмий, яъни давлат ўлкашунослиги; 2) жамоат ўлкашунослиги; 3) мактаб ўлкашунослиги. Ўлкашуносликнинг ҳар учала тури ўзаро бир-бирига алоқадор бўлиб, бири иккинчисини тўлдиради.

Давлат ўлкашунослиги билан республика тарихий ва маданий ёдгорликларни муҳофаза қилиш ҳамда улардан фойдаланиш қўмитаси, музейлар, республика Фанлар академияси қошидаги тарих, археология илмий-тадқиқот институтлари шуғулланади.

Жамоат ўлкашунослиги қишлоқ, овул, қўрғон, туман, шаҳар ва вилоят ҳудудидаги тарихий обидаларни сақлаш ва асрарни ишларига бошчиллик қилиш билан бирга жойларда истиқомат қилиб турган халқларнинг келиб чиқишлиари (этногенези), урф-одатларини ўрганади. ҳамда илғор меҳнаткашлар, Меҳнат Қаҳрамонлари хотирасини агадийлаштириш учун ҳайкаллар, мангу оловлар, ҳурмат тахталари ташкил қиласди. Бундан ташқари, жамоат ўлкашунослигига мустақил равишда танга пулларни ўрганувчи мутахассислар — нумизматлар, муҳрларни ўрганувчилар — сфрагистлар, тамға (герб)-

ларни ўрганувчилар – геральдистлар, тош, металл, сопол ва ёғочдаги ёзувларни ўрганадиган олимлар – эпиграфистлар, эски асбоб-ускуналар ва қурол-аслача ҳамда шу каби нарсаларни тўпловчилар ҳам уюшади.

Мактаб ўлкашунослиги эса мактабларда тарих, инсон ва жамият фани ўқитувчиларининг бевосита раҳбарлигидан ташкил қилинади. Мактаб ўлкашунослигининг аъзолари V – X(XI) синфларнинг энг интизомли ва аълочи ўқувчиларидан тузилиб, улар ўлка материалларини тўрт гуруҳга бўлинган ҳолда тўплайдилар. Тўпланган археологик, этнографик, топонимик ва архив ҳужжатлари мактаб ўлкашунослик ва тарих музейларида намойиш қилинади.

Мактаб ўлкашунослиги таълим-тарбияни турмуш, ишлаб чиқариш, янги жамият қуриш тажрибаси билан узвий боғлиқ ҳолда ўрганади. Ўқитиши жараёнида ўлка материалларидан ўринли фойдаланиш ўқувчиларнинг ўз ўлкаси тарихини билиб олишга, чуқур билим олишга, мустақил ижод қилишга бўлган қизиқишини орттиради ва келгуси ҳаёт йўлини танлаб олишга ёрдам беради. Мактаб ўлкашунослиги фанлар ўртасидаги алоқани мустаҳкамлайди ҳамда ўқитувчи зиммасига катта масъулият юклайди. У дастур асосида, ўз аъзоларининг билим даражаси ҳамда ижодий қобилияtlарини ҳисобга олган ҳолда (иложи борича мутахассисларнинг маслаҳатлари ва кўрсатмалари асосида) тадқиқот ўtkазиш ишининг режаси ва иш ҳажми ҳамда услубини ишлаб чиқади. Ўлкашуносликнинг бутун муваффақияти шу ишга раҳбарлик қилаётган ўқитувчининг билимига ва ташкил қила олишига боғлиқ. Агар ўқитувчи ўз ўлкасини яхши билса, бу ҳақдаги оғзаки ва ёзма манбаларни мунтазам ўрганиш билан бирга ўқувчиларнинг ота-оналари, кексалар, ўлкашунослик ташкилотининг ходимлари билан суҳбатлар олиб бориб, педагогик маҳоратини ишга солса, ўқувчиларнинг фаоллиги ортиб боради, ўтилган материалларни тўлиқ ўзлаштириш билан бирга уни ҳаётга ҳам татбиқ қила бошлияди. Натижада ўқувчиларнинг пухта билим олиш билан бирга ўз ўлкасига бўлган меҳрмуҳаббати ортади ва тарихий тасаввuri ҳамда тарихий тушунчаси шаклланиб боради.

Мактаб ўлкашунослиги иккига бўлиниб, ўқув жараёнида (ўқув дастури асосида) ва дастурдан ташқари (мактабнинг тарбиявий ишлар режасига асосланган ҳолда) амалга оширилади. Ўқув жараёнида (синфда)

олиб бориладиган ўлкашунослик ишлари ҳам икки мақсадни кўзлади. Бири – ўз ўлкасининг ўтмишини археологик, этнографик, топонимик, қўлёзма асарлар ва архив ҳужжатлари асосида ўрганиш ва ўлкашунослик материалларини бир тизимга солиш; иккинчиси – тўпланган ўлкашунослик материалларидан тарих ҳамда инсон ва жамият дарсларида фойдаланиш. Синфда олиб бориладиган ўлкашунослик ишларига барча ўқувчиларнинг иштирок этиши мажбурийдир. Мактабдан ташқари олиб бориладиган ўлкашунослик ишлари, яъни саёҳатлар, археологик илмий сафарларда Ўзбекистон Фанлар академияси тарих ҳамда археология институти-нинг тавсияси билангина шу ишга лаёқатли ўқувчилар ихтиёрий равищда иштирок этадилар. Мактаб ўлкашунослиги тарих ҳамда инсон ва жамият фанларидан олган билимларни ойдинлаштиради, кенгайтиради ҳамда ҳар хил фанларнинг ўзаро алоқасини таъминлайди.

Мактаб ўлкашунослиги тарихий обидаларни сақлаш ва ҳимоя қилиш, қадимий манзилгоҳларни толишда ҳам катта роль ўйнайди. У жамоа бўлиб яшаш, ишлаш ва ижод қилишга ўргатади. Ўқувчиларда синчковлик, тиришқоқлик, теварак-атрофга ҳавас билан боқиш, тадқиқотга қизиқиш, Ватанин севиш ва уни ардоқлаш ҳислари шаклланаб боради.

Дарҳақиқат, мактаб ўлкашунослиги ўқувчиларда ўз Ватанига меҳр уйғотиш билан бирга, уларни эстетик руҳда тарбиялашга ҳам муносиб ҳисса қўшади.

Ватанга бўлган меҳр туйғуси ўз ўлкасини ўрганишдан бошланади. Мактаб ўлкашунослигига ана шундай туйғу шаклланади.

## 2. Тарихий ўлкашуносликнинг ривожланиши. 1917 йилга қадар ўлкани ўрганиш масаласи.

Рус олими М. В. Ломоносов ўз ўлкасини мукаммал ўрганиш мақсадида 1761 йили 30 саводдан иборат жавоб варақаси тузиб, аҳоли ўртасида тарқатган эди. Айни вақтда бу билан ўлкашунослик фанига асос солинганди. Ўлкани ўрганиш масаласи Ўрта Осиё, шу жумладан Ўзбекистон ҳудудида Россиядан анчагина кейинроқ, яъни XIX асрнинг иккинчи ярмидан бошланади.

Рус олимлари Ўрта Осиёning чоризм тарафидан босиб олинишидан анча илгари бу ўлкани ўрганиш

бўйича бир қанча ишлар қилган эдилар. Бироқ, XIX асрнинг биринчи ярмидаги ўлкани ўрганиш, яъни маҳаллий тарихчилик ижтимоий-сиёсий, иқтисодий ва маданий ҳаётдаги биқиқликка мос бўлиб, феодал тузум манфаатлари учун хизмат қиласр эди. Тарих фанидан феодал синфининг манфаатлари, хонлар ва улар сулоласининг таҳтга әгалиги ва «одиллиги»ни мафкуравий жиҳатдан асослаш учун фойдаланиб келинди. Сарой тарихчилари ўзларининг асосий эътиборларини сиёсий воқеекларни хонларнинг фаолияти ва ўз рақиблари устидан қозонган ғалабаларини кўкларга кўтариб мақташ, саройдаги аиъналарни тасвирашга қаратдилар. Чунки замон ўзи шунаقا эди. Натижада бу давр тарихчиларининг мавзуи жаҳон тарихчилиги мавзусидан бир қадар ажралиб қолди. X – XV асрлардаги маҳаллий тарихчилар Муҳаммад Наршахий, Табарий, Рашидиддин, Низомиддин Жомий, Абулғозихон ва бошқаларнинг асарлари ўзининг мазмундорлиги, фактик материалга бойлиги билан бу даврда ёзилган тарихий асарлардан сезиларли даражада ажралиб туради. Шарқшунос А. А. Ромаскевич Рашидиддиннинг «Жоме уттаворих» номли асари устида сўз юритар экан, ҳақли равишда бу асар ўзининг мазмуни ва ҳажми жиҳатидан муҳимлигини кўрсатиб, биз бу асардан кейин Эрон тарихчилигида воқеаларни бу хилда баён қилиш учун бўлган интилишни кўрмаймиз, деб ёзган эди. Бу Ўрта Осиё тарихчилигига ҳам хос нарса эди. Шундай қилиб, XIX асрнинг биринчи ярмида тарих фани ҳам, бошқа фанлар сингари, ҳукмрон синфнинг манфаати учун хизмат қилди.

XIX асрнинг 30-йилларида Бухоро сарой тарихчиси Муҳаммад Ёқуб ёзган «Гулшан ул-мулук» номли асар ўша давр тарихий манбаларидан бири ҳисобланади. Бу асар форс-тожик тилида ёзилган бўлиб, унда қадимги замонлардан то XIX асрнинг 30-йилларигача бўлган Бухоро амирлигидаги сиёсий воқеалар баёни берилади. Асарда сарой воқееклари, ҳукмрон синфлар тарихи, ўзаро урушлар, унда эришилган ғалабалар, хонликнинг кейинги сулоласининг генеалогияси (насабномаси) ифодаланиб, жамиятнинг ривожланишида асосий куч бўлган ҳалқ оммасининг аҳволи, унинг тилак-орзулари, ҳалқ ҳаракатлари ва бу ҳаракатнинг туб моҳиятини ёритишга бўлган интилишни деярли кўрмаймиз.

Яна ўша даврда форс-тожик тилида ёзилган иккинчи

манба Бухоро сарой тарихчиси Муҳаммад Мир Олимнинг «Тарихи амир Насрулло» номли асари дир. Бу асар Бухоро амири Насруллонинг (1826–1860) топшириғи билан ёзилган. Асар XVIII асрнинг иккинчи ярмида Бухоро амирлигига юз берган сиёсий воқеаларни, ички ва ташқи воқеликларни тасвирилаш билан бошланиб, амир Насруллонинг ҳокимиятга келиши, унинг дастлабки йиллардаги давлатни бошқаришда туттган сиёсати билан тугалланади. Асарда Бухоро амирлигидаги 1821–1825 йилларда бўлиб ўтган хитой-қипчоқлар қўзғолони ва унинг бостирилиши ҳақида сўзланади. Аммо асарда қўзғолоннинг асосий сабаблари ва моҳияти очиб берилмаган, бу табиий ҳол бўлиб, сарой тарихчисидан буни кутиш мумкин эмас эди.

Яна шу йўналишда ёзилган тарихий манбалардан бири мулла Ибодулла ва мулла Муҳаммад Шарифлар томонидан форс-тожик тилида яратилган «Тарихи амир Ҳайдар» номли асардир. Асарда аштархонийлар билан мангитлар сулоласи тарихи, амир Ҳайдарнинг отаси амир Шоҳ муроднинг туғилишидан бошлаб, то амир Ҳайдарнинг ўлими (1826) гача Бухоро амирлигига бўлиб ўтган сиёсий, ижтимоий-иқтисодий воқеаларга тўхталиб ўтилган. Шу билан бирга, асарда 1820 йилда А. Ф. Негри бошлиқ Россиядан Бухорога юборилган элчилик ташрифи тўғрисида ҳам маълумотлар берилган<sup>1</sup>.

Муҳаммад Шарифнинг худди ўша даврни акс эттирувчи «Тож ут-таворих» – («Тарихлар тожи») номли асарида мангитлар наслабномаси, туркий ва мўғул қабилалари, Чингизхон, унинг авлод-аждодлари, шайbonийлар, аштархонийлар сулоласининг тарихи берилади. Умуман, асар аштархонийлар, айниқса мангитлар сулоласи вақтида Бухоро амирлигидаги сиёсий, ижтимоий-иқтисодий воқеликларни ўрганишда муҳим роль ўйнайди.

XIX асрнинг 40-йиларида ёзилган йирик тарихий манбалардан бири Муҳаммад Ҳакимхон тўранинг «Мунтакаб ут-таворих» номли асаридир. Асарда XVIII асрнинг 70-йиларидан то Қўйкон хони Умархоннинг вафоти (1822), ундан сўнг тахтга ўтирган Мадалихонгача бўлган даврдаги Қўйкон хонлиги тарихига доир сиёсий воқеалар тасвириланган.

<sup>1</sup> А. Саъдиев. XIX асрда Туркистанда тарих фани. Ўздавнашр, 1960 й. 72-бет.

Ҳакимхон тўра хон билан бирга юриб, XIX асрнинг биринчи чорагидаги воқеаларга аралашади. У саройдаги фисқ-фужур, вилоятлардаги сиёсий тортишувлар, хонликнинг ташқи ва ички сиёсатини, Бухоро амирлигидаги сиёсий ҳодисаларни ўз кўзи билан кўриб, уларни ўз асарида акс эттирган. Аштархонийлардан сўнг таҳтга ўтирган ўзбекларнинг минг сулоласи ҳақида, Умархоннинг ҳукмронлик қилган (1810–1822) вақтдаги сиёсий воқеалар аниқ ва изчиллик билан ифодаланган. Асарнинг қиммати шундаки, Россиянинг Ўрта Осиёга нисбатан тутган сиёсати ва ўша вақтдан ўрта осиёликларнинг Россияга берган баҳосини аниқлашда у муҳим ўрин тутади, чунки муаллиф Россияда бўлиб, у ердаги ҳаёт билан бевосита танишган, Россия билан боғланиш масаласида илгор фикрларни баён қилган. Муаллиф ўз асарида 1821–1825 йилларда Бухорода бўлиб ўтган хитой-қипчоқлар қўзғолонида қатнашганларни «хоин кишилар» деб қоралайди. Бу эса муаллиф тутган йўлни яқзол кўрсатиб турибди.

Қўқон хонлиги тарихига оид манбалардан бири мулла Аваз Муҳаммаднинг форс-тожик тилида ёзилган «Тарих жаҳоннумаи» асари бўлиб, ўз кўзи билан кўрганларининг баёни ҳамда тарихий манбалар асосида ёзилган икки китоб ва географик қўшимчадан иборат. Асарнинг биринчи қисмида инсоннинг пайдо бўлишидан бошлаб, то XVI асргача бўлган ҳукмдорлар тарихи берилган.

Асарнинг иккинчи қисмида Қўқон хони Олимхон (1798–1810) ва Умархон (1810–1822) ҳукмронлиги даври сиёсати тўлиқ берилган.

Асарда Бухоро амирининг хитой-қипчоқлар ва қорақалпоқ халқларига нисбатан тутган сиёсати, Қўқон хонлиги билан Бухоро амирлиги ўртасидаги муносабатлар, рус аскарлари томонидан Самарқанд ва Каттақўрғон ерларининг босиб олиниши, йўл ва иморатлар қурилиши, айrim воқеаларнинг саналари ва ҳ. к. лар берилган. Шу билан бирга, асарда 1842 йили Қўқонда қўтарилган хўжа Қаландар бошчилигидаги қўзғолон, 1847 йилда Тошкент ҳокимига қарши қўтарилган ҳаракат каби муҳим воқеалар ҳақида ҳам сўз боради. Асарда келтирилган бу далиллар тарихни ўрганиш учун муҳимдир. Бироқ бу хилдаги асарлар ўша давр ҳукмрон феодал синф мафкураси руҳида ёзилган бўлиб, унга танқидий кўз билан қарашиб талаб қилинади.

Қўқон хонлиги тарихчилигига Мулла Ниёз Му-

ҳаммаднинг «Тарихи Шоҳруҳий» деган асари ҳам диққатга сазовордир. Муаллифнинг бу асари Қўқон хонлигининг XVIII ва XIX асрнинг 70- йилларигача бўлган тарихига оид муҳим маълумот беради. Бу маълумотлар шу давр тадқиқотчилари учун жуда қимматлидир.

Тошкентдаги Қорёғди маҳаллалик Муҳаммад Солиҳ Қорахўжа ўғлиниңг 1880 – 1885 йиллар орасида ёзган «Тарихи жадида-и Тошканд» («Тошкентнинг янги тарихи») номли 1200 бетдан иборат асари ҳам жуда муҳим аҳамиятга эга бўлиб, у Ўрта Осиёда ўтган уч хонликда ёзилган тарихий асарлардан бирмунча фарқ қиласди. Асар форс-тожик тилида ёзилган. У ҳукмдорлар ўртасидаги уруплар тарихидан иборат бўлиб, иккинчи қисми Қўқон хонлиги ва Тошкент тарихига бағишланган. Бунда муаллифнинг янгича тарих ёзиш ниятида иш бошлагани ва А. Кундан маслаҳатлар олганлиги сезилади. Шунингдек, асарда Қўқоннинг сиёсий ҳаётида устунлик ролини ўйнаган гурӯҳлар ва шахслар, Тошкентда бўлиб ўтган сиёсий ҳаракатлар, халқ қўзғолонлари, шу қўзғолонларнинг йўналиши ва сабаблари ҳақида (бу масала бошқа ҳеч бир асарда бунчалик ёритилмаган) муфассал маълумотлар берилган. Бу асар янги давр тарихчилигида янги интилиш эди. Асар Ўзбекистон Фанлар академиясининг Шарқшунослик институтида нодир асарлар қаторида сақланмоқда.

XIX асрнинг биринчи ярмида Хива хонлигидаги ёзилган тарихий манбалардан энг муҳими Мунис ва Оғаҳийларнинг асарлари ҳисобланади.

Мунис (1778 – 1829) нинг отаси Авазбий мироб Хива хони Элтузарга қадар ҳам, унинг ҳукмронлиги вақти (1804 – 1806) да ҳам сарой хизматида бўлади. Элтузархоннинг ҳукмронлиги вақтида Мунис сарой хизматига киради ва хоннинг тошириғи билан ўзининг «Фирдавс ул-иқбол» номли машҳур тарихий асарини ёзади. Элтузархон Шермуҳаммад Мунисга бу асарни Фирдавсийнинг «Шоҳнома» асаридан устун қилиб яратишини ҳам уқтиради. Мунис асари ўзбек тилида ёзилган. У Хива хонлигининг XVI – XVII асрлардаги тарихини ёритишда Абулғозининг асарларидан фойдаланади. Хива хонлигининг XVIII асрдаги тарихига оид воқеаларни эса шу воқеаларни ўз кўзи билан кўрган кишилар ва, айниқса, отасининг берган маълумотлари асосида ёзади. XVIII асрнинг иккинчи ярмидаги энг

муҳим воқеаларни, 1812 йилгача бўлган тарихий воқеаларни тасвиirlashi пайтида унга хон томонидан бошқа вазифа, яъни Мирхонднинг машҳур асари «Равзат усафо»ни форс тилидан ўзбек тилига таржима қилиш топширилади. Мунис бу асарнинг биринчи китобини тамомлаб, иккинчисини ёзаётган вақтида түсатдан вафот этади. Шундай қилиб, у қўлёzmанинг таржимасини ҳам, ўз асарини ҳам тамомлай олмайди. Муҳаммад Ризо Оғаҳий (1809—1864) Хива хони Оллоқули (1825—1842) нинг топшириги билан асарни давом эттириб, 1827 йилларгача бўлган воқеаларни ёзади. Сўнгра у 1826—1842 йиллардаги воқеалар ёритилган «Риёз удавла», 1842—1845 йиллардаги тарихий воқеалар ёритилган «Зубдат ут-таворих», 1846—1855 йиллардаги воқеалар ёритилган «Жомиъул-воқеоти султоний», 1856—1865 йиллардаги воқеалар ёритилган «Гулшан давлат» номли асарларни ёзади. Оғаҳий «Шоҳиди иқбол» номли бешинчи асарини Хива хони Муҳаммад Раҳимхон даври (1865—1910)га бағишлайди. Аммо бу асар тамомланмай, 1872 йили воқеалари билан тугайди.

Мунис ва Оғаҳийлар сарой тарихчилари бўлсаларда, уларнинг асарлари ўзининг далилларга бойлиги, хронологик изчиллиги, ўзида акс эттирилган сиёсий воқеаларнинг тўлиқ баёни жиҳатдан ўша даврдаги Бухоро ва Қўйкон сарой тарихчиларидан бирмунча юқори туради. Хива сарой тарихчилиги ва хусусан Мунис, Оғаҳий асарларидағи бу хусусиятни ўз вақтида В. В. Бартольд ҳам «История культурной жизни Туркестана» деган асарида таъкидлаб: «Мунис ва Оғаҳийнинг китоблари адабий ва тарихий асар сифатида камчиликларига қарамай, баён қилишнинг тўлиқлиги ва далилий маълумотларнинг сони жиҳатидан бизгача етиб келган Бухоро ва Қўйкон хонликлари тарихи бўйича битилган асарларни орқада қолдиради», деб ёзган эди.

Хулоса қилиб айтганда, XIX асрнинг биринчи ярмида маҳаллий тарихчилар томонидан яратилган тарихий асарлар мамлакатнинг хўжалиги, иқтисодий муносабатлар, синфий кураш, ҳалқ харакатлари ва сиёсий воқеаларнинг ижтимоий-иқтисодий илдизларини очиб бера олмаган бўлса ҳам, тарихчиларимиз ўлкани ўрганишда, солномалар тузишда, этнографик ва топонимик материаллар тўплашда бу нодир асарлардан, танқидий нуқтаи назардан қараб фойдаланишлари мумкин. Бу асарлар шунинг учун ҳам 1917 йилга қадар ўлка тарихини

ўрганишда жуда қўл келади. Чунки уларнинг муаллифлари бевосита ўша даврда яшаган, рўй берадиган воҳеа ва ҳодисаларни ўзқўзлари билан кўрган, шунингдек уларни олдинги давр воҳеалари билан қиёслаган. Шу нуқтаи назардан бу асарлар муҳим аҳамият касб этади.

### 3. Ўрта Осиё тарихини ўрганишда рус шарқшуносларининг роли

XIX асрнинг иккинчи ярмида Ўрта Осиё чор аскарлари тарафидан босиб олингач, бу ерга рус олимлари келиб кўнлаб тадқиқот ишларини олиб бордилар. Шундай мураккаб ва оғир шароитда ҳам ўлкашунослар ўз фикр ва мулоҳазаларини эркин баён этишга ҳаракат қилганлар. Ўрта Осиёга келган олимлар ўлкадаги илғор маҳаллий зиёлilarнинг намояндалари билан яқин алоқада бўлардилар.

Мустамлака маъмурияти Ўрта Осиё халқ оммасининг миллий онгини ўтиришга ёрдамлашишни асло маъқул иш деб билмасди, аксинча, маҳаллий халқ оммаси ўртасида тарихий билимларни бироз даражада кенг тарғиб этиш, улар диққатини қадимги замон ёдгорликларини ўрганишга тортиш ва ҳоказолар чоризмнинг мустамлакачилик сиёсатига фақат зарар етказиши мумкин, деб кўркарди.

Ҳолбуки, Ўрта Осиёning янги-янги ҳудудларида Россия ҳукмронлигининг ўрнатилиши, уларнинг Умум-россия иқтисодий тараққиёти йўлига қўшиб юборилганлиги муносабати билан турмушининг ўзи илмий тадқиқотлар ўтказиш зарурлигини тақозо қиласарди. Ўрта Осиёning дурустроқ ўрганилмаганлиги мустамлака маъмуриятининг ишларини қийинлаштириди. Илмий тадқиқотлардан баъзи бирлари ўзларининг кўп йиллик тарихига, ўз урф-одатлари, хусусиятлари, турмуш тарзига эга бўлган миллион-миллион Ўрта Осиё халқлари оммасини эксплуатация қилиш тизимини тўғридан-тўғри ўюнтишишга ёрдам бериши лозим эди.

Табиий бойликлари, маданий мероси ғоят бой бўлган ва кам текширилган бу ўлка рус зиёлilarнинг тараққийнарвар қисмини жуда қизиқтиради. Машҳур рус зоологи, зоогеографи ва сайёхи, дарвинизмнинг эътиқодли тарафдорларидан бўлган Н. А. Северцов (1827 – 1886) Туркистоннинг кўп жойларини физик-географик

жиҳатдан ўрганишда, жумладан, Помир тизма тоғларининг орографиясини ўрганишда кўп меҳнат ва куч сарф қилди. Н. А. Северцов саёҳати вақтида зоология, ботаника, минералогия ва палеонтологияга оид жуда қимматли коллекциялар тұнлады.

Машхур рус географи И. П. Семёнов-Тянышанский (1827 – 1914) Ўрта Осиё, айниқса Тяншань тизма тоғларининг географик ўрганилишига асос солди. Унинг түплаган маълумотлари асосида Тяншанда Алъп музиклари мавжудлиги масаласи ижобий ҳал қилинди, немис географи Гумбольдтнинг Тяншандаги вулқон ҳодисалари ҳақидағи фикрлари рад қилинди. Тяншанни текшириш рус география фанининг әнг муҳим хизматла-ридан биридир.

Рус табиатшуноси ва сайёхи А. П. Федченко (1844 – 1873) Туркистон табиатини ўрганишда катта роль үйнади. Ү Фарғона водийси билан Олойни биринчи марта текшириб чиқди; Олой орқасидаги тизма тоғлар ва унинг әнг баланд чўққисини очиш шарафи ҳам унга насиб бўлган, у Зарафшон водийси билан Қизилқумни ҳам текшириб чиқсан.

Геолог ва географ И. В. Мушкетовнинг (1850 – 1902) илмий хизматлари ҳам катта. Шимолий Тяншан тизма тоғи орографиясининг геологик асосларини дастлаб у кўрсатиб берди. У Туркистондаги кўнгина фойдали қазилма конларини таърифлаб, „Туркистон минералларининг дастлабки рўйхатини тузиб чиқди, 1877 - 1879 йилларда Мушкетов геологик текшириш ишларини бажариш мақсадида Олой, Помир, Бухоро, Ҳисорга, Амударё бўйлаб ва Қизилқумга саёҳат қилди. 1880 йилда эса Зарафшон музлигига илмий сафар уюштириди. Мушкетов 1881 йилда (Г. Д. Романовский билан биргаликда) Туркистоннинг биринчи геология харитасини тузди. Ўрта Осиё геология тузилишининг биринчи илмий концепциясини таклиф қилди, уни ўрганиш босқичларини кўрсатиб берди. И. В. Мушкетов ўз тадқиқотларини ва Туркистонни ўрганган бошқа олимларнинг илмий ишларини ўзининг машхур «Туркистоннинг геология ва орография таърифи» монографиясида умумлаштирган. Бу монографияга ёзилган катта муқаддима тарихшунослик нуқтай назаридан ёндошилган «Ўрта Осиёни ўрганиш тарихи»га илова қилинган.

Ўрта Осиё тупрогини ўрганишда ҳам рус тадқиқотчи-

лари кўп меҳнат сарф қилишган. Машҳур рус олими, ҳозирги замон илмий тунроқшунослигига асос солған В. В. Докучаев (1846–1903) ўзининг қўпгина асарларида бу соҳада дастлабки (1898 йилда) маълумотларни берган.

Ҳарбий топографлар ҳам қунт билан унумли ишлар қилганлар, Туркистон ҳарбий топография бўлими тузиленгана қадар (1867 йил) ўлка топография жиҳатидан қарийб бутунлай ўрганилмаган эди. Фақат Каспий ва Орол дengизи соҳилларида, Сирдарё ва Амударёнинг этак томонлари, Балхаш кўли соҳиллари ва бошқа баъзи жойларда бир қадар аниқ ярим инструментал ва кўз билан ўлчангандек тасвирга олишлар ўтказилган эди, холос. Ҳарбий топография бўлими олдида табиий контрастлари бир-биридан кескин фарқ қиласидан жуда катта ҳудудни кенг кўламда суратга туширишдек мashaқатли вазифа туради. Бўлим «хизмат юзасидан лозим бўлган» баъзи бир зарур хўжалик ва ҳарбий эҳтиёжларни таъминлаш билан чекланиб қолмасдан, Ўрта Осиёнинг бош харитасини тузиш ишига киришиб кетди.

Туркистон босиб олингандан кейин ўлкани харитага тушириш ва иқлимини ўрганиш учун илмий база яратиш масаласи туғилди. 1867 йилда Тошкент метеорологик маркази тузилди, бир оз вақтдан кейин шундай марказлардан бир қанчаси бошқа ерларда ҳам вужудга келди.

Тошкентда фалакиётшунослик расадхонаси яратиш юзасидан тайёргарлик ишлари олиб борилди ва 1874 йилда Руссиядаги энг қадимги Пулково расадхонаси ходимларининг ёрдами билан шундай расадхона очилди. Шарт-шароитнинг қийинлигига қарамай, бу соҳада катта ютуқлар қўлга киритилди. Расадхона ходимлари ҳозирги Ўрта Осиё республикалари ҳудудида қарийб 870 фалакиёт манзилларини аниқладилар. Расадхона ходимлари ўз ташабbusлари билан илмий-текшириш ишлари олиб бордилар. И. И. Померанцевнинг Фарғона водийсида геоид шакли устида олиб борган текширишлари (1896 йилда), Д. Д. Гедеоновнинг Тошкент кенглигининг ўзгариши ҳақидаги тадқиқотлари (1895–1896 йилларда) диққатга сазовордир. Бироқ кадрлар етишмаслиги ва ажратилган маблағнинг озлиги сабабли расадхона тадқиқот ишларини режали равишда мунтазам олиб бора олмади.

Ўлкани ўрганишда статистика қўмиталари ҳам муҳим роль ўйнади. 1868 йил январда Туркистон статистика

қўмитаси тузилди. Унинг ташаббуси билан 1872 йилдан «Туркистон ўлкаси статистикаси учун материаллар» номли тўплам чиқарила бошланди: (1872 – 1876 йиллар ичида ҳаммаси бўлиб 5 тўплам чиқарилди.) 1887 йил биринчي январдан бошлаб Сирдарё (Тошкентда), Самарқанд (Самарқандда), Фаргона (Янги Марғилонда) вилоятлари статистика қўмиталари тузилди. Қўмиталар вилоятларга хос обзорлар нашр қилиб, уларда «табиий ва ишлаб чиқариш ишлари», ҳалқ ҳўжалиги, сугориши тизимлари, йўллар, аҳоли ва унинг машғулоти, ўлпон ва солиқлар, маъмурий тузилиш, соғлиқни сақлаш ва маориф, жамоат ободончилиги, об-ҳаво кузатишлари ва ҳоказолар ҳақидаги муфассал маълумотлар берилди. 1886 – 1913 йилларга оид «Сирдарё вилояти обзорлари» (Тошкент, 1887 – 1916 йиллар), 1884 – 1913 йилларга оид «Фаргона вилояти обзорлари» (Янги Марғилон-Скобелев, 1889 – 1916 йиллар) нашр қилинган эди. Қўмиталар булардан ташқари яна ўз ишлари ҳақида ҳисоботлар ва бошқа китобларни ҳам нашр қилдирди.

Ўрта Осиё ҳалқларининг турмушига багишланган, илмий ва ўлқашуносликка доир турли хабарлар ва мақолалар «Туркестанские ведомости» ҳамда «Туркистон вилоятининг газети» (Тошкент, 1870 – 1917 йиллар) ва бошқа маҳаллий матбуотда мунтазам босилиб турди.

1870 йилда Тошкентда очилган Туркистон ҳалқ кутубхонаси (ҳозирги Алишер Навоий номидаги Ўзбекистон миллий кутубхонаси) ўлкани ўрганиш билан шуғулланувчи барча тадқиқотчилар, айниқса маҳаллий ходимлар учун катта аҳамиятга эга бўлди. Кутубхона ташаббускор библиофиллар (китоб мухбирлари) ва библиографларнинг кўрсатган фаолияти асосида ўлкани ўрганишга доир қимматли асар ва материаллар билан бойиб борди. Кутубхона очилиши вақтида фақат 1700 жилд китоб бор эди, 1917 йилга келиб ундаги китоблар сони 80 минг жилдга етди. Кутубхона фондида сақланётган адабиёт ва манба мажмуаларидан «Ўрта Осиёга, айниқса Туркистон ўлкасига тааллуқли Туркистон асарлар ва мақолалар тўплами» жуда ҳам қимматли асар бўлиб, шу кунларда ҳам ўз аҳамиятини йўқотмаган. Бу тўплами тузиш ишларини кўзга кўринган рус библиографи В. И. Межов Петербургда 1868 йилдан бошлаб 20 йил давомида олиб борган эди. 1888 йилда «Туркистон тўплами»га кирган катта-катта жилдларнинг сони 416 га етганда (булар 1867 – 1887 йилларда

тўпланган материаллар эди) ўлкадаги чор маъмурияти-нинг буйруғи билан «маблағ йўқлиги сабабли» бу ишлар тўхтатилган эди. В. И. Межов «Туркистон тўплами»га уч китобдан иборат систематик ва алфавит кўрсаткич тузган. 1872 йилда А. Л. Кун ва бошқа шарқшунослар машҳур «Туркистон альбоми» (Туркистон ўлкасининг этнография, археология, касб-ҳунар ва тарихига доир суратли альбом)ни тузиб тамомладилар. Бу нодир асар ҳозиргача ҳам ўз илмий қимматини йўқотгани йўқ. Альбом 1262 дона рангли ва рангиз фотосуратлар ёпиширилган 447 картондан иборат бўлиб, Россияда фақат уч кутубхона – император кутубхонаси, Фанлар академияси кутубхонаси ва Туркистон кутубхонасигина фахрлана оладиган, бадиий жиҳатдан ғоят ноёб асар эди.

1917 йилга қадар ўлкадаги илмий жамиятлар томонидан ҳаммаси бўлиб Рус география жамиятининг Туркистон бўлими «Ахбороти»нинг 13 жилди (1898 – 1917 йиллар), Туркистон археология ва ҳаваскорлар тўгарагининг мажлиси қарорлари ва ахборотларидан 21 тўплам (1896 – 1917 йиллар), Туркистон қишлоқ хўжалиги жамияти томонидан «Туркистон қишлоқ хўжалиги», журналидан 142 сон (1906 – 1917 йиллар), «Туркистон деҳқони» журналидан 60 сон (1915 – 1917 йиллар), Шарқшунослик жамияти Тошкент бўлими «Ахбороти» нинг 6 сони (1908 – 1909 йиллар), бундан ташқари яна илмий-тиббиёт жамиятларининг кўпгина протокол ҳамда асарлари ва бошқалар босиб чиқарилган эди.

Ўзбекистоннинг ва умуман бутун Туркистоннинг ёдгорликлари кўпдан буён олимларнинг диққатини ўзига жалб қилиб келарди. XIX аср давомида осори атиқалар устида археологик кузатишлар, қидирув ишлари олиб борилди. Бу соҳадаги ишлар П. И. Лерх, Н. И. Веселовский, В. А. Жуковский, В. В. Бартольд ва маҳаллий туркистоншунослардан М. С. Андреев, В. Л. Вяткин, А. Л. Кун, А. А. Семёнов ва бошқаларнинг номлари билан боғлиқдир.

Собиқ Туркистоннинг қадимий ёдгорликларини ҳисобга олиш ва текширишга марказдаги илмий муассасалар: император археология комиссияси, айниқса Рус археология жамиятининг Шарқ бўлими, шунингдек, 1903 йил апрелда ташкил қилинган Ўрта ва Шарқий Осиёни тарихий, археологик, лингвистик ва этнографик жиҳатдан ўрганиш қўмитаси ҳам эътибор берди.

Рус ҳаваскор коллекциячилари: Баршевский, Вят-

кин, Добромуслов, Кастанский, Комаров, Петров-Борзна, Пославский, Столяров, Терентьев, Трофимов ва бошқаларнинг тўплаган кўпдан-кўп маълумотлари ҳаммага машҳур эди.

Археология йиғмалари 1871, 1874, 1889 йилларда Тошкент, Самарқанд ва Фарғонада очилган музейларда сақланади.

Ўрта Осиё тарихига оид энг муҳим манбалардан бири Муҳаммад Наршахийнинг «Бухоро тарихи» (Х аср) асари Н. С. Ликошин томонидан рус тилига таржима қилиниб, 1897 йилда нашр этилиши (В. В. Бартольд таҳрири остида) катта аҳамиятга эга бўлди.

Қадимги меъморчилик ёдгорликларидан асосан Самарқанд ёдгорликлари ўрганилди. 1895 йилда Н. И. Веселовский раҳбарлиги остида ва меъмор А. В. Шчусев ва бошқа мутахассислар иштирокида Император археология комиссияси Гўри Амирни меъморчилик, декорация нуқтаи назаридан ўрганиш учун илмий сафар уюштириди. Бу илмий сафар ишларининг натижалари 1905 йилда ажойиб альбом ҳолида нашр этилди<sup>1</sup>.

Ўрта Осиё чор Россияси тарафидан босиб олинганидан кейин Ўзбекистоннинг тарихи ва археологиясини ўрганиш билан бирга, бутун ўлкани этнографик жиҳатдан ўрганиш ишлари ҳам бирмунча кенгайтирилди. Бу ишларда шарқшунос мутахассислар билан бир қаторда, ҳаваскор ўлкашунослар ва мансабдорлар, кўпроқ ҳарбийлар орасидан чиқсанлар ҳам қатнашдилар. Улар Туркистон ўлка идора органларидаги хизматларининг берган имкониятидан фойдаланиб, ҳалқ турмушини ўргандилар, турли жойларга бориб маҳаллий аҳоли билан алоқа боғладилар.

В. В. Бартольд, Н. И. Веселовский, В. В. Радлов, А. Н. Самойлович сингари машҳур шарқшуносларнинг айрим асарлари этнография нуқтаи назаридан катта аҳамиятга эгадир. Туркистонда маҳаллий аҳоли орасида ишлаб келган рус шифокорларининг эълон қилган мақола ва маълумотларида ҳам этнографияга оид кўпгина қимматли маълумотлар бор.

Этнографик кузатишлар билан бир қаторда ўзбек ҳалқининг турмуши ва майний буюмлари (кийим-бош,

<sup>1</sup> Я. F. Ғуломов. Ўзбекистонда археология. «Қизил Ўзбекистон», «Правда Востока», «Ўзбекистони сурҳ» бирлашган нашриёти, Тошкент, 1956, 7—8-бетлар.

зеб-зийнат, қурол-яроғ, уй-рўзғор буюмлари, ишлаб чиқариш қуроллари)дан коллекциялар тўплаш ишлари ҳам олиб борилди.

Халқ ҳўжалигини ўрганиш соҳасида ҳам баъзи ишлар амалга оширилди. А. Ф. Миддендорфнинг «Фаргона водийси» деган асари ва шунга ўхшаш бошқа жуда кўплаб асарлар ҳозиргача ҳам ўзининг илмий аҳамиятини йўқотганий йўқ.

Ўзбекистон аҳолиси таркибини ўрганишга ҳам маълум даражада эътибор берилди. А. И. Пашино, П. С. Назаров, И. И. Краузе каби олимларнинг касб-ҳунар ишларини ўрганишга бағишлиланган асарлари босилиб чиқди.

XIX аср охири ва XX аср бошларида Ўрта Осиё гиламларига Россия ва Европа мамлакатлари жуда қизиқиб қолишди. 1908 – 1909 йилларда А. А. Боголюбов томонидан тузилган альбом босилиб чиқди. Бу альбомда жуда кўп хил гилам нусхалари (кўпроқ туркман гиламлари, қисман ўзбек гиламлари ва бошқалар) кўрсатилган эди. Боголюбов бу альбомда биринчи марта уларни илмий асосда таснифлашга уриниб кўрганди. Боголюбов альбомидан сўнг А. Фалькерзам, С. М. Дудин ва бошқаларнинг Ўрта Осиё гиламларини муфассал таърифлаган китоблари чоп этилди.

Ўлкани ўрганишда зарур талаблар олимлар олдига янгидан-янги вазифаларни кўндаланг қилиб қўйди. Бу вазифаларни ҳал қилиш учун катта-катта маблаг керак эди. Бироқ ўлкада давлат илмий-текнериш муассасалари деярли бутунлай йўқ эди. Бу ҳам ўлкадаги олимларни, умуман рус зиёлилари намояндаларини Москва ва Петербургдаги йирик олимларнинг қўллаб-қувватлаши билан ўлкада илмий жамиятлар туза бошлашга ундади. Илмий жамиятларнинг пайдо бўлиши бу ерда маҳаллий туркистоншунос ходимлар пайдо бўлганлигидан ва уларнинг ишларини ўзаро мувофиқлаш зарурлигидан далолат берарди.

Қисқа муддат ичida Туркистон илмий жамиятлари ўлкани ўрганиш тарихида мустаҳкам ўрин олдилар. Булардан баъзи бирлари фақат маҳаллий аҳамиятга эга бўлган жамиятлар (масалан, Ўрта Осиё олимлар жамияти, илмий-тиббиёт жамияти) бўлса, бошқалари Умумроссия илмий жамиятларининг бўлимлари (Рус география жамияти, Рус техника жамиятининг ҳамда табииёт,

археология, антропология ва этнография ҳаваскорлари жамиятининг Туркистон бўлимлари) эди.

1870 йилда Урта Осиё олимлари жамияти пайдо бўлди. Бу жамият ўз олдига Урта Осиё тарихи, географияси, этнографияси, статистикаси, иқтисодиётига оид маълумотларни тўплаш, ишлаш ва тарқатишни мақсад қилиб қўйган эди. Унинг биринчи очиқ мажлиси 1871 йил 28 январда бўлди.

Шу билан бир вақтда А. П. Федченконинг фаол иштироки билан табииёт, археология, антропология ва этнография ҳаваскорлари жамиятининг Туркистон бўлими очилди. Бўлим аъзолари орасида Н. А. Северцов, И. В. Мушкетов, В. Ф. Ошанин каби рус олимлари бор эди. Бўлим 1879 йилда «Табииёт, археология, антропология ва этнография ҳаваскорлари жамияти Туркистон бўлимининг хотиралари» деган ўзининг биринчи ва сўнгги асарини босиб чиқарди. Бу тўпламга кирган мақолалар орасида Н. А. Северцовнинг «Помир умуртқали фаунасидан маълумотлар» мақоласи, Н. Б. Тейхнинг ўлка иқлими таърифига бағишланган ишлари ва бошқалар диққатга сазовордир. Бўлим бу жамиятининг Москвада 1872 йилда ташкил қилинган иккинчи политехника кўргазмасида Туркистон бўлими нинг иштирок этишини~~та~~ тайёргарлик кўриш юзасидан катта ишлар олиб борди~~Урта Осиё олимлар~~ жамиятида бўлгани сингари, бу бўлим мажлисларида ҳам қимматли илмий ахборотлар ва маърузалар тингланди. Жамиятининг 1878 йилда В. Ф. Ошанин раҳбарлиги остида ташкил қилинган илмий сафари натижасида Буюк Пётр тизма тоғлари очилди, Муғсув дарёсининг манбаларидағи музлик топилиб, унга А. П. Федченко номи берилди. Маблағ йўқлиги туфайли бўлим жуда катта қийинчилкларни бошидан кечирди ва тахмина~~ц~~ 1893 йилда ўз фаолиятини тўхтатишига мажбур бўлди~~и~~

Ўлкада ишлаб турган ҳаваскор археологлар 1895 йилда Туркистон археология ҳаваскорлари тўғарагига бирлашди. Фаннинг бошқа соҳаларида бўлгани сингари бунда ҳам тадқиқот ишлари режали ташкил қилинмасди, мутахассислар йўқлиги туфайли тадқиқот ишларини олиб боришга имкон ҳам йўқ эди. Археология ишлари асосан ёзув манбаларига қараб қадимги замон ёдгорликларини ўрганишдан, айrim археологияга оид манзилларни текшириб, аниқлашдан иборат бўларди, аҳён-аҳёнда археологияга оид қазишлар ўтказиларди. Туркистон

археология ҳаваскорлари тұғараги аъзолари томонидан Фарғона тоғ тизмаларидаги Соймайлитош деган жойда тоңға үйіб солинган жуда күн суратларнинг топилиши, машхур Бия-найман оссуарийлари ва ҳоказоларнинг очилиши фан солномаларига жуда ҳам мұхим илмий кашфиётлар бўлиб кирди.

Тұғарак аъзоларининг тұплаган ҳақиқий маълумотлари, илк марта тоңган материаллари ундан кейинги тадқиқотчилар учун ёрдамчи маълумот бўлди ва үтмиш ёдгорликларининг замонлар үтиши билан йўқолиб кетган кўплаб тафсилотларини, шу ёдгорликлар билан боғлиқ бўлган фольклор ва ёзма манбаларни қайд қилишга имкон берди.

Тұғарак аъзоларининг ўртага қўйған масалалари ва мулоҳазалари, гарчи мунозарали ва замон синовига бардош бера олмаган бўлса-да, ҳар ҳолда бутун давр учун шубҳасиз, катта аҳамиятга эга эди. Уларнинг бу ишлари тадқиқотчилик фикрининг ривожланишига туртки бўлди, унга илмий жамоат диққатини тортди. Машхур рус шарқшуноси В. В. Бартольд тұғарак ишларига катта ёрдам кўрсатди.

Маҳаллий илмий ходимлардан бир гурухи (В. Ф. Ошанин, С. И. Жилинский ва бошқалар)ning ташаббуси билан 1897 йил бошида рус география жамиятининг Туркистон бўлими ташкил қилинган эди. Бу жамият бўлими орқали Орол денгизи ва Балхаш кўли, Туркистон музликлари ва ҳайвонот дунёсини ўрганиш сингари жуда мұхим ишлар олиб борилди. Фойдали қазилмалар қидириб тонилиб текширилди, Ўрта Осиёда зилзила сабаблари ва оқибатларини аниқлаш ишлари олиб борилди ва ҳоказо.

Туркистон қишлоқ хўжалик жамияти маҳаллий қишлоқ хўжалик ишлаб чиқаришини ривожлантиришга каттагина ҳисса қўшди. Жамият ҳозирги замон агрономия билими ва усулларини ташвиқот қилди, пахтачилик, инакчilik, асаларичилик ва шунга ўхшаш соҳаларга оид янги адабиётлар тарқатди. Жамиятнинг ўлкада янги, яхшиланган гўза навларини ўрганиш, кашф қилиш ва ёйишда ва умуман, пахтачилик хўжалигини самарали усуlda олиб бориш соҳасида қилинган ишларни қайд этиб ўтмоқ керак. Жамият кўпдан-кўп қишлоқ хўжалик саноат кўргазмалари ташкил қилди, қишлоқ хўжалик ходимларининг съездларини уюштируди. 1900 йилда Тошкентда қишлоқ хўжалик музейи очилди, контрол-

урұғчилык станцияси ва бошқа ёрдамчи муассасалар ташкил этди.

Үлкәнда ҳаммаси бўлиб 15 га яқин илмий жамият иш олиб борди (фаол иш олиб бориб, фанда из қолдирган илмий жамиятлар назарда тутилади). Улар геология, география, зоология, ботаника, иқтисодиёт (қишлоқ хўжалиги, саноат), тарих, шарқшунослик, археология, этнография, антропология, илмий тиббиёт ва шу каби билим тармоқлари ва ёрдамчи илмий фанлар соҳасида тадқиқот ишларини олиб борганлар<sup>1</sup>.

Мустамлака Туркистон шароитида илмий жамиятларнинг фаолияти маҳаллий аҳоли ўртасига ёйилмади. Илмий тиббиёт жамиятлари бундан бир қадар мустаснодир.

Үлкәнда Фарғона тиббиёт жамияти (1892—1910 йиллар), Туркистон шифокорлар жамияти (1899—1909 йиллар), Туркистон тиббиёт жамияти (1900—1908 йиллар), Туркистон ўлка тиббиёт, табиатшунослар ва шифокорлар жамияти (1913—1922 йиллар) иш олиб борди. Бу жамиятлар маҳсус тиббиёт кутубхоналари барто этди, шифокорлик ишларини ташкил этиш ва яхшилаш масаласини, кишиларнинг соғлиғи ва ҳаётига заарли бўлган ўрта асрчилик қолдиқларига қарши кураш олиб бориш масалаларини ўртага қўйиб, уларни муҳокама қилди.

Тошкентда, Андижонда ва ўлканинг бошқа шаҳарларида (гарчи маблағ йўқлигидан жуда оз миқдорда бўлсада) янги тиббиёт марказлари, эркак ва аёллар учун амбулаториялар, касалхоналар очилганлиги, уларда тикинга ёки жуда арzon нарх билан маҳаллий аҳолига тиббиёт хизмати кўрсатилганлиги тиббиёт жамиятларининг хизматидир. Шу тиббий муассасалар ўн мингларча бетобларга хизмат кўрсатди, буларнинг кўнчилиги умрида биринчи марта журъат этиб малакали тиббий ёрдам сўраб мурожаат қилган эди.

Илмий жамиятлар ҳузурида фаол ўлкашунослар, маҳаллий мухбирлар пайдо бўлди. Масалан, ўтган асрнинг 80—90- йилларида ёк Туркистонда кўпроқ рус тадқиқотчилари, коллекциячилари ва илмий жамиятларнинг

<sup>1</sup> Бу жамиятларнинг фаолияти ҳақида батафсил қаранг: Лунин Б. В. «Научные общества Туркестана и их прогрессивная деятельность», Ташкент, Изд-во «Наука», 1962.

таъсири остида осори атиقا ҳаваскорлари, қадимги ёдгорликларни тўплайдиган ҳаваскорлар етишиб чиқди. Булар орасида самарқандлик Мирзо Бухорий, Мирзо Абдуллонинг номи алоҳида ажralиб туради. Мирзо Бухорий жуда кўп археологик-нумизматик коллекциялар тўплаган бўлиб, буларнинг бир қисми Эрмитаж коллекцияларига кирган. Ажойиб санъаткор-хаттот Мирзо Барот Мулло Қосимов Самарқанд ва унинг атрофларидаги кўпдан-кўп қадимги замон ёдгорликлари суратини чизган. Улуғбек мадрасасининг ғоят аниқ эскизини тайёрлаган эди.

А. Л. Куннинг Искандаркўл илмий сафарида қатнашган Мирзо Абдулло Абдураҳмон фанга қадимги тошларга ва қабр тошларига ёзилган хатлар қайд қилингандан ажойиб кундалик дафтар қолдириб кетган.

Бухорода қадимги гиламлар, қўлёзмалар, нодир сопол идишлар тўплаган Муҳаммад Вафо тез орада машҳур бўлиб кетди. Ҳаваскор географлардан Олимхўжа Юнусов, Мирза Ҳаким ва бошқалар Рус география жамияти Туркистон бўлимининг ходимлари бўлиб ишлашарди (Булар ҳақида батафсилоқ маълумот кейинги бандларда берилади).

Туркистон ўлкасида туғилиб ўсган кишилардан анчамунчалари фойдали қазилмалар топиш ва уларни тавсифлаш, қадимги замон ёдгорликларини қидириб топиш ва шу каби ишларда қатнашдилар.

XX аср бошларида ҳам Туркистондаги илмий жамиятлар ўз фаолиятини давом эттириди. Рус география жамиятининг Туркистон бўлими ўлкани табиий-тарихий жиҳатдан ўрганиш, унинг ўсимлик ва ҳайвонот дунёсини, иқлимини тадқиқ этиш борасида каттагина ишлар қилди. Жамият бўлими томонидан олиб борилган ишлар орасида Л. С. Бергнинг (1876 – 1950) тадқиқотлари катта ўрин тутади. У 1899 – 1903 йиллар ичida Ўрта Осиёнинг энг катта сув ҳавзалари – Орол денгизи билан Балхаш кўлини тадқиқ қилиб чиқди. 1908 йилда Л. С. Бергнинг «Орол денгизи» деган монографияси босилди. Унда бу катта кўлни ҳар тарафлама ўрганиш натижалари баён қилингандан улардан хуолосалар чиқарилган. Л. С. Берг асарида сув режими ўзгариши ва денгиз сатҳи ўзгариб туриши муносабати билан Амударё ва Оролбўйи соҳилларига аҳоли жойлаштирилишига оид бой тарихий маълумотлар берилган.

Жамият бўлими Туркистон музликларини ўрганиш

соҳасида катта ишлар олиб борди. Г. Б. Леонов Талас Олатови музикларини, Н. А. Корженевский Селдара ва Қорасел музикларини тадқиқ қилди (булардан биринчисига Федченко номи, иккинчисига Мушкетов номи берилган), В. Г. Городецкий Заилий Олатов музиклари ни тадқиқ қилди.

В. Ф. Ошанин ўлка ҳайвонот дунёсини тадқиқ қилишни давом эттириди; Н. А. Зарудний Туркистон паррандаларини ўрганди; Б. А. Федченко ва унинг онаси О. А. Федченко ўлканинг ўсимлик дунёсини тадқиқ қилди. Бу ишлар натижасида жамият бўлимининг асарларида ўсимлик ва ҳайвонот дунёсининг 80 хил янги уруғ, тур ва кичик турларини таърифловчи маълумотлар эълон қилинди.

Б. А. Федченконинг 1915 йилда эълон қилинган «Туркистон ўсимлари» деган асарида Урта Осиёда маълум бўлган 5030 дан кўпроқ ўсимлик хиллари кўрсатиб ўтилган.

Туркистонда бўлган зилзилаларни Б. Я. Короленко, Г. Б. Леонов ва бошқалар ўрганган.

Шарқшунослик жамияти Тошкент бўлимининг фаолияти (1901—1913) ҳам диққатга сазовордир. Бу бўлим ташаббуси билан ўлкада туб жой аҳолининг рус тилини ўрганиши учун бенул кечки курслар ташкил қилинган. Бу курсларда ҳунарманд-косиблар ва шаҳар аҳолисининг қўйи табақасидан бўлган бошқа кишилар ўқиган.

/ 1906 йилда жамият бўлими С. М. Соловьевнинг «Бошланғич ўқиш учун рус солномаси»ни нашр қилди, буни ўзбек тилига Н. С. Ликошин таржима қилганди. Бу асар 2700 нусхада бўлиб, рус-тузем мактабларига бенул тарқатилди. Бунда, албатта, умумий таълим мақсадигина эмас, шу билан бирга, сиесий мақсадлар ҳам кўзда тутилган эди. Тошкентда шарқшунослик ўқув юрти очиш йўлида қилинган ҳаракатлардан натижа чиқмади.

1907 йилда библиограф И. В. Дмитровский раҳбарлиги остида «Туркистон тўплами»ни тузиш ишлари янгидан бошланди. 1917 йилга қадар тўплам жилдари-ning сони 394 га етказилган эди (ҳозир тўплам Алишер Навоий номли Ўзбекистон Давлат ҳалқ кутубхонасида сақланади<sup>1</sup>). Юқорида кўрсатиб ўтилганидек, бу тўплам жуда ҳам қимматли ва нодир ёдгорлик ҳисобланади. Унда

<sup>1</sup> 1952 йилда Москвадаги Давлат ҳалқ кутубхонасида «Туркистон тўплами»нинг яна 29 жилди топилди.



В. В. Бартольд

Ўрта Осиё тарихинигина эмас, шу билан бирга, бутун «мусулмонлар Шарқи» тарихига ҳам оид жуда кўп биринчи манбаларни пухта ўрганиш имкониятига эга бўлди.

Унинг «Туркистон мўгуллар хуружи даврида» (1898 – 1900 йиллар) сингари асарлари пухта тўпланган, тадқиқ қилинган, асл нусхали маълумотларга бойлиги жиҳатидан Ўрта Осиёнинг ўтмишини ўрганишда фанга қўшилган ғоят катта ҳиссадир. В. В. Бартольднинг «Улуғбек ва унинг замони», «Туркистоннинг суғориш тарихига доир» номли асарлари ва бошқа кўп китоб, мақола, тадқиқот ва мулоҳазалари ғоят қимматли ва ўз аҳамиятини йўқотмаган асарлардир. В. В. Бартольдда катта ташкилотчилик қобилияти ҳам бор эди. Дарҳақиқат, Ўрта Осиёнинг тарихи ва археологиясини ўрганиш соҳасидаги бирон каттароқ тадбир В. В. Бартольд иштирокисиз бўлмаган.

Полковник А. Г. Серебренников тўплаган Ўрта Осиёни забт этиш тарихига оид 70 та катта-катта жилдан иборат маълумотлар Ўрта Осиёнинг 1839 йилдан 1876 йилгача ўтган давр тарихини ўрганишда маълум даражада қизиқарли манбадир. Булар Петербург, Москва, Оренбург, Тифлис ва Омск архив маълумотлари

Ўрта Осиё ва унга қўшни бўлган Шарқ мамлакатларининг тарихи, археологияси, этнографияси, адабиёти, иқтисодиёти, маданият тарихи ва бошқа масалаларига оид кенг маълумотлар бор.

Ўрта Осиё тарихи ва археологияси XX аср бошидан чуқурроқ текширила бошланди. Бунда биринчи ва раҳбарлик ўрнида, шубҳасиз, ғоят билимдон олим, машҳур шарқшунос академик В. В. Бартольд (1869 – 1930) турган эди. У шарқ тилларини яхши билганидан ҳамиша унинг илмий фаолияти марказида турган

асосида танлаб олинган. Булардан фақат 14 жилди нашр қилинган, холос.

Маҳаллий археологлардан В. Л. Вяткиннинг (1869 – 1932) ишлари диққатга сазовордир. Бу олим 1908 йилда Самарқанддаги машҳур Улуғбек расадхонасиning қолдиқларини очди, Самарқанд ёдгорликларини ўрганиш ва сақлаш билан шуғулланди, қадимги Афросиёб қўрғони ва унинг атрофларини тадқиқ қилди.

В. В. Бартольд ўзининг 1894 йилда босилиб чиқсан «Туркистонда археологик тадқиқотлар масаласига доир» китобида ўлкани жиддий равишда ўрганиш ҳали олдимида турибди, бу ишда бош ролни маҳаллий илмий кучлар ўйнамоги лозим, деган эди. Унинг таклифи билан 1895 йили октябрь ойида Туркистон археология ҳаваскорлари тўғараги ва унинг низоми тасдиқланди. Низомда жумладан шундай дейилган эди:

1. Туркистон ўлкасидаги қадимги ёдгорликларни ўрганиш; а) уларни таърифлаб, ўлканинг археологик харитасида акс эттириш; б) археологик ёдгорликларни сақлаш; в) ҳудуд әгаларининг рухсати билан ундаги археологик ёдгорликларни қазиш; г) археологик материалларни нашрга тайёрлаш.
2. Тўғарак фахрий ва ҳақиқий аъзолардан ҳамда ҳамкор (ходим)лардан тузилади.
3. Тўғаракнинг ҳақиқий ва ҳамкорлик аъзолигига маҳаллий археология масалалари билан қизиқувчи, унга аъзолик бадалларини тўлаб турувчи ҳар бир киши сайланана олади. Сайланувчиларнинг унвонига, келиб чиқишига, миллатига ва жинсига қаралмайди.
4. Ҳақиқий аъзолар ўз ичидан бир йил муддатга бошқарма сайлайди. Бошқарма раис, котиб ва хазиначидан иборат бўлади.
5. Бошқарма тўғарақдаги ишларни олиб боради, қайси ёдгорликни қазиш, тадқиқ қилиш кераклигини аниқлади, маҳаллий идоралар ва Россия археология комиссияси билан алоқа ишларини олиб боради ва ҳоказо.
6. Тўғаракнинг умумий мажлисларига ҳар бир қизиқувчи киши қатнаша олади.
7. Тўғаракнинг бўйимларини бошқа шаҳарларда ҳам очиш мумкин.
8. Тўғарак маблағи ҳақиқий аъзолар, ҳамкорлар тўлайдиган бадаллардан ҳамда археология ҳаваскорлари томонидан бериладиган ҳадялардан ташкил топади<sup>1</sup>.

Тўғаракка Туркистон генерал-губернатори ба-

<sup>1</sup> А. Сабденев. XIX асрда Туркистонда тарих фани. Ўздавнашр, 1960 йил, 72-бет.

рон Б. А. Вревский фахрий раис қилиб сайланганди. Тўгаракнинг 108 аъзоси бўлиб, булар ичида В. В. Бартольд, Д. М. Левшин, Н. С. Ликошин, К. В. Аристов, В. Ф. Ошанин ва бошقا машҳур кишилар ҳам бор эди. Тўгаракда илғор кайфиятдаги рус зиёлиларининг таъсири кучли эди. Улар Ўрта Осиё тарихи ва қадимги ёдгорликларга ҳурмат билан қараб, жиҳдий илмий-текшириш ишларини жонлантириб юборган эдилар.

#### 4. Рус шарқшунослигининг маҳаллий тарихчиликка таъсири

Рус шарқшунослиги ўзининг ғоят катта илмий фаолияти билан маҳаллий тарихчиликка шубҳасиз катта таъсир қўрсатди. Рус шарқшунослари Ўрта Осиё тарихи юзасидан жиҳдий тадқиқот ишлари олиб бориш билан бирга, бу ишга ерли тарихчи ҳаваскорларни ҳам жалб қилиш, улар билан ҳамкорликда иш олиб боришга ҳаракат қилди. Туркистонга келган шарқшунослар маҳаллий тарихчи ва ҳаваскорлар ўртасида юриб ва яшаб, Ўрта Осиё тарихи ҳақида муҳим маълумотлар ва асарларни тўпладилар ва шу ҳақда тушунтириш ишлари олиб бордилар. Тошкентлик тарихчи Муҳаммад Солиҳ Қорахўжа ўғли ўзининг «Тарихи жадида-и Тошканд» деган асарида Искандар тўра исмли бир рус олимининг уйига келгани, у билан суҳбатлашгани ва Ўрта Осиё тарихига оид кўп саволлар бериб, баҳслашгани ҳақида ёзади. Искандар тўра аслида Александр Кун бўлиб, маҳаллий халқ қадимдан Александр исмини Искандар деб аташади. Фақат А. Куннинг әмас, балки Ўрта Осиёга келган барча шарқшуносларнинг ҳам халқ орасида юриб тарихга оид саволлар бериши, айрим масалалар юзасидан баҳслashiшлари ҳамда уларга йўл-йўриқлар қўрсатишлари, шубҳасиз, ерли халқлар ўртасида тарихга қизиқиш ҳиссини ошириди. Бундай баҳслашувлар, савол-жавоблар маҳаллий халқ ўртасида «диний тус берилган» археологик ёдгорликлар ва тарихий ҳодисаларни аниқлашга, уларнинг сирини очишига ёрдам берди.

Ўша вақтда нашр қилинган «Туркистон вилоятининг газети», «Туркестанские ведомости» ва бошقا газета саҳифаларида маҳаллий тарихчи ва ҳаваскорлар томонидан ёзилган ёдномалар, ёдгорликлар ҳақидаги кичик-кичик хабарлар ва мақолалар, археологик коллек-

ىىялар рус шарқшуносла-  
рининг маҳаллий тарих-  
чиликка самарали таъсир  
кўрсатганлигини ва ерли  
халқ орасида ҳам тарихга  
қизиқиш авж олганлиги-  
ни кўрсатади. Рус шарқ-  
шунослиги бу туйғу ва  
интилишларни қизғин  
қарши олиб, қўллаб-  
қувватлаганлиги Турки-  
стон тарихчилигининг ри-  
вожланиши учун янги са-  
ҳифа очиб берди.

Сатторхон Абдугаф-  
форов ҳам рус шарқшу-  
нослигининг бевосита  
таъсири остида тарихчи-  
лар қаторидан ўрин ол-  
ган. У 1876 йили Пе-



*Сатторхон Абдугаффоров*

халқаро шарқшунослар съездига А. Кун, Жўрабек, тошкентлик Муҳаммадқулов, Абдулла Ниёзов ва бухоро-  
лик Мусажон Сайджоновлар билан бирга Туркистон  
вакили бўлиб қатнашади. У Туркистонга русларнинг  
келиши билан ўлкага рус фани ҳам кириб келганлигини  
таъкидлаб, бу орқали Туркистон дунё фанидан янада  
кўпроқ баҳраманд бўлишига ишонч билдириди. У ўзининг  
бу нутқи билан съезд қатнашчиларининг диққатига сазо-  
вор бўлди. Рус тилини қунт билан ўрганган Сатторхон  
рус тилида «Россиянинг истилосига қадар Қўқон хонли-  
гининг ички аҳволи ҳақида қисқача очерк» номли асари-  
ни ёзиб, «Туркестанские ведомости» газетасининг 1892  
йил 26, 36-сонида ва 1893 йил 61-сонида бостириди. Асарда  
Қўқон хонлигининг маъмурий бўлиниши, бошқарув  
идоралари, шаҳар ва қишлоқдаги амалдорлар, уларнинг  
ҳуқуқлари, ҳоким ва бекларнинг меҳнаткаш халқа  
нисбатан тутган сиёсати, гуноҳкорларга бериладиган  
жазолар, қўшиннинг тузилиши, шунингдек, синфий  
курашлар, яъни Хўжанд ва Ўратепада хонликка қарши  
кўтарилиган қўзғолонлар, Тошкент ҳокими Мирзаҳмадга  
қарши халқ қўзғолони ва унинг қўзғолончилар талабига  
рози бўлиши, Қўқон хонлигининг чор Россияси тарафи-

дан босиб олинниши каби масалалар ёритилган. Маҳаллий ўзбек тарихисининг рус тилида шундай бир тарихий асар билан майдонга чиқиши рус шарқшунослигининг бевосита катта таъсирини кўрсатади. Бу асар рус шарқшунослиги учун ҳам катта аҳамиятга эга эди.

Рус шарқшунослари, жумладан, Н. И. Веселовский раҳбарлигида Акром полвон Асқаров каби ҳаваскор тарихчи ва археологлар етишиб чиқди. Акром Асқаров Тошкентнинг Россия томонидан босиб олинганига қадар Қўйон қўшинида ноғорачи эди. Тошкент босиб олингач, у 1870 йилларда Тошкентда ташкил қилинган кўргазмаларда фаол қатнашди. Шарқшунослар таъсирида Туркистондаги ёдгорликларга қизиқиб қолади. Узининг ҳаваскорлиги ва қизиқувчанлиги билан бора-бора Туркистондаги фан аҳлига танила бошлайди. Акром Асқаров 1884 йилда археологияга оид қазиш ишлари ўтказиши мақсадида Туркистонга келган профессор Н. И. Веселовскийга ёқиб қолади, ёрдамчи сифатида у билан бирга Бухорода, Фарғона водийсида ва бошқа жойларда ўтказилган археологияга оид тадқиқотларда қатнашади, тез фурсатда археология билимини ўзлаштириб олади. Шунинг учун ҳам у Н. И. Веселовскийнинг «тез фурсатда археологияга оид ишларни ўзлаштириб олди» деган юксак баҳосига сазовор бўлиб археология соҳасида маҳаллий халқ орасидан етишиб чиққан бирдан-бир фан арбоби – амалиётчи билимдон сифатида танилди. Акром Асқаров Н. И. Веселовскийдан Туркистондаги археологияга оид ёдгорликларнинг қайси бири муҳим ва қайси бири устида иш олиб бориш зарурлигини сўраганда, у унга маълум кўрсатмалар бериб турди. Н. И. Веселовский Туркистондан кетгандан кейин Акром Асқаров бир неча йил мустақил равишда археологияга оид тадқиқот ишлари олиб борди. Унинг фаолияти ҳақида маҳаллий ва марказий матбуотда ҳеч нарса ёзилмаган бўлса-да, аммо унинг тўплаган бой ва қимматли археологияга оид ашёлар тўплами ўша йиллар давомида ниҳоятда самарали ва кенг кўламда иш олиб борилганидан далолат беради. Акром Асқаров 1891 йилда вафот этгач, унинг бой археологияга оид ашёлар тўплами жуда эҳтиётлик билан Петербургга олиб кетилиб, ҳозир ҳам Давлат Эрмитажида сақланмоқда.

«Туркестанские ведомости» газетасининг 1892 йил 31-сонида босилган профессор Эварницкийнинг «Акром Асқаровнинг археологияга оид ашёлар тўплами» номли

мақоласида берилган маълумотга кўра, ашёлар тўпламида 17 дона олтин пул, 1370 дона кумуш пул, 13 274 дона мис пул, неолит даврига оид тош болға, жездан ясалган сулуғ, жез ойна, жез искана, жез кетмонлар (мотига), турли жойларда тўплланган соподдан ясалган одам ҳайкаллари, бир бўлак нефрит, исирға, крест (бут), балдоқ, тумор, мис, сопол идиши ва шунга ўхшаш тарихий буюмлар бўлган. Акром Асқаровнинг фан учун қимматли бўлган бу ашёлар тўпламига профессор Н. И. Веселовский ҳам катта баҳо берган эди. Россия археология жамияти 1887 йилда унинг археология соҳасидаги хизматларини тақдирлаб, уни кумуш медаль билан мукофотлади. Ўзи тўплаган тарихий буюмларнинг тарихнинг қайси даврига оид эканлигини идрок қила олмаган бўлса-да, оддий бир ўзбекнинг ўша вақтда тарихий нодир буюмларнинг фан учун катта аҳамиятга эга эканини тушунгани ҳолда, фан учун то умрининг охиригача тинмай хизмат қилиши рус шарқшунослиги фаолиятининг самараси бўлиб, бу рус шарқшунослиги учун ҳам, маҳаллий тарихчилик учун ҳам янгилик ва фойдали иш эди.

Ўрта Осиё, шу жумладан Қўқон хонлиги, Наманган ва Тошкентда яшаган, ўзбек ҳалқининг тарихи, тилини ва урф-одатларини ўрганишда Владимир Петрович Наливкиннинг (1852 – 1918) ҳам қўшган ҳиссаси каттадир.

Унинг илмий фаолияти Ўрта Осиё ҳалқлари тарихи, тилини ва этнографиясини ўрганишдан бошланди. У рафиқаси М. В. Наливкина билан ҳамкорликда «Фарғона маҳаллий аҳолиси аёлларининг турмуши ҳақида очерк» деган китоб ёзди. В. П. Наливкин рус олимлари ичida биринчи бўлиб, маҳаллий тилларни ўрганиб, маҳаллий тарихчилар қўлёзма асарларини ўргангандан шулар асосида «Қўқон хонлигининг қисқача тарихи» ва «Русча-сартча ва сартча-русча лугат» ҳамда «Интиҳоб ут-таворих мамлакати Русия» («Россиянинг қисқача тарихи») китобларини ва 40 дан ортиқ илмий асарлар, мақолалар ёзган. Маҳаллий ҳалқ тилини жуда мукаммал билганилиги сабабли уни ерли ҳалқлар Жаҳонгир тўра деб атаганлар, у ҳам бир неча асарини Жаҳонгир тўра номи билан чоп этган.

Унинг 1885 йилда Жаҳонгир тўра номи билан ёзилган «Интиҳоб ут-таворих мамлакати Русия» номли асари бунинг ёрқин далилидир. Муаллифнинг «Бу фақир... забони почор ва сухони ожиз бирлан таворих китоблари-

нинг таҳриридаги воқеаларни интиҳоб айлаб кўп тафсили келтирмай ижмоли бирла муҳтасар баёнини қиласдики, Русия мамлакатининг пайдо ва бино бўлганидан то охир замонигача мазкур вилоят ичра ўтган ҳодиса ва воқеликларни тасниф қилғай»<sup>1</sup>, – дейишидан маълумки, у ўз асарини кўп адабиётлардан фойдаланган ҳолда ёзган. Бу асарнинг ерли аҳолини Россиянинг ўтмиш тарихи билан танишириш мақсадида ўзбек тилида ёзилиши ўз даври учун жуда катта аҳамиятга эга бўлган бир ҳодиса эди.

Шундай қилиб, XX асрнинг 20-йилларига қадар олимлар ва туркшунос ҳаваскорларнинг кучлари билан Ўзбекистон ўлкасини ўрганишга доир анчагина материалилар тўпланган. Бироқ буларнинг орасида узуқ-юлуқ ва тасодифий материаллар анчагина бўлиб, кенг, илмий асосда умумлаштирилмаган эди.

Ўрта Осиё, шу жумладан, Ўзбекистон тарихини илмий асосда ўрганиш фақат асримиз бошларида ва ундан кейинги йилларда самарали ва фидокорона иш олиб бориш натижасида яратилди ва у янада чуқурлаштирилди.

## 5. Тарихий ўлкашуносликнинг 1917 йилдан кейинги аҳволи

Қадриятимиз ўз ўлкамиз тарихини ўрганишдан бошланиши ҳеч кимга сир эмас. Етмиш йилдан ортиқ давр мобайнида биз ёш авлодга ўтмишимиз тарихини ўргатишида жуда катта чалкашлик ва хатоликларга йўл қўйиб келдик.

1917 йилгача яшаган шарқшунос олимлар ва маҳаллий тарихчиларнинг ўлкани ўрганишга бағишлиланган асарлари унтилди. Ўлка билан бевосита шуғулланганлар миллатчилик тамғасига дучор бўлдилар.

Собиқ ССЖИ Халқ таълими вазирлиги томонидан дорилфунунлар ва педагогика олий ўқув юртлари тарих факультетлари учун тавсия этилган «СССР тарихи» (1- том, энг қадимги замонлардан 1861 йилгача, ҳажми 70, 71 босма табоқ) дарслигида «Ўрта Осиё ва Қозогистон»

<sup>1</sup> Жаҳонгир тўра. «Интиҳоб ут-таворих мамлакати Русия». Фарғона, 1885, 1-бет.

деган мавзуга атиги ярим варақ жой берилганлигини қандай баҳолаш керак?

Она диёримиз — ўлкамиз тарихини ўрганишга ёки шу вақтларга қадар тарихимиз ривожига муносабат шуми?

Х — XII асрларда ёк Ўрта Осиё, жумладан, Ўзбекистон жаҳоннинг энг маданиятли ўлкаларидан бири бўлган. Бу ерда машҳур математик, фалакиётшунос, тарихшунос, файласуф ва табобат илмининг машҳур намояндадари етишган, уларнинг нодир қўлёзма асарларининг баъзилари республикамиздаги Шарқшунослик ва Қўлёзмалар институтларининг ҳужжатхоналарида ҳозирга қадар ўрганиш учун навбат кутиб ётибди.

Юқорида тилга олинган 32 бобдан иборат дарсликнинг 186-параграфида деярли тамоман Россиянинг Европа қисми тарихи ёритилган бўлса, Ўрта Осиё, Кавказорти, Қора денгиз бўйларидаги давлатларда феодализмнинг ташкил топиши мавзулари юзасидан ҳар бири 2,5—3 варақдан иборат 8 та сийқаси чиққан маълумот берилган, холос.

Дарсликнинг биринчи бўлимида «Ибтидоий жамоа тузуми» деган мавзу бор. Унда Россиянинг Европа қисмида палеолит, мезолит, неолит, энеолит даврларига доир манзил ва маконларнинг камлиги собиқ ССЖИ тарихи учун мисол бўла олмаганлиги ҳамда ўша ҳудудда қулдорлик тузуми ва унинг ривожига оид маълумотларнинг камлиги сабаблигина Кавказорти ва Ўрта Осиё танлаб олинган.

Бир мисол. Ўзбекистон ҳудудида мезолит (ўрта тош) даври милоддан аввалги 12 минг йилликдан 5 минг йилликкача давом этган бўлиб, ўша вақтда ибтидоий тасвирий санъат бошқа жойлардагига қараганда анча ривожланган. Горларда яшаган одамлар қоя тошларга қизил бўёқ билан нақш чизиб ёки ўйиб ёзиб, ажойиб ов манзараларини қолдириб кетганлар. Бундай нодир санъат обидалари Сурхондарёда Зараутсой, Жиззахда Такатош, Бухорода Сармиш, Қораунгурсой, Тошкент воҳасида Қоразов, Хўжакент, Паркент ҳудудларидан топиб ўрганилганлиги ҳақиқат. Бу Ўзбекистон халқари-нинг ибтидоий жамият тарихини ўрганишда ғоят қимматли тарихий ҳужжатdir.

Термиз яқинидаги Айритомда тошга ўйилган бўртма расмлар, Хоразмнинг қадимги пойтахти — Тупроққалъадан чиққан ҳайқалу деворга ишланган расмлар ҳамда Сурхондарёдаги Холчаён, Давларзин тепадан топилган

гил ва ганчдан ясалган ҳайкаллар ўлкамиз халқлари қадимдан ўзига хос бетакрор усувлар билан юксакликка кўтарилиган тасвирий санъат маданиятини аллақачон яратганлигини кўрсатади. Аммо бундай нодир топилмалар ўлкамиз фарзандларига таништирилмади.

1917 йилга қадар ўлкамизда ҳар хил фанларнинг ривожига ўз ҳиссаларини қўшиб келган анчагина маҳаллий кишилар фойдали қазилмалар топиш ва уларни таърифлаш, қадимги замон ёдгорликларини, осори-атиқаларни ўрганиш каби ишларни амалга оширганлар. Бундай ажойиб кишиларнинг номлари кейинчалик эсдан чиқариб юборилган. Масалан, ўлкамизда минерал бой-ликлар қидирган, қўрошин ва феруза конларини топган ҳўжандлик Мулла Сангин, Чимкентда ўлгадаги биринчи рус-тузем мактабини очишида фаоллик кўрсатган, Қўйон шаҳар мактабида ишлаган ҳамда «Туркистон вилояти-нинг газети»да масъул муҳаррирлик қилган, Туркистон муаллимлар семинариясида ўзбек ва форс тилларида дарс берган, 1876 йилда Петербургда ориенталистлар III ҳалқаро конгрессида маъруза қилган, ўлгадаги туб жой аҳоли орасида дунёвий билимларнинг тарқалишига катта ҳисса қўшган Сатторхон Абдуғаффоров, ўзбек археологияси ривожига ҳам катта ҳисса қўшган, нумизматик коллекциялар тўплаган, ҳозиргacha бой коллекцияси Давлат Эрмитажида тилга олинмаган самарқандлик Мирзо Бухорий, Мирзо Абдуллоларнинг номлари унуптилди. Ваҳоланки, шу истеъодлардан бири – ажойиб санъаткор-хаттот Мирзо Барот Мулло Қосимов Самарқанд ва унинг атрофларидағи кўпдан-кўп қадимги замон ёдгорликларининг расмини чизган, Улуғбек мадрасасининг фоят аниқ чизмасини тайёрлаган эди.

А. Л. Куннинг Искандаркўл илмий сафарида қатнашиб, фанга қадимги тошларга ва даҳма тошларига ёзилган хатлар қайд қилинган жуда ажойиб қундалик қолдирган Мирзо Абдулло Абдураҳмонни ҳам унугдик.

Тарихий ўлкашунослик фанининг содиқ ташкилотчиларидан бир Акромполвон Асқаров жуда ажойиб ёдгорликлар – Ўрта Осиёда энг қадимда зарб этилган танга-чақалардан 15 мингдан кўп коллекция тўплаган. Акромполвон археология фанига кўрсатган хизматлари учун Рус археология жамиятининг нишони билан мукофотланган. У Тошкентда 1890 йилда очилган Туркистон қишлоқ ҳўжалиги ва саноати кўргазмасига олий навли ғўза, пилла ва хом ишак, пилла қурти боқишида энг яхши нав деб топилган тут навларини қўйган.

Бухорода қадимги гиламлар, қўлёзмалар, нодир сопол идишлар тўплаган Муҳаммад Бафо жуда машҳур бўлган. Ҳаваскор-географлардан Олимхўжа Юнусов, Мирза Ҳаким ва бошқалар Рус география жамияти Туркистон бўлнимининг жонкуяр ходимлари эди. Жамоатчиликнинг олқишига сазовор бўлган мана шундай юзлаб ажойиб олимлар фаолиятини, уларнинг асарларини ҳозиргача ўрганилмай келинишини изоҳлаб бўладими? Бас, шундай экан, ҳозирги ёш авлод қадимги танга пулларнинг зарб этилиш тарихи, унинг аҳамияти ва савдо ривожидаги ўринини билиб олмас экан, ҳозирги пулларнинг ҳам моҳиятини тушунтириб бера олмайди. Нумизматика фанига бўлган қизиқиш жуда паст. Жумҳуриятимиз ҳудудидан топилган қадимги ва ўрта асрга оид танга пуллар кўпгина номаълум қадимги шаҳарлар «ёши»ни аниқлаб олишда катта ёрдам беради. Масалан, Бухоро, Термиз, Кат, Қува ва бошқа жойларда зарб этилган олтин, кумуш ва мис танга пуллар шу ҳудудда ташкил топган Хоразм, Канха, Фарғона, Даҳия, Кушан, Сўғд, Сомонийлар, Қораҳонийлар, Темурийлар ва бошқа подшоликларнинг иқтисодий ҳамда сиёсий тарихини, айниқса бу давлатлардаги пул ҳамда ташқи ва ички савдо муносабатларини ўрганишда жуда қимматли ашёвий далил бўлиб хизмат қиласди. Шуниси ачинарлики, 1917 йилдан сўнг то ҳозирги кунимизгacha ўлкашунослик фани ўлкамиз тарихини даврма-давр ўрганишдан иборат ўз вазифасини бажармай, кўпроқ Россиянинг Европа қисмидаги ўлкаларни ўрганиш билан машғул бўлиб келаверади. Биз эса индамадик. Урта Осиё ҳалқларидан бошқа деярли барча ҳалқлар ўз тарихини озми-кўпми биладилар. Биз эса рус князларини, рус давлатини, Москванинг ташкил топиши ва унинг биринчи князи Юрий Долгорукий 1147 йилда Москвага асос солганини биламиз-у, аммо ўз она диёrimizda милоддан олдинги III асрда Грек-Бақтрия давлатига асос солиб, биринчи танга зарб этган Диодот ҳақида ўйлаб ҳам кўрганимиз йўқ.

Она диёrimizни араб босқинчиларидан ҳимоя қиласган Ҳаким ибн Ҳошим (Муқанна) бошчилигидағи қўзғолон хусусида чала-чулпа маълумотга эга бўлган ҳалқимиз Хоразмда арабларга қақшатқич зарба берган ажойиб қаҳрамон Хоразм шохи ёки Самарқанд ҳокими Гуракларнинг Қусам ибн Аббосга қарши олиб борган шиддатли жанглари, Шоҳи Зинда ансамбли билан

**боғлиқ тарихий афсоналар ҳақида тасаввурга әгами? Йўқ, албатта.**

Ўзбек мактабларида ўқувчиларимизга Дмитрий Донский ва унинг қаҳрамонлиги, рус давлати, иқтисодиёти, ички ва ташқи сиёсатини мароқ билан тушунтириб берсак-да, IX – X асрларда дунёга машҳур бўлган Сомонийлар давлатида етишиб чиқсан илм-фан дарғалири-ю, ўз шеърияти билан жаҳон афгор оммасини ҳайратга солган Рудакий, Фирдавсий, Саъдий, Ҳофиз каби забардаст даҳолар ҳақида деярли ҳеч нарса демаганмиз. Улар Шарқ поэзиясининг асосий хусусиятларини белгилаб берган бўлсалар-у, уларнинг ижодий фаолияти билан ўқувчиларни таништирмасак, нима деган одам, қандай ўлкашунос олим бўламиз?

Ўша давр илм-фанини жаҳонга таратган Муҳаммад ибн Мусо Ҳоразмий, Аҳмад Фарғоний, Абу Али ибн Сино ва Абу Райҳон Беруний каби мутафаккир олимлар ҳаёти ҳамда ижоди тараққийпарвар инсоният томонидан ўрганилса-ю, биз нега ўрганишимиз мумкин эмас? Мана эндиғина мустақилликни мустаҳкамлаб бориб, мактаб дастурларига алломалар ва қаҳрамонларимизнинг ҳаёти ва ижодий фаолиятларини киритаётирмиз.

Ўлкамизда ўзбек тилига давлат мақоми берилганда ўзбек тилининг қадимги тил эканлигини исботлаб беришда асосий манба Маҳмуд Кошғарийнинг «Девону луготит турк» асарининг нечоғли улкан аҳамияти бор эканлиги озми-кўпми маълум бўлса ҳам бу даҳо мутафаккир ернинг думалоқлигини исботлаб, дунё хритасини чизиб қолдирганлариги ҳақидаги маълумотни ўрганишнинг вақти келмадимикин?

Ҳозирги кунда ўлкашунослик фани олдида қуйидаги энг масъулиятли вазифалар турибди: кўхна Самарқанд, Бухоро, Хива, Қўйқон, Андижон, Наманган, Шаҳрисабз каби шаҳарлардаги саёҳат мазмунини тушунтирувчиларга тўғри илмий йўналиш бериш; вилоят, воҳа ва водийлардаги ўлкашунослик музейларига маълумотнома ва йўл кўрсаткичлар тайёрлаш; вилоят, воҳа ва водийлардаги ҳамда жумҳурият марказий архивидаги ҳужжатларни ўрганиш; Шарқшунослик илмгоҳи ва Қўлёзмалар илмгоҳида сақланиб турган 5000 дан ортиқ нодир қўлёзма асарларни ўрганиб, уларни аҳоли кенг оммасига етказиш.

Ушбу вазифалар амалга оширилса, мустақил давлатимиз Ўзбекистоннинг ҳақиқий ватанпарварларини тарбиялаб етиштиришга муносиб ҳисса қўшилган бўлади.

## 6. Ўлкашуносликнинг асосий манбалари

Ўлкашунослик беш асосий манбага: археология, этнография, топонимика ва архив ҳужжатлари ҳамда музей материалларига таяниб иш тутади.

Қишлоқ, район, шаҳар ёки вилоят ҳудудининг тарихини ўрганишда шу манбалардан биронтаси ҳам диққат-эътибордан четда қолмаслиги лозим, бусиз ўлка тарихини мукаммал ўрганиб бўлмайди.


Ўша беш манбадан бири бўлган археология тўғрисида гап боргандা, аввало мактаб тарихи курсининг қайси қисмида, қайси синфда ва қандай қилиб, қачон археологияга оид материаллардан фойдаланиш мумкин деган саволга жавоб бериш керак бўлади. Чунончи, V синф тарихи курсида Ўзбекистон халқларининг энг қадимги ибтидоий жамоа даври: одамлар тўда ҳолда яшаган давр, она уруғи (матриархат) даври, она уругининг ривожланиши, калтамиорликлар чайласи, ота уруғи (патриархат) даври, темирнинг тарқалиши, сугоришнинг келиб чиқиши давридан бошлаб, қулдорлик жамияти, феодализм даври, ниҳоят XVIII асрнинг иккинчи ярмида феодализмнинг ёмирилиши ва капиталистик муносабатларнинг ривожланишигача бўлган жуда кагта тарихий давр ўз ифодасини топган. Демак, бу курсда айрим мавҳум тарихий тушунчалар ҳақида ўқувчилар маълум тасаввур ҳосил қилишида, тарихий фактларни ишонарли қилиб тушунтиришида археологияга оид материаллардан ўринли фойдаланиш жуда муҳимдир.

Ўқув қўлланмада «Ибтидоий жамоа даври» қисқа берилганилиги туфайли сўнгги йилларда яратилган баъзи асарлар ҳамда турли илмий адабиётлардаги хуносалар асосида Ўзбекистонда ибтидоий жамоа даврини қўйидағи майда даврларга бўлиб ўрганиш мумкин:

1. Ибтидоий тўда даври.
2. Она уруғи (матриархат) даври.
3. Она уругининг ривожланиши.
4. Калтамиорликлар чайласи.

5. Ота уруғи (патриархат) даври, темирнинг топилиши ва хўжаликда ишлатила бошланиши даври.

6. Сунъий сугоришнинг келиб чиқиши ҳамда қулдорлик жамияти ва ниҳоят, феодализм даври Ўзбекистон мисолида беш манба – аввал археология, этнография, топонимика, архив ҳужжатлари, сўнг музей экспонатлари орқали тартибли равишда баён қилинади.





---

## II. Ўлкашуносликда археология-нинг роли

1. Рус шарқшунослиги ва археология

2. Узбекистонда археология

I. Ибтидоий жамоа даври

II. Қулдорлик жамияти

III. Феодализм даври

1. Ўқувчиларни археологияга оид материаллар тўплашга ўргатиш

2. «Ибтидоий жамоа тузуми» мавзусини ўрганишда археологияга оид материаллардан фойдаланиш

«Археология» сўзи лотин тилидан олинган бўлиб, «архайос» — қадимги, «логос» — фан, яъни қадимги даврни ўрганувчи фан деган маънони билдиради. Археология — ўлкашунослик ва тарих фанларининг асосий манбаларидан биридир.

Дунё халқларининг бир неча юз минг йиллардан бери давом этиб келаётган тарихи бор. Лекин шу узоқ тарихий тараққиётнинг энг кейинги 5—6 мингинчи йилларидан бошлабгина ёзма асарлар бўлиб, ундан аввал халқларда ёзув ва ёзма тарих бўлмаган.

Ёзув пайдо бўлгандан кейин ҳам кўнгина воқеалар ёзилмай қолган, подшоларнинг буйруқлари, руҳонийларнинг диний таълимотлари, хазиналарнинг ҳисобкитоблари ҳамда турли урушлар ҳақидаги ёзма асарлар эса ўз замонасининг ишлаб чиқариш усуллари ва воситаларини, халқнинг майшатини етарлича акс эттирамаган.

Демак, қадимги шаҳар ва қишлоқлар қазиб кўрилганда, у ерлардан қадимги халқларнинг уй-жой қолдиқлари, уй-рўзгор асбоблари, зеб-зийнат буюмлари, эътиқод ёдгорликлари топилади; бу нарсалар эса ёзма тарихдаги маълумотларга қараганда ўша давр турмушини ҳар тарафлама ва аниқроқ ёритиб беришга ярайди. Ёзма тарих пайдо бўлгунгача ўтган бир неча юз минг йиллик давр тарихини ҳамда ёзма тарих чиққандан кейинги давр ҳаётини тўла ўрганиш зарурияти ўша давр халқларидан қолган буюмларни текшириб кўришини тақозо этади. Бундай ёдгорлик буюмларини текширувчи фан археологиядир. Археология ибтидоий одамлар янаган маконларни, синфий даврдан қолган шаҳар, қишлоқ ва мозорларни қазиб кўриб, тарихни аниқлайди.

Археологлар қазишма усули билан иш қўрадилар. Айниқса ёзувлар пайдо бўлмасдан бурунги давр тарихини археология қазишмаларида топилган буюмлар тўлдиради, археология қазишмасининг натижалари матбуотда кенг ёритиб борилади.

Катта қурилишларда ўтказиладиган ер қазиш ишларидаги археология буюмларига эҳтиёт бўлиш юзасидан илмий гушунгришлар ўтказилади. Археология фани ҳали бозикा фанларга қараганда ён бўлишига қарамасдан, дунёда катта эътибор қөзионгандан ва ҳаммани қизиқтирган фандир.

## 1. Рус шарқшунослиги ва археология

Тарихий маълумотларга қараганда, тарихчилик Ўрта Осиёда жуда ҳам қадимдан бошланган. Хоразмлик машҳур олим Берунийнинг ёзишига кўра, араб истилочилари Ўрта Осиёдаги маҳаллий олимларни йўқотибгина қолмай, маҳаллий тил ва маҳаллий ёзувдаги асарларни ҳам йўқ қилиб, ёндириб юборгандар. Шу сабабли энг қадимги замонларда ёзилган асарлар сақланмаган. Минг йил давомида ёзилиб келган тарихий асарлар жуда кўп. Мұхаммад Наршахийнинг «Бухоро тарихи», Балъамийнинг «Тарих табари таржимаси» каби асарлари ёзилганига минг йилдан ошди.

Лекин Ўрта Осиёда археология, юқорида айтилганидек жуда ёш фан. Россияда бу фан XVIII асрнинг урталарида пайдо бўлиб, XIX асрда анча ривожланган. Уша вақтда олимлар Россия ерларида қўп топилган Ўрта Осиё қадимги танга пулларини тўплаб, уларни текшириб, Россия билан Ўрта Осиё ҳалқларининг қадимдан иқтисодий алоқада бўлиб келганлигини исбот этдилар. XIX асрнинг иккинчи ярмида, Ўрта Осиё Россия томонидан босиб олингандан кейин, бу ерга келган ҳар бир мутахассис ва саводли киши қалъалар харобасини, сунъий тепаларни, шаҳарлар харобаларини, қадимдан қолган бино харобаларини кўриб, уларнинг тарихини суриштира бошладилар. Натижада 1870 йилларда Тошкентда чиқа бошлаган газета ва журнallарда бу тарихий ёдгорликлар ҳақида турли маълумотлар эълон қилина бошланди. Бундай харобаларни текшириш жараённида, ҳатто «хазина» излаб баъзи тепаларни бузиб юборишгача ҳам бордилар.

Бир гуруҳ тараққийшарвар рус зиёллари — археология ҳаваскорлари ҳозирги тарих музейини ташкил этиб, ҳар жойда топилган археологияга оид ёдгорликларни бу ерга тўплашга



В. А. Вяткин



V. A. Шишкін

киришдилар. Рус шарқшунослари Н. И. Веселовский, В. В. Григорьев, И. Каллаур, В. В. Бартольд, В. Л. Вяткин, шунингдек, ўзбек археологларидан Акромполвон Асқаров ва бошқалар бу ёдгорликларни тарихшунослик нуқтаи назаридан ўрганиш ишида ташаббусчи бўлдилар. Ўрта Осиёning чўллари, тоғлари ва қишлоқ ерларидаги баъзи ёдгорликлар ҳақидаги турли афсона ва хабарларни матбуотда эълон қилиш одат бўла борди. Бу ишга қозоқ, ўзбек, тожик, туркман ҳаваскорлари ҳам тортилди.

Ҳозир Тошкентдаги тарих, санъат ва табиат музейларида тўпланган бой археологияга оид ашёлар тўпламининг катта қисми ўша ҳаваскорлар томонидан XIX асрда ийғилган.

Бундан ташқари, улар бир қанча муҳим ёдгорликларда қазиашма ишлари ҳам олиб бордилар. Бу борада, айниқса, археолог-шарқшунос В. Л. Вяткиннинг хизматлари алоҳида таҳсинга лойиқдир. Рус шарқшунослари бузиб ташланган Улуғбек расадхонасининг изларини топиш учун кўп уриндилар, ниҳоят, Самарқандда истиқомат қилувчи В. Л. Вяткин қадимги васиқаларни ўрганиш асосида расадхонанинг ўрнини аниқлади. 1908—1909 йилларда бу жой археологик йўл билан қазилди ва расадхонанинг гилдирак шаклдаги биносининг курсиси, бинонинг бузилган фишт ва нақшлари ҳамда расадхонанинг саккиздан бир қисми топилди. Бу иш тарих фани учун катта кашфиёт бўлди. Шу билан бирга, археология ҳаваскорлари қадимги Самарқанддаги «Афросиёб» тепалигига бирмунча қазиашмалар ўтказдилар.

XX асрнинг 20- йилларигача Ўрта Осиёда археология мустақил фан даражасига кўтарилмади. Археологлар археология ёдгорликларини маълум тарихий босқичдаги ишлаб чиқарувчи кучларнинг тараққиёт натижаси деб баҳолай олмадилар, ишлаб чиқариш муносабатлари қандай бўлганини пайқай олмадилар, маданиятни ишлаб чиқариш тараққиёти ва ижтимоий муносабатлар маҳсули

деб туңуна олмадилар, балки уни биронта дин билан ёки бир орта «алоҳида иқтидорли шахслар» билан боғладилар. Сўнгра археология йўли билан топилган буюмларга фақат ёзма тарихни тасдиқловчи материал сифатидагина қараб, археологиянинг имкониятларини чегаралаб ќўйдилар. Шунинг учун ҳам улар тарихнинг узоқ ўтмиш даврларини ўрганишга кириша олмадилар.

Натижада, археология ҳам, тарихшунослик сингари, идеалистик назария билан суфорилган ҳолда тарихчиларга жиддий ёрдам бера олмади.

## 2. Ўзбекистонда археологиянинг ривожланиши

Тарихчиликнинг катта ютуқларидан бири археологияга катта эътибор берганлиги билан белгиланади. Жамият тарихи ишлаб чиқарувчи кучларнинг ривожи ва шу асосда ишлаб чиқариш муносабатларининг турли даврда ўзгариб боришидан иборат эканлиги фанда эътироф этилгач, тарихни ижтимоий-иқтисодий тузумларга ажратиб даврлаш масаласи кун тартибига қўйилди.

Тарихчиликда бутун инсоният тарихи қўйидаги даврларга бўлиб ўрганилади:

1. Ибтидоий жамоа тузуми даври. 2. Қулдорлик даври. 3. Феодализм даври. 4. Капитализм даври.

Хозирги фаннинг аниқлашига кўра, кишилик жамияти тарихи бир миллион йилга яқинлаша боради. Шу узоқ даврнинг охирги минг йилларидангина синфий жамият, яъни қулдорлик жамияти вужудга келган бўлиб, унга қадар ўтган даврлар ибтидоий жамоа даврини, яъни синф пайдо бўлгунга қадар ўтган даврни ўз ичига олади. Ўзбекистонда тарих фани ривож топгунга қадар, биринчидан, тарихни ишлаб чиқариш усулларига қараб даврлаштириш йўқ эди. Ўзбекистонда, умуман Ўрта Осиёда ибтидоий жамоа даври бўлганлигига шубҳа билан қаралган эди. Иккинчидан, Ўрта Осиёга аҳоли Эрон ва Шимолий Ҳиндистон томондан кўчиб келган, деб тахмин қилинар эди. Қулдорлик даври ҳам гўё бўлмаган, энг қадимги замонлардан тортиб, сўнгги Бухоро амирлари замонигача Ўрта Осиё халқларининг ҳаётида ўзгариш бўлмаган, деб уқтирилар эди.

Тарихни даврлаштириш масаласининг қўйилиши тарихчилар ва археологларни ишга солиб юборди. Биринчи беш йиллик охиридаёқ собиқ ССЖИ тарихини,

шу жумладан, Ўзбекистон тарихини даврлаштириш масаласи юзасидан ёзма манбаларни ўрганишга киришиш билан бирга, археология ёдгорликларини қазиб топишга ҳам жiddий эътибор берила бошланди. Бу ишнинг бошида Москва, Санкт-Петербург ва Ўзбекистон археологлари: А. Ю. Якубовский, Г. В. Григорьев, С. П. Толстов, М. Е. Массон, В. А. Шишкун, Я. Ф. Гуломов ва бошқалар турдилар. Биринчи иш Ўзбекистоннинг алоҳида районларида археологияга оид қидириш ўтказишдан бошланди.

Масалан, 1925—1930 йилларда Самарқандда В. Л. Вяткин, 1926—1928 йилларда Термизда Б. П. Денике, 1929—1930 йилларда А. А. Потаповлар Фарғона водийсида ҳамда 1932—1933 йилларда Наманган вилоятининг Учқўрғон райони Норин дарёси бўйида электростанция қуриш тайёргарлиги муносабати билан Санкт-Петербург археологларидан Б. А. Латинин Фарғона водийсининг шимоли-шарқий районларида; 1934 йили Санкт-Петербург археолог Г. В. Григорьев Янгийўл районида; ўша йили профессор А. Ю. Якубовский бошлиқ Санкт-Петербург ва Ўзбекистон археологлари Бухоро вилоятининг шарқий қисмида, яна ўша йили археолог М. Е. Массон бошлиқ археологлар Оҳангарон водийсида жiddий археологик қидириув ишларини ўтказдилар.

1936—37 йилларда бу иш кенгайиб, қадимги Термиз шаҳрини қазиши юзасидан илмий ишлар кучайтирилиши билан бирга проф. С. П. Толстов бошчилигига Хоразмда, В. А. Шишкун бошчилигига Бухоро вилоятининг ғарбий қисмида янгидан текширишлар бошланди. Бу илмий сафарлар катта миқёсда уюштирилиб, буларнинг ҳаммасида Москва, Санкт-Петербург ва Ўзбекистон археологлари ҳамкорлик қилдилар. Бу илмий сафарлар 1939—1940 йилларда Ўзбекистонда суғориш соҳасида халқ қурилишлари бошланиши муносабати билан археология кузатишлари ўтказди, бу борада Фарғона водийсида катта натижаларга эришилди.

## I. Ибтидоий жамоа даври

Ибтидоий жамоа даври маймунга яқин турган одам зотининг пайдо бўлишидан то жамиятнинг синфларга ажralишигача бўлган узоқ даврни ўз ичига олади.

1. Одамлар уруғ, аймоқ ва оила деган

нарсани билмасдан ибтидоий (тўда) ҳолда яшаган давр. Бу давр одамлари тошдан қурол ясад, уни ишлатиб ва қуролларни такомиллаштира борган сари, ўзлари ҳам ривожланиб борганлар. Бу қуроллар кўлда қўпол қилиб, кертиб ишланган, бир-икки хилдан ошмаган тош қуроллар бўлган. Ишлаб чиқариш техникаси жиҳатидан бу давр палеолит (қадимги тош) даври деб аталиб, қуроллар тараққиёт босқичи жиҳатидан шелль, ашель ва мустъе деб аталади; бу уч давр палеолит даврининг қуви ва ўрта боғқичини ташкил қиласди. Бу даврларда яшаган питекантроп (маймун одам), синантроп (хитой одами), гейделберг (германия одами), неандерталь типидаги одамлар тузилиши жиҳатидан одам билан маймун ўртасидаги ҳолатда бўлганлар. Улар тўда-тўда бўлиб яшаб, майда ҳайвон, ҳашарот, турли мева ва ўсимлик илдизларини еб, кун кечирганлар. Улар сўзлашибни билмаганлар. Синантроп ашель техникасидан фойдаланган бўлса, неандерталь одами мустъе даврига тўғри келади.

Энг қадимги одамлардан питекантроп Ява оролидан, синантроп Хитойдан, неандерталь одами Германиядан топилган.

Ўз-ўзидан узоқ тош даврларининг излари бизнинг Ўзбекистонда ҳам борми деган савол туғилади.

1955 йилнинг кеч кузида Тошкентдан ўтаси 15 км гарбда Шоимқўприк деган жойда Қорақамиши сувининг бўйидаги қадимги қатламлардан ашель давридан тортиб мустъе ва ундан кейинги даврларда яшаган ҳалқларнинг жуда кўп қуроллари топилиб, ҳозир республика тарих музейида сақланмоқда.

Жанубий Туркманистанда, Тошкент вилоятининг Бўстонлиқ районида ва Фарғонада, Қайроқум чўлида ҳам ашель даврларининг баъзи қуроллари топилган. Демак, бундан тахминан 400 – 500 минг йиллар илгари Ўрта Осиё ва Ўзбекистонда ашель қуролларини ишлатган ибтидоий, тўда ҳолатидаги одамлар яшаган.

Бундан кейин ер юзида узоқ давом қилган муз даври бошланади. Ҳаво совиб, табиат ўзгариб, кўп ҳайвонлар ўзини тоғлар орасига олади. Одамлар совуқ иқлимда чидашга ўрганади, у ёғочни ёғочга ишқалаб олов ҳосил қилиш йўлини топади. Олов кашф этилгач, одам унинг ёрдамида йиртқич ҳайвонларни тоғлардаги горлардан қувиб чиқариб, у ерларда макон тутади. Очик ерларда эса ертўлаларга, жарлар остига кириб яшайдилар. Оловда исиниб, пода-пода бўлиб ов қилиб кун кўрадилар



Ўзбекистон ҳудудида топилган тош қуроллар

Бу даврда тош қуролларнинг тури ва ишланиш техникаси анча яхшиланганлиги сабабли, одамлар ёғочнинг учини сихча қилиб ишлаш ҳамда суюқдан асбоб ясашни ўрганадилар. Бу хил юқори техника даври ўрта палеолитда «мусте маданияти» даври деб аталади. Бу ашель давридан кейин келади. Бу даврда неандерталъ одам яшаган. Булар ибтидоий тўда ҳолидан уруг-аймоқ муносабатларига ўтишга яқинлашиб, бир оз сўзлашишини ҳам ўргана бошлаганлар. Бу давр кишилари жамоа бўлиб, катта-катта ҳайвонларни овлаш, бир жойда кўпладб яшаш орқасида тўда ҳолда уруғ тартибига кўча бошлаганлар.

1938 йили Сурхондарёдаги Бойсун тоғида жойлашган Тешиктош ғори текширилганда бу жой мусте даврида яшаган одамларнинг макони бўлиб чиқди. Ғорнинг қатламларида тошдан қилинган ўчоқнинг ўрни, кул қатламлари, кўмир, турли ҳайвон ва қушларнинг суюклари, мусте даврига хос қуроллар кўп топилди. Булардан у давр одамлари кўпинча ов билан кун кўргани маълум бўлди. Ғорнинг бир ерида 8 – 9 ёшли бир боланинг тошга айланиб қолган калла суюги ҳам топилди. Бу ҳозирги замонамиздан тахминан 100 – 120 минг йиллар илгари яшаган неандерталъ одамининг калла суюгидир.

1946 йилда Самарқанд вилояти Ургут районидаги Омонқўтон ғорида ўша давр одамининг макони ва тош қуроллари топилди. 1954 йилда Фарғона водийсининг Қайроққум чўлида ҳам бир неча ердан мусте даври

қуроллари топиаган эди. Бундан ташқари, ашель даври тош қуроллари республикамизнинг яна бир неча еридан топилди. Навоий вилоятининг Навоий районидаги Учтут қишлоғи яқинида Воуш тоғининг жанубий ён бағрида, Фарғона водийсининг Қайрагоч қишлоғи яқинидаги Боқирғон дарасида, Исфайрам сойида, Пальман қишлоғи яқинида ҳамда Хўжахайр сойининг ўнг соҳилида, шу номдаги қишлоқ яқинида, шубҳасиз, қадимда Ўрта Осиё, жумладан ҳозирги Ўзбекистоннинг географик шароити ибтидоий одамларнинг яшashi учун жуда қулай бўлган ва илк палеолит даврида унинг кенг ҳудудида одамлар яшаганинг кўрсатади.

Кейинги йилларда бир қанча янги-янги ёдгорликлар топилиб текширилиши туфайли Ўзбекистон палеолитида мустъе даври жуда яхши ўрганилди. Мустъе маконлари Сурхондарё вилояти Бойсун районидаги Тешиктошда, Самарқанд вилоятидағи Омонқўтон ғорида, Тошкент вилоятининг Чирчик водийсидаги Хўжакент ва Обираҳмат ғорларида, Оҳангарон водийсидаги Кўлбулоқда, Бухоро вилоятидағи Учтутда, Фарғона водийси, Қалъача ва Сўх атрофларида топиб текширилди<sup>1</sup>. Булар Ўрта Осиёда топилган мустъе одамининг қолдиқлари ва қуроллари бўлиб, уларнинг илмий аҳамияти ниҳоятда каттадир. Тешиктошда ўша давр одамининг топилиши археология фанининг ниҳоятда катта ютуғи бўлиб, уни текширган профессор А. П. Окладниковга Давлат мукофоти лауреати деган унвон берилди. Тешиктош ғорида 1,5 м қалинликда 5 та маданий қатлам топилди. Қатламлар текшириб кўрилгандা, уларнинг ҳар биридан диаметри 40 см, сатҳи 2 метрдан ортиқроқ келадиган гулхан қолдиқлари, 3 мингдан кўпроқ тош қуроллар ва тош синиқлари ҳамда қуш ва ҳайвонлар: каклик, кептар, ўрдак, қирғовул, сугур, тоғ эчкиси, кийик, қулон, қоплон, айиқ, сиртлон сүяклари топилди. Тешиктош маконида учратилган топилмалар ичida энг муҳими майда бўлакларга бўлинib кетган 8 – 9 яшар боланинг бош ва тана сүяклари топилди. Машҳур антрополог олим М. М. Герасимов уни қайта тиклади.<sup>2</sup> Бу ноёб топилма мустъе одамининг физик типини белгилашда жуда қимматли материал бўлибгина қолмасдан, бу билан бирга инсон-

<sup>1</sup> Я. Ф. Фуаломов. «Ўзбекистонда археология». 14- бет.

<sup>2</sup> А. В. Арциховский. Археология асослари. Тошкент, 1970 йил, «Ўқитувчи» нашириёти, 270 – 271- бетлар.

нинг ягона аждоддан келиб чиққанини ва Ўрта Осиёда ҳам одамзод неандерталь босқичини босиб ўтганини исботлаб берди.

Демак, Ўзбекистонда ибтидоий (тўда) ҳолдан уруғчилик тузумига қўчиш босқичи бўлган мустеъ даврида аҳоли ғорларда ва очиқ ерларда макон тутиб ҳаёт кечирганлар.

1988 йили Ўзбекистон Республикаси ФА мухбир аъзоси Ўткир Исломов раҳбарлигига Фарғона водийсинг Сўх ва Шоҳимардан сойлари соҳилларида археологик тадқиқотлар олиб борилиб, катта натижаларга эришилди. Улар Селунгур ғоридан ўша замон тош қуроллари билан кўмилган одам суюгини топдилар. Бу суюк мустеъ даври одамларининг суюклари бўлиб, на неандерталь ва на питекантропга ўхшамайди. Буни аниқлаш мақсадида ЮНЭСКО дан мутахассислар чақирилди. Улар бу суюкни синчилаб ўрганишиб, уни «фергантроп» одами деб топдилар. Бу эса фан оламида катта янгилик ҳисобланади.

## 1. Она уруғи даври (матриархат)

Мустеъ даврининг охирларига келиб ов қилинадиган қуролларнинг бирмунча яхшиланиши, оловдан фойдаланиш имкониятининг кенгайиши, узоқ атрофдаги аҳоли билан алоҳа боғланиши натижасида маълум бир жойда ўтроқ ҳолда яшаган бир гурӯҳ кишилар ўртасида қонқардошлиқ муносабатлари бошланади. Болалар фақат онани таниб, уруғ тепасида она туради. Шунинг учун бола ўзини она уругининг боласи деб ҳисоблади.

Ишлаб чиқариш имкониятларининг ривожи жиҳатидан бу давр мустеъ даврининг охиридан бошланади. Питекантропдан тортиб то неандерталь (бизда Тешиктош) одамигача ярим миллион йилдан ортиқроқ замон ичida ўзгариб келган одам типи бу даврда ҳозирги одам ҳолатига айланади. Олимларнинг ҳисоблаб чиқишига қараганда, бу даврнинг бошланганига 40 минг йилча бўлган, энди қўйи ва ўрта палеолит тамом бўлиб, юқори палеолит бошланади.

Юқори палеолит даврида аҳолининг тирикчилиги колектив овчиллик ва балиқчиликдан иборат бўлиб, тош ва суюк қуролларни ясаш ва ишлатиш техникаси жуда ривожланиб кетади.

Юқори палеолитда уругчилик шароитида ов ва балиқчилик маҳсулотлари кўпайиб борган, дев, пари, жин ва худолар ҳақида турли афсоналар тўқила бошланган. Ўзбекистонда юқори палеолит даврининг деярли барча босқичлари маданиятидан дарак берувчи маконлар Тошкент яқинидаги Шоимкўприкда, Бойсун тоғларида Мачай ғорида, Амир Темур ғорида топилган. Бундан ташқари Самарқанд шаҳри ичидаги эски Иванов чорбоғида, Сурхондарё, вилоятида 15 га яқин юқори палеолит маконлари, Тошкент атрофида 3 – 4 та макон, Самарқанд вилоятида 5 – 6 та макон топилган.

Булар ичидаги Шоимкўприк ва Мачай ғори ёдгорликлари ўша давр ҳаёти ҳақида яхши маълумот беради. Юқори палеолитда яшаган одамларнинг асбоб ва маконлари кўп топилган бўлса-да, яхшироқ ўрганилгани Самарқанд шаҳридаги Комсомол кўли ҳудудида жойлашган Самарқанд маконидир. 1939 йилда очилган бу ёдгорликда Ўзбекистон фанлар академияси ва Самарқанд Давлат университетининг Д. Н. Лев бошлиқ археологик илмий сафарлари 1958 йилда қазишмалар олиб борди. Самарқанд макони учта маданий қатламдан иборат бўлиб, ундан бир неча ўчок қолдиқлари ва тош қуроллар: пичноқсимон пластинкалар, кескичлар, ёй, тигли қиргичлар, ботиқ тигли тош қуроллар ҳамда ҳайвонлар: ёввойи от, кийик, туя, қўй, қорамол сүяклари топилди. Булардан ташқари, Самарқанд маконида юқори палеолит одамининг иккита пастки жаги топилди. Бу Тешиктошдан топилган неандерталъ бола қолдигидан кейинги йиккинчи нодир топилма бўлиб, гарчи у сўнгги палеолитга мансуб бўлса-да, генетик жиҳатдан Тешиктош одами билан боғлиқdir. Юқори палеолит даврига оид тош қуроллар Бухоро вилоятида Учтут қишлоғи атрофида, Тошкент яқинида Бўзсув I, Бўзсув II маконларида, Оҳангарон водийсида Кўлбулоқ маконида ва бошқа жойларда топилди.

## 2. Она уруғининг ривожланиши

✓ Палеолит тамом бўлиб, мезолит даври бошланади. Мезолит ўрта тош даври бўлиб, қадимги тош даври (палеолит) билан янги тош даври (неолит)нинг орасида ўтган давр бўлгани учун шундай аталади. Бу даврда кипилар ўқ-ёйни кашф қиласи, овчилик бирмунча

осонлашади, биринчи марта ит уй ҳайвони сифатида хонакилаштирилади.

Урта тош асири, яъни мезолит даври яхши ўрганилган бўлиб, у даврда яшаган аждодларимиз ибтидоий тасвирий санъат мўъжизаларини яратса бошлаганлар. Булар асосан горларга ва қоя тошларга қизил бўёк ёрдамида ёки ўймакорлик усулида тасвиrlenган ов манзаралари-дир. Бундай ёдгорликлар Сурхондарё вилоятидаги Заравутсой дарасида, Жиззах вилоятининг Такатош мавзесида, Бухоро вилоятидаги Сармиш ва Қораунгур-сойда, Тошкент вилоятининг Паркент, Чотқол тоғ тизмаларида, Хўжакент яқинида ҳамда Андижон вилоятининг Хўжаобод тумани ҳудудидаги И момота тоғ тизмаларида топиб ўрганилган. Улар орасида Заравутсой, Такатош ва И момотадаги суратлар айниқса диққатга сазовордир. Заравутсой дарасидаги суратларда ёввойи буқаларда ов қилиш манзараси қизил бўёқлар ёрдамида гавдалантирилган. Бошқа бир манзарада овчи-лар гуруҳи ёввойи буқаларни ва тоғ эчкиларини ўраб олаётгани, ёпинчиқ ёпиниб ўқ-ёй ҳамда сопқонлар отаётгани тасвиrlenган. Такатошдаги суратлар эса қояга ўйиб ишланган. Бу ердаги манзаралардан бирида ўндан ортиқ овчи ёввойи буқа ва архарлар подасига камонлардан ўқ узаётгани ифодаланган. Ўртага – кўринарли жойга бир аёлнинг расми катта тарзда солинган. Расмда итлар ҳам бор. Бу, шубҳасиз, одам қўлига ўрганган дастлабки ҳайвоннинг тасвиридир.

Мезолит даврида яратилган тасвирий санъат асарлари орасида Хўжаобод тумани ҳудудидаги И момота гори ичида топиб ўрганилган асарлар алоҳида ажralиб туради. Шулардан бири қоя тошга ўйиб ишланган жигарранг кўринишдаги тасвир бўлиб, унда шохлари бир неча бор қайрилиб кетган, бири-биридан улкан архарлар ва уларнинг ўртасида янада қўзга ташланарли қилиб ишланган дулдул от тасвиридир. Бу мезолит даврига оид топилган биринчи нодир сурат саналади.

Форга кириш жойида тошга ўйиб солинган араб ёзувидаги битиклар ҳам мавжуд, аммо бу ёзувлар бугунги кунда ўз қиёфасини йўқотган, ҳатто ўқиб бўлмайдиган даражага келиб қолган. Форнинг кираверишида бир

<sup>1</sup> А. В. Арциховский. Археология асослари. «Ўқитувчи» нашриёти, 1970 й., 272- бет.

масжид бунёд этилган, унинг ғиштлари худди Бухородаги Исмоил Сомоний мақбараси ғиштларига ўхшайди, бу масжид ҳам IX асрларда қурилганлигидан далолат беради. Ушбу масжид орқали ғорга кирилади. Ғор ичкариси тоф дарасига ўхшаб узоқча чўзилган. Ғорга Имомота қишлоғида истиқомат қилувчи зиёли Анваржон Ҳосилов ёрдамида кирдик. 250 метр узунликдаги шнурга чироқ ўрнатиб, чамаси 200 метрлар ичкарига киргач, от суратига дуч келдик.

Имомота қишлоғи аҳолиси ўртасида бу от ҳақида турли хил афсоналар мавжуд. Шу қишлоқлик 76 ёшли Фозил ота тилидан ёзиб олинган бу ҳақдаги афсона айниқса диққатга сазовор: «Болаларим, мен 14 ёшли гимда шу масжид даҳлизи орқали ғорга кириб, ўша от расми солинган жойни ўз кўзим билан кўрганман. Бундай чиройли отни ҳали ҳаётимда кўрган эмасман. Аммо бу расмдаги чиройли отни жонли кўрганлар ҳам бўлган экан. Буни қаранг-ки, ўшандай киши билан отам раҳматли суҳбатлашган экан. Имомота – тоғли қишлоқ. Отамнинг айтишича, қишлоқнинг юқориси – то Ўттиз адиргача бўлган жойларга лалмикор буғдой экилган. Қишлоғимиздаги дехқонларнинг деярли ҳаммаси кеч кузда ва эрта баҳорда ўша жойларга буғдой экканлар.

Кунлардан бир кун қариялар орасида мана шу ғордан бир дулдул от чиқиб, ўтлаб, кечқурун ғойиб бўлиб қолганлиги ҳақида гап кетади. Бир деҳқон: «Менинг буғдойимнинг анча жойини от еб кетибди, оёғининг изи қолибди, ҳар куни от буғдойимни еб қўяёттир, бу ўша от бўлмасин тағин», деб қолади. Шунда улар: «Бўлмаса пойла – у ўша отми ёки бошқасими, билиб оласан», деб маслаҳат беришади. Деҳқон отни пойлай бошлабди. Бир куни эрта тонг ўша чиройли ёлдор дулдул ғордан чиқиб буғдойзорга кириб, ўтлаб қорнини тўйғаза бошлабди. Деҳқон эса отнинг чиройлилигига маҳлиё бўлиб, буғдойини еганига ҳам ачинмабди. Нихоят, от ортига қайтиб, ғорга кираётганида, деҳқон ҳам унинг изидан кетма-кет ғорга томон юра берибди. От ғорга киргач, ғойиб бўлибди. Деҳқон ғор ичига кириб, чархга йиг ясад ўтирган, юзларидан нур ёғилиб турган бир қарияга дуч келибди. Деҳқон салом берибди, чол алик олгач, ўтиришга жой кўрсатиб, нима сабабдан унинг бу ғорга кирганини сўрабди. Шунда деҳқон от воқеасини, яъни шу ғордан чиқсан от эккан буғдойини еб қўяётганини айтибди. Чол: «Хафа бўлманг, ўғлим, отим келтирган



Чуст манзилгоҳлари

зарарини тўлайман, манг олинг», деб қириб ўтирган тиф қириндисидан бир ҳовуч берибди. Аламзада дехқон чол олдидан шаҳд билан чиқиб кетаётib, қириндини тўкиб юборибди. Фордан ташқарига чиқиб қараса, белбоғига ёпишиб қолган озгина қиринди ялтираб турган эмиш. Не кўз билан кўрсинки, у олтин экан. Дехқон афсусланиб, дарҳол форга қайтиб кирмоқчи бўлган экан, форнинг оғзи ёпилиб қолибди. Шу воқеа бўлиб ўтгандан буён кўркам дуддул от фордан чиқмай қолган экан».

Шундай ҳақиқат, ривоят ва афсоналарга бой бўлган ҳудудимизда мезолит даврида чизилган қоя тошлардаги суратлар — қадимги тасвирий санъатнинг бу каби ёдгорликлари мустақилликка эришган Ўзбекистоннинг ибтидоий жамоа тарихини чинакамига ўрганишда ғоят қимматли тарихий ҳужжат бўлиб хизмат қилади.

### 3. Калтамиорликлар чайласи

Неолит (янги тош) даврига ўтиш, асосан тошни силлиқлаш ва тешиш усусларини расм қилишдан бошланади. Бу даврда одамларнинг катта ютуқларидан бири сопол идишлар ясаш бўлди. Кўпчилик халқ бу даврда дарё, кўл ва денгизлар бўйида, аксарияти қум устида чайла қуриб яшаган. Булар асосан ўтроқ бўлиб, фақат овчилик ва балиқчilik билан кун кечиргандар. Шунинг учун сопол идишларнинг таги текис эмас,

юмалоқ ёки тухум учига ўхшаш бўлган. Ўзбекистонда Бойсун тоғларидағи Мачай, Амир Темур горларида, Узбой атрофида ва Қорақалпоғистондаги Ёнбош қалъа атрофларида неолит даври маданиятининг қолдиқлари топилган. Бу маконлар ичида энг диққатга сазовори Қорақалпоғистондаги калтаминонрликлар чайласидир.

Профессор С. П. Толстов бошлиқ Хоразм археология иммий сафари 1937 йилда қидириш ишлари олиб бориб, Жанубий Қорақалпоғистондаги Қизилқум ичида қолиб кетган қадимги обод ерларда фоятда кўп ва аҳамиятли ёдгорликларни топиб текшириди. Бу ёдгорликлар орасида энг қадимгиси калтаминонрликлар чайласи бўлиб, унда сўнгги даврларнинг ёдгорликлари ҳам яхши сақланган.

Қизилқум саҳросидаги қум тепаликлар орасида Ёнбош (Жонбос) қалъа номли қир устида эрамиздан 300—400 йиллар илгари солинган қалъа бор. Уша қирнинг жануб томон этагида шамолда бузилиб нураётган тақирилар тагида кул, сопол синиқлари, майда тош қуроллар ва бошқа нарсалар кўриниб қолган.

1940 йили ўша жой қазилганда, у ерда қум тепасини текислаб, ходачалар ва қамишдан жуда катта чайла қурилганлиги аниқланди.

Профессор С. П. Толстовнинг тахминига кўра, деб ёзади марҳум академик Я. Ф. Гуломов, бу чайлада 100—120 одам она уруғи оиласи тартибида яшаган. Чайлада қумни ўйиб ишланган 20 дан ортиқ ўчоқ бўлган. Ҳар бир ўчоқ атрофида балиқ суюклари, кийик, ёввойи чўчча, қирғовул, сув қушларининг суюклари, ўрдак, гоз тухумларининг пўчоқлари, ёввойи жийда данаклари, чақмоқтошдан ясалган майда пичоқсимон асбоблар, тошни силлиқлаб ишланган болғасимон асбоб, сопол идиш синиқлари ва шунга ўхшаш нарсалар кўп бўлган. Бу жойда ҳали металл, уй ҳайвонлари, қўлда экиладиган экин қолдиқлари йўқ.

Чайлада топилган нарсаларнинг ҳаммаси бу жойда қадим замонда сув бўлганлигидан далолат беради. Бу атроф бир замонлар кўл ва ботқоқ бўлган, унда ёввойи жийда данаклари бўлган, чақмоқтошдан ясалган майда пичоқсимон қуроллар топилган жой атрофида пахта дараҳтлари ўсган чакалакзорлар ва қамиш ўсадиган тўқайлар бўлган. Чайлани шу материаллардан ясаганлар. Балиқ суюгининг қўплиги бундаги одамларнинг асосий касби кўлда балиқ овлаш ва тўқайда овчилик қилишдан иборат бўлганлигидан гувоҳлик беради.

Металлнинг йўқлиги, уй ҳайвонлари ва деҳқончилик аломатларининг йўқлиги – булар ҳали она уруғи босқи-чидаганлигидан дарак беради. Бу чайла аҳли бундан 5000 йилларча муқаддам янги тош (неолит) даврининг охирида яшаган. Бу Ўзбекистонда она уруғи тартиби-нинг охири ҳисобланади.

#### 4. Ота уруғи даври. Металлнинг тарқалиши

Бу давргача одамлар табиатдаги бор нарсаларни тутиб ва териб еб, тирикчилик қилиб келганлар. Улар чорва боқишини ҳам, экин әкишини ҳам билмаганлар.

Овчилик ва балиқчilikнинг ривожланиб бориши натижасида кишилар аввал мисни ва кейинроқ мисга қалайни қўшишдан чиққан жез (бронза)ни ишлата бошлигандар.

Туркманистонда Копетдоғ этакларидаги сойлар қуийи оқимида Анав, Қаҳқа, Чача, Намозгоҳ каби тепалар металл янги тарқалган замонда пайдо бўлган энг қадимги ўтроқ деҳқон аҳоли яшаган қишлоқлар харобаларидан иборатdir. Бу вақтда Хоразмда Калтаминор чайласидаги каби катта-катта тўда бўлиб яшаш даври ўтиб, аҳоли майда гуруҳларга бўлинib, сув тошқинлари чегарасида жуда ибтидоий деҳқончилик ва бир оз чорвачилик билан




Бронза даври кишиларининг машгулоти

кун қўрган. Улар Туркманистондаги сингари сойнинг қуёйи оқимида бўлмасдан, балки дарё тошқинлари кетидан тентираб юргани учун уларнинг турмуши анча қолоқ, уйлар ҳам омонат чайлалардан иборат бўлган. Бу хил ҳали мустаҳкам ўрнашмаган дехқон ва чорвадорлар маданияти биринчи марта Хоразмда ўша Калтаминонг чайласи яқинларида аниқлангани учун «Тоза боғёп маданияти» деб аталган. Қарийб шу хил маданият Мохондарё ҳавзасида ҳам топилди. Мохондарё Зарафшон дарёсининг қуриб қолган бир ирмоғи бўлиб, Қоракўл районининг шимолидаги чўлда унинг (Мохондарёнинг) излари ҳали йўқолиб кетмаган ва унинг бўйларида ўша ибтидоий давр қишлоқлари ва мозорлари мавжуд. Бу жой профессор Я. Ф. Гуломов томонидан 1950 йилдан бошлаб текширилган. Бу жойдаги қишлоқларнинг сув тошқинлари ўтган жойларидаги тақиристида жуда қўп чайлалар ўрни бўлиб, унда бино излари кўринмайди. Лекин идиш, қурол ва бошқа нарсалар уларнинг ўтроқ аҳоли бўлганлигидан дарак беради. Бунда ибтидоий очик қишлоқлар ва уларда тошдан, жездан ишланган қуроллар, зеб-зийнат буюмлари шунчалик кўпки, у жойларни текшириш келгусида катта натижалар бериши мумкин.

Қоракўл шаҳарчасидан қарийб 15 км шимоли-ғарбда Замонбобо кўли бўйида ўша давр аҳолисининг катта қабристони топилиб текширилди. Мозорларда ўмикларнинг оёқ-қўлини букиб, ғужанак қилиб, чап томонга ёнбошлатиб кўмганлар. Шу тариқадаги 41 та мозор очилади, улардан баъзиларида эр ва хотин бирга дағн этилган. У замонда она уруғи даври битиб, ота уруги ҳукмрон бўлган ва эркакнинг хўжаликдаги ва оиласидаги роли ортган, хотин унга хусусий мулк қатори тобе бўлиб қолган давр эди. Шунинг учун эр ўлса, хотинини ҳам ўлдириб бирга кўмиш одат бўлган.

Мозорларда идишлар, ўқлар, зеб-зийнат буюмлари, баъзи қуроллар, ҳатто жез ойналар ўликнинг ёнига қўйилган. Лаҳад қилиб кўмиш ўша вақтда амалда бўлган. Шунга яқин бир жойдан топилган иккинчи бир қабристонда ҳам ўликларни юқоридагидай ғужанак қилиб кўмганлар. Топилган суюклар ёнида жез исирғалар, қимматбаҳо тошлардан маржонлар, жез билакузуклар топилган.

Бу жойдаги қишлоқлар атрофида экин ерлари бўлгани, тошқинларни бирлаштирувчи кичик ариқлар



Ибтидоий ҳунармандчilik ва тўқимачилик

қазилганлиги аниқланди. Бу ерларда жанубий Туркманистон тепаларидағи сингари бүёкли сопол идишлар ишлаб чиқаришни билгандар, кулоллик чархи ишлатилган, сугориб дәхқончилик қилиш вужудга келган.

Наманган вилояти Чуст шаҳарчаси ёнидаги «Бувана мозор» деган жойда ҳам шундай қишлоқ топилган. У ердаги аҳоли атрофдаги булоқ сувларидан фойдаланиб, дәхқончилик қилиб, ўтроқ ҳолда қишлоқ-қишлоқ бўлиб яшаганлар. Чустликларнинг сопол идишлари Туркманистон ўтроқ дәхқонлариники сингари бүёкли, хилма-хилдир. Жездан қўйма буюмлар кўп ишлатганлар. Ҳом гиштлардан ертұла уйлар қуриб яшаганлар. Бу қишлоқ аҳолиси бундан қарийб 300 минг йил муқаддам, темир даврига кўчишда ҳам уша жойда кун кечиргандар.

Худди шундай қишлоқ Андижон вилояти Қўрғонтепа районидаги Давларзинтенада ҳам топиаган. Буларнинг ҳар иккиси ҳам бир хил бўлиб, бу аҳвол жез даврида Фарғона сойлари сувидан фойдаланиб дәхқончилик қилувчи ўтроқ дәхқонлар қишлоғи кўп бўлган, деган хуносани чиқаришга имкон беради.

Жез даврида бундай обод бўлган Хоразм, Моҳондарё районлари, Чуст, Давларзин ва Кучуктепада олиб



Бронзадан ҳарбий қурол ясаси.

Борилган археологияга оид қазишмалардан шу маълум бўлдики, Чуст маданиятини яратган қадимги дехқонлар атрофи деворлар билан ўралган мустаҳкам қишлоқларда нахса ёки хом ғиштлардан қурилган уйларда яшаганлар. Масалан, қадимги Чуст қишаоги харобасида узунлиги 286 метр, эни 2–3 метр ва баландлиги 1,5 метрчча келадиган ташқи девор қолдиқлари очилди. Шундай девор қолдиқлари Даљварзинда ҳам 200 метр масофада топилиб, унинг эни 4,6 метр, баландлиги 2,5 метр келади. Даљварзинтенада атрофи девор билан ўралган арк харобаси топилиб, деворининг узунлиги 130 метрга ва баландлиги 2,5 метрга тенг. Даљварзинтенанинг шарқий қисмида ҳатто 80 м масофада эни 4 м ли тош йўл очилди. Булардан ташқари, бу ерда бир неча тўрт бурчакли пахса деворли уйлар ҳам топилиди.

Даљварзинда топилган 900 га яқин тош ўроқ, Чустдан топилган тош ва жез ўроқ, 415 тош ёрғучоқ, дон учун ковланган 17 та ўра ҳамда қуйиб қўмиррга айланган арпа, буғдой, тариқ, сули донлари ва бошқа ашёлар қадимги даљварзинликлар ва чустликлар асосан дехқончилик билан шуғулланганлигини кўрсатади. Археологияга оид топилмалар: сукдан ясалган моки, қадоқ тошлар, урчуқлар, жез игна ва бигизларга қараб ҳукм қилганда, аҳолининг турмушида тўқувчилик ва тикувчилик ҳам

маълум роль ўйнаганлигини кўрамиз. Чустликларда ҳам, далварзинликларда ҳам маҳаллий дегрезлик ва мискарлик анча тарақкий қилган. Чунки бу ёдгорликлардан жуда кўп металл буюмлар: жез, ўроқ, пона, пичоқ, камон ўқларининг пайконлари, найза учлари, зеб-зийнатлар, жез ойналар, билагузуклар, исирғалар, чўлпилар, мунчоқлар ҳамда турли хил жез буюмлар қўйиладиган тош қолиплар, шунингдек, дегрезлик қўрасининг қолдиқлари топилганлиги бунинг яқъол далилидир. Чуст маданиятига мансуб ёдгорликлардан топилган гулдор сопол буюмлар кулолчиликнинг ҳам анча ривож топганлигидан гувоҳлик беради. Сопол идишлар шакли хилма-хил, улар асосан товоқ, кўза ва хумча, тувак, қозон ва қўпгина бошқа хил идишлардан иборат. Сопол идишларнинг сиртига қизил бўёқ берилиб сайқалланган. Уларнинг бир қисми қора бўёқдан турли хилдаги геометрик чизиқлар билан нақшланган. Агарда Чуст маданиятига мансуб ёдгорликларда чиқсан топилмалар юқорида қайд әтилган чорвадор қабилаларга мансуб моддий маданият қолдиқлари билан солиштирилса, бронза даврида ўтроқ дехқончилик билан шуғулланган аҳолининг маданий жиҳатдан чорвадор қабилаларга нисбатан анча устунлиги маълум бўлади.

▼ Демак, жез даврида ҳалқ ўзи экин экиб, ўз қўлида ҳайвонларни урчитиб тирикчилик ўтказиш йўлига ўтган. Бу нарса жамият тарихида жуда катта иқтисодий ва



ижтимоий бурилиш эди. Ерга экин экиш, қўш қўшиш каби асосий хўжалик ишлари фақат эркакларнинг қўлидан келадиган иш бўлиб, бу нарса эрнинг, яъни отанинг оиласда ҳукмронлик ҳолатини мустаҳкамлади. Она ўз уруғидан ажralиб, эрнинг уруғига ўтади. Бола отанини ҳисобланиб, меросни ҳам отадан олади.

Ҳозирги замон деҳқончилиги ва чорвачилигининг асоси ўша жез даврида, тахминан ҳозирги замонамиздан 4000 йиллар аввал вужудга келган. Миср, Ироқ, Жанубий Туркманистон каби мамлакатларда ундан ҳам илгарироқ вужудга келган.

Бундан кейин жамият воҳаларда ўтроқ деҳқонларга, дапит ва тоғларда эса кўчманчи чорвадорларга ажralади. Чорваси кўпайганлар ўтлоқ излаб, молини ҳайдаб, жойдан-жойга кўчиб юришга мажбур бўлиб қолади. Хуллас, Фаргона, Сурхондарё водийларида сўнгги бронза даврига мансуб атрофи мудофаа деворлари билан ўралиб, мустаҳкамланган қишлоқлар харобаларини топиб текшириш бронза даврида ўтроқ деҳқонлар яратган маданиятни ўрганишда жуда бой ва қимматли материаллар беради.

## 5. Суғоришнинг келиб чиқиши

Хоразмда Калтаминор, Тозабогёп маданиятлари излари, Амударёning тошқин сувларидан фойдаланиб яшаган ҳалқнинг маданиятли эканлиги, бу ерда ва Моҳондарё ҳавzasида тошқин сувларни чуқур ерларга тортиб тушириб, унда тариқ, арпа, кунжут, қовоқ, буғдой етиширилганлиги кўринади. Суғориш каналларининг йўналиши ўша ибтидоий жамоа тузуми даврида одам яшаган ерлар билан боғлиқ. Тошқин сувлар тартибга солиниб, улар канал ҳолатига келтирилганлиги маълум бўлди.

Фарғона каби тоғ сойлари билан боғлиқ ерларда сойларнинг оёқларида тошиб ётган сувларни бошқариш ўйли билан деҳқончилик қилинган.

Энг эски деҳқончилик жойлари ҳам аввало шу тошқинлар атрофида вужудга келган. Демак, ибтидоий жамоа одамлари канал қуриш усулини билмаганлар.Faқат дарё тошқинларидан ҳосил бўлган табиий сувлардан фойдаланганлар. Хуллас, асримизнинг бошлиригача бутунлай қоронғи бўлган ибтидоий жамоа даври фақат археология фанининг ютуқлари натижасида

бирмунча ёритилди. Ашель маданияти давридан тортиб то синф ва давлатлар вужудга келгунча, тўғрироғи, Ўрта Осиёда илк ёзма тарихий маълумотлар пайдо бўлгунгача ўтган бир неча юз минг йилни ўз ичига олган даврда ўлкамиз халқлари дунёдаги ҳеч бир халқнинг ибтидоий давр тарихидан қолишмайдиган бой тарихга эга эканлиги маълум бўлди.

## **II. Қулдорлик жамияти даври**

Бундан 3000 йилча илгари одамлар темирни оловда ёритиш йўлини топиб, уни ишлата бошлаганлар. Бу даврда ишлаб чиқариш имконияти шу даражага етадики, бир кишининг меҳнатидан унадиган даромад унинг бир ўзини боқишигагина эмас, балки бир неча кишини боқишига кифоя қила бошлайди. Деҳқончиликда ва чорвачиликда урушда қўлга туширилган асирлар зўрлаб ишлатилади. Улар қулларга айлантирилади. Натижада қулдорлик жамияти келиб чиқади, жамият қўпроқ қўл меҳнатига таяна бошлайди

Ўзбекистонда ва умуман Ўрта Осиёда бу босқичнинг бўлиб ўтган-ўтмаганлиги ҳалигача мутлақо текширилмаган эди. Қадимги Хоразм ерларида, Фарбий Бухоро чўлларида Улуғ Ватан уруши арафасида ўтказилган археологияга оид текширишлар бу масалага равшанлик кирилди. Шу тариқа Амударё ва Зарафшон этакларида чўлга айланиб ётган катта майдонларда археологияга оид тадқиқотлар ўтказилган вақтда бу ерлар қадимги қалъалар, кўшклар ва шаҳарларнинг вайроналари билан, улар орасидан ўтган қадимги суғориш каналлари излари билан тўла эканлиги бирмунча аниқланди.

Археологияга оид текширишларнинг аниқлашича, Хоразмнинг гарбида, Қорақум ичларида бундан 2500—2600 йиллар илгари жуда катта қалъалар бино қилинган. Улар ичida иморатлар солинган, аҳоли бу қалъалар атрофида Амударёнинг қадим Сариқамиш кўлига кириб кетган тармоғи бўлмиш Довдон суви тошқинларини бошқариб, унда деҳқончилик ва чорвачилик билан шуғулланган. Ҳозирги Қорақалпоғистон тупроғида ҳам аҳвол шундай бўлган.

Бундай улкан қалъаларнинг хом ғиштдан бино қилиниши, тошқин сувларини тартибга солиб, суғориш каналлари қурилиши бу даврда Ўрта Осиёда қадимги Шарқ давлатлари тинидаги давлат бўлганидан дарак

беради. Айни замонда Греция ва Эронда майдонга келган ёзма маълумотларда милоддан бурунги VII асрда Ўрта Осиёдаги Саклар давлати билан Ғарбий Эрондаги Мидия давлати ўртасидаги Жанубий Туркманистон ерларида ҳукмронлик қилиш учун кураш боргани, Эронда Аҳамонийлар давлати вужудга келгунча бу жойлар Хоразм давлатига қарам бўлгани ҳақида сўз боради.

Буни Ғарбдаги буржуа шарқшунослари писанд қилмаган эдилар. Аммо археологияга оид текширишлар бу ҳолнинг ҳақиқат эканлигини тасдиқлади ва жуда кўп янги муаммоларни ўртага ташлади.

Бундан 2100 йилча бурун Ўрта Осиёга келиб кетган Хитой сайёхи Чжан Цяннинг маълумотларига кўра, «Даван» деб аталган Фарғонада 70 га яқин катта ва кичик қалъалар, 300000 га яқин аҳоли бўлиб, бу ерда беда, узум этиширилган ва йилқиличилек кенг ривожланган.


Катта Фарғона канали қурилишида ўтказилган археологияга оид кузатишлар ва кейинги йилларда ўтказилган маҳсус илмий сафарлар натижасида эса Фарғона водийсида ашель ва мустъе даврларида одам яшаганлиги, кейинги тараққиёт натижасида жез даврида Чуст ва Далварзин каби ибтидоий қишлоқлар бўлгани аниқланди.

Бундан кейинги ўтроқ маданият сойларнинг этагидаги тошқинлар ва қўллар орасида кенг тарқалиб, ҳозир Сирдарёга яқин чўлларда бу даврнинг харобалари кўп учрайди.

Фарғонанинг Чжан Цян сафаридан кейинги даврда қандай бўлганлиги ҳақида ёзма маълумотлар йўқ, лекин археология бу хусусда кўп маълумотларни аниқлаб бераётir.

Кўпгина буржуа шарқшунослари Ўрта Осиёдаги қадимги маданиятни йўқка чиқариб, бу ерларда маданият фақат Эрон давлати таъсири остида вужудга келиб, кейинроқ Искандар Зулқарнайн (Александр Македонский) истилоси ва умуман греклар ҳукмронлиги таъсирида тараққий қилган, сўнгра яна харобаликка юз тутиб, фақат араблар истилосидан сўнг ислом дини таъсирида яна кўтарилиган деган фикрни илгари сурар эдилар. Хоразмда, Ғарбий Бухоро чўлларида ва умуман бутун Ўзбекистонда археология ёрдамида топилган нарсалар ва далиллар эса Ғарбнинг бу уйдирмаларини фош қилиб ташлади.

Эронийлар ва греклар истилосигача ҳамда ундан



Науснинг умумий кўриниши

кейин бўлган моддий маданият четдан келган таъсирнинг яқол излари эмас, албатта. Эрон шуллари Македониядан келган, бу ерда расм бўлган баъзи идиш шакллари архитектура ёдгорликлари топилган, аммо буни четдан келган моддий маданият таъсири туфайли Ўрта Осиё маданиятида кескин силжиш вужудга келган деб бўлмайди.

Ўрта Осиёда қулдорлик даврининг юқори тараққиёти Парфия, Греция, Бақтрия ҳамда Кушон каби маҳаллий ҳукмронлар замонида пайдо бўлди. Бу замонда қалъалар бино қилишда, сугориш каналлари қуришда, ҳунармандчilik, шаҳар ҳаёти, йўл ишлари, ички-ташқи савдо ҳамда санъатда жиддий кўтарилиш юз берганлигида синфий муносабатларнинг кескинлашганилиги кўринади. Бу ҳолат ёлғиз Хоразмда топилган археологияга оид ашёлардангина эмас, балки бутун Ўрта Осиёда ўтказилган ва ўтказилаётган текширишлардан ҳам яқол кўриниб туради.

Илгари Ўрта Осиёнинг маданий-сиёсий ва иқтисодий алоқалари ҳақидаги тарғибот фақат Эрон ҳамда Олд Осиё билан муносабат, «Эрон таъсири» деган гаплардан нарига ўтмас эди. Хоразм ва Бухоро вилоятида ўтказилган археологияга оид қазишлар Ўрта Осиё халқлари



Науснинг ички кўриниши.

Руссиянинг марказий районлари, айниқса Волга дарёси нинг ҳавзасида бўлган давлатлар билан жуда қадимдан мунтазам алоқада бўлиб келганини кўрсатади. Даилий маълумотлар қадимдан бошланган бу алоқанинг илгари етарлича ўрганилмай келинганини кўрсатади. Бу алоқанинг кўнгина қирралари келажакда яна ҳам равшанроқ текширилиши шубҳасизdir.

Оташнарастлик зардушт (зароастризм) динининг ривожи Эронда эмас, Ўрта Осиёда бўлганлиги археологлар томонидан исботланди. Буни қазишмадан тошилган даилий маълумотлар тасдиқлади. Милодимииздан бир неча аср бурунги ёдгорликларни текшириш муҳим нарсаларни очмоқда. Чунончи, академик Я. Г. Гуломов 1936 йили Хоразмнинг Мангит районидаги Қубба тоғ устида зардуштийларнинг қабристонини тоиди. Унда катта хом ғиштлардан қурилган 60 метрли тор бино харобаси ичida бениҳоя кўп одам суюклари топилди. Суюкларнинг кўмиклари гажилган, баъзи майдада суюклар мутлақо йўқ. Суюкларни аллақаердан тўплаб, бинонинг ичига ташлай берганлар. Кейинчалик алоҳида кишиларнинг суюкларини сополдан ясалган маҳсус қутилар (оссуарийлар) ёки остатонларга солиб, ўша бинода сақлайдиган бўлганлар.



Қабр тоши (V – VI асрлар)



Эрамизнинг II асрига оид  
Канкир тепадан топилган сопол ҳайкалча.

Археологлар зардустийларнинг муқаддас китоби санаалган «Авесто»да ҳам қадимги юонон ёзувларида айтилган маросимга дуч келгандар. «Авесто»да айтилишича, қадимги зардустийлар ўликни ерга кўмишни, сувга ташлашни, ўтда куйдиришни қаттиқ гуноҳ деб ҳисоблангарлар. Шунинг учун ўликни узоқдаги яланғоч қоялар устига элтиб ташлагандар. Уни йиртқич ҳайвон ва қушлар еб кетганидан кейин унинг сүяклари узоқ вақт қуёш таъсирида қолиб тозалангач, йигиб олинган ва бояги бино – «новус»да сақланган. Сүякларни оссуарийларда сақлаш одати кейинги замонларгача, яъни Ўрта Осиёда мусулмончилик кенг тарқалгунча давом этган. Бу хилдаги сүяклар солинган сопол қутилар ҳозир Ўрта Осиёнинг кўплаб жойларидан топилмоқда.

Қорақалпоғистонда Жонбос (Ёнбоп) қалъасини қазиша зардустийларнинг оташкадаси, яъни ўтга топинадиган ибодатхонаси топилган. Қалъанинг дарвовасидан кирилгач, тўғри кўчанинг икки томони зич иморат бўлиб, кўча бориб қалъанинг тўрида шу оташкадага тақалади. Унинг ёнида қалъанинг ҳокими турадиган катта бино қолдиги топилган. Оташкаданинг ташқари хонаси атрофига супалар қилинган. Ўртада ерда овқат қолдиқлари, сүяклар, данаклар, синиқ идишлар



Эрамизнинг I – II асрларига оид Қўрғонтепадан топилган шахмат тоҳисимон сопол идишлар.

жуда кўп топилган. Ичкари хонанинг деворлари узоқ ёнган оловдан ялтираб қорайиб кетган бўлиб, уйнинг нариги томонидаги майдончада бениҳоя кўп кул сақланниб қолган. Бу кулдан қисман оловхона уйнинг ичидан ҳам топилган. Демак, ичкарида муқаддас олов тўхтовсиз ёниб турган, зиёратга келганлар ташқари хонада супаларда ўтирувчи маҳсус дин арбоблари – «атрабон»ларга ўз ҳадяларини бериб, улар орқали «оловнинг дуосини олиб» қайтганлар. Археология маълумотлари ва турли эътиқодлар тўғрисида сақланган хотираларнинг ҳаммаси зардуст динининг ватани ҳамда «Авесто» китоби майдонга келган жой Ўрта Осиё, яъни Хоразм ва Балхда бўлиб, 200 кийик терисига зарҳал ҳарфлар билан ёзилган бу китоб, 1992 йили Душанбеда оддий қоғозда нашр этилди ва ҳақиқатдан ҳам унинг Ватани ўлкамизда эканини тасдиқлайди.

Милодимиздан аввалги III асрдан бошлаб Ўрта Осиё ва Шимолий Ҳиндистон Грек-Бақтрия давлати, сўнгра



Милодимиздан аввалги II – I асрларга оид Сурхондарёдан топилган сопол ҳайкалчалар

Кушон ҳамда Эфталит давлатлари қўл остида бўлган; ўша замондан бу икки мамлакат орасида маълум муносабат бошланган. Мавжуд ёдгорликлар бу тўғрида жуда кўп маълумот беради.

1933 йили Термиз районида, Айритом деган жойда, будда дини ибодатхонасининг харобаси топилган. Ибодатхонада будданинг ҳайкали ва бошқа ибодатхона қисмлари қаторида тошдан ясалган одам ҳайкаллари топилган; улар мусиқа чалувчи, ҳадялар ташувчи эркак ва аёл ҳайкаллари бўлиб, ибодатхонанинг ташқи томон карнизи шу ҳайкаллар билан безатилган. Ҳайкалларнинг қиёфасида, кийимларида Ҳиндистонга хос белгилар ёрқин бўлиб, бу санъат икки мамлакат орасидаги муносабатларнинг самарасидир.

II асрда Кушон давлати будда динини Ҳиндистондан Ўрта Осиё ва Шарқий Туркистонга тарқатиб, уни давлат дини даражасига кўтарган. Ўзбекистонда, айниқса унинг жанубий районларида ва Шарқий Туркистонда топилган кўплаб буддизм ёдгорликлари ўша даврга қарашлидир.

III асрда Эронда моний дини вужудга келди, лекин у узоқ сақланмади, унинг тарафдорлари Ўрта Осиё ва Шарқий Туркистонга қочиб ўтиб, кўпроқ савдо йўли устидаги шаҳарларда бу динни тарқатдилар.

Баъзи археолог олимлар Ўрта Осиёда топилган

кўплаб сураткашлик ва ҳайкалтарошлиқ ёдгорликларида-ги тасвирларнинг мураккаблигига қараб, уларни моний дини билан боғлашига ҳаракат қиласидар. Аслида бу ҳол Кушонлар ҳукмронлиги даври (I – III асрлар) – қулдорлик тузумининг Урта Осиё шароитида энг ривожланган даври бўлганлиги билан баглиқдир. Бу даврда, бир томондан, қабилаларнинг ўтроқликка кўчиб, сүфориладиган ерларда жойлашиш жараёни кучайган бўлса, иккинчидан, қулдор аристократия жамоалар ерини тортиб олиб, ўзлаштира бошлади, шу тариқа жамоалар ўз ичидан бузилиб, бутун-бутун қишлоқлар қулдор аристократ «дехқон»ларга тобс бўлиб қолади. Бу феодализмнинг куртаклари эди.

### **III. Феодализм даври**

Экин майдонларининг кўпайиб бориши, хусусан сүфориладиган ерларнинг кенгайиши, қишлоқларнинг кўпайиши, ер ҳосилдорлигини орттирувчи сунъий ўғитларнинг яратилиши, сувни баланд ерларга кўтарадиган чархпалакларнинг ва сув тегирмонининг кашф қилиниши, пахта экинининг тарқалиши, мева навларининг яхшиланиши йўлидаги муваффақиятларнинг ҳаммаси замонанинг ишлаб чиқарувчи кучларини ўстириб юборган ва уни янги феодал муносабатларга олиб келган янги ижтимоий воқеа бўлди.

Бундай муҳим шароитда кушонларнинг салтанатига путур етиб, инқизотга юз тута бориши билан бирга ички зиддиятларга мувофиқ диний оқимлар ўртасидаги муносабатларнинг ҳам мураккаблашмаслиги мумкин эмас эди.

III асрдан бошлаб қулдорлик даврининг шаҳарлари харобаликка юз тутиб, иқтисодий ҳаёт асосан алоҳида воҳаларга, қишлоқларга кўчади. Ер аристократияси – «дехқон»лар қишлоқларга, ариқлар бошига келиб, кўшклар бино қиласиди. VI асрга келиб улар қуллардан қуролли йигитлар – чокарлар сақлаб, атрофдаги қишлоқ аҳолисини ўз фойдасига ишлатиб кун кечиради. Шу таҳлитда Милоднинг I асрининг 25 йилидан то IV асрганинг 50-йилларига қадар ҳукм сурган марказлашган кучли Кушон давлати тугаб, ҳар қайси шаҳар атрофидаги воҳада алоҳида-алоҳида мустақил ҳукмдорлар пайдо бўлади, уларнинг бошида «дехқон»ларнинг вакили туради.

Ҳозир Тошкент, Самарқанд, Бухоро, Жиззах, Фарғона водийсидаги ва бошқа кўплаб шаҳарлар атрофидаги суғориладиган ерларда баланд-баланд «оқтепалар» бор. Археологияга оид қазилмалар, буларнинг ҳаммаси феодалларнинг ҳом ғиштдан солинган феодал кўшкларининг харобасидан иборат бўлиб, «дехқонлар» яшаб ўтган жойларнинг қолдиқлари эканлигини кўрсатади. Академик Я. Ф. Гуломовнинг кузатишлари бундай кўшкларнинг ҳозиргача сақланиб келганлигини кўрсатади.

Феодаллашиш жараёнида ички урушлар, ҳалқ қўзғолонларини бостириш учун кескин чоралар қўриш натижасида анча вайронагарчиллик, қирилишлар бўлиб, бутун-бутун районлар вақтинча бўшаб қолган. Шунга қарамай, ишлаб чиқарувчи кучлар ривожида маълум силжишлар бўлган. Шу силжишларни маданият соҳасида ҳам қўриш мумкин. Масалан, Хоразмда Тупроққалъя (IV аср) кўшкини қазиша у ердан «подшолар зали» деб аталган зал топилган. Залнинг атроф деворларига таҳмон сингари равоқлар ишланиб, уларнинг ҳар бирига турли қиёфадаги кишиларнинг ҳайкаллари ўрнатилган. Ҳайкаллар ниҳоятда юқори дид билан ишланган. Профессор С. П. Толстов «Бу залда Хоразмда Оффриг хонадонига мансуб подшоларнинг ҳайкали ота-боболар руҳига сифиниш тариқасида акс эттирилган», деб айтади. Бу жойда ҳайкаллардан ташқари, турли бўёқли девор суратлари ҳам бўлиб, ундаги манзараларда денгиз тўлқини, балиқлар, йиртқич ҳайвонлар, созанда қизлар сурати ва бошқа нарсалар тасвиrlанган. Бу саройдан Хоразм шоҳларининг ёзма ҳисоб-китоб архиви ҳам топилган. Булар қадимги Хоразм ёзуви билан таҳтага ва чармга битилган.

1938 йили VI – VIII асрларга оид Хоразм пулларида-ги ёзувлар ёрдамида уларнинг кўпгина асослари аниқланган. Умуман, Тупроққалъадан топилган архив ёзуви фанга жуда кўп янгилик берган.

1934 йили Самарқанд яқинидаги Муғтепадан Панжакент ҳокими Деваштичнинг VIII асрдаги архиви то-пилди. Архивдаги сўғдийча ва арабча хатлар асосида сўғд ёзувининг хусусиятлари аниқланди, бу эса тарих фанига анча равшанлик киритди. Бунга Хоразм архивининг қўшилиши эса Ўрта Осиёдаги ўша замон ҳаёти ва маданиятига доир кўп масалаларни аниқлаш имкониятини яратди.

Кейинги йилларда Сурхондарё вилоятида «Болаликте» деган жойни қазиши жараёнида унинг бир зали деворлари одам суратлари билан безатилган ибодатхона эканлиги маълум бўлди. Унда зеб-зийнатли кийимлар кийиб, қўлларида қимматли қадаҳлар тутган ва тавозе билан аллақандай бир ишорат кўрсатиб турган эркак ва аёл суратлари шубҳасиз, моний мазҳаби ибодатхонасида ўтказилаётган маросимдан дарак беради. Бу бино V аср охиirlарига тегишли деб топилди.

1937 йилдан бошлаб то 1956 йилга қадар Бухородан 40 км гарбдаги чўлда Варахша шаҳрининг харобалари текширилган. Бу ерда VII – VIII асрларда Бухоро ҳукмдорлари соглан Рачфандун саройининг харобалари топилган. Унда 3 зал ва бир айвон очилган. Айвоннинг олди томони ўймакор ганчдан қилинган дабдабали тоқи ва равоқлар билан безатилган, ичкари томони аллақандай мева боғларини, ов манзараларини тасвиrlовчи бўртма ганч суратлар, булбуллар, дулдул отлар ҳайкали билан безатилган.

Залларнинг бирида оқ фил мингани кишилар филга ҳужум қилаётган аллақандай афсонавий йиртқич ҳайвонлар, қоплонлар билан олишиб тургани, иккинчи залда рум қўшинлари, яна бир деворда устига олтин таҳт қўйилган қанотли түя ва бошқа кўп ажойиб нарсалар ранг-баранг бўёқлар билан тасвиrlанган.

Қадимги Панжакент харобаси марҳум профессор А. Ю. Якубовский бошчилигида қазилганда, у ерда ҳам VII – VIII асрларга доир шундай бино топилган. Деворларга бўёқли суратлар солиниб, уларда дағн маросими, базм ва аллақандай диний бир маросим тасвиrlанган.

Тупроққалъа, Болаликте, Варахша, Фаёзтепа, Панжакентларда топилган расмларнинг санъати ва тасвиrlарининг бойлиги илк феодализм маданиятининг ўз замонасида анча ривож топганлигини ва мулкдорлик даврида анъанавий равишда тараққий қилиб келган тасвирий санъатнинг бу даврга келиб авж олганини тасдиқлади. VIII асрда араблар истилосидан кейин бундай санъатга ҳам аҳамият берилган.

Бу даврда савдо-сотиқ ва ҳунармандчилик, хусусан, идишларни сирлаш ва нозик шиша буюмлар ишлаш ривожланди.

Шаҳарларнинг қулдорлик, илк феодализм даврлари-даги ва сўнгги асрлардаги тарихий топографияси,

архитектура ёдгорликлари ва бошқа ўрта аср иншоотлари ҳозирги кунда анча яхши ўрганилган. Эски Урганч, Эски Марв, Бухоро, Хива, Самарқанд ва бошқа бир қатор шаҳарларнинг тарихига бағишлиланган маҳсус асарлар майдонга келди. Булардан ташқари, Самарқандда Гўр Амир мақбарасидаги мозорларнинг очилиши, Улуғбек расадхонасиning қайта тикланиши (1941, 1948, 1967), Шаҳрисабзда Амир Темур томонидан солдирилган бир даҳманинг 1933 йилда очилиши ва ҳоказолар кўпчиликнинг эътиборини ўзига жалб этди.

Гарчи Улуғбек расадхона (обсерватория)си 1908 йили топилиб, унинг ер остидаги секстант қисми қазиб очилган бўлса-да, бу ёдгорликнинг ер устидаги шакли қандай бўлгани номаълум эди. Расадхона 1948 йилда В. А. Шишкун бошчилигида қазилиб, унинг қандай бўлганилиги аниқланди. Уни Бобур Мирзо уч қаватли азамат бино деб таърифлаган эди. Археологлар қазишилари олиб боришлари натижасида бино тўғарак шаклда эканлиги, ичкариси жуда кўп қисмларга бўлинганилиги, ҳозирги Самарқанд мадраса ва мақбаралари сингари ранг-баранг кошинлар билан безатилганлиги аниқланди. Шу маълумотларга асосланиб, архитектор В. А. Нильсен расадхонанинг ташки кўринишини тахминий равишда чизиб берди.

Шундай қилиб, республикамиизда кенг қўламда олиб борилган археологияга оид тадқиқотлар туфайли ҳалқимизнинг узоқ ўтмиши, сугориш соҳасида асрлар давомида ортирган тажрибалари очиб берилди.

Кенг қўламда республикамиизда олиб борилаётган археологияга оид тадқиқотлар туфайли Ўзбекистон археологиясининг деярли ҳамма даврларига: палеолит, мезолит, неолит, энеолит, бронза ва темир даврлари ҳамда антик дунё ва ўрта асрларга оид жуда кўп хилмачил ажойиб моддий маданият ёдгорликлари топиб текширилди. Археологияга оид текширишлар натижасида тўпланган бой ва қимматли моддий манба Ўзбекистон ҳалқларининг қадимги тарихини ёритиш имконини берибгина қолмай, балки ўрта асрлар тарихи, шунингдек, шаҳарлар «ёшини» аниқлашга ҳам катта ёрдам берди.

Ўзбекистонда археология фанининг ривожланишида йирик рус олимлари: А. Ю. Якубовский, С. П. Толстов, М. Е. Массон, А. П. Окладников, В. А. Шишкун, биринчи ўзбек археологи, академик Яҳё Ғуломовнинг хизматлари бениҳоя каттадир. Атоқли олим ўзининг қисқа ва

мазмундор ҳаётида тарих фанлари доктори, профессор, Ўзбекистон Фанлар академиясининг академиги даражасига кўтарилди. Истеъдодли олимнинг фан соҳасидаги фаолиятлари учун унга Ўзбекистонда хизмат кўрсатган фан арбоби деган юксак унвон берилди.

Олимнинг ижодий фаолияти ҳам ўзига хосдир. У 1926 йилда Тошкентдаги Ўзбекистон эрлар билим юртини, 1930 йили Самарқанддаги Педагогика академиясини тамомлади. 1931 – 1932 йилларда Тошкент педагогика техникумидаги ўқитувчи бўлиб ишлади. Ёшлик чогидаёқ кенг илмий жамоатчиликнинг эътиборини қозонди. Илмга, тарихга чанқоқлигини сезган машҳур ўлкашунос археолог В. Л. Вяткин уни ўзи раҳбарлик қилаётган кўхна Афросиёбда олиб борилаётган қазишмаларда иштирок этишга таклиф этди. Я. Гуломов мустақил археологик тадқиқотларни илк бор 1936 йили қадимги Хоразм ерларидан бошлади. 1933 – 1940 йилларда Ўзбекистон қадимги давр ва санъат ёдгорликларини муҳофаза қилиш қўмитаси (Ўзкомстарис)да илмий ходим, сўнгра илмий котиб бўлиб ишлади. Я. Гуломов 1940 – 1943 йилларда собиқ СССР Фанлар Академияси Ўзбекистон бўйими Тарих, тил ва адабиёт институти археология бўйимининг мудири ва 1943 йилдан Ўзбекистон ФА Тарих ва археология институтининг қадимги ва ўрта асрлар тарихи сектори мудири, институт директори вазифасини



Фаёзтепада топилган будда ҳайкалари



Академик Я. Ф. Гуломов

бажарувчи (1956—1959 йиллар) бўлиб ишлади. «Хоразмнинг суғорилиш тарихи. Қадимги замонлардан ҳозиргача» мавзуда докторлик диссертациясини ёқлади. Я. Гуломов 1936 йилдан то умри нинг охиригача бир қанча археологияга оид (Тошкент, Бухоро, Фаргона, Хоразм ва бошқа) отрядларга раҳбарлик қилди. Я. Гуломов 4 жилдли «Ўзбекистон ССР тарихи», 2 жилдлик «Самарқанд тарихи» асарларининг муаллифларидан. Я. Гуломовнинг Узбекистоннинг суғорилиш тарихига доир илмий ишлари

қадимги деҳқончилик массивлари (Амударё, Зарафшон, Қашқадарё ва бошқа дарёларнинг қадимги ўзанлари)ни аниқлаш ва ундан ҳалқ хўжалиги мақсадлари йўлида фойдаланишида катта илмий аҳамият касб этади. Я. Гуломовнинг Узбекистон водий ва воҳаларида олиб борган археологияга оид тадқиқотлари Узбекистонда қадимги тош даврлари: палеолит, мезолит, неолит, энеолит, жез ва темир даврларини ўрганишда муҳим роль ўйнади. Я. Гуломов бир қанча ҳалқаро конференция ва симпозиумларда муҳим илмий докладлар билан қатнашди. У ажойиб ташкилотчи ва педагог ҳам эди. Ҳалқлар Дўстлиги орденли Низомий номли Тошкент Давлат педагогика институтида Узбекистон тарихи ва археологиясидан маъruzалар ўқиб, қўпгина ҳозирги замон талабига жавоб берадиган педагог кадрлар етиштирган. 4 томлик «Ўзбекистон ирригацияси» тарихига оид масалаларни ёритишда фаол иштирок этган. Узбек Совет Энциклопедияси Бош таҳрир ҳайъати аъзоси бўлган.

Яҳё Гуломов бағри кенг ва меҳрибон, ғамхўр ёдам эди. Ўз шогирдларига фан сўқмоқлари қийинчилклари ни енгиш йўлларини, илмий изланиш услубларини, давр талабларини изчиллик билан қабул қилиш ва уни амалга оширишда фаол қатнашишларини ўргатиш билан ҳам

республика олимлари орасида катта обрў-эътибор қозонган.

Ўлкани ўрганишда, айниқса Ўзбекистон водий ва воҳаларининг тарихини, этнографиясини, археологиясими, топонимикаси ва нодир қўлёзма асарларини ўрганишда тарих факультети студентлари учун Я. Гуломов асарлари дастурамал бўлиб хизмат қилиб келмоқда. Уларнинг қуент ва матонат билан олиб борган археологияга оид тадқиқотлари туфайли жаҳон аҳамиятига эга бўлган қатор моддий-маданият ёдгорликлари кашф этилди.

## 1. Ўқувчиларни археологияга оид маълумотлар тўплашга ўргатиш

Ўлкашуносликни ўрганиш учун ўқитувчи ўлка ва ўлкашунослик нима, уни қайси илмий ва оммавий адабиётлардан ўқиб ўрганиш мумкин, ўлка музей экспозицияларида, архив ҳужжатларида ўз ўлкасига оид қандай маълумотлар бор ва ниҳоят, ўлкашуносликнинг биринчи манбаи бўлган археология ҳақида батафсил маълумотга эга бўлиши лозим.

Ўқувчиларнинг археологияга оид илмий сафарлар таркибида иштирок этиши жуда катта таълим-тарбиявий аҳамиятга эгадир. Студент ва ўқувчиларни археологияга оид ишларга жалб қилишдан аввал уларни бу ишга пухта тайёрлаш зарур. Қандай ёдгорликлар археологияга оид ёдгорлик саналади, археологияга оид ёдгорликларни қидириш турлари ва услублари нималардан иборат каби саволларга жавоб берилади, мутахассис-археологлар билан учрашувлар ўтказилади, археология ҳақида ўқилган адабиётлар таҳлил қилинади. Музей экспозицияларида намойиш қилинган материаллар билан адабиётда акс эттирилган археологияга оид материаллар таққосланади. Ўқувчилар томонидан ўрганиладиган обьект картадан кўрсатилади ва йўналишлари чизилади. Натижада студент ва ўқувчилар археологияга оид ёдгорликларни ўрганишдан асосий мақсадлари ва вазифалари нималардан иборат эканлигини билиб оладилар. Тадқиқот ишларини қаердан бошлаш ва қандай ўрганишни эса ўлкашунослик тўгаракларида машғулотларда муҳокама қиладилар.

Тўгарак машғулотларида: 1) тарихий, моддий ёдгорликнинг жойи ва географик шароити; 2) ёдгорликнинг

номи ва турлари (қўрғон, шаҳарча, макон ва бошқалар); 3) ёдгорликнинг умумий таърифи (унинг ҳажми, сақланиш ҳолати ва бошқалар); 4) ёдгорликларни квадратларга бўлиб, ўша жойлардан, яъни ер устидан топилган топилмаларни дафтарга батафсил қайд қилиш ва тош қуроллар, сопол синиқлари расмларини дафтарга тушириш ишлари муҳокама қилинади.

Булардан ташқари яна: а) маҳаллий аҳоли шу ёдгорлик ҳақида нималарни билиши, бу ҳақда афсоналар борлигини аниқланг. Бўлса, сўзлаб беришлари илтимос қилинади ва улар ёзиб олинади; б) агар ёдгорлик ўша маҳаллий халқларнинг авлод-аждодларига тегишли бўлса, у ҳолда бирор маданий қатлами қолганми, унинг чуқурлиги, эни ва бўйи, қидириш жараёнида топилган топилмалар ён дафтарга ёзиб борилади; в) топилган маълумотларнинг даври аниқланади; г) топилмалар янгими ёки олдинги топилмаларни тўлдириш учун хизмат қилишини аниқлаш (бу ёдгорлик археологияга оид картанинг қайси нуқтасида жойлашган). Агар янги бўлса, вилоят музейи ёки тарихий обидаларни сақлаш ва муҳофаза қилиш қўймитасига хабар қилиш вазифалари ҳам юклатилади.

Ўқувчиларга янги археологияга оид ёдгорликларни қидириб топиш ишларида иштирок этиш жуда қизиқарлидир. Бу ўқувчиларни мустақил ишлаш ва ижод қилишга ўргатади. Демак, қиши бўйи олиб борилган тайёргарлик ишлари биринчи марта мустақил равишда ўз ўлкасидағи кўл ва дарё бўйларида археологияга оид тадқиқот ўтказишга имкон беради. Ўқитувчи бу ишни мунтазам олиб бориши керак. Вилоят музейларида археологияга оид каталоглар мавжуд. Шунга қараб ўқитувчи қайси ёдгорликни кўриш ва кузатиш мумкинлигини аниқлайди ва кузатиш режасини ишлаб чиқади.

Археологияга оид ёдгорликлар ҳақидаги адабиётлардан, музей экспозицияларидан ўрганилган маълумотларни бошқа манбалар билан, яъни топонимик, ёзма манбалар, архив ҳужжатлари билан солишириш янги археологияга оид ёдгорликларни қидириб топишга имкон беради. Ўрганиш манбаи қилиб олинган районнинг, овул, қишлоқ, шаҳарчаларнинг топонимикаси ўрганилиб, уларнинг маъноларини англатувчи луғат тузилса, кейин у номлар археологияга оид карталарга туширилса, ўша жой тарихини ўрганиш жуда қулай бўлади. Бу луғат «Ўзбекистон халқлари тарихи»даги

маданиятга тегишли мавзулардаги қишлоқ, шаҳарларга қўшимча қилиб, ўз ўлкасидаги жой номлари келтирилса, мақсадга мувофиқ бўлади.

Археологияга оид янги ёдгорликларни қидириб топишда қадимги аҳоли яшаган шаҳар ва қишлоқлар ҳақидаги йирик асарлар ҳам қимматли маңба бўла олади.

Ўрта Осиёning деярли барча жойларида мавжуд бўлган «оқтепалар» ҳақида маълумотлар тўплаш ҳам археологияга оид ёдгорликларни қидириб топишга киради. Бу баланд-паст «оқтепалар»нинг ҳаммаси хом ғиштдан солинган феодал кўшкларининг харобаларидан иборат бўлиб (сунъий суроришишлари ривожланиб, ер эгалиги пайдо бўла бошлагач, «декон» «дех» — ер, «қон» ёки «ҳоқон» — эгаси, яъни катта ер эгаси маъносида ишлатила бошлаган вақтлар — даврлар ўтиши билан бу сўз oddий, ер билан ишловчи кишиларга нисбатан айтиладиган сўзга айланган), «деконлар» яшаб ўтган жойларнинг қолдиқлари эканлигини кўрсатади. Қидиришда ибтидоий одамлар қаерларда ва қандай шароитларда ҳаёт кечирганликлари ҳам ҳисобга олинади. Улар ов қилиш қулай, сувга яқин бўлган ерларда, хусусан, булоқ, кўл ва дарё бўйларида ҳамда ғорларда яшаганликлари учун ўша жойлар текширилиб кўрилади. Агар шундай жойлардан палеолит, мезолит, неолит ва бронза даврларига оид маълумотлар топилса, демак, бу ерларда ибтидоий одамлар ҳаёт кечирган деган хуносага келинади ва шу жойда археологияга оид қазишмалар ўтказилади. Бу жойларнинг тупроқлари ҳам табиий тупроқдан ажralib туради. У ерда куйгансимон тупроқ, куйган ўтиларнинг кўмирга айланган қолдиқлари, кул ва куйган суюқ қолдиқлари ва ҳар хил меҳнат қуроллари топилди. Масалан, 1938 йили Сурхондарё вилояти Бойсун тоғидаги Тешиктош фори текширилганда бу жой мустеъ даврида яшаган одамларнинг макони эканлиги аниқланди. Ғорнинг қатламларида тошдан қилинган ўчоқнинг ўрни, кул қатламлари, кўмир, турли ҳайвон ва қушларнинг суюклари, мустеъ даврига хос қуроллар кўп топилди. Топилмалардан у давр одамлари кўпинча ов билан кун кўрганлиги маълум бўлди. Шунга ўхшаш тош қуроллар Ургут районидаги Омонқўтон ғоридан ҳам топилди.

Мезолит даври одамлари кўпроқ дарё ва кўл бўйларида истиқомат қилганлар. Масалан, Чирчиқ дарёси бўйларида, Сўх воҳаси атрофида, Бўйсув бўйларида

ҳамда Оҳангарон воҳасидаги Кўлбулоқ атрофида шу давр одамлари яшаганлар.

Айниқса, жамоа хўжаликлари ҳудудларида каттакатта бинолар қуриш мақсадида котлован (пойдевор ётқизиш учун чуқурлик)лар қазилаётганда, янги ГЭСлар, кўллар қурилаётганда ибтидоий одамларнинг ёки қадимги ва ўрта аср шаҳарларининг қолдиқлари топилди. Афросиёбдаги айрим ёдгорликларнинг топилишига Тошкент – Самарқанд шоҳ йўлининг қурилиши сабаб бўлган эди. Шунинг учун ҳам бундай қурилишлардан олдин қурувчилар ўртасида тушунтириш ишлари олиб борилади. Эндиликда мактаб ўқувчилари ва олий ўқув юрти талабалари бу ишларда фаол қатнашмоқдалар. Ернинг устидами ёки остидами биргина археологияга оид топилмаларнинг топилиши ўша ер ёки унга яқин бўлган бирор жойда ёдгорлик борлигини билдиради. Йўқ бўлиб кетган ҳайвонлар турларининг сақланиб қолган суюклирининг топилиши шу ҳайвонлар гавдасининг тузилишини ўрганиш учун нақадар аҳамиятли бўлса, меҳнат воситаларининг қолдиқлари ҳам йўқ бўлиб кетган ижтимоий-иқтисодий формацияларни ўрганиш учун шу қадар аҳамиятлидир. Иқтисодий даврлар бир-биридан нималар ишлаб чиқарилгани билан эмас, балки қандай ишлаб чиқарилгани билан, қандай меҳнат воситалари или ишлаб чиқарилгани билан фарқ қиласди. Меҳнат воситалари кишининг иш кучининг нақадар ривож топганини ўлчайдиган бир меъёр бўлибгина қолмай, балки меҳнатнинг қандай ижтимоий муносабатда амалга ошганини ҳам кўрсатади. Меҳнат воситалари дейилганда асосан ишлаб чиқариш қуроллари назарда тутилади.

Ўқитувчи раҳбарлигига ўтказилган турли хилдаги илмий сафарлар ва экскурсия ҳамда саёҳатлар натижасида топилган археологияга оид топилмалар мактабга қўйилгач умумлаштирилади, ўлкашунослик тўғарагида ўрганилади, унинг материалларидан мактабда кўргазмалар ташкил қилинади ва мактаб ўлкашунослик музейи фондига экспозиция сифатида ўтказилади. Ўқув жараёнида эса унумли далилий маълумотлар сифатида фойдаланилади.

Кейинги йилларда Низомий номли Тошкент Давлат педагогика институтининг тарих факультети талабалари Ўзбекистон Фанлар академияси тарих ва археология илмий-тадқиқот институтлари ходимлари билан ҳамкорликда бир неча марта археологияга оид илмий са-

фарларда бўлиб, қазишмаларда фаол иштирок этдилар. Бу қазиш ишлари талабаларда археология фанига бўлган жуда катта қизиқиш уйғотди. Уларнинг бевосита ёрдами билан тарих инсон ва жамият фанларини ўқитиш услубияти кафедраси қошида ўлкашунослик музейи ташкил қилинди. Ҳозир факультетдаги (кундузги, кечки ва сиртқи бўлимлар бўйича) 2000 дан ортиқ талаба ўз ўлкаларининг тарихи бўйича реферат ёзмоқдалар. Тўпланган бу реферат материаллари умумлаштирилиб, жонажон ўлкамиз тарихини ўрганиш, тарих ва инсон ва жамият фанларини ўқитишида самарали фойдаланиб келинмоқда.

## 2. «Ибтидоий жамоа тузуми» мавзуини ўрганишда археологияга оид маълумотлардан фойдаланиш

Бу мавзуни ўрганиш жараёнида ўқувчилар Ўзбекистон тарихидаги ибтидоий жамоа тузуми билан, шунингдек қадим замонлардаги шарқий славянлар ҳаёти билан танишадилар.

Ибтидоий жамоа тузуми дунёдаги барча халқлар тараққиётида мавжуд бўлган асосий, бошлангич даврdir. Бу ҳамма ижтимоий-иқтисодий тузумлардан кўра энг узоққа чўзилган тузум бўлиб, у юз минг йиллар давом этган. Ибтидоий жамоа тузумининг бошланиши одамнинг пайдо бўлиш вақтига (тажминан милоддан 700 минг йил илгариги даврга оид), унинг охири (синфлар ва давлатнинг пайдо бўлиши) эса турли халқларда турлича кечган бўлиб, уларнинг ҳар қайсисининг ривожланиши шароитларга қараб белгиланади. Бу мавзуни фақат археологияга оид маибалар асосидагина ўқувчиларга муваффақиятли тушунтириш мумкин. Чунки ибтидоий жамоа тузуми ҳамдўстликнинг турли вилоятларида турлича кечган. Масалан, Закавказье, Ўрта Осиё, Шимолий, Қора денгиз бўйлари ҳудудида милоддан аввалги 1- минг йилликдаёқ қудорлик давлатлари вужудга келган. Россиянинг бир қанча халқларида (Шимол, Узоқ Шарқ халқларида) эса ибтидоий жамоа муносабатларининг қолдиқлари то асримизнинг бошларигача съязланниб қолган.

Ўқувчилар жамоа муносабатларидағи ўзгаришларга қараб, ибтидоий жамоа тузумининг даврлантирилиши

билин танишадилар. Ўзбекистон тарихида дунёдаги барча ҳалқларнинг тарихий ўтмишида биринчи ва энг узоқ давом этган босқич – ибтидоий жамоа тузумининг асосий хусусиятлари ҳақида, ибтидоий жамоа тузумининг қулдорлик тузуми билан алмашиниши (Ўрта Осиёда Хоразм ва мамлакатимиз жануби – водий ва воҳаларида ёки феодал тузуми билан алмашуви сўғд, сак, массагет ва бошқа бир қанча ҳалқларда) қонуниятлари ва унинг прогрессивлиги тўғрисида тушунча ҳосил қилиш иши тугалланади.

«Ибтидоий жамоа тузуми» мавзусини ўрганиш натижасида ўқувчиларда Ватанимиз қадимги тарихга эга экан, деган тушунча аниқ археологияга оид далиллар билан мустаҳкамланади. Бу ўринда ўлка материалидан фойдаланиш – қадрдоқ қишлоқ, шаҳар, район, колхоз, совхоз ҳудудларида бўлган археологияга оид қазишмалар ҳақида, жуда қадимги замонда унинг ўрнида нималар бўлганлиги тўғрисида гапириб бериш ёки жонли далиллар келтириш жуда муҳим роль ўйнайди. Шу тариқа ўқувчилар онгода қадрдан ўлка – овул, қишлоқ, район, шаҳар (жамоа ва давлат ҳўжаликлари)нинг янги қиёфаси яратилади, ўлканинг узоқ ўтмиши ҳақидаги билим уларнинг бугунги тасаввурларига қўшилади.

«Ибтидоий жамоа тузуми» мавзусини ўрганиш учун мактаб тарих дастурида 6 соат ажратилган. Биз буни қуйидагича тартибда ўрганишини мақсадга мувофиқ деб биламиш:

- 1-дарс. Мамлакатимизнинг энг қадимги аҳолиси.
- 2-дарс. Уруг жамоаларининг маконлари.
- 3-дарс. Ўрта Осиёдаги қулдорлик давлатлари.
- 4-дарс. Қадимги Хоразм ҳалқлари.
- 5-дарс. Қадимги замонда Ўрта Осиё ҳалқлари.
- 6-дарс. Қадимги замонда ўлкамиз.

Биз юқоридаги 6 соат дарсдан намуна учун биринчи ва олтинчи дарслар билан таништириб ўтамиз.

### 1-дарс. Мамлакатимизнинг энг қадимги аҳолиси

Дарсда ўқувчиларнинг энг қадимги одамларнинг ҳайвонлардан асосий фарқлари ҳақидаги, меҳнатнинг ибтидоий одамларни камол топтиришдаги роли, уларнинг аста-секин такомиллаша бориш жараёнлари тўғрисида олган билимлари тақрорланади ва мустаҳкамланади; ўқувчилар Ўзбекистон ҳудудидаги энг қадимги одамлар ҳаётининг излари билан танишадилар.

Дарс бошланишида унинг ўқув вазифаси ўқувчиларга тушунарли қилиб ифодалаб берилади. Тажриба шуни кўрсатадики, ўқув вазифасининг аниқ ифодалаб берилishi ўқувчилар диққатини тўплайди ва янги материални яхшироқ ўзлаштириб олишни таъминлайди.

Мана шу дарсда ўқув вазифасини бир неча савол воситаси билан ифодалаш мумкин, ўқувчилар бу саволларга дарс давомида ёки машғулот охирида жавоб беришлари керак.

Сўраладиган саволлар қуйидагича бўлиши мумкин: археолог-олимлар мамлакатимиз ҳудудининг қайси жойларида энг қадимги одамларнинг изларини топганлар? Ўзбекистоннинг қайси жойларида бундай излар кўп топилган? Ибтидоий одамлар ҳайвонлардан нима билан фарқ қиласди? Нима учун энг қадимги одамлар тўда-тўда бўлиб, кейинроқ уруғ бўлиб яшаганлар? Нима учун ибтидоий одамлар ҳаётида табиий шароит айниқса катта аҳамиятга эга бўлган? Ўқувчининг жавобларидан сўнг ўқитувчи бу саволларга кимлар қандай жавоб берганлигини изоҳлайди, ўзи ўтган шу мавзу юзасидан қисқача хулоса қиласди ва уни янги мавзуга боғлади.

Янги материални ўрганиш режаси

1. Ўлкамиз ҳудудидаги ибтидоий одамлар.
2. Улкан музлик ва одамлар ҳаётининг янги шароитлари.
3. Ибтидоий одамларнинг манзиллари.
4. Уруғчилик тузумининг пайдо бўлиши.

Биринчи мавзунинг асосий мазмуни қадимги дунё тарихи курсидан ўқувчиларга маълум бўлганлиги сабаби уни сұхбат услуби билан ҳал қилиш мумкин. Сұхбат қуйидаги режага мувофиқ ўтказилади: энг қадимги одамларнинг ҳайвонлардан асосий фарқи нимадан иборат? Энг қадимги одамларнинг меҳнат қуроллари қанақа бўлган? Тош қуроллар деганда нимани тушунасиз? Нима учун энг қадимги одамлар якка-якка ҳолда яшамай, балки тўда-тўда бўлиб яшаганлар? Одамларнинг ўсиб, камол топа боришида меҳнат ҳал қилувчи роль ўйнаганлигини нима билан исбот қилиш мумкин? Юқоридаги саволларга ўқувчилар тўғри жавоб берсалар, ўтган мавзуларни яхши ўзлаштирган бўладилар.

Иккинчи мавзуу, яъни улкан музлик ҳақида, табиий шароитлар, унинг таъсирида ҳайвонлар дунёсининг ўзгаришлари тўғрисида, бу ўзгаришларнинг одамга



Чақмоқ тошдан ясалған ўқёй учлары, бигизлар ва мармардан ясалған тасвир бўлаги

қандай таъсир кўрсатганилиги хусусида ўқитувчи ҳикоя қилиб бериши зарур.

Музлик давридан илгариги замонида кўнгина ҳайвонлар ўзгариб кетган ҳаёт шароитларига мослаша олмай, қирилиб кетган. Меҳнат сабаб бўлган-у, одам омон қолган, меҳнат эса қуроллар ясандан бошланган. Меҳнат натижасида одам ўсиб, камолга етган. Қийинчиликлар билан курашиб уни чиниқтирган ва ўстирган. Одамларнинг музлик давридаги совуқ, табиий шароит билан курашувида қозонган ғалабасининг асосий сабаби – одамларнинг меҳнат қилиш ва меҳнат қуроллари ясан қобилиятига эга бўлишидир.

Оловдан фойдаланишини билиб олиш ғоят катта аҳамиятга эга бўлган. Хўш, оловдан фойдаланишини билиб олишнинг энг қадимги одамларга қандай нафи



Күшон даврига оид топилмалар

теккан? Бу саволга ўқувчиларнинг ўзлари жавоб беришлари мумкин.

Учинчи мавзучани кўриб чиқиша ўқитувчи табиий картадан фойдаланиб, мамлакатимиз ҳудудидаги энг қадимги одамлар яшаган манзилларни (тажминан 500—100 минг йиллар илгариги) қўрсатади.

Ҳамдўстликка аъзо давлатлар ҳудудида наридан-бери йўнилган тош қуролларга эга бўлган (юқори палеолит даври) энг қадимги одамларнинг манзиллари мавжуд бўлган ҳудуд жуда кенг (Арманистон, Абхазия, Узбекистон, Туркменистон, Қирғизистон ҳамда жанубий ва марказий минтақадаги бошқа районлар — Дон, Жанубий Днепр, Волга, Обь, Енисей, Лена дарёларининг оқимлари, Байкал кўли атрофлари). Ўқув қўлланмасида гап борадиган ибтидоий одамларнинг манзиллари ҳақида ўқувчиларга сўзлаб бериш билан бирга, уларни маҳаллий ўлка ҳудудидаги энг қадимги одамларга оид, уларнинг манзилларини аниқлашга доир ўтказилаётган археологияга оид қазишмаларнинг материаллари билан (агар шундай қазилмалар ўтказилган ёки ўтказилаётган бўлса) танишириш мақсадга мувофиқ бўлур эди. Бу ўринда ўқитувчи қўйидаги археологияга оид материалларга мурожаат қилиши лозим.

1938 йили археологлар Ўрта Осиёда қадимги тош, яъни мустъе давридаги одамлар манзилини биринчи марта кашф этдилар. Бу манзил тоғларда, чуқур дарада, Тешиктош горида, Сурхондарё вилоятининг Бойсун тоғлари атроғидан 400 м баландликда эди. Кенг горда ( $20 \times 21$  м) ернинг турили қатламларида жуда кўп меҳнат



Милодимизнинг I—II асрларига оид бронза ойна ва буюмлар

қуроллари ва ҳайвонларнинг сүяклари, 300 дан ортиқ тошдан ишланган буюмлар, 2,5 мингдан кўпроқ чақмоқтош парчалари, ўн мингдан ортиқ сүяк синиқлари, кўпинча илик сүяклари топилган. Шу топилмаларга қараб одамларнинг юзларча йиллар форда яшаганликларини, уларнинг айиқ, буғу, қуён, тоғ эчкиси ва бошқа ҳайвонларни овлаганликларини аниқлашга муваффақ бўлинди.

Бир вақтлар Тешиктошда яшаган одамлар ҳаммадан кўра кўпроқ тоғ эчкиларини овлашган. Бу ов катта қийинчиликлар билан боғлиқ бўлган: тоғ эчкилари баланд тоғ районларида, кириб бўлмайдиган дараларда яшаган, улар аранг кўринадиган қоятош чўққиларига bemalol сакраб ўтадиган ҳамда бошқа ҳайвонлар ва одам чиқа олмайдиган тоғ четларига ўтиб кета оладиган бўлган. Ҳатто такомиллаштирилган ўқ отадиган қурол

мавжуд бўлган ҳозирги вақтда ҳам тоғ эчкиларини овлаш жуда қийин. Ҳўш, ҳатто ҳали ўқ-ёйи ҳам бўлмаган ибтидоий овчилар тоғ эчкиларини қандай овлашган? Чамаси, тоғ эчкиларини изма-из бориб топишган, сўнгра овчиларнинг катта гуруҳи уларни қуршаб олишган ва қоя дарасига ёки бирорта чуқурга ҳайдаб туширишган, сўнгра уларни тош ва йўғон таёклар билан ўлдиришган бўлса керак.

Дарснинг тўртинчи мавзучаси қисқача ёритилади. Үқитувчи ўқув қўлланмасининг мазмунига мувофиқ равишда меҳнат қуролларининг такомиллашуви ва янги уруғ жамоаларининг пайдо бўлиши тўғрисида гапириб беради.

Ўқитувчи ўқув қўлланмаси матнига қараб ўқувчиларга уй вазифаси берар экан, худди шу жойда уларга ўқув қўлланмасида баён этилган савол ва топширикларни ўқиб чиқиши буоради. Керак бўлганда эса (масалан, харитадан фойдаланиб ишлаш, маҳаллий материаллардан, яъни археологияга, этнографияга, топонимикага оид ва архив ҳужжатларидан фойдаланиш ва шу кабилардан) қўшимча равишда баъзи маслаҳатлар ҳам беради.

Ўқувчиларга Оҳангарондаги Кўлбулоқ, Шайтонтепадаги одамлар манзили тахминан қайси даврга ва Тешиктош горидаги манзил қайси замонга оид эканлигини аниқлашни таклиф этадиган қўшимча топширик уларда маълум қийинчилклар туғдириши мумкин.

Ҳўш, топширикни бажаришга қандай ёндашиб мумкин? Даставвал бу манзиллардан қандай меҳнат қуроллари топилганлигини аниқлаш зарур (ўқув қўлланмасига қаралсин). Ҳар учала манзил ибтидоий одамларнинг тўда-тўда бўлиб яшаган даврини аниқлашга имкон беради. Шу билан бирга, Шайтонтепадаги манзил анча илгариги замонга, Кўлбулоқ ва Тешиктош горидаги манзил эса бир қадар сўнгги замонга, яъни мустеъ даврига оидdir, чунки ўқув қўлланмасида кўрсатиб ўтилганидек, шу жойда анча такомиллашган ва хилма-хил тошдан ясалган қуроллар топилган. Кейинги дарсда бу масалани таҳлил этиш вақтида үқитувчи археологияга оид қазишишлари ўтказилганда Шайтонтепада топилган муз давридан бурун (500—1000 йиллар аввал), Тешиктош горида эса энг катта музлик замонида (100—40 минг йиллар илгари) яшаган ҳайвон суюкларидағи фарқларга ҳам диққатни жалб этади.

## 6- дарс. Қадимги замонда ўлкамиз

Ўқувчи дарсда жонажон ўлканинг қадимги тарихи билан танишади. Мавзунинг илгари ўрганилган асосий далил ва тушунчалари мана шу дарс материаллари асосида аниқлаштирилади ва мустаҳкамланади.

Ўқув қўлланмасидаги биринчи бобга доир хulosада келтирилган энг муҳим умумлаштирувчи хulosаларга алоҳида эътибор бериш зарур. Бундаги энг асосий хulosалар: а) меҳнат қуролларининг такомиллашуви ва хўжаликнинг ривожлана бориши ижтимоий тузумда ҳам муайян ўзгаришларга сабаб бўлган (бу хulosса ибтидоий жамоа тузумининг ривожланиши маълумотлари асосида ўқувчиларга аниқ ва ишонарли қилиб очиб берилади); б) синфлар пайдо бўлиши билан давлат – меҳнаткаш ҳалқ устидан зулм ўтказадиган алоҳида ташкилот вужудга келади; в) қулдорлик тузуми шундай бир ижтимоий тузумки, унда икки асосий душман синф – мутлақо ҳуқуқсиз ва хусусий мулқдан маҳрум қуллар синфи билан бой-бадавлат қулдорлар синфи мавжуд бўлиб, асосий бойликгина эмас, балки қулларнинг ўzlари ҳам қулдорларга қарашли бўлган.

Бу дарсни турли хил услубий варианларда ўтиш мумкин. Бирор вариантни танлаш кўп жиҳатдан ўлка материалининг хусусиятлари ва материалнинг ўқитувчи қўлида мавжуд бўлиши билан белгиланади.

### А варианти

Маҳаллий материал мавзунинг сўнгги дарсида яхлит ҳолда мавзунинг асосий мазмунини тақоролаш ва умумлаштириш билан бирга ўрганилади.

Дарснинг қуийидаги тахминий режасини тавсия қилиш мумкин:

1. Ватан харитасида энг қадим замондаги бизнинг ўлка.
2. Ўлка ҳудудида энг қадимги одамларнинг манзилгоҳлари ва уруғ жамоаларининг маконлари.
3. Ўлка ҳудудида ибтидоий жамоа тузумининг емирилиши.
4. Қадим замонда қўшни мамлакатлар ва ўлкамиз ривожланишидаги умумий хусусиятлар.

Ўқувчиларни маҳаллий ўлка тарихи билан таништиришга киришилар экан, янги археологияга оид қазишлар ўтказилиши, ҳозирча ер бағрида яшириниб ётган янги

сирларнинг очилиши мумкинлиги тўғрисидаги ғояни амалга ошириш муҳимдир.

— Сизлар мана шу ерда турибсизлар,— дейди ўқитувчи ўз шогирдларига,— оёқларингиз остидаги ерда эса, эҳтимол, ҳали кашф қилинмаган нарсалар бордир. Ҳали қилинмаган кўпгина ишлар сизларнинг зиммангизга тушади. Археологияга оид қазишлар ўтказиш учун алоҳида билим ва маҳорат талаб этилади. Биз тарих дарсларида археологларнинг ишлари билан танишган эдик. Бу ҳақда ўлкашунослик тўгараги машғулотларида ҳам айрим муҳим масалаларни муҳокама этганимиз, тўғрими? Мана энди сизлар ўлкамиз ҳудудида археологлар ўтказган қазишларни ҳам билиб оласизлар.

Лекин археология билан шуғулланиш бирдан эсга келиб қолган ерни ковлай бериш, деган гап эмас. Бунда ҳам маҳсус рухсат, ҳам билим ва тажриба бўлиши зарур. Кимки археологияга қизиқадиган бўлса, бундан бўён ўлкашунослик тўгарагимизга иштирок этсин, шунда ўзи ҳам археологияга оид қазишларда қатнаша олади.

Хўш, ўлкамизнинг энг қадимги тарихи ҳақида бизга нималар маълум?» — деб савол беради ўқитувчи. Кейин эса энг қадимги замондаги Ватанимиз харитасида бўлган маҳаллий ўлка ҳақидағи тегишли маълумотларни келтиради.

Айрим саволларни кўриб чиқиш давомида илгари ўтилган материал ҳам такрорланади: айни бир вақтда ўқувчиларнинг билими текширилади ва унга баҳо қўйилади. Масалан, иккинчи мавзучани ўрганишда ўқувчилар ибтидоий жамоа тузумининг умумий тавсифини ва унинг асосий даврларини эсга оладилар.

Сўнгра ўқитувчи ўқувчиларни ўлка ҳудудидаги археологияга оид қазишмаларнинг натижалари билан (агар шундай қазишлар ўтказилган бўлса) таништиради, тегишли археологияга оид обьектларнинг қайси даврга тааллуқли эканлигини мустақил аниқлашни уларга таклиф қиласди.

Ўқитувчи учинчи мавзучани таҳлил этишда ибтидоий жамоа тузумининг емирилиш шарт-шароитлари ҳақида, синфларнинг вужудга келиши ва мамлакатимиз тарихида дастлабки давлатларнинг ташкил топиши тўғрисида гапириб беради.

Дарснинг охирида инсоният ижтимоий тараққиётидағи дастлабки икки босқичга умумий тавсиф берилади, ибтидоий жамоа тузумидан синфий жамиятга ва давлатга

ўтишнинг прогрессивлиги қўрсатиб берилади (агар тегишли маълумотлар мавжуд бўлса, буни жонажон ўлка тарихи асосида қўрсатиб бериш мақсадга мувофиқ бўлур эди).

### Б в арианти

Дарс жонажон ўлканинг археологияга оид ёдгорликлари мавжуд бўлган мактаб ёки шаҳар ўлкашунослик музейида ўтказилади.

Андижон вилояти, Хўжаобод туманидаги 6-ўрта мактаб тарих фани ўқитувчиси Қораш Аҳмедов раҳбарлигига 1967 йилда тарих ва ўлкашунослик музейи бунёдга келди. Бир қанча дарслар, шу жумладан, «Мамлакатимиз ҳудудидаги ибтидоий жамоа тузуми» мавзусидаги дарс ҳам шу музейда ўтказилади. Ўқувчилар бир неча йил аввал Ойим посёлкаси яқинидаги Даъварзиндан топилган жез даврига оид маълумотларни мактаб музейида таҳлил қилишади.

### В в арианти

Бутун мавзуни ўрганиш жараёнида айрим дарсларда эса ҳар бир дарснинг ўрганилаётган масалалари муносабати билан маҳаллий маълумотдан фойдаланилади.

Масалан, ўқитувчи «Мамлакатимизнинг энг қадимги аҳолиси» мавзусини ўтадиган дарсида ўқувчиларни ўлка ҳудудидаги ибтидоий одамларнинг манзилгоҳлари, археологияга оид қазишмаларнинг маълумотлари билан таниширади. «Уруғчилик жамоаларининг манзилгоҳлари» дарсида қадимги деҳқонлар ва чорвадорлар ҳаёт кечирган чайлалари ҳамда манзилгоҳларининг археологлар томонидан топилиб, аниқланган ва қазишмалар натижасида топилган археологияга оид маълумотлар билан танишиб чиқадилар.

Бу ҳолда сўнгги дарс бутун мавзу мазмуни юзасидан – ўқув қўлланмаси материаллари бўйича (1-бобга доир хулосага ҳамда 1- бобни такрорлаш учун саволлар ва тоғшириқларга қаралсин) такрорлаш-умумлаштириш машғулоти тариқасида ўтказилади. Шу билан бирга ўқувчилар ўқув қўлланмасида 1-бобни такрорлаш учун қисқача ифодалаб берилган саволларга мувофиқ дарсга тайёрланадилар, заммо хулоса матнини ўқимайдилар. Чунки ўқувчиларнинг ўзлари мавзуга оид бўлган хулосаларни пухта ўйлаб кўришлари, такрорлаш-умумлаштириш машғулотида мустақил равишда хулосалар

чиқаришлари ва шундан кейингина буларни хulosалар матни юзасидан мустаҳкамлашлари керак.

Хулоса матнидан фойдаланиб ишлашда турли вариянталар: а) такрорлаш-умумлаштириш машгулотида хulosалар матнини анализ қилиш; б) такрорлаш-умумлаштириш дарсинг мазмунини уйда бажариладиган иш жараёнида хulosалар матни бўйича мустаҳкамлаш; в) такрорлаш-умумлаштириш дарсига тайёрланиш жараёнида ўқувчиларнинг ўлка материалларидан мустаҳкил фойдаланиши каби ишларнинг самарадорлигини тажриба жиҳатдан текширишни давом эттириш.

### Дарснинг тахминий режаси

1. Энг қадимги одамлар ҳаётида меҳнат қандай роль ўйнаган?

2. Нима сабабдан ибтидоий жамоа тузуми дунёдаги барча халқлар тараққиётида мавжуд бўлган асосий босқич ҳисобланади? Ибтидоий жамоа тузуми ўз тараққиётида қандай асосий босқичларни босиб ўтган?

3. Ибтидоий жамоа тузумининг асосий хусусиятлари қандай? Бу асосий хусусиятларни ўлкамиз (район, вилоят, шаҳар) ҳудудидаги археологияга оид қазишмалар ҳақидаги маълумотлар билан исботлаб беринг.


4. Диний эътиқодлар қачон ва нима учун вужудга келган? Бу эътиқодларнинг моҳияти нимада? Қадимги эътиқодларнинг қандай сарқитлари ҳанузгача учраб туради?

5. Нима сабабдан ибтидоий жамоа тузуми емирилган, нима учун синфлар ва давлат вужудга келган? Мамлакатимиз ҳудудида бўлган энг қадимги қулдорлик давлатларини харитада кўрсатинг. Бизнинг ўлкада қандай қадими давлатлар бўлган?

6. Қулдорлик тузуми ибтидоий жамоа тузумидан нима билан фарқ қиласи? Нима сабабдан бу тузум инсоният жамияти тарихида олға қараб қўйилган қадам ҳисобланади? Буни мамлакатимиз тарихидан олинган маълумотлар билан исботлаб беринг.

Уй вазифаси: Ўқув қўлланмаси. 1-бобга доир хулоса: «Қадимги замонда Ўрта Осиё халқлари» ҳамда ўз ўлкангиз ҳудудидан қадимги халқлар ҳақидаги маълумотларни ўрганиб келинг.

Демак, юқоридаги дарслардан кўриниб турибдики, қолган барча мавзуни ўтишда ўлка материалларидан унумли ва ўринли фойдаланиш мумкин экан.





---

### III. Ўлкашунослиқда этнография- нинг аҳамияти

---

1. Ўзбек халқи тўғрисидаги этнографияга оид дастлабки маълумотлар
2. Ўзбек этнографияси
3. «XIV – XVI асрларда маданиятнинг ривожланиши» мавзусини ўтишда этнографияга оид маълумотлардан фойдаланиш услублари

Этнография (этнос — халқ, греко — ёзиш) — халқ ҳақидаги фан бўлиб, у халқни ўрганувчи, таърифловчи фан ёки халқшунослик фани деб ҳам юритилади. Бу фанни айрим вақтларда «этнология» (лотин тилида «этнос» — халқ, «логос» — сўз, тушунча, фикрлаш) деб ҳам аташган. Баъзи олимлар этнография билан этнология ўртасида маълум даражада чегара борлигини таъкидлайдилар. Баъзи олимлар эса буни инкор этадилар. Аксинча, бу икки фан ўртасида ҳеч қандай чегара йўқ, балки уларнинг бири иккинчисини тўлдиради, изоҳлади.

Этнография дунё халқларининг маданиятини, майший ҳаётини, келиб чиқиши (этногенези) ни жойлашиши (этник географияси) ни ва маданият тарихини, ўзаро алоқа ва муносабатларини ўрганувчи фандир.

Этнография тарихий фанлар, айниқса, археология, антропология, география ва тилшунослик билан бевосита боғлиқдир. Бундан ташқари, у ёзма манбалар, географик ҳужжатлар, моддий ва майший материаллардан ҳам фойдаланади. Мана шу хусусиятлари билан этнография бошқа тарихий фанлардан фарқ қиласди.

Инсон ақл-заковати ва қўли билан яратилган ҳамма нарса маданият этнографиясидир. Маданият ҳам ўз навбатида иккига бўлинади. Транспорт, архитектура иншоотлари, кийим-кечак, зеб-зийнат, қурол-яроғ, меҳнат қуроллари ва шу кабилар моддий маданиятни ташкил этади. Инсоннинг илмий фаолияти билан яратилган санъат, адабиёт, ёзма манбалар, фан, фалсафа, оиласвий ҳаёт, диний маросимлар, диний эътиқодлар ва шу кабила маънавий маданиятга киради.

Этнография фақат моддий маданият билан маънавий маданият ўртасидаги асосий фарқларнигина ўрганиб қолмай, балки улар орасидаги ўхшашлик ва умумий қонуниятларни ҳам ўрганади.

Бу қонуниятларни тадқиқ этиш эса инсониятнинг умумий тарихий тараққиёти қонунларини билиш имконини беради. Этнографлар олдида турган кенг ва хилмачил масалалар этнография фанини бошқа яқин фан соҳалари билан узвий boglabgina қолмай, унинг ўзини ҳам бир қатор ихтисосларга бўлиб юборди. Булар хўжалик ва техника тарихи, халқ меморчилиги ва тасвирий санъат, урф-одат ва маросимлар, оиласвий тузум, кийим-кечак ва уй-рўзгор, ижтимоий ва майший турмуш ихтисослари ва ҳоказолар. Лекин, одатда, этнография

айрим қитъалар, мамлакатлар ёки халқларга қараб, масалан, Африка, Австралия, Америка, Европа, Урта Осиё халқарини ўрганиш, шунингдек, янада торроқ доирада рус, украин, озарбайжон, тожик, ўзбек халқлари ва этнографияга оид гуруҳларни ўрганиш бўйича ихтисосларга бўлинади. Бундай тор ихтисосчилик асосида этнография фани турмуш йўсенидаги ҳодисаларни бевосита кузатиш усулларига таяниб, инсоният тарихининг ҳамма босқичлари – энг ибтидоий шаклларидан то ҳозирги замондаги кўп қиррали, юқори маданиятли турмуш йўсилари гача ўрганади.

Этнографларимиз этнография фанининг ҳамма соҳасида пешқадам бўлиб бормоқдалар. Баъзи этнографларнинг асарлари фақат фан нуқтаи назаридангина эмас, балки амалий масалаларни ҳал қилиш жиҳатидан ҳам муҳим аҳамиятга эга. Этнографик билимлар халқларнинг ғоят бой маданият меросидан фойдаланиш имкониятини беради. Этнографларнинг марказий вазифаларидан бири барча халқларга хос янги турмуш тарзининг умумий хусусиятларини ўрганишдан иборат. Ижтимоий ва оиласий турмушдаги янги прогрессив формаларни тадқиқ қилиш ёш авлодни ватанпарварлик руҳида тарбиялашга катта ёрдам беради.

Ўзбекистон ўз мустақиллигини эълон қилиб, уни мустаҳкамлаётган ҳозирги шароитда унинг ўтмиш анъ-аналарини, наврўз сингари қадимий байрамларни нишонлаш жонажон ўлкамиз янги фуқаросини камол топтириш имконини беради.

Бундай мураккаб жараённи илмий жиҳатдан аниқлаш ва ўрганиш этнографларнинг асосий вазифаларидан биридир.

## **1. Ўзбек халқи тўғрисидаги этнографияга оид дастлабки маълумотлар**

Этнограф олимлар олдида турган муҳим вазифалардан бири – халқларнинг келиб чиқишини, улар ҳақидаги этнографияга оид маълумотларни тўплаш, йиғиш, умумлаштириш ва тадқиқ қилиш ҳамда шулар асосида илмий хулоса чиқаришдан иборатdir. Масалан, ўзбек халқининг келиб чиқиши ва халқ бўлиб шаклланиши жуда ҳам мураккаб жараённи бошидан кечирган. Кўп вақтлардан бери тадқиқотчилар орасида ўзбек халқининг келиб чиқиши тўғрисида ҳар хил, айрим ҳолларда

чалкаш фикрлар ҳукм суринб келмоқда. Кўплаб тадқиқотчилар бу мураккаб ва чалкаш масалани ечиб бериш устида иш олиб бормоқдалар.

Маълумки, «ўзбек» этник номининг келиб чиқиши Даشت қинчоқда ташкил топган Оқ Ўрда ва Шайбон улусида, яъни Сирдарё, Орол денизи ва Волга бўйлари оралигидаги кенг ҳудудда кўчиб юрган, XIV асрдан бошлаб ўзбеклар деб юритилган турк-мўгул қабилалари билан боғлиқdir.

Бу қабилалар XV аср давомида ниҳоятда зўр ҳарбий-сиёсий кучга эга бўлган давлат ташкил қилиб, XVI асрнинг бошларидан Мұхаммад Шайбонийхон бошчилигига Ўрта Осиёга, шу жумладан, ҳозирги Ўзбекистон ҳудудига бостириб киради ва ўрнаша бошлайди.

Айрим тадқиқотчилар ўзбек халқининг келиб чиқиши тарихини мазкур истило даври билан бошлаб, ўзбек халқининг шаклланиши XV – XVI асрлардан бошланади, деган мутлақо нотўғри фикр юритиб келган эдилар. Йирик олимлар, чунончи, С. П. Толстов, А. Ю. Якубовский, Я. Ф. Ғуломов, А. Асқаров, Б. Аҳмедов, И. Жабборов ва бошқалар ўзбек халқининг бошлангич ядроси Ўрта Осиёда қулдорлик даврида яшаган қадимги сўғдийлар, хоразмийлар, сак қабилалари ва уруғ-аймоқчиликни унугланган, кейинроқ кўчманчилиқдан ўтроқ дәхқончиликка ўтиб сарт номини олган, туркий тилда сўзлашувчи чигил, қорлуқ, яғмо, тухси, арғу каби қавмлардан иборат эканлигини, ўзбек әлатининг шаклланиши асосан XI – XII асрларда тугаганлигини ва XVI аср бошларida пайдо бўлган кўчманчи Шайбоний ўзбекларнинг ўзбек халқининг қадимги ядросига аралашиб кетиб, унга фақат ўз номинигина берганлигини асосли далиллар билан исботлаб берганлар.

Кейинчалик кенг миқёсда ўтказилган археологияга оид ва антропологияга оид тадқиқотлар, бизгача етиб келган юонон, араб, форс ва хитой муаллифларининг ва бошқа сайёҳларнинг жуда ҳам ноёб ахборотлари ўзбекларнинг Фарғона, Зарабон, Сурхондарё, Қашқадарё водийларида, Хоразм ва Тошкент воҳаларида яшаган қадимиий авлод-аждодларининг этнографияга оид

<sup>1</sup> Қаранг: С. А. Токарев. «Основы этнографии», М., 1968 й. ва И. Жабборов «Ўзбек халқи этнографияси», «Фан» нашриёти. Т., 1964 йил.

қиёфасини тұлиқ бұлмаса ҳам күз олдимизга келтиришга имкон беради.

Үрта Осиё, шу жумладан, Ўзбекистон ҳудудида Россия Фанлар академиясینинг ва Ўзбекистон Фанлар академиясінинг тарих ва археология институтлари томонидан уюштирилған күп ийлilik самарали ишлар натижасыда ўзбекларнинг авлод-аждодлари қадимдан ұтрок, йирик сүфориш иништоотларига асосланған дәхқончилікка, мустақил, үзіга хос юксак маданиятта әга бўлганлиги исбот қилинди. Бу ҳолат баъзи тадқиқотчиларнинг Үрта Осиё ҳалқлари гүё тарихий ҳалқ әмас, уларнинг маданияти Эрон ва бошқа мамлакатларнинг маданиятига тобе, бу гўзал ўлқада узоқ ўтмишда фақат кўчманчи, ёввойи қабилалар яшаган, деган ҳар хил даъволарни фош қилди ва пучга чиқарди. Ҳолбуки, ирқий «назарияни» тарғиб қилувчи баъзи олимларнинг узоқ аждодлари ибтидоий маданиятга энди эришган бир пайтда қадимги Хоразмда Чириқработ, Бобишмулла, Қўйқирилган қалъа, Тупроққалъа каби ёдгорликлардан қазиб топилған ажойиб архитектура, санъат ҳамда ёзув дурдоналари, Болалитета ва Панжакентда кашф этилған ҳар хил маросимларни тасвириловчи ранг-баранг расмлар, Варахшанинг гўзал ганч ҳайкал ва безаклари, бутун антик давр ичидә қурилған ҳашнаматли шаҳар ва қалъалар, дабдабали сүфориш иништоотлари, бепоён әқинзорлар ўзбек ва бошқа Үрта Осиё ҳалқларининг узоқ ўтмишда ниҳоятда зўр иқтисодий ва маданий тараққиётга әга эканлигини яққол кўрсатиб турибди.<sup>1</sup>

Узоқ асрлар давомида шаклланиб келған юқори даражадаги маданий замин бўлмаганда, илк феодализм даврида, яъни IX - XII асрларда бутун Үрта Осиё, шу жумладан, Ўзбекистонда фан ва маданият гуркираб ўсиб, жаҳонга Абу Али ибн Сино, Абу Райҳон Беруний, Муҳаммад ибн Мусо Хоразмий, Абунаср Форобий каби фаннинг күп соҳаларини мукаммал әгаллаган улуғ сиймоларни етказиб бериши мумкин әмас әди.

Үрта асрнинг энг йирик олимларидан истеъододли тиашунос Маҳмуд Конғарий ўзининг «Девону луғатит турк» номли ноёб асарида ўзбек ҳалқининг энг қадимги туркий тилда гапиравчи аждодларидан бири бўлган чигил қабилалари Искандар Зулқарнайн юриши қиласан

<sup>1</sup> Қарант. И. Жабборов «Ўзбек ҳалқи этнографияси» Т., 1964, 18-бет.



даврдаёт кўн нуфузли этнографияга оид гуруҳлардан ҳисобланганни ҳақида маълумот беради.<sup>1</sup>

XI асрнинг етук шоири ва олими Юсуф Ҳожиб томонидан яратилган, ўз даврининг зўр бадиий асари ҳисобланган «Қутадгу билг» нинг ана шу чигил қабилалари тили асосида ёзилганини ва бундай ажойиб асар агар узоқ асрлар давомида иктиносидий, маданий бирлик негизида дунёга келган умумий бир тил бўлмаган ҳолда пайдо бўла олмаслигини ҳам эътиборга олсак, у вақтда ўзбек халқининг тили ниҳоятда узоқ тарихга эга эканлигига ишончимиз комил бўлади.

Маҳмуд Кошғарий ўз асарида илк ўрта асрларда ҳам туркча, ҳам сўғдийча сўзлайдиган, яъни икки тилли бўлган ва фақат туркча ганирадиган кишиларнинг жуда кўплигини, лекин фақат сўғдийча сўзлайдиган кишиларнинг мутлақо йўқлигини ҳамда туркий тиллар эски тилларни сиқиб чиқарганлигини айтади. Демак, ўзбек халқи милодимиздан аввалоқ муайян бир ҳудудда ўзига хос мөддий ва маънавий бирлик яратса бошлаб, аста-секин тил жиҳатидан ҳам умумийликка эриша бошлайди. Натижада, юқорида айтилганидек, XI – XII асрларга келиб ўзбек халқи асосан шаклланади.

Археологияга оид ва антропологияга оид кашфиётлар натижасида тўплланган маълумотлардан ташқари, ўзбек халқининг авлод-аждодлари тўгрисидаги баъзи палеоэтнографик маълумотларни ёзма манбаларда ҳам учратиш мумкин. Қадимги хоразмийлар, сўғдий ва саклар ёки массагетлар ҳақидаги айрим маълумотлар антик давр муаллифлари – милетлик Гекатей, Страбон, Геродот, Ариан ва Птоломей асарларида, қадимий форсий ёзувлар ва бутун Ўрта Шарқда тарқалган муқаддас китоб – «Авесто» да мавжуд.

Милодимиздан олдинги II асрдаги Хитой әлчиси ва сайёхи Чжан Ҷяннинг Даван (қадимги Фарғона) ва Кангюй (Хоразм) давлатлари ҳақида қолдирган баъзи маълумотлари ҳам этнография жиҳатидан диққатга сазовордир. Афсуски, ислом дини тарқалгунча, яъни VII – VIII асрларгача бўлган даврни ёритиш учун маҳаллий ёзма манбалар йўқ.<sup>2</sup>

<sup>1</sup> Маҳмуд Кошғарий. «Девону лугатит турк» («Турк сўзлари тўплами»). I жилд, Тошкент, 1960, 10 бет.

<sup>2</sup> Қаранг: А. В. Ошанин. Антропологический состав населения Средней Азии и этногенез ее народов. Ч. I. Ереван, 1957.

Араб истилоси даврида тарихий асарлар ва уларнинг муаллифлари ваҳшнийларча йўқ қилиб ташланганлиги ҳақида Беруний хабар қилади. Араб истилоси арафасига оид бўлган ёдгорликлар (Тунироққозалъа, Болалитепа, Варахша, Панжакент) дан тонилган бой, деворга ишланган расмлар, ҳар хил ҳайкал ва ўймакор безаклар ажойиб санъат дурданалари бўлибгина қолмай, ўша даврда яшаган халқнинг ҳўжалик фаолияти, этник тузилиши, моддий ва майший турмуши, урф-одатларини ўрганишда муҳим ва биринчи даражали тарихий этнографик манба бўлиб хизмат қилади.

Араб истилосидан кейинги асрга оид этнографик маълумотлар маҳаллий ва араб ёзувчи-сайёҳларининг асарларида мавжуд. IX – XII аср муаллифларидан Ибн Хурдадбех ал-Балхий, ал-Истахрий, Ибн Ҳавқал, Масъудий Ёқут сингари йирик географ ва саёҳатчилар, маҳаллий муаллифлардан файласуф, мусиқашунос Абу Наср Форобий, машҳур қомусчи олим Абу Райҳон Беруний ва буюк табиб Абу Али ибн Сино, этнограф, географ, тарихчи олим Абу Саъд Абдулкарим ибн Мұхаммад Самъоний ҳамда номаълум муаллиф яратган «Худуд ал-олам» сингари асарларда Ўзбекистон ҳудудидаги ўша даврда яшаган аҳоли тӯғрисида баъзи этнографияга оид лавҳалар келтирилган. Маълумки, Чингизхон ҳукмронлиги даврида мӯгуллар салтанати мисли кўрилмаган даражада кенгайиб кетди. Улар босиб олган ўлкаларини ваҳшнийларча талади, шаҳар ва қишлоқларнинг кулини кўкка совурди. Қўл остидаги ўлкаларда ниҳоятда оғир зулм ўтказди. Европа монархлари ва Рим папаси даҳшатли, жаҳонни ларзага солган Чингизхон билан савдо, сиёсий ва дипломатик муносабатлар ўрнатишга қизиқишиди. Биринчи бўлиб, «Татарлар ўлкасига» га папа Иннокентий IV 1245 йилда францискалик Иоанна Плано Карпини бошчилигига монархлардан иборат элчиларни юборади. Худди шу мақсад ва шу йўл билан 1249 – 1251 йилларда сафар қилган Плано Карпини ватандоши Вильгельм Рубрук асарида ва венециялик Маркө Поло (Рим папасининг топшириғи билан келган) асарларида ҳам (улар Хитойга Ўрта Осиё орқали ўтишган) ўлкалар ҳақида этнографияга оид маълумотлар келтирганлар.

Қудрагли ва кенг салтанат ташкил қилган буюк саркарда Амир Темур ва унинг таҳт ворислари ҳукмронлик қилган даврда Ўрта Осиё, шу жумладан, Ўзбекистон

йирик маданият марказига айланди ва унинг бошқа мамлакатлар билан ҳар томонлама алоқалари кучайди. Бу даврга оид қизиқарли баъзи этнографияга оид маълумотларни испан әлчиси рицарь Руи Гонзалес де Клавихонинг асарида, рус солномаларида, маҳаллий муаллифлар Низомиддин Шомий, Абдураззоқ Самарқандий ва бошқаларнинг асарларида учратиш мумкин. Темур давлати ҳукмронлик қилган давр ҳақида ҳамда кўп юртларни босиб олиб ва ўз бошидан кечиргандарини ёзib қолдирган (буюк ўзбек шоири Алишер Навоийнинг замондоши) йирик давлат арбоби, андижонлик Заҳирiddин Муҳаммад Бобурнинг «Воқеаий Бобурий» ёки «Бобурнома» деб номланган асарида этнографияга оид маълумотлар ҳам келтирилган.

XVI аср бошларида Ўрта Осиёни босиб олган кўчманчи ўзбекларнинг этник таркиби, жойлашган ҳудуди, турмуши ва урф-одатлари ҳақида Масъуд ибн Усмон Кўҳистонийнинг «Тарихи Абулхайрхоний», Камолиддин Биноийнинг «Шайбонийнома» ва Абдулхайр Фазлуллоҳ Рузбеҳоннинг «Меҳмонномайи Бухоро» номли асарларида этнографияга оид қимматли маълумотлар келтирилган.<sup>1</sup>

Ўрта Осиёда ўзбек хонликлари пайдо бўлганидан кейин марказлашган рус давлати билан улар орасида мунтазам равища савдо ва дипломатик муносабатлар ўрнатила бошланади. XVI асрнинг фақатгина иккинчи ярмидаёқ Ўрта Осиёдан Русияга 8 марта әлчилар юборилган бўлса, XVII асрда Хива хонлигидан 12 марта, Бухородан эса 13 марта әлчилар жўнатилган. Бунга жавобан рус давлати ҳам ўз әлчиларини ўзбек хонликларига юборади ва уларга дипломатик вазифалардан ташқари, мазкур ўлкалар тўғрисида ҳар хил маълумотлар тўплаш ҳам тоширилади. Рус әлчиларининг, тўплаган маълумотлари ҳозир ҳам илмий жиҳатдан ўз қимматини йўқотмади.

Бу соҳадаги ташаббусни дастлаб 1558 йилда Хитойга Ўрта Осиё орқали савдо йўлини аниқлаш мақсадида Москвага келган Англия савдо компаниясининг вакили Антоний Женкинсон бошлаб берди. У Москва ҳукумати ёрдамида Астрахань ва Каспий денизи орқали Хива ва

<sup>1</sup> Бу ва бошқа манбалар ҳақида батафсил қаранг: Б. А. Аҳмедов Государство кочевых узбеков. -- М., 1965; Историко-географическая литература Средней Азии. -- Тошкент, 1985.

Бухорога боради. Қишини ўша ерда ўтказиб, 1558 йилда Москвага кетаётган Бухоро ва Хива әлчиларига Англия савдо компанияси ўз вакили А. Женкинсонни қўшиб юборади. У ўз мақсадига эриша олмаган бўлса-да, Ўрта Осиё ҳақида анчагина маълумотлар тўплади.

Россия билан Ўрта Осиё ўртасидаги муносабатлар айниқса XVIII асрда Буюк Пётр даврида кучаяди. Россия иқтисодий жиҳатдан ривожланиб, хом ашё манбай ва саноат маҳсулотлари сотадиган янги бозорларга муҳтож бўлиб қолади. Шу муносабат билан Ўрта Осиёга ҳар хил дипломатик ва савдо вакилларини юбора бошлади. Пётр I Ўрта Осиёни ўз таъсирига олиш мақсадида иккита илмий сафар уюштиргди. Илмий сафарнинг биттасига князь Александр Бекович-Черкасскийни, иккинчисига Иван Бухгольцни бошлиқ қилиб тайинлайди. Бу илмий сафарлар мағлубиятга учраган бўлса-да, Пётр I то умрининг охиригача ўз мақсадидан воз кечмади. Унинг буйруғи билан 1718 йилда Каспий денгизини текшириш учун янги илмий сафар тузилади ва 1720 йили Каспий денгизининг биринчи харитаси яратилади. Келаси юли Бухорога рус әлчиси бўлиб келган Флорио Беневени Хивага ҳам бориб, фақат 1725 йилда Пётр I ўлемидан сўнг Россияга қайтган ва бу мамлакатлар тўғрисида географияга оид тарихий ҳамда этнографияга оид маълумотлар олиб келган.<sup>1</sup>

Кўхна Хоразм аҳолисининг XVIII аср ўрталаридағи турмуши тўғрисидаги этнографияга оид муҳим маълумотларни 1740—1743 йилларда Дмитрий Гладищев ва Иван Муравин бошчилигидаги Орол денгизи ва Хива илмий сафари ҳамда 1753 йилда Самара савдогари Даниил Рукавкиннинг Хивага қилган саёҳати даврида тўплаган маълумотларидан олиш мумкин. 1774 йилда Оренбург чўлларида қозоқлар томонидан асир олинган рус унтер-офицери Филипп Ефремов асирикдан қочиб, Қўйон, Марғилон, Қашқар, Ёркент, Тибет, Ҳиндистон ва Англия орқали 1782 йилда Россияга қайтиб келади ва кўрган-билганинни ёзиб қолдиради. 1781 йилда Бухорога әлчи бўлиб келган Мендиёр Бекчурин ва 1794—1796 йилларда Бухорога саёҳат қилган Т. Бурнашевнинг ҳикоялари ҳам бор. Шу даврдаги Хива хонлигига оид тарихий ва этнографияга оид маълумотлар хоннинг

<sup>1</sup> Қаранг: С. В. Жуковский. Сношения России с Бухарой и Хивой за последнее трехсотлетие. II т., 1915, 78—86-бетлар.

таклифи билан Хоразмга келган кўз шифокори, майор Бланкеннагелнинг ёзиб қолдирган хотиралари ҳам мавжуд.

Ўзбек халқ этнографиясига оид маълумотлар тўплаш XIX асрнинг биринчи ярмида Н.Н.Муравьев, А.Ф.Негри, Н.В.Хаников Г.И.Данилевскийлар олиб борган кузатишлар Ўрта Осиё халқлари, шу жумладан, ўзбекларнинг этнографиясини ўрганишдаги дастлабки илмий қадамлар бўлди.

1819 – 1820 йилларда Хива хонлигига саёҳат қилган капитан Н.Н.Муравьев ўз таассуротларини асар тарзига келтириб катта иш қилди. Н.Н.Муравьев асарининг баъзи бобларида бевосита ўзбекларнинг табиати, диний эътиқодлари, урф-одатлари, маърифати, кийим-кечаги, уй-рўзгори, уруғ-аймоғи каби этнографияга оид соғ маълумотлар келтирилган. Унинг айтишича, Бухоро томондан келган ўзбеклар асосан тўрт тоифадан – қиёт-қўнғирот, уйғур-найман, қангли-қипчоқ, пўкисманғитдан иборат; ҳар битта тоифа мустақил ҳоким – иноқга эга, аммо уларнинг энг каттаси қиёт-қўнғирот иноқидир. Унинг қўрсатишича, Хива хонлигидаги қабилавий ўзбеклар кўчманчи бўлган. Уларнинг қўпчилиги қора уйларда яшаганлар, аммо бой уруғдошлари ўтроқ сарт сингари катта пахса девор билан ўралган уйларга эга бўлган.

1820 йили Бухорога жўнатилган А.Ф.Негри бошлилигидаги дипломатик миссия қатнашчиларидан Э.А.Эверсман, Х.Пандер, П.Яковлев, Будрин ва полковник Г.Мейендорфларнинг китоб ва хотиралари ниҳоятда бой тарихий этнографик маълумотга эга, Г.Мейендорфнинг турли тилларда нашр қилинган «Оренбургдан Бухорога саёҳат» номли китобида Бухоро хонлигининг географик ўрни, ижтимоий-иқтисодий аҳволи, давлат тузилиши, аҳолиси ва унинг машғулоти, қишлоқ ҳўжалиги, сугориш тизими, ҳунармандчилиги, ички ва ташқи савдо, оила ва хотин-қизларнинг турмуши ҳақида қимматбаҳо маълумотлар келтирилган. Бу борада айниқса 1833 – 1841 йилларда Оренбург губернаторининг маҳсус топшириғига биноан ишлаган истеъдодли ёзувчи, фольклорчи, этнограф, врач ва адабиётшунос, машҳур лексикограф В.И.Даллининг олиб борган илмий ишлари диққатга сазовордир.

Чет эл муаллифларидан бири – форс тилини яхши билган инглиз саёҳатчиси Александр Борис 1831 –

1832 йилларда Бухорода туриб, муҳим сиёсий, иқтисодий, ҳарбий ва этнографияга оид материаллар тўплайди. Борис ёзиг қолдирган саёҳатномада ўзбеклар ҳақида ниҳоятда қизиқарли маълумотлар мавжуд.

1840 – 1850 йиллар ичида Қозогистон ва Ўрта Осиё ҳалқарининг этнографиясини илмий жиҳатдан ўрганишда талантли ака-ука Николай ва Яков Ханиковларнинг хизмати катта. Яков Ханиковнинг 1851 йилда нашр қилинган «Орол денгизи ва Хива ҳонлиги харитасига изоҳнома» асарида этнографияга алоҳида эътибор берилган. Унинг ишларига П.П.Семёнов ва И.В.Мушкетовлар юксак баҳо бердилар.

Этнографияга оид муҳим маълумотлар 1843 йилда Хива ҳонлигига дипломатик миссия аъзолари билан келган полковник Г.И.Данилевский, Ф.Н.Базинер асарларида ҳам келтирилган.

Уша даврларда атоқли шарқшунос олим В.В.Григорьев Оренбургда истиқомат қилган ва у Россияда биринчи бўлиб Шарқ ҳалқлари тарихи курсини ўқита бошлади. Унинг 200 дан ортиқ илмий ишлари орасида Ўрта Осиё ҳалқларига, жумладан, ўзбекларга тегишилари ҳам мавжуд.

1851 йилда Оренбургга келиб саёҳат қиласан В.В.Вельяминов-Зернов ҳам ўзбек ҳалқига оид бир қанча қизиқарли тарихий асарлар яратган.

1858 йилда полковник Н.П.Игнатьев бошлилигидаги Хива ва Бухорога юборилган йирик дипломатик миссия ҳам анча самарали иш олиб борган.

Турк тилларини яхши билган машҳур венгр шарқшунос олим Арминий Вамбери 1863 йили дарвеш либосини кийиб, савдо карвони билан Хива, Бухоро, Самарқанд ва бошқа Ўрта Осиё шаҳарларига саёҳат қиласди. Сайёҳ олимнинг Ўрта Осиё ҳақида ёзган асарларида маҳаллий аҳоли, шу жумладан, ўзбек ҳалқи этнографиясига оид қизиқарли маълумотлар бор. У ўзбек уруғлари ҳақида гапириб, биринчи бўлиб «ўзбек» сўзининг келиб чиқиши тўғрисида мулоҳаза юритади. А.Вамбери 32 ўзбек қабилаларининг рўйхатини беради ва уларнинг кийим-кечаклари, таомлари, ўйин ва мусиқа асбоблари, урфодатлари ва диний маросимлари тўғрисида ҳикоя қиласди. Асар муаллифи айрим бўрттириш, хатоларга йўл қўйғанлиги учун уни шарқшунос олимлар, жумладан, В.В.Бартольд анча танқид қиласан.

Шундай қилиб, бу айрим жасур ва билимли сайёҳ

ҳамда әлчиларнинг самарали меҳнати туфайли XIX асрнинг биринчи ярмига келиб ўзбеклар тўғрисида этнографияга оид дастлабки муҳим илмий ишлар пайдо бўла бошлиди.

Рус шарқшунос олимлари форс-тожик ва араб тилларида битилган қўлёзма асарларни ўргандилар ва унинг маълумотларини ўзбек халқ этнографиясини ўрганишга татбиқ қилдилар.

Ҳақиқатан ҳам XVI – XIX аср ўрталаригача бўлган давр ичидаги маҳаллий муаллифлар томонидан яратилган тарихий асарларда баъзи муҳим этнографик лавҳалар бор. Истеъоддли тарихчи, шоир ва мусиқашунос Ҳофизи Таниш Бухорийнинг «Абдулланома», тарих, тиббиёт ва адабиёт соҳасида танилган давлат арбоби Абулғози-хоннинг бир неча бор чет тилларга таржима қилинган «Шажараи турк ва мўгул» ҳамда «Шажараи тарокима» каби асарлари мавжуд. Машҳур ўзбек тарихчилари Шермуҳаммад Мунис, Муҳаммад Ризо Оғаҳий ва Муҳаммад Юсуф Баёнийларнинг «Фирдав ул-иқбол», «Риёз ул-давлат», «Зубда ут-таворих», «Жомиъ ул-воқеоти Султоний», «Гулшани давлат», «Шоҳиди иқбол», «Шажараи Хоразмшоҳий», «Хоразм тарихи» каби асарларида XVII асрнинг II ярмидан то XX аср бошларигача Хоразм ва қўшни юртларда рўй берган тарихий воқеалар юксак маҳорат билан тасвирланади. Ўзининг бой мазмуни, ижтимоий-иқтисодий ва сиёсий маълумотларнинг кўплиги ва ранг-баранглиги билан ажralиб турувчи бу тарихий асарлар ўша даврдаги ўзбек халқи этнографиясини ўрганиш учун муҳим манба бўла олади.

\* \* \*

Ўрта Осиёни, шу жумладан, Ўзбекистонни Россия босиб олиши туфайли ўзбек ва бошқа Ўрта Осиё халқлари билан рус халқи ҳамда унинг «инқилоб» тўфонлари бўсағасида турган ишчилар синфи ўртасида бевосита алоқалар ўрнатилганлиги бу тарихий воқеанинг асосий прогрессив оқибати ҳисобланади. Илғор рус олимлари ва ўлкани ўрганувчилар мустамлакачилик режимининг оғир шароитида, маҳаллий маъмурларнинг жаҳолатига бардош бериб, ўзбек, тожик, туркман қирғиз ва бошқа Ўрта Осиё халқларининг иқтисодиёти, тарихи, турмуши ва маданиятини ўрганиш борасида ҳормайтломай иш олиб бордилар. Улуғ рус демократ танқидчи-

си В.В. Стасов булар ҳақида: «Россия тадқиқотчилари-нинг вазифаси Ўрта Осиё мамлакатларидағи ҳозиргача маълум бўлмаган бадиий ва этнографияга оид дурданолар ҳақида Россия ва Европа учун умумий маълумотлар беришдан иборат эди. Чунки Россия бу мамлакатлар билан қадим замонлардан буён алоқада ва яқин муносабатда бўлиб, уларнинг ўзаро таъсири узоқ ўтмишдан буён давом этиб келмоқда»<sup>1</sup> – деб ёзган эди.

Ўзбек халқининг этнографиясини ўрганиш билан шуғулланган Н.П. Остроумов, Н.С. Ликошин сингари тадқиқотчилар ўлқадаги мустамлакачилик маъмурларининг вакиллари бўлиб, ўз асарларида чоризмнинг мустамлакачилик сиёсатини тарғиб қилдилар. Бироқ буларнинг асарларида ҳам маҳаллий аҳолининг турмуши, маданий ҳаётига доир далилларга асосланган бир қанча диққатга сазовор маълумотлар бор. Ўрта Осиё юришлари даврида В.В. Радлов, А.П. Федченко, А.Л. Кун, М.А. Миддендорф каби тадқиқотчилар катта ва самарали меҳнат қилдилар. В.В. Радлов Ўрта Осиё халқларининг тили, этнографияси ҳақида маълумотлар тўплаган; Ўрта Зарафшон водийси бўйлаб саёҳат қилиб, қизиқ-қизиқ очерклар ёзган.

А.П. Федченко ўз рафиқаси билан ўзбек халқ этнографиясига оид жуда кўп маълумотлар тўплаган ва «Қўқон хонлигига» деган асарини ёзган.

1917 йилдан илгариги тадқиқотчиларнинг ишларини мужассамлаштирган умумий монографияларда ҳам ўзбеклар ҳақида қимматли маълумотлар тўпланган.

Этнографияга оид маълумотларни сақлаш ва кенг оммага етказища илмий журналлар, статистик бошқармаларнинг справочник ва тўпламлари ҳамда «Туркестанские ведомости» газетасининг хизматлари ҳам катта бўлди.

Илмий жамиятлар ва тўғараклар ичida ўзбек этнографиясини ўрганишда Рус география жамияти ва унинг Туркестон бўлими, Туркестон археология ҳаваскорлари тўғараги, табииёт, антропология ва этнография ҳаваскорлари жамияти Туркестон бўлимининг фаолияти алоҳида эътиборга сазовор.

Шундай қилиб, XIX асрнинг иккинчи ярми ва XX асрнинг бошларида ўзбек этнографиясини ўрганишда илмий жиҳатдан диққатга сазовор бир қанча ишлар

<sup>1</sup> Қаранг: В.В. Стасов. соч. т.н. СПБ., 1894, 696-бет.

пайдо бўлиб, жиддий тадқиқотчи олим ва ўлкашунослар сафи анча кенгайди. Улар ўз асарларида ўзбек ва бошқа Ўрта Осиё халқлари маданий ва майший турмушининг хусусиятлари, ижтимоий ва оиласвий тузумнинг ўтмиш ва ўз замонасида шакллари, урф-одатлари, уруғ-аймоқ ва қабилавий тузуми, диний эътиқодлари ва этнографияга оид бошқа хусусиятларини таърифлаш билан бирга уларнинг маъносини илмий жиҳатдан ҳам шарҳлашга интилганлар. Лекин ўз даврининг ҳукмрон ғоялари таъсири остида бўлган бу тадқиқотлар маълум масалаларни ёритишда бир қадар чекланган эди. Буржуа этнография фанига хос мужмаллик бу соҳага деярли тааллуқли бўлмаган юзаки ишларнинг келиб чиқишига йўл очиб берганлигини ҳам унутмаслик керак.

Ижтимоий масалаларни шарҳлашда ўтмиш тадқиқотчиларининг ожизлиги, субъективизми, баъзан ирқий концепцияларнинг ҳукм сурганилиги уларнинг кўп асарларида ҳам ўз аксини топган. Аммо ўша даврининг олим ва ўлкашунослари орасида озодлик, гуманизм ва демократик ғоялар билан сугорилган шахсларнинг борлиги диққатга сазовордир. Улар тўплаган далилий маълумотнинг қиммати эса бениҳоядир.

## 2. Ўзбек этнографияси

Ўз илмий фаолиятини жуда ёшлигидан бошлаган ва 1920 йилда ташкил этилган Ўрта Осиё Давлат университетига келиб ишлаган этнограф профессор Н. Г. Маллицкий, машҳур олимлар М. С. Андреев, А. А. Семёнов, А. А. Динаевлар кейинги йилларда ҳам илмий ишларини давом эттиридилар ва Ўрта Осиё халқлари ҳақида кўпгина тарихий-этнографик асарлар яратдилар. Улар ўз билимларини халқ хизматига бағишилаған бўлсаларда, дастлабки йилларда уларнинг дунёқараши ва методологиясида буржуа фанига хос баъзи хатолар маълум даражада сақланиб қолди. Бу ҳол ўша даврда ёш мутахассисларни тайёрлашда ўз аксини топди. Эски олимларнинг олий ўқув юртларида таълим бериши туфайли 20-йилларда, ҳатто 30-йиллар бошида этнография фанининг вазифалари ҳақида мужмал, ноаниқ тушунчалар маълум даражада тарқалган бўлиб, тадқиқотчиларнинг диққат марказида деярли ўтмишга оид масалаларни ўрганиш турган эди. Аввалгилик, турар жой ва уй-рўзгор, кийим-кечак ва таомлар, оиласвий ва

ижтимоий турмуш диний эътиқодлар ва этнографияга оид бошқа масалаларни бир-биридан ажратилган ҳолда ўрганиш ва уларни ижтимоий турмуш ҳамда ишлаб чиқарувчи кучлар билан бевосита боғлиқ эканлигини кўрсатмаслик ўша даврда пайдо бўлган илмий ишларнинг асосий қамчилигидир. Ижтимоий воқеелик ҳар бир тадқиқотчи этнограф олдига мутлақо янги, ривожланиш даврига хос вазифаларни, чунончи, ҳар бир ҳалқнинг хўжалиги, ижтимоий тузуми ва маданиятидаги хусусиятларни ўша даврнинг нуқтаи назаридан қараб ўрганиш вазифасини қўйган эди.

Асримизнинг дастлабки йилларидаёқ фан ва маърифат органлари Туркистон республикаси ҳудудида этнографияга оид тадқиқотларни ўтказишга катта эътибор берди. 1918 йилда очилган Туркистон ҳалқ дорилфунунида ўзбек этнографиясидан маҳсус курс ўқитила бошлиши ва бу курс бўйича дастурнинг босилиб чиқиши мазкур фикримизга далил бўла олади.

Ўрта Осиёда 1920—1924 йилларда ўтказилган аҳоли рўйхатининг ташкилотчиси ва фаол қатнашчиси И.П. Магидович диққатга сазовор иш қилди. У ўзининг аҳоли ўртасида тўплаган тарихий этнографияга оид маълумотларига асосланиб, ўзбек ҳалқи қабилаларининг рўйхати ҳамда уларнинг қисқача этнографияга оид тавсифини берди. Мамлакатимиз аҳолисининг қабилавий таркибини ўрганиш комиссиясининг аъзоси И.И. Зарубин ҳам ўзбек этнографияси ҳақида материаллар тўплаб, баъзи мақолалар чоп этган эди. Шу йиллари ажойиб географ ва этнограф профессор Н.Г. Малкицкий ўзининг маърузалари ва илмий географик асарларида ўзбекларнинг уруғ-аймоғи ва уларнинг этнографияга оид тавсифини берди. Бутун умрини Ўрта Осиёда ўтказган,



С. П. Толстовнинг «Қадимги Хоразм маданиятини излаб» номли китобининг муқоваси



IX -- X асрларда ясалган устунлар



маҳаллий тилларни тўлиқ эгаллаган ва ниҳоятда кўп асарлар яратган истеъодди тадқиқотчилар М.С.Андреев ва А.А.Семёновлар ҳам ўзбек этнографиясини ўрганишда муҳим ҳисса қўшидилар. 1920 ва 1921 йилларда М.С.Андреев бошчилигида шимолий Фарғона ва Самарқанд вилоятида ўтказилган этнографияга оид илмий сафар ниҳоятда бой маълумотлар тўплаган эди.

30-йилларга келиб атоқли рус олимларидан С.П.Толстов ва Л.П.Потапов ўзбек халқи ва Ўрта Осиёдаги бошқа халқларнинг этнографиясини ўрганиш ишларини жонлантириб юборди. Бу олимлар ўтмишнинг ижтимоий тузум шакллари ва сарқитлари масаласини илмий нуқтаи назардан ёритиб, капитализмгача бўлган ишлаб чиқариш муносабатларига доир ёритилмай келган кўпгина масалаларни ойдинлаштирилар. Мазкур тадқиқотчилар Ўрта Осиё халқлари этнографиясини ўрганишга маҳаллий шароитни ҳисобга олган ҳолда ёндашдилар.

Ҳукуматимизнинг фанни ҳар томонлама ривожлантириш ҳақида кўрсатаётган доимий ғамхўрлиги туфайли эски этнография марказлари ташкилий жиҳатдан мустаҳкамланибгина қолмай балки янги этнография марказлари ҳам барпо этилди. Бу марказлар олий ўқув юртларида ҳозирги замон талабларига жавоб берадиган даражада таълим олган янги этнограф кадрлар билан таъминланди.

Ўзбекистон ҳудудида урупдан аввалги йилларда катта этнография ишларини ўтказиш дастлаб Ўрта Осиё давлат дорилғунунида ҳамда Қадимги ёдгорликлар ва санъатни муҳофаза қилиш қўмитасида, шунингдек,


Тошкент, Самарқанд ва Бухоро музейларида марказлашган эди. Кейинчалик, 1943 йилда ташкил топган Ўзбекистон фанлар академияси, чунончи, тарих ва археология институтининг этнография бўлими кела-жақда этнографияга оид тадқиқотларнинг маркази бўлиб қолди.

Ҳамдўстликда истиқомат қилувчи барча ҳалқларнинг, шу жумладан, ўзбекларнинг моддий ва маънавий маданияти, ҳалқ санъати ва фольклорининг хусусиятларини аниқлаш учун уларнинг этнографиясини ўрганиш 1917 йилдан кейинги дастлабки йилларда, айниқса урушдан кейинги даврларда жуда кенг авж олди.

Ўзбекистон Республикаси Фанлар академияси тарих ва археология институтининг 1950 йилдан бошланган Фарғона этнография илмий сафари кейинроқ Тошкент воҳаси ва бошқа вилоятларда ўтказган илмий сафарлари бунга мисол бўла олади.

Ўзбек ҳалқининг этнографиясини ўрганиш соҳасида марказий этнографияга оид муассасалар ҳам кенг миқёсда иш олиб бормоқдалар. Бу муассасалар ҳар йили йирик илмий сафарлар ташкил этиб, маҳаллий этнографлар билан ҳамкорликда иш олиб бормоқдалар. Москва ва Санкт-Петербург этнографлари томонидан ташкил қилинган илмий сафарлар бир неча йиллардан бўён Жанубий Ўзбекистон ва Зарафшон водийсида ўтмишда ярим кўчманчи бўлган ўзбеклар қабиласини уларнинг илгариги ва ҳозирги турмуш тарзини ўрганиш устида иш олиб бормоқда. Бу илмий сафарларнинг ишларида ўзбек этнографлари ҳам иштирок этмоқдалар.

Хоразмда чорак асрдан кўп вақтдан бери иш олиб борган. С.П.Толстов раҳбарлигидаги археолог — этнографларнинг илмий сафари Ўзбекистон ҳалқларининг турмуш ва маданиятини ўрганишда янги саҳифа очди. Бу илмий сафар асосан, қадимги Хоразм маданияти ёдгорликларини ўрганиш билан бирга Хоразм воҳасидаги ўзбекларнинг этнографиясини ҳам текширди. Урушдан кейинги даврда илмий сафар таркибида икки ўзбек этнография гуруҳи шимолий ва жанубий Ўзбекистон этнография гуруҳлари тузилди. Бу гуруҳлар олдига воҳадаги ҳозирги ўзбек аҳолисининг моддий ва маънавий маданиятини муфассал ўрганиш қўйилди. Илмий сафар кўп йиллар давомида олиб борган ишларининг ажойиб самараларини бир неча жилдан иборат китобларда ёритиб берди.



Сополли тепадан то-  
пилган ҳар хил бу-  
юмлар

Сурхондарё вилояти-  
даги Бузрач тепадан  
топилган X – XI аср-  
ларга оид сопол идиш-  
лар

Хоразм илмий сафари Ўзбекистон ҳудудида яшовчи, лекин ўша вақтга қадар бутунлай унугиб қўйилган қорақалпоқ халқи этнографиясини ўрганиш соҳасида ҳам катта ишлар қилди. Илмий сафарнинг Қорақалпоғистон гуруҳига атоқли этнограф Т. А. Жданко раҳбарлик қилди. Олимса қорақалпоқларнинг тарихий этнографиясига оид ажойиб асар яратди. Гуруҳ ишида маҳаллий этнографлардан С. Камолов, Қўсбергенов ва У. А. Шелекеновлар иштирок этдилар. Улар томонидан ёзилган кичик мақолалар Хоразм илмий сафари асарлари тўпламишининг учинчи жилдида нашр этилди. Мазкур йирик илмий сафарларда бевосита иштирок қилиш маҳаллий ўзбек этнограф мутахассислари учун ажойиб бир мактаб бўлди. Бундан ташқари, маҳаллий миллат вакилларидан бир гуруҳи Москва ва Санкт-Петербург шаҳарларида пешқадам этнографлар раҳбарлиги остида маҳсус таълим олиб қайтдилар.

Этнография фанига хос комплекс масалаларни бирбирига боғлаб тадқиқ қилиш хусусияти ўзбек халқи этнографиясини ҳар томонлама ўрганишга имкон туғдирди. Бу имконият тадқиқотчилар олдига янги муҳим вазифалар қўйди.

1917—1990 йилларда пайдо бўлган хилма-хил ва мазмунли илмий тадқиқотлар ўзбек халқининг келиб чиқиши, хўжалик фаолияти, моддий ва маънавий маданияти, ижтимоий ва оиласвий турмушини мукаммал равишда умумийлаштиришга имкон беради.

Тўнтаришдан илгари ва ундан кейин ҳам анча вақтгача ечилмай келган, мужмал ва чуқур ўрганилмаган муҳим масалалардан бири ўзбек халқининг келиб чиқиши, унинг этник таркиби ва ўзбек миллатининг шаклланиш масалалари эди. Археолог ва тарихчилардан ташқари бу муаммоларни ҳал қилишда этнографларнинг ҳам хизматлари каттадир. Ўзбекларнинг этногенезига оид дастлабки илмий ишлар ичida даилий маълумотларга бой бўлган профессор Е. Д. Поливановнинг асарлари катта аҳамиятга эгадир.

Атоқли тарихчи — шарқшунослар А.Ю.Якубовский, А.А.Семёнов ва П.П.Ивановлар ўзбек халқининг келиб чиқиши ва этник таркиби масалаларига ўзларининг мазмунли асарларида анча ўрин берганлар. Бу муҳим масалаларни ёритишда Р. Г. Муқминова ва Б. А. Аҳмедовлар ҳам маълум ҳисса қўшганлар.

Замонамизнинг энг мураккаб ва муҳим муаммолари-



дан бири миллай масаладир. Ҳар бир халқнинг миллай шаклланиши, этник таркиби ва хусусиятлари, ўзаро яқинлашуви каби масалаларни чуқур тушуниш учун айрим этнографик гуруҳларни ҳар томонлама ўрганиши зарур. Ўзбекларниңг айрим қабила ва уруғларини тадқиқ қилиш ва уларнинг ўзбек миллатига сингиб кетиш жараёнини ўрганишда этнографлардан В.Г.Мошкова, К.Л.Задихина, Б.Х.Кармишева, К.Шониёзов, Т.Файзиевларниңг илмий ишлари ҳам диққатга сазовордир. Миллатларниңг яқинлашуви масаласини фалсафий жиҳатдан ёритишда Қ.Хоназаров ҳам бъзи тадқиқотлар ўтказган эди. Ўзбек этнография гуруҳларидан лоқай, қорлиқ, қурама, Шимолий Хоразм ва Зарафшон водийсида яшовчи айрим қабилалар анча мукаммал ўрганилган. Этнография гуруҳларини, асосан, тарихий-қиёсий услуб, этнографияга оид ҳариталар ёрдамида ўрганиш муҳим аҳамиятга эга.

Жамиятда рўй берастган ҳар бир воқеа негизида моддий неъматлар ишлаб чиқариш ётганлигини эътиборга олиб, халқларниңг хўжалик фаолиятини ўрганиш ҳам муҳимдир.

Хунармандчилик ўзбекларниңг энг қадимги ва асосий хўжалик касбларидан бири бўлиб ҳисобланади. Хунармандчиликни ўрганишда халқ ижодкорлигига зўр эътибор қилиниши табиий мискарлик, заргарлик, кулоччилик, ёғоч, ганч ва мармар ўймакорлиги, гиламчилик, каштачилик сингари анъанавий нозик санъат фақат этнографларнигина эмас, балки шу билан бирга жуда кўпсанъатшунос тадқиқотчиларниңг ҳам диққатини кўпдан бери жалб қилиб келмоқда. Ҳамдўстлик давлатларида, шу жумладан, Ўрта Осиёда олиб борилган археологияга оид қазишлар нафис заргарлик ишлари билан милодимиздан аввали II – I минг йилларда шуғулланганликлари маълум бўлди. Заргарлик, айниқса, Грек – Бақтрия подшолигида, Хоразм, Бухоро, Самарқанд, Хива, Қўқон, Шаҳрисабз ва бошқа ҳудудларда ривожланган. Заргарликда қуйиш, боғалаб (зарб бериб) ишлаш, ҳаллаш (олтин ва кумуш суви бериш), ўйиб, бўрттириб нақш ясаш, босиб (сиқиб) нақш солиш каби усуллардан фойдаланганлар.

Фарғона шеваларининг касб-хунар лексикасига бағишлиланган илмий тадқиқотлар ҳам ўзбек ҳунармандчилигини этнографик жиҳатдан ўрганишда муҳим манба бўла олади. Бу тадқиқотларда хусусан Собиржон



Улка тарихини ўрганишига доир китобларнинг муқовалари

Иброҳимовнинг асарларида кулолчилик, тандирчилик, шувоқчилик, дегрезчилик, ижтимоий соҳаларидағи иш жараёни жуда кўп маҳсус атамалар анча батафсил таҳлил қилингган.


Ўзбек халқининг энг қадимий ва анъанавий қасбкорларидан бири деҳқончиликдир. Деҳқонларнинг хўжалик фаолияти, ижтимоий иқтисодий муносабатлари, деҳқончилик билан боғлиқ урф-одатларини ўрганиш уларнинг ривожланиши босқичларини тасаввур қилишга ёрдам беради.

Халқларнинг миллий хусусиятлари уларнинг уйи, уй-рӯзгори ва жиҳозлари, кийим-кечак ва таомларида айниқса ёрқин ифодаланади. Шунинг учун ҳам моддий маданият этнографларнинг диққат марказида туради.

Айниқса, ўзбек халқининг қийим-кечакларини ўрганиш этнография жиҳатидан анча муҳим аҳамиятга эга. Улар асосида ўзбек халқининг маданий савиясини, у яшаган географик муҳитни бир қадар белгилаш мумкин. Ўзбек анъанавий моддий маданияти тобора чуқур ўрганилмоқда. Айниқса, республика вилоятлари аҳолисининг ўзига хос миллий қийим-кечакларининг этнография атлас харитаси тузилган. Бу атласлар ўзбек этнографиясини ўрганишда муҳим қўлланма бўлиб хизмат қиласди.

Бу ўринда Россия Фанлар Академиясининг ташаббуси билан «Ўрта Осиё ва Қозогистоннинг тарихий-этнографик атласи»нинг яратилиши жуда катта аҳамият қасб этди.

Ўзбек халқининг маънавий турмушини тадқиқ қилишда этнографлардан ташқари фольклорчилар ва санъатшуносларнинг ҳам хизматлари бор. Ўзбек халқ театри, айниқса драма театри ҳамда оригинал жанrlардан бири бўлган қўйирчоқ театри ҳақида асарлар



Наманган шаҳридаги бешик ясан устахонаси

яратилди. Ўзбек халқ мусиқаси халқ ўйинлари кўп тадкиқотчилар диққатини ўзига жалб қилди.

Ўзбек халқининг жуда бой ва ранг-баранг оғзаки ижодини ўрганиш унинг этнографияси билан бевосита боғлиқ бўлгани туфайли фольклор материалларида ҳам муҳим этнографияга оид лавҳалар тўпланди. Ўзбекистон Фанлар Академияси Тил ва адабиёт институти фольклор бўйими ҳужжатхонасида кўп йиллик илмий сафарлар натижасида тўпланган халқ ижодининг бой мероси этнографияга оид муҳим манба бўла олади.

Ўзбек этнографлари сўнгги йилларда республика мизда яшовчи колхозчи деҳқонлар ва ишчиларнинг



Кўйкон ўлкашунослик музейида сақланаётган бу сопол идиш кўзни қувонтиради.

турмуши» деган асарида Ойқирон қишлоғининг қисқача тарихи, аҳолисининг ўтмишидаги этник тавсифи, қасб-хунари, ер әгалиги ва тавсифи муносабатлари, 1917 йилдан кейинги тарихий ўзгаришлар, колхозчиларнинг маданий-маиший турмуши акс ёттирилган. Китобда жамоа хўжалигидаги оиласларнинг шаклланиши, оиласвий муносабатлар ва турмушига алоҳида ўтибор берилган. Бундай илмий сафарлар республиканинг кўпгина вилоятларида ўтказилди. Ўзбекистон этнографлари қишлоқ хўжалиги машинасозлиги саноатида банд бўлган ўзбек ишчилари турмушини бир неча йил давомида кузатиб қимматли маълумотлар тўпладилар. Бу маълумотлар асосида ёзилган этнографияга оид мақола ва саноат ишчиларининг шаклланиши тарихига бағишлиланган муҳим илмий ишлар диққатга сазовордир.

Сўнгги йилларда ўзбек ишчилар синфининг маиший ва маданий ҳаётини акс ёттирувчи бир қатор илмий ишлар майдонга келди. Ўзбекистонда яшаётган бошقا қардом ҳалқлар этнографиясини ўрганишга ҳам катта аҳамият берилмоқдада.

Ўзбекистон тарихига оид кўп жиёлдик йирик илмий асарнинг этнографияга бағишлиланган бўлимлари фаннинг сўнгги ютуқлари асосида мутахассис тадқиқотчилар томонидан ёзилган «Жаҳон ҳалқлари» туркумида босилиб чиқсан икки жиёлдик «Ўрта Осиё ва Қозогистон ҳалқлари» номли мукаммал илмий асар деярли бутун этнографияга оид тадқиқотларнинг ютуқларини ўзида

ҳозирги турмуши ва маданийатини жамоа равишда ўрганишга катта ўтибор бердилар. 1950 – 1953 йиллар давомида Ўзбекистон Фанлар академияси Тарих ва археология институти томонидан Наманганд вилояти Янгиқўргон (Чорток) райони колхозларида ўтказилган этнографияга оид илмий сафарларда муҳим маълумотлар тўпланди. Бу маълумотлар асосида ёзилган О.А.Сухарева ва М.А.Бекжонованинг «Ойқирон қишлоғининг ўтмиши ва ҳозирги

мужассамлаштирган. Этнография соҳасида бундай йирик тарихий асарларни яратишда маҳаллий тадқиқотчилар фаол иштирок қиласан әдилар. Асарнинг «Ўзбеклар» номли бобини ёзиш ва таҳрир қилишда маҳаллий этнографлардан О.А.Сухарева, М.А.Бекжонова, И. Жабборов ва бошқалар қатнашганлар.

Ўзбек халқи этнографиясини ўрганиш соҳасида эришилган ютуқлар — маҳаллий тадқиқотчиларни янги, умумийлаштирилган йирик илмий асар ёзишга ундади. Маҳаллий муаллифлар томонидан тайёрланган маълумотлар 1972 йилдан бошлаб Ўзбекистон этнографларининг илмий тўпламида ёритила бошланди. 1917 йилдан илгари ва ундан кейин ўtkазилган кўп сонли маълумотлар илмий сафарлар этнографияларга оид ҳар хил буюмларнинг тўпланишига имкон туғдирди. Ҳозирги кунгача тўпланган бу бой ашёлар республиканинг музейларида, айниқса, Тошкент, Самарқанд, Хива, шунингдек, Москва ва Санкт-Петербург музейларида сақланиб келинмоқда.

Шундай қилиб ўзбек халқининг этнографиясини ўрганиш юқори босқичга кўтарилди ва ажойиб ютуқларни қўлга киритди.

### **3. «XVI асрда Ўзбекистонда маданиятнинг ривожланиши» мавзусини ўрганишда этнографияга оид маълумотлардан фойдаланиш услублари.**

Ўқитувчи бу мавзу услугбларини баён қилишдан аввал ўзбек этнографияси тарихи ўзбек миллатининг таркиб топиши, шаклланиши ва тараққиёти 1917 йилга қадар ўзбек этнографиясини ўрганишда рус шарқшунос олимларининг хизматлари, 20—30-йилларда ўзбек этнографиясининг равнақи ва келгуси истиқболлари ҳақидаги маълумотлар билан яхши танишиб чиқиши, шундан сўнггина ўтиладиган мавзунинг таълим ва тарбиявий вазифаси устида тўхталиб ўтиши керак.

Дарснинг таълим-тарбиявий вазифаси XVI асрдаги ўзбек маданиятининг ажойиб ёдгорликлари билан ўқувчиларни таништиришдан, бу ёдгорликларнинг яратилиши халқнинг буюк жасорати эканлигини кўрсатишдан иборатдир. Икки маданият: ҳоким синф маданияти билан меҳнаткаш халқ оммаси маданияти мавжуд эканлиги ва бу икки маданиятнинг курашини (худди ўша

даврга оид бўлган, шаклланиб келаётган ўзбек маданиятини) мисоллар билан кўрсатиш мумкин.

Дарс бошида синф ўқувчиларининг фаол иштирокида XVI асрдаги ўзбек маданияти тараққиётиning тарихий шарт-шароитларини қисқача таърифлаб бериш зарур. Бунинг учун синф билан суҳбат уюштириш керак. Суҳбат савол-жавоб услуби билан олиб борилади. Қани, ўқувчилар, ким айтади: XVI асрда ҳудудимизning тарихий тараққиётида қандай янгиликлар бўлган? Мамлакат хўжалиги қандай ривожланган? Унинг сиёсий тузумида қанақа ўзгаришлар рўй берган? Қайси ерлар қўшиб олинган? Марказлашган Темурийлар давлати қайси тоифаларни эзиш ҳисобига ривожланган ва мустаҳкамланган. Санаб ўтилган саволларга олинган жавоблар ва суҳбат тарзида ўтилган дарс XVI асрда мамлакат маданияти қандай тарихий шароитда ривожланганини тушуниб, англаб олишда ўқувчиларга ёрдам беради.<sup>1</sup> Ўқитувчи ўқувчиларнинг берган жавобларини умумлаштириб, XVI асрда мамлакат тарихий тараққиётиning қўйидаги характеристики хусусиятларини айтиб ўтади:

1. Темурийлар давлатида қишлоқ хўжалиги, ҳунармандчиликнинг янада ривожланиши ва унинг айрим қисмлари ўртасида иқтисодий ва сиёсий алоқаларнинг ўсиши (иқтисодий ва сиёсий алоқаларнинг ривожланиши маданий алоқаларни ҳам кучайтириди: аста-секин умумўзбек маданияти таркиб топа борди).

2. Марказлашган Темурийлар давлатининг ташкил топиши ва мустаҳкамланиши; мустабид ҳокимиятнинг (Амир Темур замонида) ўрнатилиши.

3. Мўғул-татар хонларининг 240 йиллик истибододидан Ўрта Осиёning узил-кесил ҳалос бўлиши (бу эса мамлакатнинг ва унинг маданиятининг бундан кейинги тараққиёти йўлидаги қучли ғовни тугатди).

4. Деҳқончиликнинг ривожланиши тархонликнинг кучайиши, хўжаликнинг ривожланиши, ажойиб сарой масжидлар, архитектура ёдгорликларининг яратилиши, дегрезлик — қуювчилик ҳунарининг равнақ топиши — буларнинг ҳаммаси деҳқонлар билан ҳунармандларни эзиш ҳисобига бўлган.

<sup>1</sup> Бу дарсда берилган топшириқнинг (15 – ) ўзлаштирилган ўзлаштирилмаганлигини маҳсус текшириш тавсия этилмайди. Акс ҳолда маданият масалаларини ўрганишга вақт қолмайди.

5. Феодаллар билан деҳқонлар ўртасидаги синфий қурашнинг ўша замон оғзаки халқ ижодиёти ва адабий ёдгорликларда акс этиши.

6. Ҳиндистон, Кавказолди, Эрон, Туркия каби бир қанча ерларнинг ўз давлатига қўшиб олиниши, турли халқлар ўртасидаги алоқаларнинг кучайиши.

Сўнг XVI асрдаги Амир Темур давлати маданиятининг равнақини аниқ мисолларда ўрганишга ўтилади. Янги материал қуидагича баён қилинади:

### Янги материални ўрганиш режаси

1. Самарқанд – ўзбек маданияти маркази.
2. Ўрта Осиё рассомчилиги (Камолиддин Беҳзод миниатюраси).
3. Меъморчилик.
4. Дегрезлик ҳунарининг ривож топиши.
5. Китоб чоп қилишнинг бошланиши (Улугбек расадхонаси).

6. Халқ оғзаки ижодиёти, унда халқ ҳаёти воқеаларининг феодал зулмга қарши норозиликнинг акс этиши.

7. Мехнаткашларнинг ва ҳоким синфнинг турмуши.

Дарс материалынинг қўплигини ҳамда қўлланмада тушунарли баён қилинганлигини эътиборга олиб, баъзи бир мавзучаларни ўқувчиларнинг уй топшириғига ўтказса бўлади. Бу эса ўқитувчининг қўшимча тушунтириб бериши зарур бўлган мураккаброқ мавзуларни дарсда атрофлича таҳлил қилиш имконини беради.

Дарснинг турлича услубий варианtlари бўлиши мумкин.

### Аварианти

Кинофильм бўлмаганлигидан ўқитувчи дарсни суҳбат элементларини аралашиб, асосан оғзаки сўзлаб бериш (ҳикоя формасида) усули билан олиб боради. Бунда ўқув қўлланмасидаги расмлардан ва мактабдаги кўргазмали қуроллардан, мактаб ўлқашунослиги музейининг (бурчагининг) материалларидан фойдаланилади. Баъзи мавзучаларни (масалан, китоб босишнинг бошланишини) ўқувчилар мустақил ўрганишлари мумкин.

Ривожланиб бораётган ўзбек маданиятининг маркази бўлган Самарқанд пойтахти шаҳар эканлигини айтиб, ўқитувчи бизнинг кунларимизгача сақланиб келаётган

Регистондаги Шердор мадрасасининг рангдор ғишт деворлар билан қачон айлантириб түсилганлигини эсга олишни ўқувчиларга таклиф этади.

Регистоннинг янги деворларини қуриш узоқ йиллар давом этган. Самарқанд ичкарисида ажойиб саройлар ва масжидлар қурилган.

Биринчи марта китоб босишнинг бошланиши ва Самарқанд қофози ҳақида гапирилганда тахминан қуйидагича режага амал қилинади: а) қўлёзма китобларнинг чироили бўлганлиги; б) Амир Темур замонида Самарқандда китобни чироили рангли қилиб яратилиши в) Амир Темурнинг Сиоб бўйида қофоз жувозларини ташкил этиши ва унинг Шаҳрисабздаги Оқсарой, Самарқанддаги Бибихоним, Туркистондаги Хўжа Аҳмад Ясавий каби бетакрор иншоотлар, масжид ва мадрасаларни қурдириши.

Синфда ёки уйда ўқув қўлланмасидан рангли китоб яратилишининг бошланиши ҳақидаги жойни мустақил суратда ўқиб чиқиб, қуйидаги саволларга жавоб тайёрлашини ўқувчиларга тоншириш мумкин.

1. Дастребки босма китоблар чоп этилишининг қандай аҳамияти бўлган?
2. Самарқандда биринчи матбаачилар кимлар?
3. Улардан бирига қўйилган ҳайкал қаерга ўрнатилган?

Агар вақт қолса, Амир Темур ўз фаолиятини қандай давом қилдирганлиги ҳақида қўшимча суратда ҳикоя қилиб бериш мумкин. У ўз умрининг сўнгги йилларини Самарқанд атрофида барпо этган Боги Чинор, Боги Дилкушо, Боги Беҳишт, Боги Баланд, Боги Шамол, Чинни хона каби боғлари ҳақида сўзлаб бериш керак. Темурийлар даврига оид Улуғбекнинг «Зижи жадиди Кўрагоний», А.Навоийнинг «Хамса», Бобурнинг «Бобурнома», А.Жомий каби ўнлаб алломаларнинг асарлари ва уларга мусаввир Камолиддин Беҳзоднинг чизган бениҳоят гўзал суратлари тўғрисида сўзланади, улар ҳалол ўзбек ҳалқига бағишлиланган. Китобларда ўзбек ҳалқининг юксак маданияти ҳақида қомусий фикрлар баён этилади.<sup>1</sup>

Захириддин Муҳаммад Бобур грамматикасининг биринчи саҳифаси тўғридан-тўғри алифбодан бошланана-

<sup>1</sup> Қаранг: Узбек шеърияти антологияси, Т., 1961

ди. Иккинчи саҳифада алифбо тескари тартибда, юқоридан пастга қараб босилган (афтидан, ҳарфларни ўрганувчи болалар бу ҳарфларнинг қандай жойлашувидан қатъи назар уларнинг ёзилишини осон билиб олсин учун шундай қилинганд бўлса керак). Сўнгра имло, турлаш ва турланишдаги хилма-хил машқлар берилган. Алифбо адабий парчалар билан тамом бўлади. Бу ерда меҳнаткаш ҳалқни иззат-ҳурмат қилиш, уни севишга доир парчалар берилган.

Бу китоб бизнинг замонамизгача атиги бир нусхада етиб келганки, у ҳам Парижда сақланмоқда.

XVI асрдаги сиёсий публицистика билан танишиш ўқувчиларга феодал идеологиясининг муҳим хусусиятларини тушуниб олишга ёрдам беради. Ўз тайёргарлиги жиҳатидан қучли бўлган синфда ўқув қўлланмасига қўшимча равишда Темурнинг «Темур тузуклари» тўғрисида, Темурнинг Боязид билан олиб борган «Ёзишмаси» тўғрисида «Зафарнома» тўғрисида гарчи қисқача бўлсада, ҳикоя қилиб бериш тавсия этилади.

Шарофиддин Али Яздий кимларнинг сиёсий қараашларини ифода этганлигини ўқувчиларнинг ўзлари аниқлаганлар, унинг маслаҳатлари феодаллар кенг доираларининг манфаатини кўзда тутганлиги ҳақида ўзлари умумий хулоса чиқарганлари маъқул.

XVI асрга таалуқли «Зафарнома» китоби тўғрисидағи ўқитувчининг гапларини ўқувчилар мароқ билан тинглайди. Бу асар қўлланмада кўрсатилишича, XVI асрдаги шаҳар аҳолиси бой табақаларининг ахлоқий ва ҳаётий қоидалари мажмуасидан иборат бўлган.

«Зафарнома» нинг асосий ғоялари нималардан иборат бўлган? Худои таолога ишонилгани каби – дейилган бу китобда, подшога ҳам итоат этмоқ зарур. Кимда-ким подшога қаршилик кўрсатса, ўша одам худонинг амрига ҳам итоат қилмаган бўлади.

Бу китобда Темур Мовароуннаҳрнинг ягона ҳукмдори бўлиб олгач, ўз давлатини сиёсий ва иқтисодий жиҳатдан мустаҳкамлаш мақсадида қатор қурултойлар ўтказгани, шунингдек Темур томонидан қарши, Қорабоғ, Самарқанд ва бошқа жойларда ўтказилган қурултойларда шаҳзодалар, бом амалдорлар, маъмурий раҳбарлар, ҳарбий бошлиқлар ва зодагонларнинг бошқа вакиллари интирок этган, бу қурултойларда мамлакат ва давлатнинг хўжалик соҳасидаги ҳамда ҳарбий аҳвол ҳақидаги энг муҳим масалалари муҳокама этилганлиги, мамлакат

ва давлат учун зарурий ҳисобланган ишларни бажариш түғрисида қарорлар қабул қилингани ва мұхым тәдбірлар белгиланғанligини ҳам батафсил ёзған. Бу китобда Темур тузуклари ҳақида ҳам фикр юритилған.

Китобда рўзғор тутиш ҳақида, уй тутиш бозордан у-бу нарсалар сотиб олиш ва бошқалар ҳақида ҳам маслаҳатлар берилған.

Сўнгра ўқитувчи энг йирик тарихий воқеалар ўша йилларниң ҳалқ ижодида қандай акс этганини ва феодал зулмга қарши норозилик билдирилганини (ўқув қўлланмаси, 8-мавзу гапириб беради).

Дарсда ўрганилған материални мустаҳкамлаш учун дарс жараёнида ёки унинг охирида режа тузиш мақсадга мувофиқдир. Охирида ўқувчилар режага кирадиган саволларни тузадилар, керак бўлса ўқитувчи ўқувчиларга таклиф қилинган саволларни маҳаллий маълумотларга сунянган ҳолда аниқлаштириб беради. Натижада ўқувчилар қуидаги тахминий ёзма режага эга бўладилар:

## XVI асрда маданиятнинг тараққий этиши

1. Самарқанд ўзбек маданиятининг маркази:
  - а) Расадхонанинг қурилиши;
  2. Узбек тасвирий санъати (Камолиддин Беҳзод).
  3. Узбек меъморчилиги:
    - а) Туркистондаги Аҳмад Яссавий мақбараси, Самарқанддаги Бибихоним масжидининг қурилиши;
    - б) Самарқанддаги Шоҳизинда ансамблининг ажойиб безаклари;
      - в) Шу даврда ўз ўлкангизда қурилган қандай ҳашаматли биноларни биласиз?;
      - г) Шундай гўзал миноралар Бухоро ва Хивада ҳам борми? (Бу кўркам ва ҳашаматли биноларнинг қайси даврда қурилганligини аниқланг);
        - д) 1365 йилги Чиноз билан Тошкент ўртасида бўлган Хусайн билан Темур тўқнашган жангни нима учун «Жанчилой» деб аташган?

*Уйга топширик:* ўқув қўлланмаси, 8-мавзусини қайта-риш учун юқоридаги саволларнинг ҳар бирига намунада берилганидек жавоб топиб ўз ҳақидаги маълумотлар қўлланмада таърифланган бу ажойиб нозик санъат асарлари ёдгорликлари тасвирий санъат, меъморчилик, дегрезлиқ, китоб чоп этиш каби ҳунарларнинг ҳаммаси меҳнаткаш халқ қўли билан яратилганигини, уларнинг зўр маҳоратини ўқувчиларга ёрқин мисоллар ёрдамида уқтириш зарур.

Қолган мавзуларни ҳам шу тарзда этнографияга оид маълумотлардан фойдаланган ҳолда баён этиш тавсия этилади.





---

#### IV. Топонимика – ўлка тарихини ўрганишнинг асосий манбаларидан бири.

1. Топонимика тушунчаси ва унинг моҳияти ҳақида
2. Ўлка тарихини ўрганишда топонимикага оид маълумотлар тўплаш ва улардан фойдаланиш
3. Бухоро, Қашқадарё ва Сурхондарё вилоятлари топонимикасини ўрганиш
4. Самарқанд вилояти топонимикаси ва уни ўрганиш
5. Сирдарё вилояти топонимикасидан Ўзбекистон халқлари тарихи дарсида фойдаланиш
6. Хоразм вилояти топонимикасидан дарсда фойдаланиш
7. Фарғона водийсидаги қишлоқ, шаҳар номларининг келиб чиқиш тарихини дарс жараёнида ўрганиш.

## 1. Топонимика тушунчаси ва унинг моҳияти ҳақида

1917 йилга қадар топонимика мустақил фан сифатида ўрганилмай, унинг вазифасини тарихий география фани бажариб келарди.

Топонимика географик номлар, киши исмларини ўрганадиган фан сифатида майдонга келди. Топонимикани «замин тили», яъни ер тили деб ҳам аташади. Топонимика атамаси лотин тилидан олинган бўлиб, «топос» — жой, «оном» ёки «онима» — ном, умуман жой номини ўрганадиган фан деган маънони билдиради. Географик номлар ва замин қаърида ўрганилмаётган номлар, инсонларга қўйилган исмлар топонимиканинг ўрганиш манбай ҳисобланади. Топонимика икки объектдан: микро ва макро топонимлардан иборат бўлиб, микротопонимика — грамматик жиҳатдан майда объектларни, яъни «турдош отларни», микрообъектларнинг номларини, макротопонимика эса атоқли отлар, яъни йирик объектларнинг номларини тадқиқ қиласиди.

Ҳозирги вақтда топонимика фақат катта ва йирик объектларнинг: тоғлар, ўрмонлар, водийлар, воҳалар, шаҳарларнинг номларинигина эмас, балки кичик объектларнинг — маҳаллалар, даралар; жарликлар, анхорлар, дарё ирмоқлари, ариқлар ва қўлларнинг номларини ҳам ўрганмоқда.

Географияга оид атамалар турдош отлар топонимика таркибига тўлиғича кирмайди, аммо улар топонимикани ўрганишда катта аҳамиятга эгадир. Номсиз «объект» — топоним эмас. Топонимика географияга оид жойларни эмас, балки уларнинг номларини ўрганади.

Топонимиканинг тилшунослик, тарих, география, археология ва бошқа фанларга алоқадорлиги унинг муҳим хусусиятларидандир. Топонимикага оид маълумотлар тадқиқ қилинаётганда тарихий маълумотларга, айниқса археологияга оид текшириш натижаларига суюнган ҳолда иш кўриш зарур. Чунки топонимика кўпинча тарихий далилларга ва исботларга муҳтож. Масалан, бирор ёдгорликнинг номини ўрганиш учун, албатта, унинг қайси даврда яратилганлигини ва нима сабабдан шу ном берилганлигини тарихий давр шароити, муҳити нуқтаи назаридан тадқиқ қилиш талаб этилади. Тадқиқотнинг ёзма манбаларга кўпинча археологияга оид маълумотларга суюнган ҳолда иш кўриш усули

номларнинг қўйилган даврини аниқлашга ва номларнинг пайдо бўлишини ўрганишга қўл келади.<sup>1</sup> Бир номнинг ўзгаришини кузатмоқ учун бирмунча вақт кетади.

Шуни унутмаслик керакки, географик номлар ижтимоий ҳодиса бўлиб, жамият тараққиёти билан мустаҳкам боғлиқдир. Маълум бўлишича, ҳар бир район топонимикаси мураккаб тарихий жараён билан bogliq b'olib, er ostida k'oplab madanijat qatlamlar mavjudligi уни синчиклаб тадқиқ қилишни талаб этади.<sup>2</sup> Топонимика методологиясига мувофиқ уни фан сифатида ўрганиш учун топонимларнинг пайдо бўлишига доир маълумотлардан фойдаланиш, номларнинг мавжуд бўлган барча формаларини аниқлаш, ном ва атамаларни ўша жой билан боғлиқ ҳолда танлаш ва энг муҳимларини ўрганиш зарур.

Топонимик асосларга вақт, манбалар ва йўналишлар бўйича жойларга аҳолининг кўчиши, ўрнашиши киради. Топонимлар аниқ тарихий жараён бўлиб, у аҳолининг кўчиши, маданий, иқтисодий ва тил муносабатлари билан вужудга келди, сўнг тарқала бошлайди. Топонимика жамиятнинг муомала воситаси бўлган тилни, унинг иқтисодиётини, маданиятини ва тарихий тараққиётини ўрганиш жараёнида ўсиб, ривожланиб боради.

Топонимик номлар манбаи ва уларни ўрганишда қўлланилган услуб ва усуllibарнинг тўғрилигини аниқлаш мақсадида ёзма ва бошқа манбалар қўлёзмалар, акт материаллари, аҳоли жойлашган чегараларни акс эттирувчи бош (асосий) ва маҳсус хариталар ҳамда илмий сафар хариталари билан солиштириб чиқилади. Топонимикада ҳам, моддий ва маданий ёдгорликлар ўрганилганидек, оддийдан мураккабга, яъни буғунги кундан асрлар ичкарисига кириб бориш зарур. Билиш мураккаб диалектик жараёндир, чунки бу усул билан маданий қатламларнинг энг қадимиисидан бошлаб, то навқиронигача номларнинг манбаи аста-секинлик билан очилади ва номларнинг «ёши» аниқланади. Ўз навбатида топонимик номлар тарих учун ҳам бебаҳо манбадир. Географик номлар узоқ муддатли бўлиб, маълум ҳудуддаги у ёки бу

<sup>1</sup> Қаралсин: *V. A. Никонов. Пути топонимического исследования. Принципы топонимики.* М 1962, 15-17-бетлар.

<sup>2</sup> Қаралсин: *V. A. Никонов. Введение в топонимику.* М., 1965, 15 – 17-бетлар.

халқнинг тили ҳақида гувоҳлик беради. Номлар маълум бир аҳолининг ҳамжиҳатлиги ёки тарқоқлигига ҳам боғлиқдир.

Ибтидоий жамоа тузуми даврида номлар жуда кам бўлган, кейинчалик аҳоли пайдо бўлиб, қўйилган номлар ҳам кўп вақтлар ўтиши билан бошқа номларга ўзгартирилиб юборилган ёки бутунлай йўқ бўлиб кетган. Ёзма манбалардаги топонимикага оид маълумотлар таҳлил қилинганда буни яққол кўриш мумкин. Бу воқеани ҳозирги вақтда ҳам аниқ кўришимиз мумкин. Айрим шаҳар ва қишлоқларнинг эски номлари ўрнига янги номлар қўйилади, бу эски ном нима учун йўқотилди-ю, нима учун янги ном қўйилди, бунинг сабабларини ҳам аниқлаш мумкин.

Ўтмишда эса янги заминдор (ер эгаси) пайдо бўлиши билан кўпинча аҳоли эски географик номлар ўрнига шу заминдорнинг номини қўйишган. Диалектологиядан фарқли ўлароқ топонимикага оид маълумот тўплашда, жойларнинг номларини ўрганишда аҳолидан ёнпасига сўраш услуби қўлланилади.Faқат шундай услуб билангина турли даралар, кичик сой ва анҳорлар, жарликлар, кўллар ва бошқа шунга алоқадор бўлган номларнинг миқдорини аниқлаш мумкин, холос. Шундай жойларнинг ҳаммаси аҳоли яшайдиган жойларнинг картасига ёки аҳоли жойлари рўйхатига киритилмаган, эҳтимол киритилмаса ҳам керак. Топонимиканинг энг катта хизмати шундаки, у ҳужжатхона ҳужжатларини синчилаб ўрганиш, халқ оғзаки ижоди асосидаги айрим томонлар ва ниҳоят ҳеч қандай манбаларда акс эттирилган номаълум жойларни бизга маълум қиласди. Топонимикага оид маълумотлар йиғишида ва жой номларнинг келиб чиқишини ўрганишда этнография ҳам катта роль ўйнайди.

Топонимиканинг айрим тоифалари ва тизимлари ўртасидаги ўзаро алоқаларни ўрганиш йўли билан топонимларни тавсифлаш топонимик тадқиқотларнинг асосини ташкил этади. Кўпгина мутахассис топонимистлар маҳаллий топонимларни ҳар томонлама регионал тадқиқ қилишга катта эътибор берадилар. Бунда, албатта, микро ва макро топонимикани ўзаро таққослаш зарур. Топонимика вазифаларини аниқлар эканмиз, маълум жойнинг географик номи тарихи тўлароқ, шу ўлкада яшаган халқлар тарихи билан боғлиқ ҳолда аниқланишини унинг асосий мақсади қилиб олишимиз

зарур. Бундан ташқари, топонимикага оид тадқиқот маълумотларидан фойдаланилаётганда ўша ўлқа ҳалқалининг тилини ўрганиш, археология ва этнографияга оид маълумотларни ҳисобга олиш мақсадга мувофиқдир.

Топонимикага оид тадқиқот олиб борилаётган районнинг табиий географиясини, ўтмиш тарихини, тил тарихини яхши билиш шарт. Топонимикани ўрганишда юқоридагиларга амал қилингандагина тадқиқотчи ўз мақсадига эришиши мумкин. Тадқиқотни топонимикага оид маълумотнинг яратилган даври ва тарихини аниқлашдан бошлаш керак.

Ҳозирги вақтда топонимистлар жой номларини фақат этиологик ва семантик жиҳатдангина әмас, балки сўз ясалиши жиҳатидан ҳам таҳлил қилмоқдалар. Антротопоним кишининг исми, фамилияси, лақабини (масалан, Маҳмуд Кошғарий, Мунис Ҳоразмий), антротопонимика киши исми, шаҳар, қишлоқ, овул ва шу каби жойларнинг номидан олинган топонимларни (масалан, Тошкентбой, Қўқонбой, Ҳўжақул), этнотопоним эса қабила, уруғ-аймоқ номига қўйилган номларни (масалан, Қозоқбой, Қирғизбой, Ўзбек) ўрганади.

Далварзин, Қўнғирот, Нукус, Митан ва ҳоказоларни истисно қилганда, барча топонимлар икки ва ундан ортиқ таркибий қисмдан (компонентдан) иборат. Бундай қараганда ҳеч қандай қўшимчасиз фақат бир сўздан иборатдай туюладиган Жиззах, Қўқон, Ёзёвон, Ғалча каби топонимлар аслида икки компонентдан тузилган.

Бироқ, Қарши (сарой, қаср), Ҳисор (қўргон), Бухоро (бихара – ибодатхона), чим (қўргон), ён (бекат), ёп (канал) каби номлар мустақил топонимлар шаклида учрайди. Баъзан эса қум, зах, супа каби географик атамалар ҳам ҳеч қандай қўшимчасиз топонимлар ҳосил қилган. Бироқ ана шундай биргина географик атамадан гузилган номлар кўпинча шу топонимларнинг ҳалқ оғзида қисқартирилган шакли бўлиб чиқади. Масалан, Қумқишлоқ дейиш ўрнига Қум; Захариқ дейиш ўрнига Зах, Супатепа дейиш ўрнига Супа деб қўя қолишиади. Бироқ ҳеч қандай қўшимчасиз Тол, Пидана (ялпиз), Янтоқ, Тулки каби номлар маънавий жиҳатдан аслида бу ўсимлик ва ҳайвонларга ҳеч қандай алоқаси бўлмаслиги, кўпинча тамомила бошқа сўзларнинг фонетик жиҳатдан ўзгариши натижасида шу шаклни олган бўлиши мумкин.

Юқорида айтилганлардан шундай хуносага келиш мумкин: топонимика уч принципга асосланади: 1) топо-

нимларнинг пайдо бўлиш тарихини ўрганиш; 2) тоно-нимларнинг географияга оид маълумотларини аниқлаш; 3) асосий қидирилаётган топонимларнинг барча номдагиларини илмий асосда алоҳида алоҳида ўрганиб, улардан хулоса чиқаришдир. Бу принциплар қўлланманинг муқаддимасидан то хотимасигача ёритиб борилган.

## Ўзбекистон топонимикаси

Географик номларни уларнинг келиб чиқиши ва тарихи билан боғлиқ ҳолда ўрганиш, уларни классификация қилиш нисбатан яқин вақтларда бошланган. Бу соҳада атоқли топонимикачи А.Х.Востоковнинг ҳизмати каттадир. У Россиядаги дарё номларини уларнинг охирги қўшимчаларига қараб гуруҳларга бўлади ва бу қўшимчалар ҳозир бирон маънони англатмаса ҳам қадимги ҳалқлар тилида маълум маънони билдирган бўлса керак, деб тўғри хуносага келади. А.Х.Востоковнинг фикри XIX аср охири – XX аср бошларидағи баъзи бир топонимикачиларнинг асарларида ўз ривожини тонди.

XX аср бошларида топонимик тадқиқотлар анча кенг қулоч ёйди. 2-жаҳон урушидан олдинги даврда олимлардан А.И.Соболевский, Н.Я.Марр, С.В.Веселовский, В.В.Бартольд, В.П.Семёнов-Тяншанский, В.Г.Шостакович топонимика соҳасида айниқса самарали ишлар қилдилар. Ўрта Осиё, жумладан, Ўзбекистон топонимикасини ўрганиш соҳасида В.В.Бартольднинг ҳизматларини алоҳида қайд қилиб ўтиш керак. Урушдан кейинги йилларда топонимика ривожида катта бир ўсиш даври бўлди. Эндиликда топонимика соҳасида айрим олимларгина эмас, балки бутун-бутун олимлар жамоаси иш олиб бормоқдалар.

Эндиликда ўлкамизда топонимик тадқиқотлар авж олдирилмоқда. Топонимикага, унинг назариясига доир кўпгина асарлар яратилди.

Бир неча ўнлаб ёш олимлар ҳам топонимика соҳасида самарали иш олиб бормоқдалар. Чунончи, Т.Нафасов «Қашқадарё топонимикаси», Ш.Қодирова «Тошкент микротопонимикаси», Э. Бегматов эса антротопонимика – киши номларини ўрганиш соҳасида илмий иш олиб бормоқдалар.

Ўрта Осиё, жумладан, Ўзбекистон топонимларини ўрганиш ҳам узоқ тарихга эга. Ўзбекистон топонимикасини ўрганишда машҳур рус шарқшунос олимлари ҳамда

тариҳчилари: В.Л.Вяткин, Н.Ф.Ситяковский, Л.Н.Соболев, В.В.Бартольд, С.П.Толстов, П.П.Иванов, М.Е.Массон, О.А.Сухарева ва бошқалар бу соҳада жуда катта ишларни амалга оширдилар.

Республика жой номларининг келиб чиқиши тариҳини ва миллат, қабила, эзлат, ург-аймоқ номларининг келиб чиқиши тариҳини (этногенезияни) ҳамда географияга оид атамаларни ўрганишида Я.Ғ.Ғуломов, Р.Н. Набиев, А.Р.Мұхаммаджонов, Ф.Абдуллаев, С.Иброҳимов, Ўзбекистонда биринчи топонимик картотека тузишда иштирок этган Х.Т.Зарифов; этнонимлар – Э.Фозилов М.Шоабдураҳмонов, Ҳ.Дониёров, Р.Қўнғиров; географлардан Ҳ. Ҳасанов, С.Қораев кабиларнинг ишлари дикқатга сазовордир.

## 2. Ўлка тариҳини ўрганишда топонимик материал тўплаш ва улардан фойдаланиш

### Топонимик маълумот тўплаш услублари

Топонимикани ўрганиш маълумот тўплашдан бошлади. Бу иш одатда ўлкашунослик бўйича тадқиқот олиб борилаётган микрорайон қишлоқ, овул, колхоз-совхоз ҳудудида, кейинчалик маъмурӣ район ҳамда вилоят ва ниҳоят жонажои ўлка миқёсида амалга оширилади. Топонимик маълумот йигиш ишини бошлашдан аввал маълумотларни қандай ва қаерлардан тўплаш ҳамда кимлар билан қандай мавзуда суҳбатлар ўтказишнинг ҳеч бўлмаганда тахминий иш режаси ва дастури ишлаб чиқилиши шарт. Мана шу режа ва дастур асосида шухта тайёргарлик ишлари олиб борилади, сўнг дала тадқиқот ишларига ўқувчи ва студентлар жалб қилинади. Далада тадқиқ ишларини амалга ошириш жараённада аҳолидан әшитган ҳикоя, афсона ва ўтмиш ҳақидаги суҳбатларни ҳамда бошқа материалларни мунтазам ёзib борадиган маҳсус дафтар бўлиши шарт. Шундан сўнг суриштириш ва суҳбат натижасида олинган маълумотларни тадқиқ қилишда топонимик тоифалар бўйича маҳсус картотекалар тузилади. Кейин шу асосда луғатлар тузилади. Кейинчалик тадқиқотчиларнинг фикрини ҳисобга олган ҳолда бир тиндаги оммавий топонимларни синчиклаб ўрганиш катта аҳамиятга эга. Тадқиқ қилинган ва тўпланган топонимик маълумотлар ўлкашунослик музейларида аниқланади. Шунингдек, бу маълумотлар маҳсус

кутубхоналарда алоҳида бўлим қилиб сақланади. Топонимик маълумотлар тўплаш кўпинча шу ўлка тарихини ўрганиш иши билан параллел ҳолда олиб борилади. Туристик саёҳатларда ва походларда, илмий сафарларда қатнашган, шунингдек музейлар, археологик ёдгорликлар, тарихий обидалар ва архитектура ёдгорликларига борган ўлкашунослар археологик, этнографик маълумотлар билан бир қаторда топонимик маълумот ҳам тўплайдилар.

В. А. Никоновнинг «Введение в топонимику» (М., 1965) асарида топонимика бўйича тадқиқотни қандай олиб бориш, уни нимадан ва қачон, қаердан бошлашнинг услуби ва усуллари аниқ кўрсатиб берилган.

Демак, топонимика ўлкашуносликнинг ажралмас бир қисми ҳисобланади. Тарихий ўлкашунослик фани эса тарих фанининг бир бўлими сифатида ривожланиб бормоқда. Бу фан ҳар бир ўлкашунос ва зиёлидан ўз ўлкасининг тарихини ҳар томонлама ва чуқур ўрганишни талаб қиласди.

Ҳозирги вақтга келиб, ўлкашунослик бўйича олиб борилаётган тадқиқот ишлари билан бир қаторда унинг ажралмас қисми бўлган топонимика ҳам аста-секин ижтимоий фанлар қаторида ривожланиб бормоқда. Топонимик маълумотлар тўплани ва ўрганишда тарих, география инсон ва жамият фанлари ўқитувчилари билан тишишносларнинг ҳамкорликда ишлани муҳим аҳамиятга эга.

Ўлка тарихини яхши ўрганмай туриб топонимик маълумотлардан ўлкашуносликнинг муҳим манбаи сифатида фойдаланиш ниҳоятда қийин.

Ўлкашунослик билан шуғулланадиган ўқитувчилар топонимикага доир адабиётлар билан яхши танишиб чиқишлиари зарур. Ўзбекистон тарихини ўрганишда топонимик маълумотлардан фойдаланиш, топонимик ва географик луғатлар тузиш, мавжудларидан фойдаланиш дарс мазмунини янада бойитади. Биз шу мақсадда В. А. Никоновнинг «Введение в топонимику» ва «Краткий топонимический словарь» асарлари, Ҳ. Ҳасановнинг «Ўрта Осиё жой номлари тарихидан», Ҳоди Зарифнинг «Лугат ва термин тўпловчиларга ёрдам», Э. М. Мирзаев ва В. Г. Мирзаеваларнинг «Словарь местных географических терминов» ва С. Қораевнинг «Географик номлар маъносини биласизми?» каби асарларидан фойдаланишни тавсия қиласиз. Бу асарларда

топонимлар ҳақида ҳар хил баҳслар ва мунозаралар юритилган бўлиб, ўлка тарихини ўрганишда ўқитувчига жуда қўл келади.

Топонимлардан ном олган буюмлар, ўсимлик, ҳайвонлар шу қадар кўпки, баъзан ҳатто уларнинг этиологияси тўғрисида ўйлаб ҳам ўтирумаймиз. Қўйон арава, бухори қовун, чуст пичоги каби сўзларда ўша жой номлари ҳамон эсга келиши мумкин. Бироқ академия (Афина яқинидаги чангальзор), вулкан (Тиррен денгизидаги Вулкано ороли номидан), жерси (Нормандиядаги шаҳар), кофе (Африкадаги Каффа ўлкаси номидан), олимпиада (Грециядаги энг баланд Олимп тоғи номидан), роман (Рим шаҳри номидан олинган) каби сўзларнинг ҳам аслида топонимлар эканини қўпинча хаёлимизга ҳам келтирмаймиз. Қуйида топоним номларга бир қанча мақоллар келтирамиз.

**Кимёвий элементлар.** Қўпгина кимёвий элементлар жой номлари билан аталган: америций (Америка), галий (Франциянинг лотинча номи – Галлия), германий (Германия), гольмий (Швециянинг пойтахти Стокгольмнинг лотинча номи – Гольмия), европий (Европа), индий (Ҳиндистон), лютеций (Парижнинг лотинча номи – Лютеция), полоний (Польша), рутений (Россия), иттрий (Швециядаги Иттербо қишлоғи) ва ҳоказолар.

**Қитъалар (материклар)** ва денгизлар номларидан ҳосил бўлган топонимлар. Австралия – грекча «Жанубия қуруқлик» деган сўз. Антик дунё олимларининг фараз қилишича, жанубий ярим шарда номаълум қуруқлик Терра аустралис инкогнито бўлиши керак эди. XVII аср ўрталарида бу қуруқлик кашф этилгач, инкогнито (номаълум) сўзи тушиб қолади ва жанубий ерни Терра Аустралис деб бошлийдилар. Бир вақтлар уни «Янги Голландия» деб ҳам атаганлар. XIX асрдан эътиборан қисқача Австралия (Жанубия) шакли қарор топди.

Европа – осури тилида эреб – «кун ботиш», «қоронгулик», «ғарб» демакдир.

Осиё – русча Азия, хитойча Ясия, японча Адзия. Бу ном дастлаб Гомер достонларида тилга олинган. Милоддан олдинги V асрда Геродот асарларида Осиё деб ҳозирги Туркиянинг ғарбий қисми англашилган. Хуллас, Осиё номи Ўрта денгиз соҳилларига хос атоқли отdir. Бора-бора бу ном шарқий срларга ҳам ёйилиб, умумла-

шиб кетади ва аввали Қуий Осиё, сўнгра Буюк Осиё номлари, XVIII – XIX асрларда Кичик Осиё, Ўрта Осиё, Марказий Осиё сингари айрим қисмларни англатувчи номлар пайдо бўлади. Осиё номининг маъноси турлича манба ва адабиётларда турлича изоҳланган: Азия шаҳри номидан, философ Азия исмидан, Азия водийси номидан келиб чиқсан деб фараз қилинади, осури тилида асу «кун чиқиш томон». «Шарқ» маъносида қўлланилган.

**Қора дengiz** – жанубий халқлар томонидан берилган ном. Қора сўзининг «шимол», «салқин» деган маъноси ҳам бор. Унинг суви қорамтири бўлгани учунгина Қора дengиз дейилади деб изоҳлаш ногўғри. Милодимииздан аввалги IX – VII асрларда юононлар Қора дengизни ёки мамлакатимизнинг жанубига жойлашган бу дengизни «узоқ шимол» деб ҳам атаганлар.

**Қизил дengiz** – арабча «Баҳри ахмар, грекча Эритрея. Афсонага кўра, Эрон шоҳи Эритр (Қизил қалпоқ) босиб олган ва Нил томон канал қазитган экан. Бошқача изоҳи ҳам бор: қирғоқларида қизғиши сув ўтлари ва чиғаноқлар кўп бўлганидан шундай ном олган.

**Ўрта дengиз** – Европа, Африка ва Осиё ўрталарида жойлашган дengиз. Грекча Медитеррано – «Ўрта ер» сўzlаридан русчага айнан таржима қилинган, ўзбекча шакли шундан қисқартириб олинган. Тарихий шарқ манбаларида кўпинча Рум дengизи, Шом дengизи номлари билан ҳам машҳур бўлган.

**Ўлик дengиз** – Фарбий Осиёдаги кўл. Суви жуда шўр ва унда ҳаёт йўқлигидан «ҳаётсиз», «жониворсиз», «ўлик дengиз» деб аталган.

**Лотин Америкаси** – Марказий ва Жанубий Америкада испан ва португал тиллари тарқалган. Бу тиллар лотин ёки роман тиллар гуруҳига киради. Бу ерда яшовчи халқларнинг асосий қисми лотин тилида сўзлашганлиги учун шундай номни олган.

**Болқон** – Европадаги ярим орол. Туркий тилларда балқон, балхан «тоғ», «тоғли ер» деган маънони англатади. Туркманистондаги Балхан номини турклар Европага кўчирган бўлиши ҳам мумкин (В. Ф. Минорский).

**Босфор** – Қора дengиздан Ўрта дengизга ўтадиган ерда жойлашган бўғоз. Туркияда кўпинча Бўғоз, Истанбул бўғози, Қора дengиз бўғози деб аталади. Босфор хонанча «буқа» деган сўз. Афсонага кўра, гўё бу бўғоздан буқалар сакраб ўтган эмиш. Аммо яна бошқа ҳақиқатга

яқинроқ изоҳ ҳам бор. Қадимда бу бўғоздан сузиб ўтадиган кема эгалари бож ҳақини қорамол билан тўлганлар, шу-шу «буқа тўланадиган бўғоз» номини олган.

**Арабистон** — Ғарбий Осиёдаги ярим орол. «Араб» аслида «чўл» деган сўз, шундан «чўлликлар», «кўчманчилар» — араблар сўзи ҳосил бўлган, сўнгра «араблар ери» Арабистон пайдо бўлган.

**Австрия** — аслида немисча Остеррейх: ост — «шарқ», рейх «ўлка», яъни «шарқий ўлка» деган маънони билдиради.

**Англия** — Ғарбий Европадаги Буюк Британия давлатининг номи; V — VI асрларда континентал Европадан шу ерга сузиб ўтган англ қабилалари номидан олинган.

**Ўсимлик ва ҳайвонлардан олинган номлар.**

**Апельсин** — голландча «хитой олмаси» демакдир.

**Йоркшир** — чўчқа зоти (Англиядаги Йоркшир графлиги номидан).

**Каштан** — буклар оиласидан бўлган дараҳт, Кичик Осиёдаги Кастан шаҳри номидан олинган.

**Махорка** — Голландиядаги Амесофронт шаҳри номидан олинган бўлиб, дастлаб amerfor, кейинчалик amerфорка, кейин мафорка ва ниҳоят, махорка деб атала бошланган. Европада махорка чекиш айрим кишиларга заарали деб тушунирилгач, кашандалар чекишини ташлай олмай бурунларига ҳидлай бошлаганлар ва уни носовой табак (бурнаки) деб атаганлар. Ўрта Осиё халқлари эса бу тамакини ишлаш технологиясини анча мураккаблаштириб, уни эндиликда бурунга ҳидлаб эмас, балки тил остига ташлайдиган бўлганлар. Унинг номи тобора ўзгариб, ҳозирги нос формасини олган.

**Симментал** — қорамол зоти (Германиядаги водий номи).

**Сардина, «сардинка»** — балиқ (Сардиния ороли номидан олинган).

**Геология ва география атамаларидан олинган топонимлар.** Топонимлар минераллар орасида айниқса кўп учрайди. Буни қуйидаги мисоллардан кўриш мумкин: автолитминерал (Австралия), агат (ўзбек тилида ақиқ дейилади) — қимматбаҳо тош (Сицилиядаги Акайта дарёси номидан), адуляр — минерал (Алъи тоғларининг Адул тизмаси номидан), алебастр — оқ гипс (Мисрдаги алебастр шаҳри ва тоғи номидан), альмандин — қимматбаҳо тош (Кичик Осиёдаги Албанда шаҳри),

аляскит – гранитга ўхшаш қаттиқ тош (Аляска), арагонит (Испаниядаги Арагония пасттекислиги номидан), байкалит (Байкал кўлидан), бирмит – каҳрабонинг бир тури (Биржа номидан), индерит – минерал (Қозогистондаги Индер тоғлари номидан), мусковит минерал (Москва давлатининг қадимги номидан, Московия), сурик бўёқ (Сурия номидан), туюмюнит – минерал (Фарғона водийсидаги Туюмўйин кони номидан), ферганит (Фарғона) ва ҳоказолар. Ҳазорасп – минг от, Сариосиё – бош тегирмон, Гўрлан – кўр ва ланг сўзларининг бирикувидан ташкил топган. Ҳиндикуш – ҳинд, куш – ўлим, деган маънени билдиради.

Газламалар. Бостон – АҚШдаги шаҳарнинг номидан, Жерси – Нормандия-Франция қирғоғи яқинидаги орол номидан, Сарпинка – Саратов областидаги Саропта деган номдан келиб чиққан.

Антротопонимика. Туркий «Ахмет», арабча «Аҳмад – мақтовли, мақтовга сазовор» деган маънени англатади, ундан Аҳметов деган фамилия вужудга келган; Бахмет – туркий «бой» ёки Ахмет арабча Аҳмад сўзларининг қўшилишидан Бахметов фамилияси вужудга келган. Сабур (Сабуров) – туркий «сабр», арабча «собир» (чидамли) сўзларидан олинган. Мамон – туркий мўмин (қобил, беозор, юввош маъноларида) сўзидан олинган Мамонов фамилияси шундан келиб чиққан. Полвонов – туркий тилларда «полвон», форсча – «паҳлавон» (ботир, қаҳрамон маъносида) сўзларидан олинган, кейинчалик русча «ов» қўшимчаси қўшилиб Полвонов фамилияси келиб чиққан. Саймон – туркий «саймон» (абжир, чақон, дадил маъноларида) – Саймонов фамилияси шундан олинган. Дашиктуркий «дашук» – «ташук» (димоғдор, кеккайган маъноларида) сўзларидан «Дашков» фамилияси, қурдюқ – туркий «кудурук» – «кузурук» – «қўйруқ» сўзларидан русча «Курдюков» фамилияси келиб чиққан ва ҳоказо.

Озиқ-овқат номлари. Лағмон (хитойча) – «лағ» – узун, «ман» – хамир, «узун хамир» деган маъноларни билдиради. Бутерброд (немисча) – гўшт ва нон ёки нон ва ёғ деган маъноларни билдиради. Пирог – қора қалпоқларда «бурек», татарларда эса «чийбурек», ҳар иккисида ҳам гўшти пирог деган маъно бор. Бу сўзнинг ўзаги «бур» ўрамоқ, чулғамоқ маъноларини билдирувчи феълдан ясалган, русча «пирог» сўзи шундан келиб чиққан.

**Ичимликлар номлари.** Топонимларда ичимликлар номлари ҳам маълум даражада ўз аксини топган, масалан: боржоми – минерал сув (Грузиядаги курорт шаҳарнинг номи), есентуки – минерал сув (Шимолий Кавказдаги курорт шаҳарнинг номи), Тошкент минерал суви (Тошкент шаҳарининг номидан олинган) ва ҳоказо.

Булардан ташқари, республикамизнинг барча овул, қишлоқ, посёлка, водийлари ва воҳалари ҳамда вилоятлари номлари ҳам топонимлар бўлиб, уларнинг кўпчилиги ҳали тўла ўрганилмаган. Ўрганилганларидан VII – X синфларда Ўзбекистон халқлари тарихи дарсида фойдаланиш катта ҳам таълимий, ҳам тарбиявий аҳамиятга әгадир. Бу усуlda топонимикага оид маълумотлардан фойдаланиш ёшларни тарбиянинг ажралмас қисми бўлган эстетик, ватанинварварлик руҳида тарбиялашнинг негизи бўлиб хизмат қилади. Биз қуйида Ўзбекистон халқлари тарихи курсини ўқитишда Тошкент воҳаси топонимиқаси ва улардан дарсда фойдаланиш намунасини келтирамиз.

### Тошкент воҳаси топонимиқаси ва улардан дарсда фойдаланиш

Топонимикага оид маълумотлардан фойдаланиб ўтиладиган бир соатлик аралаш дарс режа – конспекти.

Дарсни ташкил қилиш: а) ўқувчилар билан саломлашиш ва синфнинг дарсга ҳозирлигини кузатиш; б) ўқувчилар диққатини дарсга жалб этиш.

Ўтган мавзуу: «Реакция йилларида Ўзбекистон» мавзуси юзасидан ўқувчиларга бериладиган саволлар:

- 1) Қайси йиллар реакция йиллари дейилади?
- 2) Янгича юксалишга нима сабаб бўлади?
- 3) Ўзбекистоннинг қайси жойларида халқ ҳаракатлари бўлиб ўтди?

Бу саволларга ўқитувчи ўқувчилардан жавоб олгач, ўзи қисқача мавзуга яқун ясайди ва уни янги мавзуга боғлайди.

Янги мавзуу: «Биринчи жаҳон уруши йилларида Ўзбекистон».

Дарснинг мақсади: ўқувчиларни Ўзбекистон меҳнаткашларининг 1916 йилдаги миллий озодлик ҳаракати билан танишириш, бу ҳаракат Россияда етилган тангликтининг натижаси эканлигини тушунтиришдан иборат.

Дарс ўтиш услуби: ўқитувчи сухбат усулидан фойдаланган ҳолда материални баён қиласди: ўқувчилар мустақил иш бажарадилар.

Кўргазмали қуроллар. «Биринчи жаҳон уруши», «Ўзбекистонда 1916 йил қўзғолони» ва Ўзбекистоннинг сиёсий хариталаридан фойдаланилади.

Россия давлати тарихи курсини бу мавзу билан боғлаб олиб бориши учун дарсни қўйидаги саволлар асосида сухбат ўтказишдан бошлиш мақсадга мувофиқдир: 1. Чор Россиясининг урушга тайёр әмаслиги нимада кўринди? 2. Уруш Россиянинг иқтисодиётига қандай таъсир қиласди? 3. Биринчи жаҳон уруши қандай оқибатларга олиб келди? 4. Россия давлат тўнтариши учун вазият вужудга келганлигини далиллар билан исботлаб беринг.

Ўқитувчи сухбатнинг охирида дарсга хулоса қилиб, 1917 йилнинг бошларига келганда Россиянинг иқтисодий аҳволи кескин оғирлашганлиги, узоққа чўзилиб кетган уруш чор Россиясининг иқтисодиётини анча издан чиқарганлиги, бу ҳол ҳалқ оммасининг аҳволини мушкуллаштириб юборгандиги, Россияда тангликнинг етилишини тезлаштиргандиги, биринчи жаҳон уруши даврида Ўзбекистонда кенг қулоч ёйган миллий озодлик ҳаракати ана шу тангликнинг кўринишларидан бири бўлганлигини дарсни умумлаштириш жараёнида ўқувчиларга тушунтиради.

Биринчи жаҳон уруши ва тангликнинг етилиши. Бу мавзуни ўрганиш вақтида дарслиқдаги матн устида ўқувчиларнинг мустақил ишлashingни уюштириш зарур. Ўқувчиларга қўйидаги саволлар берилади: 1. Биринчи жаҳон уруши Ўзбекистон мөҳнаткашлар оммасининг аҳволига қандай таъсир қиласди? 2. Биринчи жаҳон уруши даврида Ўзбекистондаги тангликнинг етилиши нималарда кўринди? 3. Ўзбекистонда 1916 йилдаги ҳалқ қўзғолонининг бошланишига нима сабаб бўлди?

Ўқитувчи ўқувчиларнинг жавобларини эшишиб бўлгач, биринчи жаҳон уруши йилларида Ўзбекистонда ижтимоий ва миллий зулм анча кучайганлигини тушунтиради. Ўша даврда Ўзбекистоннинг әнг муҳим саноат ҳом ашёси – пахта етказиб берувчи ўлка сифатидаги ўрни яна ҳам ўсди. Рус капиталистларининг манфаатларини кўзлаб, пахтага бозор нархидан 20 фоиз кам мажбурий нарх белгиланди, ваҳоланки, саноат молларининг, фалла

ва бошқа озиқ-овқат маҳсулотларининг нархи ҳаддан ташқари ортиб бормоқда эди. Бу ҳол меҳнаткашларнинг аҳволини янада мушкуллаштириб юборди. 1916 йилда қаҳатчилик бўлди.

Биринчи жаҳон уруши йилларида авж олиб кетган феодал, капиталистик ва мустамлакачилик зулми синфий зиддиятларни ғоят кескинлаштириб юборди. Ишчи ва дехқонлар орасида чоризмнинг сиёсатидан норозилик бениҳоя кучайди. 1915 йилнинг охири – 1916 йилнинг бошларида мамлакатда вазият жуда кескинлаши.

Ўзбекистонда 1916 йилги халқ қўзғолони ва унинг аҳамияти. Бу масала дарслиқдаги доимий маълумот асосида тўлиқ очиб берилади. Қўзғолоннинг қандай давом этганилиги «Ўзбекистонда 1916 йил қўзғолони» харитасидан кузатиб борилади.

Материални тушунтириш жараёнида ўқувчиларнинг эътиборини қуийдаги муҳим ҳолатларга жалб этиш керак.

Ўрта Осиё тарихида халқ ҳаракати ҳали ҳеч қачон 1916 йил қўзғолони давридагиdek кенг қулоч ёймаган эди.

Қўзғолон чоризмнинг миллий-мустамлакачилик зулмига қарши қаратилган бўлиб, фуқаролик ҳуқуқлари ва сиёсий ҳуқуқларни қўлга киритиш учун бошланган ҳаракат эди. Бу қўзғолон Ўзбекистон халқлари тарихидаги муҳим воқеалардан бири ҳисобланади.

Мустамлакачиликка қарши, империализмга қарши ҳаракат бўлиб бошланган 1916 йил қўзғолони айни вақтда антифеодал ҳарактерга ҳам эга эди; бу ҳол қўзғолончиларнинг бойларнинг ер-мулкига, судхўрлар ва савдогарларнинг уйларига қилган ҳужумларида ўз ифодасини тоғди.

1916 йилги қўзғолон халқ қўзғолони эди. Бу ҳаракатда кенг халқ оммаси, аввало, дехқонлар ва шаҳар камбағаллари қатнашди. Шаҳар ва шаҳар атрофларида маҳаллий ҳунармандлар ва ишчилар, қишлоқ жойларда эса камбағаллар ва батраклар қўзғолонга бошчилик қилдилар. Асрлар бўйи асоратда яшаган аёлларнинг қўзғолонда иштирок этиши – бу ҳаракатнинг муҳим хусусиятларидан бири эди.

Қўзғолон, умуман олганда, прогрессив миллий озодлик ҳаракати тусини олди. Айрим районларда (масалан, Жizzах уездида) фирибгар унсурлар бу қўзғолоннинг ҳарактерини ўзгартиришга ва ундан ўзларининг синфий

манфаатлари йўлида фойдаланишга уриндилар, аммо улар бунга мувваффақ бўла олмадилар. Уларнинг миллый адоватни авж олдириш ва умуман русларга қарши қўзғолон кўтариш йўлидаги уринишлари ҳам тамомила барбод бўлди.

Қўзғолонга қарши чиқсан маҳаллий феодаллар ва буржуазиянинг халқча қарши қаратилган фирибгарона йўли қўзғолон вақтида батамом аён бўлди. Қўзғолон кунларида маҳаллий аҳоли меҳнаткашларининг миллый буржуазиядан юз ўгириши ҳақиқатда ниҳоясига етди. Бу жараён 1905–1907 йиллардаги тўнтариш давридаёқ бошланган эди.

Қўзғолон Россияда етилиб келаётган тангликнинг натижаси бўлди ва, ўз навбатида, ана шу тангликнинг янада чуқурлашиб кетишига ёрдам берди. Бу қўзғолон чоризмнинг Ўрта Осиё ва Қозогистондаги мустамлакачилик сиёсатига қаттиқ зарба берди. Қўзғолон Еттисув ва Закаспий вилоятларига ҳамда Қозогистоннинг дашт вилоятлари – Ақмолинск, Семипалатинск, Уральск ва Түргай вилоятларига ҳам ёйилди. Бу вилоятларда қўзғолончилар сони неча ўн минглаб кишига етди.

Халқ оммасининг тазиёки натижасида чор ҳукумати 1916 йил 30 июлда фармон чиқариб, мардикорликка сафарбарлик муддатини 15 сентябргacha кечикиришга мажбур бўлди. Бу – чоризмнинг қисман ён берганлигидан далолат берар эди. Ҳукмрон доиралар Кавказдаги сафарбарликни бекор қилганидек, Туркистонда ҳам бундай сафарбарликни бекор қилмоқчи эдилар. Аммо чор маъмурлари маҳаллий аҳоли чиқишидан, хусусан қуролли қўзғолондан кейин бу ён беришни Россия ҳукуматининг заифлигидан бошқа бир нарса эмас, деб талқин этишдан қўрқар эдилар. Чор ҳукумати мардикорликка одам олиш ишларини тўла миқдорда амалга ошира олмади. 1917 йил 1 марта Туркистондан жами 123 минг киши, яъни мўлжалланган миқдордаги кишиларнинг ярмидан камроғи мардикорликка олинди<sup>1</sup>.

Шу муносабат билан бошланган қўзғолон миллый озодлик ҳаракатининг ривожланишида, Туркистон халқларининг синфий онгини уйғотишда муҳим бир босқич бўлди. Ўқитувчи бунинг оқибатида Туркистонда ижтимоий ва миллый зулмнинг тобора зўрайиб бораётганлиги,

<sup>1</sup>П. А. Ковалёв. Тыловые рабочие Узбекистана в годы первой мировой войны. Т., 1957, 82- бет.

империалистик уруш йилларида кучайиб кетган феодал, капиталистик ва мустамлакачилик зулми халқ оммасининг аҳволини тоқат қилиб бўлмас даражада оғирлаштирганини, халқ оммасининг эзувчиларга қарши курашга отлантирганлигини уқтириши билан бирга жойларда кўтарилигган миллий озодлик ҳаракатлари ва ғалаёнлар бўлган жойлар ҳақида тушунча бера бошлади. Бу қўзғолон ва ғалаёнлар миллий озодлик ҳаракатларидан бири әканлиги кўрсатилади. Қўзғолон кўтарилигган жойлар ва бу мавзуда учрайдиган номларнинг топонимикаси ўрганиб борилади.

Демақ, бу соҳада учрайдиган номларнинг келиб чиқиши, маъноси шу соҳада илмий тадқиқот олиб борган олимларнинг асаларидан фойдаланилган ҳолда ўрганилади.

Ўқитувчи «Биринчи жаҳон уруши йилларида Ўзбекистон» мавзусини баён қилиш жараёнида ижтимоий ва миллий зулмга, капиталистик ва мустамлакачилик зулмига қарши миллий озодлик учун кураш олиб борган шаҳар ва воҳалар номларининг келиб чиқиши тарихи ҳақида қисқача тўхтаб ўтади. Асосий эътиборни ҳар бир жойнинг номи ва унинг маъноси, ўз тарихи борлигига, биринчи эшитганда маъносиздай туюлган номлар чуқурроқ қаралса кўпинча кутилмаган мазмун беришига қаратади. Шуни айтиш керакки, мазқур жойга номи берилган ўсимлик ёки ҳайвон йўқ бўлиб кетган, бу жойларда яшайдиган халқлар эса бошқа бир ерларга кўчиб кетган бўлиши ҳам мумкин, бироқ жой номи десярли ўз ҳолича қолаверади. Бошқача қилиб айтганда, географик номларнинг маъносига қараб бу ерларда қадимда қандай ҳайвонлар яшагани ёки қандай ўсимликлар ўсганини айтиб бериш мумкин. Мана сизга бир мисол. Бир вақтлар Ўрта Осиёда қулон деб аталган ёввойи отлар уюр-уюр бўлиб юришган. Қулонни овлай бериб, қириб юборишган. Ҳозирги вақтда қулон Туркманистондаги Бодхиз қўриқхонасида қолган, холос. Лекин Қулонсой, Қулонбоши, Қулонтепа каби жой номлари ана шу қимматли жоноворнинг бир замонлар кўп бўлганлигидан далолат беради. Булон деган ҳам ҳайвон бўлган. Қулон ва булон тўғрисида халқ оғзида мана шундай шеър бор:

Қулон юрмас ерлардан.  
Қувиб ўтиб боради,  
Булон юрмас ерлардан  
Қалқиб ўтиб боради.

Булонни бундан 9 аср олдин Маҳмуд Кошғарий «Қипчиқлар мамлакатда бўладиган катта гавдали ҳайвон» деб таърифлаган. Аслида булон русча «лось» деб аталадиган катта буғудир. Булон, Булонти каби жой номлари ана шу ҳайвонлардан қолган эсдалиқдир.

Бошқа бир мисол. Сўксўк – саксовул. Мунис Хоразмий Хоразмда тўхтовсиз урушлар натижасида эл-юрт хароб бўлганини тасвирлаб, бундай деб ёзган эди: «Бу жиҳатдан Хоразм диёрида қахат ва гило шоинғ бўлди... Хивакнинг (яъни Хиванинг) олий иморатлари мунҳадим (вайрон) бўлиб, ўрнига сўксўк ва юлгун кўкарди». Демак, бу ўсимлик номи Бухоро вилоятнинг Қоракўл районидаги Сўксўк деган қишлоқ номига кўчган.

Республикамизда ўзбекча номлардан ташқари арабча, тоҷикча, мӯгулча номлар ҳам кўп учрайди. Қашқадарё вилоятида Майманак деган қишлоқ бор. Майманак арабча сўз бўлиб, «ўнг» томон, «ўнг қўл» деган маънони билдиради. Фарғона водийсидаги Поччаота сойидан чиқарилган бир ариқ Барангар дейилади, бу ном эса мӯгул тилида (барангдор) «ўнг қўл, ўнг томон» деган маънони билдиради. Самарқанд вилоятидаги Булуңғур райони ва каналининг номи мӯгулча «лойқа сув» деган маънони англатади. Рег, Регинав, Регистон, Регзор деган жойлар номи форс-тоҷик тилидаги рег, яъни «қум» сўзидан олинган. Регистон шаҳарнинг қум тўшаб қилинган марказий майдони бўлган. Шунинг учун ҳам номларни ер тили дейишади. Жой номлари юзлаб, ҳатто минглаб йиллар яшайди. Бу номларнинг жуда кўпи ҳали ўрганилмаган. Ўқитувчи ўқувчиларга сиз бу жойларни нима учун шундай аталар экан деб ўйлаб кўрганмисиз? Ўзингиз яшаб турган қишлоқ, шаҳар, колхоз-совхоз, ё бўлмаса ёнгинангизда оқиб ўтадиган ариқ, анҳор номининг маъносини биласизми? деган саволларни ўртага ташлайди. Мана шундай саволларга жавоб топтириш йўллари билан улар топонимик материалларни тўплаш йўлида мустақил тадқиқот олиб бориш ишларига жалб қилинади.

Ўқитувчи янги мавзуни баён қилиш жараёнида учраган барча жойларнинг номлари қандай келиб чиқсанлиги ва уларнинг маънолари устида тўхтаб ўтиши мумкин эмас, шунинг учун у ҳар бир янги мавзуни ўтаётганда катта-катта масалалар устида батафсил тўхталиб, микротопонимлар билан мустақил ишлашни ўқувчиларнинг ўзларига топширса мақсадга мувофиқ

бўлади. Масалан, Тошкент шаҳрининг номи ҳақида ўқитувчи дарс жараёнида батафсила тушунтириб беради, лекин Тошкент шаҳрини, унинг тарихий жойлари, район, кўча ва маҳаллалари, даҳалари, ундан оқиб ўтадиган анҳор ва ариқлари, хиёбонлари кабиларнинг номлари ҳақида ўқувчиларга мустақил ўрганиб келишларини топшириши ҳам мумкин. Бундан ташқари, топонимларнинг талай қисми турли ҳалқлар, қабилалар, ўзбек уруғлари ва уларнинг майдага шохобчаларининг номлари билан аталган. Нукус, Қўнғирот, Кенагас, Метан каби уруғ номлари билан бирга Асака, Бойтўпи, Кал, Қул каби майдага шохобчаларнинг номлари ҳам топонимларда ўз аксини топган. Бундай топонимларни илмий асосда ўқитувчининг ўзи айтиб бергани маъқула.

Ўзингиз бир ўйлаб кўринг, республикамизда 17000 дан ортиқ қишлоқ ва аҳоли яшайдиган пунктлар, 500 тага яқин қудук борлиги маълум. Одатда, Ўрта Осиёда сув ҳавзалари, жумладан кўллар кам деб келинарди, ҳолбуки биргина Тяншань тоғларида 12000 сой ва жилғалар оқиб тушиши, Сирдарё ёқасида 2118 кўл борлиги ҳисобга олинган.

Ҳар бир қишлоқ атрофида юзлаб жарлар, тепаликлар, қирлар, булоқлар, қудуқлар борки, уларни ҳар қандай муқаммал ҳаритадан ҳам топиб бўлмайди. Масалан, Зомин районидаги биргина Томтум қишлоғи атрофидан 300 дан ортиқ майдага жой номлари ёзиб олинган бўлса, Тошкентдек азим шаҳар ва унинг воҳасидан қанча жойларнинг номини ёзиб олиш мумкин.

Ана шу айтилганларни назарга олиб, бу параграфда Тошкент шаҳри тарихи ва Тошкент воҳасидаги жойлар номларининг келиб чиқиш тарихи ҳақида (албатта ўрганилганларинигина) манбаларга асосланган ҳолда изоҳлаб ўтамиш.

Тошкент – қадимий ва навқирон Тошкент шаҳри Чирчиқ дарёсининг соҳилида бундан 2000 йил муқаддам вужудга келган. Академик Я. Ф. Гуломов раҳбарлигида Археология институтининг бир гурӯҳ иирик илмий ходимлари Тошкент воҳасида олиб борган археологик текширишлар натижасида Тошкент шаҳрининг «ёши» ни аниқлаш мумкин бўлади<sup>1</sup>.

Тошкент – Ўзбекистон жумҳуриятининг пойтахти ва

<sup>1</sup> Я. Ф. Гуломов. «Тошкент неча ёшда». Совет Ўзбекистони, 1969, 12 июнь

Тошкент вилоятининг маркази бўлиб, ўлкамизнинг энг ирик шаҳарларидан бири. У аҳоли сони жиҳатидан Москва, Санкт-Петербург ва Киевдан кейин тўртинчи ўринда туради. Тошкент – саноати юксак ривожланган, фан ва маданияти илфор, жуда кўп халқаро учрашувлар, конференциялар, фестиваллар ўтказиладиган жой, Ўрта Осиёning ўзига хос жанубий дарвозаси. У республика-нинг шимоли-шарқий қисмида, Тяншань тоғлари әтакларида, денгиз сатҳидан 440—480 метр баландликда, Чирчиқ дарёси водийсида жойлашган. Чирчиқ дарёсидан бош олган ва бутун шаҳардан ўтадиган Бўзсув, Солор, Анҳор, Қорасув, Кайковус, Бўржар, Оқтепа, Қорақамиш ва бошқа каналлар унинг микроиқлимига ижобий таъсир кўрсатади. Иқлими континентал, йиллик ўртача температураси  $13,3^{\circ}$ ; январнинг ўртача температураси  $-1,1^{\circ}$ ; июлнинг ўртача температураси  $+27,5^{\circ}$ . Йилига 360—390 мм ёгин ёғади. Майдони 250 км<sup>2</sup>. Шаҳарда 11 та район: Улуғбек, Шайхонтоҳур, Миробод, Юнусобод, Яккасарой, Бектемир, Собир Раҳимов, Сирғали, Ҳамза, Чилонзор, Акмал Икромов районлари бор.

Қадимги манбаларда ҳозирги Тошкент ўрнида 2000 йил илгари ирик обод шаҳар бўлганлиги қайд қилинган. Археологик қазиш натижасида Тошкент ҳудудидан 2000 йил илгари ясалган сопол идишлар, бронза, ойна ва турли мамлакатларнинг танглари топилган. Бироқ ҳозиргacha Тошкентнинг ўша даврдаги номи аниқланмаган. Тошкент V—VIII асрларда Чоч, Шош, Шошкент, Бинкент деб аталиб келган ва айни вақтда шу номдаги феодал давлатнинг пойтахти бўлган. Буюк ипак йўлида жойлашган Тошкент Европа мамлакатларининг Ҳиндистон ва Хитой билан олиб борган турли алоқаларида муҳим роль ўйнаган<sup>1</sup>.

VI асрда турк хоқонлиги таркибиغا қўшиб олинган. Турклар шаҳарни забт этгач, унинг атрофини кучли мудофаа деворлари билан ўраб олганлар. Археологик қазиш вақтида топилган ишлаб чиқариш қуроллари ва рўзгор буюмлари бу ерда юксак маданият бўлганлигидан далолат беради.

Бундан ташқари Тошкент ҳудудида VI—VIII асрларга оид бир қанча қасрлар харобаси (масалан, Тошкентнинг шимоли-шарқидаги Оқтепа тепалигида) сақланниб қолган.

<sup>1</sup>Ўзбек Совет Энциклопедияси. Тошкент, 1978, 11-ж., 210-бет.

VIII аср бошларида Тошкент араблар босиб оладилар: шаҳар аҳолиси арабларга қаттиқ қаршилик кўрсатганлар.

Тошкент ўзаро урушлар, қўзғолонлар, кўчманчи қабилалар ҳужумлари натижасида бир неча марта вайрон қилинган. IX асрда шаҳар олдинги ўрнидан шимоли-шарқ томонда – Бўзсув канали этагида барпо бўлган.

Абу Райхон Беруний ва Маҳмуд Конғарий маълумотларига кўра, шаҳар XI асрдан Тошкент деб атала бошлаган.

IX – X асрларда Тошкент Сомонийлар давлати, X аср охиридан XIII аср бошигача Қорахонийлар ва Қорахитойлар давлатлари таркибида бўлган. Қадимий манбалардан баён қилинишича, Тошкент бу даврда қалъа, ички ва ташқи шаҳардан иборат бўлиб, атрофи бир неча қатор мудофаа девори билан ўралган. Шаҳарда кулолчилик, ўқ-ёй, газлама, гилам, чодир ҳамда чарм маҳсулотлари ишлаб чиқариш ривожланган.

XIII аср бошида Тошкентни Муҳаммад Хоразмшоҳ босиб олади ва 1214 йили мўғул қўшинлари йўлини тўсиш мақсадида аҳолини кўчириб, шаҳарга ўт қўйдирали. Шаҳар бир неча вақтгача тикланмайди. Фақат Темурийлар давлати таркибига қўшиб олингандан кейингина қайта қурилади, 1404 йилда Улугбек ихтиёрига мулк тарзида берилади. Кейинчалик Темурийлар ўртасида бошланган таҳт учун курашдан фойдаланган мўғул хони Юнусхон Тошкентни ўз қароргоҳига айлантиради.

1501 йилда Шайбонийхон мўғулларни тор-мор этиб Тошкентни идора қуришини ўз амакилари – Суюнчхўжакон ва Кўчкінжихонга топширади. Уларнинг даврида Тошкент Ўрта Осиёнинг ҳунармандчилик, савдо-сотиқ ва маданий ҳаёт марказларидан бирига айланади<sup>1</sup>.

XVI асрнинг биринчи ярмида Тошкентда катта қурилиш ишлари олиб борилади. Бир қанча сарой ва мадрасалар қурилади. Масалан, Бароқхон ва Кўкаaldoш мадрасалари Шайбонийхонлар даврида қурилган кўркам ва ҳашаматли бинолардандир. Ҳунармандчиликнинг ривожланиши савдо-сотиқ алоқаларининг кенгайишига олиб келади.

XVI асрнинг иккинчи ярмида Қозон ва Асграханъ хонликларининг босиб олиниши ва Рус давлатига қўшиб

<sup>1</sup> «Гулистон» журнали, 1981 йил, 12-сон, 18-бет.




Ташкент шаҳридаги Кўкаaldoш мадрасаси ва бозор майдони

олиниши натижасида Тошкент билан Москва ўртасида савдо алоқалари ривожланади, ҳар икки томон бир-бирига элчилар юборадилар. 1576 йилда Тошкент Шайбонийхонлардан Абдуллахон қўл остига ўтади. Унинг ўлимидан кейин эса Тошкентни Қозон хони Таваккал босиб олади (1599). 1613 иили Аштархонийлардан Имомқулихон қозоқларни тор-мор келтириб, Тошкентни қайтариб олади ва Тошкентга ўз ўғли Искандарни ноиб қилиб тайинлади.

Бироқ Искандарни тез орада қўзғолон кўтарган тошкентликлар ўлдирадилар. Бундан ғазабланган Имомқулихон Тошкент аҳолисини қирғин қиласди. XVIII аср бошида Тошкент учун Жунғория хонлиги билан Қозоқ хонлиги ўртасида кўп урушлаар бўлади<sup>1</sup>. 1723 йилда қозоқлар енгилиб, Тошкент Жунғор хони Галдан-Цирен қўлига ўтади. Бу даврда Тошкент аҳолиси узумчилик ҳамда нолиз әкинлари, буғдой, тариқ, арпа, сули, зифир, кунжут етиштириш билан шугулланган.

Шаҳар расталарида ипак мато иш-газлама, зарбоф кийимлар кўп бўлган. Рус савдогарлари Тошкентга мовут, қундуз териси ва турли бўёқлар келтиришган.

<sup>1</sup>Ўзбек Совет Энциклопедияси. Т., 1978, 11- жилд, 211- бет.



Тошкентдаги Шайхонтаҳур даҳасининг умумий кўриниш.

Тошкент билан Балх, Хива, Бухоро, Самарқанд, Қулоб, Шаҳрисабз ва бошқа шаҳарлар ўртасида савдо-сотиқ ривожланган. Пул муомаласи у даврда ҳали яхши ривожланмаган эди. Тошкент аҳолисига хонлик ғалла ва қорамол билан тўланадиган махсус солиқ (ҳосилнинг ўндан бир қисми миқдорида) солган. Жунғория хонлиги барҳам топгандан кейин (1758 йил) Катта ўрда ҳужумлари натижасида Тошкент кўп зарар кўради.

XVIII аср ўрталарида Тошкент тўрт даҳа (Себзор, Қўкча, Бешёғоч, Шайхонтаҳур) га бўлинган бўлиб, уларнинг ҳар бирини мустақил ҳоким бошқарган. Бу давр тарихда «Чор ҳоким» (тўрт ҳоким) номи билан машҳур. Шаҳарнинг девори (узунлиги 14 км) ва Лабзак, Тахтапул, Қорасарой, Сағбон, Чигатой, Қўкча, Самарқанд, Камолон, Бешёғоч, Қўқон, Қашқар, Қўймас деган 12 та дарвозаси бўлган.

XVIII асрнинг охирида Шайхонтаҳур даҳасининг ҳокими Юнусхўжа қолган уч даҳа ҳокимлигини ҳам ўз тасарруфига олиб, Тошкентда феодал тарқоқликка чек қўяди. Бир неча ҳарбий юришдан сўнг у Катта ўрдадан Тошкент атрофидаги қишлоқларни қайтариб олинига, Тошкент аҳолисига тинчлик бермаётган кўчманчи қозоқларни бўйсундиришига муваффақ бўлади.

1799 йили Қўқон қўшинлари Тошкентни қамал қилди, аммо тошкентликларнинг кучли зарбасига учраб, орқага қайтади. 1800 йили Юнусхўжа Қўқон хонлигига қарашли Қурамани босиб олади. Бироқ 1807 йили Қўқон



Тошкент шаҳридаги эски темир йўл вокзали

қўшинлари билан бўлган жангда Юнусхўжа енгилиб, Қурамани қайтариб беради. Юнусхўжа вафот этгач (1810 йили), Тошкентга унинг ўғли Султонхўжа ҳоким бўлади. Юнусхўжанинг ўлимидан фойдаланган Қўқон хони Олимхон ўз укаси Умархон қўмондонлигига қўшин юбориб, Тошкентни эгаллайди ва унга Султонхўжанинг укаси Ҳамидхўжани ҳоким қилиб тайинлайди. Ҳамидхўжа Қўқонга бўйсунмай қўяди. Натижада Олимхон шахсан ўзи қўшин тортиб, Тошкентни Қўқон хонлигига узил-кесил қўшиб олади. Шундан бошлаб Тошкент ҳокими фақат Қўқон хони томонидан тайинланадиган бўлди.

XIX аср ўрталарида Тошкент Ўрта Осиёning Россия билан савдо-сотиқ қилувчи энг йирик марказига айланади.

Россия билан Ўрта Осиё шаҳарлари олиб бораётган савдо-сотиқнинг 40%и биргина Тошкентга тўғри келар эди. Ҳар йили Оренбург ва Семипалатинск шаҳарларига Тошкентдан пахта, пахта маҳсулотлари, ипак, гуруч, қуруқ мевалар, жун ва бошқа маҳсулотлар ортилган түя карвонлари жўнатилар эди. У ердан эса Тошкентга ип-газламалар, темир металл буюмлар, мўйна ва бошқалар келтириларди.

1865 йили Тошкент чор қўшинлари тарафидан босиб олиниди. 1867 йилдан Туркистон генерал-губернаторлиги Сирдарё вилоятининг марказига айланди. Тошкент аҳолиси икки ёқлама — подшо мустамлакачилар ҳамда маҳаллий эксплуататорлар зулми остида қолди. Ижтимоий ва миллий мустамлака зулмининг авжга чиқиши натижасида Тошкент меҳнаткаш оммаси 1892 йилда қўзғолон кўтарди.


1899 йили Закаспий темир йўли бу ергача етиб келди. 1905 йили эса Тошкентни марказий Россия билан боғловчи энг яқин йўл — Оренбург — Тошкент темир йўли қурилди. Тошкент асосий темир йўл узели, савдо ва транзит пунктига, кўп миллатли Туркистон ўлкасининг маъмурӣ-сиёсий марказига айланди. Шаҳарда янги саноат корхоналари ҳамда савдо муассасалари вужудга келди.

1813 йили Тошкентда III саноат корхонаси, жумладан 15 та пахта тозалаш заводи, 3,5 мингдан ортиқ ҳунармандчилик устахонаси, 22 рус ва чет эл савдо фирмаларининг бўлимлари, 186 та катта-кичик магазин бор эди. Тошкент аҳолиси, асосан, ҳунармандчилик, дехқончилик, боғдорчилик ва савдо-сотиқ билан шуғулланар эди. Эски шаҳарнинг шарқ тарафида янги шаҳар барпо қилиниб, ижтимоий-иқтисодий ва маданий ўзгаришлар асосан Тошкентнинг шу қисмida рўй берган. Тошкентда саноат корхоналари ривожланиши туфайли маҳаллий капиталистлар синфи билан бир қаторда маҳаллий ишчилар синфи ҳам етишиб чиқа бошлади. Маҳаллий ишчилар синфи, асосан, пахта тозалаш, ёғ-мой, вино-ароқ, гишт, пиллакашлик корхоналари ва бошқа корхоналар ишчиларидан, темир йўл, трамвай ишчиларидан шунингдек, ҳунармандчилик устахоналаридан ёлланниб ишлаётган ишчилардан иборат эди. Тошкентдаги Бош темир йўл устахонаси (ҳозирги Тошкент тепловоз вагон ремонти заводи)нинг 800 ишчисидан 120 таси маҳаллий миллат вакили бўлган.<sup>1</sup> Туркистон пролетариатининг кўпчилик ва илғор қисмини ташкил этган



Хўжа Зайнуддин масжида

<sup>1</sup>Ўзбек Совет Энциклопедияси. Тошкент, 1978, 11- жилд, 212- бет.



Тошкент. Урдадаги Қизил чойхона

Тошкент ишчилари Россияда синфий кураш мактабини ўтган рус ишчилари таъсирида аста-секин сиёсий курашга жалб этила бошлайдилар. 1903 йили Тошкентда социал-демократик тұғарал тузилади. 1904 йили эса дастлабки маёвкалар ўтказилади, яширин босмахоналар ташкил қилинади ва «Искра» газетаси тарқатила бошлайди.

Тошкент меҳнаткашлари ҳам 1905—1907 йиллардаги Туркистон меҳнаткашларининг ғалаёнларида иштирок этдилар. Бутун Россия Октябрь иш ташлаши подшо ҳукуматининг әнг «мустаҳкам» ва сұнгги таянчи бўлган армияни ҳам қўзғатди. Туркистон армиясида ғалаён ўсиб борди. Натижада Тошкент Тупроқ қўргони солдатларининг қуролли қўзғолони бўлди. 1912 йили Лена олтин конлари ишчиларининг отилишига жавобан Тошкент яқинидаги жойлашган Троицкий ҳарбий лагерь сапёрлари қўзғолон кўтардилар.

1916 йил 25 июнда подшо Николай II «империядаги бегона аҳоли эркакларини» мардикорликка сафарбар қилиш тўғрисида фармон берди. Туркистоннинг туб аҳолиси сафарбарликка қарши норозилик намойишлари ўтказди. Жойларда бу ҳаракат қўзғолонга айланди.



Тошкент. Университетнинг олдинги биноси

Жумладан, Тошкент меҳнаткаш оммаси 4 июлда қўзғолон кўтарди.

1917 йил 25 октябрга ўтар кечаси Петроградда қуролли қўзғолон бошланиб, муваққат ҳукумат ағдариб ташланди, ҳокимият ишчи ва солдат депутатлари Петроград Совети қўлига ўтди.

Ғалаёнда қатнашган ишчиларнинг ғалабалари тўғрисидағи хабар 27 октябрда Тошкентга ҳам етиб келди. Бу хабардан руҳланган ишчилар буржуа ҳокимиятига қарши қуролли қўзғолон кўтардилар. 28 октябрда қўзғолончилар қўмитаси тузилди. Қўмита Тошкент ишчилар ва солдатлариниң қўзғолондан норози бўлган кучларга қарши курашига бошчилик қилди. Ўша куни соат 6 да темир йўл устахонаси гудок чалиб, қуролли қўзғолон бошлашга сигнал берди. Қўзғолон 31 октябргача давом этди. Қўзғолон натижасида 1 ноябрда Тошкентда янги ҳокимият ўрнатилди. Лекин бу ҳокимият Туркистон халқларига озодлик келтирмади.

2- жаҳон урушигача беш йилликлар даврида Тошкентда бир қанча саноат корхоналари – «Қизил тонг» тиқувчилик фабрикаси, «Ўртоқ» тамаки фабрикаси, пойабзал фабрикаси, машинасозлик заводи, Тошкент тўқимачилик комбинати, металлсозлик заводи ва бошқалар қурилди. Ўзбекистон бўйича Тошкентда биринчи

бўлиб ГОЭЛРО режасини амалга оширишга киришилди. Бўзсув, Қодирия ва Бўржар ГЭС лари бунёд қилинди. 2- жаҳон уруши йилларида кўпгина гарбий районлардан саноат корхоналари, олий ўқув юртлари, маданий-маишӣ муассасалар Тошкентга кўчирилди. Тошкент мамлакатнинг энг йирик саноат марказларидан бирига айланиб қолди. Иккинчи жаҳон уруши даврида Ўзбекистон Қизил Армиянинг қудратли арсеналига айланиб қолди.

Совет ҳукумати немис босқинчиларига қарши умумий ҳарбий сафарбарлик ўтказди. Ўзбекистоннинг ҳарбий хизмат ёшидаги мингларча аҳолиси, шу жумладан ўзбек ёшлари ҳам Ватанни ёвуз босқинчилардан ҳимоя қилиш учун уруш майдонларига жўнаб кетдилар. Ўзбек жангчилари Ватан уруш фронтларининг ҳаммасида кураш олиб бордилар. Минглаб жангчиларимиз Санкт-Петербург, Москва мудофааларида иштирок этдилар. Ўзбек жангчилари Украина, Белоруссия, Қрим, Болтиқ бўйи республикаларини озод қилишда қатнашдилар. Уруш даврида 118 минг ўзбек жангчилари ҳар хил давлат орден ва медаллари билан мукофотланди ва 65 киши «Қаҳрамон» унвонига сазовор бўлди.

Иккинчи жаҳон уруши майдонларида мингларча ўзбек ёшлари қўрқмас разведкачи, моҳир снайпер, довюрак танкчи, тўпчи, зийрак партизанлар сифатида донг чиқардилар.

Уруш йилларида ўзбек ҳалқи фронтни қурол, озиқовқат ва кийим-кечак билан таъминлашда катта хизмат кўрсатдилар.

Ўзбек ҳалқи Ўзбекистонга кўчириб келтирилган корхоналарни жойлаштириш, фронт талабини қондириш учун бир қанча янги корхоналар, завод-фабрикаларни ишга туширди. Бу корхона, завод-фабрикаларни ишга солиш учун энергетика базасини кенгайтириш учун Тошкент воҳасида 6 ГЭС, Фарғона водийсида иссиқлик электростанциясини қуриш, Чирчиқ ва Бўзсувда 5 ГЭС, Сирдарёни бўғиб Фарҳод ГЭС лари қурилди. Шундай қилиб, уруш йилларида Ўзбекистон саноатининг барча тармоқлари кенгайди.

Қишлоқ хўжалигида ҳам ҳалқимиз фидокорлик намуналарини кўрсатди. Жамоа хўжалиги меҳнаткашлари ташаббуси билан 40 – 42-йилларда Шимолий Тошкент канали «ҳашар» йўли билан қурилиб, Москва, Санкт-

Петербург ва Тошкент аҳолисини озиқ-овқат маҳсулотлари билан таъминладилар.

Уруш ўзбек ҳалқини оғир синовдан ўтказиб, юқори даражада чиниқтириди. Тошкент саноати 1943 йилда 1940 йилдагига нисбатан 3 баравар кўп маҳсулот берди. Украина, Беларуссиянинг ғарбий районларидан Тошкентга вақтинча кўчирилган аҳоли бошпана ва иш билан таъминланди.

Кўчириб келтирилган болаларга алоҳида ғамхўрлик қилинди. Бир қанча болалар уйлари очилди. Минглаб Тошкентликлар болаларни ўз қарамоғига олдилар. Тошкентлик Шоаҳмад ва Баҳри Шомаҳмудовлар ойласи 15 та турли миллат болаларини, Баҳрихон Ашурходиева 8 болани олиб парвариш қилдилар.

Урушдан кейинги йилларда Тошкендаги оғир саноат тармоқлари тез суръатлар билан ривожланди. Йирик саноат корхоналари – «Узбексельмаш», «Экскаватор заводи», «Таштекстильмаш», «Ташхлоникомаш», «Ташкенткабель», Тошкент ёғ-мой комбинати, Тошкент карборунд заводи, машинасозлик, электролампа ва электромеханика заводлари, йирик панелли уйсозлик комбинати ва бошқалар қурилди. Эски саноат корхоналари таъмирланиб янги асбоб-ускуналар билан жиҳозланди. Ялпи саноат маҳсулоти 1917 йилга қадар ишлаб чиқарилган маҳсулотга нисбатан 150 марта ўсади<sup>1</sup>.

1966 йилги зилзиладан кейин Тошкент қардош республикалар ёрдамида, янги бош режа асосида қурилди. Тошкент биродарлашган шаҳарлар жаҳон федерациясининг аъзоси, биродарлашган шаҳарлар биринчи конференциясининг қатнашчисидир. 8 та чет эл шаҳри – Қарочи (Покистон), Патиала (Ҳиндистон), Тунис, Триполи (Ливия), Марокоаш, Бамако (Мали), Скопле (Югославия) ва Сиэтл (АҚШ) билан биродарлашди.

Ҳозирги кунда Тошкент таниб бўлмас даражада ўзгариб бормоқда. Шаҳар лойиҳаси меъморлар томонидан қайта ишланиб, миллий услугудаги турар жой даҳалари қад кўтармоқда. Унинг кенг асфальтланган кўчалари, осмонўпар уйлари, ўнлаб маданият ва истироҳат боғлари, юзлаб кинотеатрлари шаҳар меҳнаткаш оммасига хизмат қилмоқда.

Тошкент шаҳри ва унинг воҳаси иқлими мўътадил,

<sup>1</sup>Ўзбек Совет Энциклопедияси, Т., 1978, 11- жилд, 213- бет.


дарёлари серсув, тупроғи кимёвий элементларга бой бўлиши, бу воҳада суғорма деҳқончиликнинг қадимдан ривожланишига қулай шароит яратган.

Тошкент воҳаси, шу жумладан шаҳарни Чирчиқ дарёси об-ҳаёт билан таъминлайди. Чирчиқ дарёсининг ўнг соҳилини 120 та, чап соҳилини эса катта-кичик 41 та канал ва ариқлар ўз сувлари билан таъминлайди. Демак, бу ариқ ва каналларнинг гидротопонимикасини батафсил баён қилиш, бу топоним, гидроним ва этнонимларни илмий жиҳатдан таҳлил қилиш китоб ҳажмини янада кенгайтириб юборади. Шунинг учун биз Тошкент шаҳрининг асосий сув arterияси бўлган, Чирчиқ дарёсидан бош оладиган: Искандар, Заҳариқ, Бўзсув, Анҳор, Кайковус, Солар, Қорасув каби каналлар, шаҳардаги айрим номларнинг топонимикаси ҳақида фикр юритамиз, холос.

Бўзсув – Тошкент шаҳрини оралаб ўтадиган канал номи. Н. Г. Маллиқий Бўзсувни «бузоқ суви» деб изоҳлайди. Оренбург областидаги Бузулук дарёсининг номини ҳам баъзилар Бузоқ сув деб аташади. Аслида эса Бўзсув сув рангига кўра шундай ном олган. Шуниси қизиқки, Чирчиқнинг бош ирмоқларидан бири Кўксув деб аталади, ҳақиқатан ҳам бу сув шишадай кўм-кўк.

Солор сўзининг келиб чиқишини ҳам ҳар ким ҳар хил таҳлил қиласди. Айримлар сипоҳ солор, яъни «бош қўмондон» номи билан аталган бўлса керак, деб тахмин қилишса, яна бирлари солор ариқ-бош ариқ, даврлар ўтиши билан айрим сўzlари қисқариб солор бўлиб кетган, дейдилар. Шуни айтиш керакки, Солор ариғи вақф ҳужжатларида Рудак шаклида ҳам қайд қилинган форс-тожик тилида ариқ, «ак» кичрайтириш аффикси бўлиб, «ча» қўшимчасига тўғри келади. Академик Я. Ф. Ғуломов бу ариқ милодимизнинг бошларида қазилган. аммо Солор, Кайковус номлари ҳалига қадар маълум әмаслиги, Афросиёб, Золариқ номлари ҳам кейинги асрларда «Шоҳнома» китоби таъсири остида майдонга келган бўлса керак, деган фикрни айтади.

Қорасув – Тошкент воҳасини сув билан таъминлайдиган ва Чирчиқ дарёсидан бош оловчи иккита канал – ўнг қирғоқ Қорасув ва чап қирғоқ Қорасув каналлари. Бу сўз форс-тожик тилида сиоб ёки сиёҳоб ҳам дейилади. Бу ном билан юритилувчи отлар республикамиизда жуда кўп учрайди. Самарқанд вилоятида бундай ариқларни Сиоб деб юритишиади. Сиоб сўзини ҳам баъзи олимлар



Тошкент. Эски шаҳар. Аброр Ҳидоятов номидаги театрнинг ҳозирги биноси

ўзларича ҳар хил таҳдил қиласидилар. Афросиёб жарликларидан оқиб ўтадиган Қорасув – Сиобнинг номини си – об, яъни «ўттиз сув» ҳам дейишади. В. Л. Вяткин сўзи билан айтганда, Оқсув атамаси тоғ дарёларига тааллуқли бўлиб, Қорасув эса форс-тожикча Сиоб ёки сиёҳобқора сув деган маъноларни англатади.

Ҳақиқатан ҳам чашма сувлари туркий тилларда Қорасув деб юритилади. В. В. Бартольднинг таърифича, Сиоб туркча қора сув демакдир. Бобур эса бу ариқни Обираҳмат деб атаган. Ҳозирги даврда ҳам Сиобнинг бошланиши Қорасув деб юритилади. Айрим вақтларда Қорадарёни ҳам тожикласига Сиоби калон деб, яъни катта Қорасув деб атасади.

Хадра – Тошкентдаги ҳозирги Хадра майдони. Я. Ф. Гуломов, Ҳ. Т. Зарипов, Ҳ. Ҳасановларнинг фикрича, хадра – хадди роҳ «чегара, чекка» деган маънода бўлиб, хон ўрдасининг чегараси ҳисобланган. Ф. Абдуллаев эса хадра паст-баланд, ташландиқ, яроқсиз, ер маъносидаги адранг сўзини аста-секин бузиб талаффуз қилиниши натижасида хадра бўлиб қолган, дейди. Фикримизча, олдинги олимларнинг сўзи ҳақиқатга анча яқин. Хадра чегара маъносини англатади.

**Бешёғоч** сўзи масофани ўлчаш учун ишлатилган тош, фарсанг маъносини билдиради. Бу ўлчов (бир ёғоч 7 – 8 километрга тенг бўлган) ёғоч ўлчов сўзидан келиб чиқсан бўлиши мумкин.

**Бўржар.** Илгарилари бу ерда бўри ёки чиябўри кўп бўлганлиги учун шу ном берилган дейилади. Айримлар эса бу ер жарликлардан иборат бўлиб, унда фақат бўрилар яшаган десалар, баъзи бирорлар бу ном «бўз – оқиш ва жар» сўзларининг ўзгаришидан келиб чиқсан, дейдилар.

**Жангоб** – Тошкент шаҳридаги ҳозирги А. Қодирий номли маданият ва истироҳат боғининг ўрни. Тўғриси, жанггоҳ – «гоҳ» топоним ясовчи аффикс бўлиб, асл маъноси жой, ўрин, майдон демакдир; пойтахтимиздаги номозгоҳ гузари – жума кунлари ва ҳайитларда жамоат бўлиб намоз ўқиладиган жой бўлган. Тошкент даҳалари ана шу ерда жанг қилишган, деган фикрлар мавжуд, аммо бу жой фақат жанг эмас, хўроз, қўчқор уриштириб, ҳордик чиқарадиган жой деган таърифлар ҳам мавжуд.

**Дарҳонариқ** – мўгулча «дарҳон» сўзидан таркиб топган бўлиб, маъноси «мажбуриятлардан тўла озод қилинган» демакдир. Бундай номлар кўп учрайди. Масалан, Самарқанд вилоятининг Иштиҳон районида Бошдархон, Жўрабойдархон, Озоддархон, Наймандархон, Пўлатдархон, Қирқдархон деган қишлоқлар бор. Бу сўз ўзбек тилида «тархон» шаклида ишлатилади. Тархон – хоҳлаган нарсасини қила оладиган; ҳарбий хизматдан бутунлай озод кишидир. Тархонлар ҳар қандай жиноят қилсалар ҳам, тўққиз нафаргача афв этилган. Тархонлик XV асрда айниқса авж олган ва феодалларга кенг имтиёз беришнинг бир воситаси ҳисобланган. Темурийлар давлатида тархонлар қўлида йирик ерлар ва катта ҳокимият бўлган. Тархонлик Ўрта Осиёда ҳам сақланиб қолган. Баъзан айрим кишиларгина эмас, балки бутун бир шаҳар аҳолисига тархонлик ҳуқуқи берилган.

**Арпапоя** сўзи аслида арпанинг пояси ёки арпа экиласидиган жой бўлмаса керак. Ҳ. Ҳасанов маълумотига кўра, Аропа деганда Ўрда четидаги хандақ тушунилган. Аропа аста-секин Арпапоя бўлиб ўзгариб кетган бўлиши мумкин. Аропа (Арофа) «баландлик» маъносидаги «арфа» сўзининг кўплigliги бўлиши ҳам мумкин.

**Анҳор** атамаси арабча наҳр (дарё, канал) сўзининг кўплigliги. Академик Я. Ф. Ғуломовнинг фикрича, Бўзсув канали шаҳар ичкарисига кирган ҳозирги Семашко ном-

ли шифохона ёнида ғарбга – Кайковус номи билан, жанубга – Анҳор номи билан иккига бўлиниб кетган. Ҳар иккала канал милоднинг V – VI асрлари мобайнида қазилган.

**Эски жўва** – Тошкентдаги хон аркининг чеккасида, эски ҳарбий аслаҳалар сақланадиган омборхона – жевахона бўлган. Ҳақиқатан ҳам жеба (жиба) деганда совут ёки умуман ҳарбий қурол-аслаҳа тушунилган. Бу ўринда яна шуни ҳам айтиш керакки, тарихий манбаларда, хусусан вақф ҳужжатларида жўба «бозор» маъносида учрайди. Чунончи, X аср ёдгорлиги Наршахийнинг «Бухоро тарихи» асарида Бухоро бозорларидан бири Жубай баққолон, яъни Баққоллар бозори деб аталганлиги қайд қилинган.

Чақар деб шаҳар деворининг ташқарисидаги қалъа истеҳкомга айтилган. Яна шуни айтиш керакки, чаҳар деган мӯғул уруғи бўлган, Мӯгулистонда чаҳар деган жой ҳам бор. Филология фанлари доктори С. Д. Номинхонов Узбекистонда Чақар деб номланган қишлоқлардан еттитасини санаб ўтади ва бу қишлоқлар Чақар деган уруғ номи билан аталган, дейди.

**Сағбон** атамасининг маъноси «итбоқар» демакдир. Баъзи бирорлар Тошкентнинг шимолий чеккасида Хости Имом (ҳазрат имом) атрофида нон бозори бўлган, ана шу ерларда чорва маҳсулотларини қайта ишлайдиган кўнчилик каби бар қанча ҳунармандчиллик корхоналари вужудга келган. Шу билан бир қаторда, мол олиб сотадиган жаллобларга хизмат қиласидиган итбоқарлар (сағбон) ҳам бўлган. Кўча ва ариқ номи ана шундан келиб чиққан, дейишади. Соғбон, Соҳибон, яъни «Соҳиб»лар сўзидан келиб чиққан деган фикр ҳам бор. Бошқа бир тарихчиларнинг фикрича, Соғбон қадимги оташпараматлик эътиқоди билан боғлиқдир. Оташпараматлар марҳумни ерга кўмишмаган, чунки мурда ерни ифлос қиласиди, деб ҳисоблаганлар. Шунинг учун улар ўликни қуш-қузғунлар еб кетсин, деб узоқроқ жойга олиб бориб ташлаганлар, шаҳар ичидаги маҳсус жойларда ит боқилиб, ўликларни ана шу итларга едирганлар, мурда суюкларини эса маҳсус идишларда – оссуари ёки остадонларга солиб, кўмишган. Соғбон маҳалласида ана шу мақсадда ит боқилган. XVI асрнинг бошида Қумлоқ атрофида шайбонийлардан Суюнчхожаҳоннинг чорбоги бўлиб, уни боғи Кайковус (Ориг номи билан) деб аташган. Соғбон кўчасида унинг итхонаси (ов итлари)



Қорабура тайёrlаш

нидан кейин дарвоза Қорасарой деб аталган.

**Тахтапул** – бу сўзнинг этимологияси тахта – ёғоч, пул – форс тилида кўпприк, яъни тахта кўпприк деган маънони билдиради. Бу ариқ қазилгач ундан ўтиш учун ёғоч ва тахтадан кўпприк қурилган. Шундан сўнг ариқнинг ва ўша жойнинг номи ҳам Тахтапул бўлиб қолган.

**Дамаччи** – Тошкент шаҳридаги Тахтапул ариғидан ва Бўзсуvdan сув оловчи ариқнинг номи Аччи ҳам дейилади. Маҳаллий халқ ариқнинг суви шўр бўлганидан шу номни беришган. Ҳақиқатан ҳам «ж» ловчи ўзбек шеваларида «аччиқ»ни «аччий» дейишади. Бу ариқ сувни пастлиқдан олганлиги сабабли дамбалар ёрдамида димланиб чиқади. Кекса отахонларнинг сўzlарига қарагандা, бу ариқни Дамариқ деб ҳам юритишар эканлар. Бу ариқ сувини Дамаччи каналига ва Аччисойга қуяди. Аччисойнинг суви ҳам шўр бўлганилигидан шу номни олганлиги шубҳасиздир.

**Чиноз** – Чиноз тарихий асарларда илк бор Чингизхон даврида, яъни Ўрта Осиёга мўғул-татарлар бостириб кирган йили тилга олинган. Баъзи бир тарихий маълумотларга қарагандা, Сирдарё этакларидаги чин халқи боёнининг бир гўзал қизи бўлган ва бу гўзал қизга жуда кўп кишилар одам қўйган, лекин қиз уларни ёқтиргмаган. Бир бойнинг ўғли бу қизнинг ҳуснини кўриб ҳушини йўқотган ва бу қиз ҳақиқатан ҳам Чин нозлик қиз экан дейди. Балки шу туфайли Чиноз деб аталган бўлса керак. Бундан ташқари, яна бир афсонада айтилишича, Чингиз

бўлган. Итбоқарлар ҳам ўша ерда турганлар, Сағбон сўзи шундан келиб чиқсан деган ривоят ҳам бор, – дейди Б. А. Аҳмедов.

**Қорасарой** – Тошкент шаҳар дарвозалари ичida Қорасарой дарвозаси ҳам бўлган. Бу дарвоза дастлаб қопқа деб аталган (дарвоза сўзи форсча қопқа демакдир). Ана шу йўлда закотхона, закот саройи қурилганидан кейин дарвоза Қорасарой деб аталган.

Сирдарё этакларидаги халқлар билан босқинчиллик уруши олиб бораётганда бу ердаги чин қабиласидаги кишилар оз бўлса ҳам ботир ва қўрқмас эканлигини айтган. Шу туфайли Чиноз деб аталгандир. Рашидиддиннинг «Жомиъ ут-таворих» асарида чинос деган мўғул қабиласи бўлганлиги эслатилади, эҳтимол мўғултатарлар бостириб кириб, шу ерда чинос қабиласидан тарқаган қабила бу жойда яшаб қолгандир. Лекин бу ҳозирча аниқланган эмас, баъзи бир маълумотда чими оз, дәхқончилик қиласа бўлади, яъни чим оз сўзидан олинган дейишади.

**Чирчиқ** – Сирдарёning ўнг ирмоғи, Тошкент воҳасини деярли шу дарё суғоради. Парк ёки Парак деб ҳам аталган. Оби турк варианти ҳам бор. В. В. Бартольд маълумотларига кўра, Чир номи биринчи марта Темур тарихида тилга олинди. «Бобурнома» да «Чир сийи» дейилган. «Абдулланомада» эса «Чир дарёси Чирчиқ номи билан кўпроқ машҳур» дейилади. Э. Мирзаев (СМГТ, 257- бет), Ҳ. Ҳасанов (УОЖНТ, 56- бет) «тезоқар», «шовуллаган» деб изоҳлайдилар. Чирчиқ водийисида Чирчиқнинг Қолган ўзани бор. «Қолган» сўзи гидронимлар таркибида (Масалан, Сирдарё Сирдарё вилоятида, Қолгандарё Фарғона вилоятида, Чирчиқ шаҳри эса Тошкент вилоятида) кўп учрайди.

**Пискент** – Тошкент воҳасининг қадимий шаҳарларидан бири. X аср географларининг маълумотларига қараганда, Илоқ давлати таркибига кирган. Пушти Маҳмуд тепалиги Пискентнинг дастлабки қисми бўлиб, у VI – VII асрларда шаҳар қиёфасини ола бошлаган. Шош (Тошкент) дан Фарғонага ўтган савдо йўлининг қулай жойлашганлиги туфайли IX – X асрларда бу ерда қадимий тарихчилар томонидан «Бискент» деб аталган шаҳарча пайдо бўлган, у «Иигирма хонадонли шаҳар» маъносини билдиради. Пискент ўз номини ўрта асрларда олган бўлиб, ўша вақтда шаҳарда ийгирмата карvonсарой бўлган ва улар орқали Тошкентдан Қўқон, Хўжанд каби бир қанча шаҳарларга савдо йўли ўтган.

**Паркент** – бу қишлоқ Тошкентдан 50 – 60 километр узоқликда жойлашган. Қишлоқнинг Паркент деб номланниши ҳақида халқ орасида турли фикрлар ва афсоналар мавжуд. Айрим кишилар бу қишлоқ олдин бир неча қишлоқлардан иборат бўлиб, Паркент уларнинг бирлашишидан ташкил топган, десалар, бошқалар қишлоқнинг қоқ ўртасидан кесиб ўтган Паркент сойи сабабли

қишлоқ тенг иккига бўлинган ва шунинг учун унинг номи Паркент, яъни жуфт дейдилар. Лекин қишлоқ номининг асл маъноси ҳақида аниқ маълумотлар йўқ.

Искандар – бу Чирчиқдан биринчи сув олувчи каналнинг номи. 1889 йили бу канал ўрнида кичик бир «сарт» ариғи бўлган, бу ариқни подшо Александрнинг қариндоши Константин Романов қайта қурдириб, унга «Оқ подшо» Александр номини қўйдиради. У жой ободонлаштирилиб, аҳоли яшайдиган жойга айлантирилади ва ерли ҳалқ одатига кўра Александрни Искандар деб юрита бошлайдилар. Ҳозирги кунга қадар ҳам шу ном билан юритилиб келинмоқда.

Бетагали – Тошкент вилоятида Бетагалисой, Бетагали деган жойлар мавжуд. Бетага сўзи майда ўт демакдир. Бу ўт бута-бута, яъни тўп-тўп бўлиб ўсади. Эҳтимол, бутака сўзи вақтлар ўтиши билан «бетага» бўлиб кетгандир. Бобур айтгандек, бетагани айниқса йилқи яхши кўради. Бетага еган йилқи яхши семиради. Бетагали яйловда юрган бияларнинг қимизи ёғли ва ёқимли бўлади. Бетагалисой ва Бетагали – Қўйтош деган жойларда ҳали ҳам йилқилар боқиласди. Сирдарё ва Фарғона вилоятларида ҳам Бетагали – Қўйтош деган яйлов ва ясси тоғ бор.

Боғистон – Тошкент вилояти Бўстонлиқ районидаги қишлоқ Ҳожа Убайдуллоҳ Аҳрорнинг қишлоғи, у шу қишлоқда таваллуд топган (1404–1490) Ҳ. Ҳасанов Буғустон, яъни «Буғули ер» деб изоҳлайди. В. В. Бартольд «Эроннинг тарихий-географик очерки» асарида Боғистон деган жойни «Худо ватани» деб таржима қилган. (Ислом динидан олдин боғ сўзи эрон тилларида «худо» маъносини англатган, бу сўзниң фоғ (фуғ) вариантлари ҳам бўлган.) Бу топоним «боғлар ўлкаси» деган маънода ҳам бўлиши мумкин. Профессор И. П. Петрушевский боғистон сўзини ана шундай изоҳлаган. Боғистон қишлоғида ташкил топган биринчи жамоа хўжалигига раис бўлган ҳурматли Сотиболдиева Зиннат опанинг фикрича, Боғистон «Боғи бўстон» деган сўздан келиб чиққан бўлиши керак.

Бурчмулла – Тошкент вилояти Бўстонлиқ районидаги қишлоқ. Баъзи бирорлар Кўксув билан Чотқол сувлари қўшилган бурчакда бир мулла ўтирган экан, шунинг учун ҳам Бурчмулла, яъни мулланинг бурчи (бурчаги) деб аталган, дейишади. Аслида бу номнинг «мулла» сўзига ҳеч қандай алоқаси йўқ. Иккала сўз –

мулла, бурч (бурж) сўзлари ҳам минора деган маънони англатади.

**Газарма** - Тошкент вилоят Бурчмулла яқинидаги қишлоқ (жой). XX аср бошларида бу ерда мис кони ишга туширилиб, конда ишлайдиган рус солдатлари учун Писком тизмаси ёнбагирларида Кўксувдан анча баландликда казармалар қурилган. Кейинчалик кон ишлатилмай қолади, лекин казарма сўзи Газарма шаклида жой номи сифатида сақланиб қолган.

**Дегрезлик** - Тошкентнинг қадимги маҳаллаларидан бири. Бозорга яқин, Ҳадра майдонида жойлашган. Тошкент қайта қурилгандан кейин Дегрез маҳалласининг кўп қисми бузилиб кетди. Бу ерда ҳозир фонтан, џирк ва бир қанча иморатлар қурилиб кетган. Дег(дек) қозон, дегрез - қозон қуючилар, чўян қуювчи деган сўз. Маҳалла аҳолисининг асосий касби чўян, жез, абжуш - етти қотишма қутиш бўлган.

**Оқтепа** - бу сўз «дехқон» сўзи билан бевосита алоқадор. Дехқон атамаси V – VI асрларда пайдо бўлган. Дехқон илк ўрта асрларда йирик ер эгаси бўлган. Бу табақа то XI – XII асрларгача мамлакатда ҳукмрон синф бўлиб келган. XII асрдан сўнг дехқон атамаси оддий қишлоқ меҳнаткашлари, деган маънони олади. Одатда феодал дехқоналар тўғон бошида, атрофи девор ва ҳандақлар билан тўсилган мустаҳкам қўрғонларда яшаганлар. Бундай қўрғонлар даврлар ўтиши билан вайрон бўлиб, харобаларга айланиб қолган. Бу харобалар ҳозирги вақтда «оқтепалар» деб юритилади. Масалан, Тошкент шаҳарида мана шундай 8 та Оқтепа мавжуд.

**Дўрмон** - Дўрмон, Дўрмонча, Юқори Дўрмон деган номлар Тошкент воҳасида жуда кўн учрайди. Бу сўз мўғул уруғларидан бирининг номи бўлиб, маъноси мўгул тилида «тўрт» демакдир. Бу сўзни баъзи кишиларнинг, олимларнинг афсонавий қаҳрамон Дурмон баҳодир номидан олинган дейишлари тўғри эмасдир.

**Жаҳонобод** - Тошкент вилояти Қиброй районидаги бир қишлоқ. Илгариги номи Нанай. 1966 йилда Ўзбекистонда янги ҳокимиятни ўрнатиш ва мустаҳкамлаш учун курашда фаол иштирок этган Жаҳон Обидова номига қўйилган.

**Нўғайқўрғон** - Тошкент шаҳридан оқиб ўтган Солорнинг Жўн ариққа қуийладиган жой атрофида ўрнашган қишлоқ. Ҳозир шаҳар ҳудудига қўшилиб кетган. Бу ерда дастлаб нўғайлар келиб ўрнашгани учун

шундай ном олган. Ўтган асрнинг бошларида Тошкент Қўқон хонлиги тарафидан босиб олингандан кейин Тошкентга кўчиб келган татарларга жой берилади. Қўқон хони Мадалихон ёки Муҳаммадалихон (1822—1842 йй.), ғарбда Жўйи тархон (ҳозирги Дарҳон) ариғидан шарқда то Қорасувгача, ундан жанубда Совуқбулоқчача, шимолда Солор ариғигача бўлган ерларни татарларга инъом этиб, олиқ-солиқлардан озод қиласди.

**Обдон** — Тошкент вилояти Пекент ҳудудидаги тоғ. Тожикча — об ва дон сўзларидан олинган бўлиб, «сувхона», сув кўп жой маъносини билдиради. Сув ишооти, сардобанинг кичикроқ тури ҳам обдон (овдан) дейилади. Ўрта Осиё ва Озарбайжонда обдон ишоотлари кўп бўлган.

**Пасра** — (фасра). Тошкентнинг Шайхонтахур даҳасидаги маҳаллалардан бирининг номи (шаҳар ташқарисидаги экин жойи). Солор ариғининг чап соҳилида Чирчиққа кетадиган темир йўл ёнида бўлган кичик экин майдони. Озроқ экин экиб олиш пасра дейилган. Баъзан томорқани ҳам пасра дейишади. Қашқадарё вилояти, Яккабоғ районида ҳам Пасра номли қишлоқ бор.

**Рудак** — Тошкент шаҳрининг олтин камари, деярли шаҳарни оралаб ўтувчи Солор ариғининг эски номи. Руд — форс-тожик тилида «катта ариқ» деган сўз. Баъзан дарё ҳам руд дейилади. Бу атама эски асарларда, жумладан «Бобурнома»да учрайди. Рудхона сўзлари ҳам шу атамадан олинган. Рудхона — дарё ўзани. Я. Ф. Ғуломовнинг маълумотларига қараганда, Хоразмда рудхона атамаси ишлатилган. Шундай қилиб, Рудак номининг биринчи қисми, яъни Руд «арик» сув деган сўз, «ак» эса топоним ясовчи аффиксdir. Буюк тожик шоири Рудакий туғилган қишлоқ ҳам шу ном билан аталади.

**Сароғоч** — (Сариоғоч) — Тошкент яқинидаги қишлоқ. Қозоқлар Сарыагаш, яъни «сариқ дараҳт» ҳам дейишади. Сариоғоч топоними қуриб, сарғайиб бораётган дараҳт (ўсимлик) номидан келиб чиққан.

**Тейит** — Юқори Чирчиқ районидаги қишлоқ. Тейит сўзи қирғиз — қипчоқлар уруғининг номи. Андижон вилояти Хўжаобод районидаги Қоратейит, Тейит, Саритетит қишлоқларининг номи ҳам ана шу этнонимлар билан боғлиқдир.

**Туркман** — Тошкентдаги собиқ «туркман бозори». Ўзбекистонда жой номи билан учрайдиган этноним. Баъзи бирорлар (В. Г. Мошкова) Самарқанд ва Бухоро

вилоятидаги туркманларни туркман миллатига мансуб этник гуруҳ деб ҳисоблайдилар. К. Шониёзов эса бу туркманлар ўзларича мустақил этник гуруҳ бўлиб, ўзбек миллати таркибига киради, деб ҳисоблайди.

**Хонариқ** – Тошкент яқинидаги Тўйтепадан бошлигидан ариқ (канал). Бу ариқ ўтган асрнинг 40-йилларида Қўқон хони Мадалихон (Муҳаммадалихон) даврида қазилган ва хон шарафига шундай ном берилган.

**Чотқол** – Чирчиқ дарёсининг бош ирмоқларидан бири. Талас Олатовларидан бошланади. Чотқол қадимги форс-тожик тилида «қайин» демакдир. Чотқол дарёси бўйида токиклар яшайди, шунинг учун шу ном билан аталади. Ўсимлик ва ҳайвонларнинг эски номлари ҳеч қандай қўшимчасиз ҳам топоним шаклида учрайди (Сўксўқ, Дўлта, Қўлон ва ҳоказолар).

**Пахта маҳалласи** – Тошкент шаҳридаги маҳалланинг номи. Пахта маҳалласи дейилишига сабаб, ҳозирги маҳалла ўрнида пахта заводи бўлган. Бу жойлар аллақачон Тошкент шаҳрига қўшилиб кетган ва янги иморатлар қурилиб, катта бир маҳалла ташкил топган. Маҳалла ҳозир ҳам Пахта маҳалласи деб юритилади.

**Қашқар** – Тошкент шаҳар маҳаллаларидан бири. Бу жойни ўтган асрнинг 40-йилларида Шарқий Туркистондан қочиб келган қашқарларликлар обод қилган. Манжурлардан енгилиб қайтган Қўқон хони Мадалихон билан бирга келишган. Улар Қўқон хонлигининг Тошкентдаги таянчи ҳисобланган. Кейинчалик Оққўргон дарвозаси ҳам Қашқар дарвозаси номини олган. Қашқар маҳалласи 1966 йилги Тошкент зилзиласидан энг кўп зарар кўрган жойлардан бири бўлди. Ҳозир бу ерда кўп қаватли замонавий бинолар қад кўтарган.

**Қурама** – Тошкент вилоятидаги тоғ ва қишлоқнинг номи. Қурама сўзи ва қурамаларнинг келиб чиқиши масаласини профессор В. В. Решетов анча батафсил ёритиб берган. Қурама ҳақиқатан ҳам «аралаш – қурамаш» деган сўздир. В. В. Решетов бир қанча лингвистик, тарихий далиллардан, вақф ҳужжатларидан фойдаланади. Хўжа Аҳсрорнинг вақф ҳужжатларида (ҳижрий 860 й.) қурама деган жой номлари тилга олинади. Демак, қурама деган сўз ва қурама халқи XV асрдаёт мавжуд бўлган. В. В. Решетов қурамалар Оҳангарон воҳасига келиб ўрнашган даврда таркиб топган, улар туркий, мўғул ва бопиқа элатларнинг чатишиб кетишидан вужудга келган, XV – XVI асрларда

эса қурамаларга сўнгги марта кўчманчи ўзбеклар, ундан кейин эса қозоқлар келиб қўшилган, деган хуроса чиқаради. Оҳангарон воҳасидан бошқа ерларда ҳам қурамалар бўлган. В. В. Решетовнинг ёзишича, Тошкент билан Хўжанд орасидаги халқлар қурама деб аталган. Карки шаҳри халқи ҳам қурама дейилган. Аркин ургунинг маъноси ҳам аслида қурама деган сўзни англатади. Самарқанд вилоятининг Хатирчи районида, Андижон вилоятининг Жалолқудук районида Қурама деган қишлоқлар бор.

**Қурбақаобод** – Тошкентнинг шимоли-ғарбидағи гузар-маҳалла. Н. Г. Маллиқийнинг маълумотларига кўра, бу жой зах, сизот бўлганлигидан қурбақалар кўп бўлиб, Қурбақаобод деган кулгили ном олган. Ҳозир бу жойга энг замонавий бинолар қурилиб, Бирлик даҳаси деб ном берилган.

**Байтқўрғон** – Қибрай районидаги қишлоқ. Чирчиқ дарёсининг ўнг қирғогига жойлашган. Кексаларнинг сўзларига қараганда, қишлоқ атрофи қамишзор ва тўқайзорлардан иборат бўлиб, фақат бу ерда Байтибод деган бир қозоқ бойнинг қўрғони бўлган. Кейинчалик Қибрай ва Тошкентдан дехқонлар кўчиб келишиб, уйлар солишиб, у ерни обод қилишган ва Байтибод номи билан Байтиқўрғон бўлиб қолган дейишади. Айримлари Байтиқўрғонга шаҳардан олимлар келиб, газалхонлик, яъни байтхонлик қилишган, шунинг учун шундай ном беришган дейишади.

**Юнусобод** – Тошкент шаҳрининг янги даҳаларидан бири. Бу жой 1917 йилдан кейин ташкил топган. Уша қишлоқни барпо қилинда иштирок этган кекса косиб Абдулла ота Нуъмонов ва Ўткир ота Ҳошимовлар 1919 йилда тахтапуллик косиб Юнус исмли киши ўша жойда чайла қуриб, атрофидағи бўш ётган ерларни ўзластириб олган. Кейинчалик кўпгина тахтапуллик кишилар қатори биз ҳам кўчиб келганмиз ва янги ер очиб дехқончилик қилганмиз, дейдилар. Ўшаларнинг айтишларича, биринчи бўлиб қўриқ ер очган Юнус аканинг номи билан Юнусобод бўлиб қолган. Б. А. Аҳмедовнинг фикрича 1784 йили Тошкент ҳокими Юнусхўжа бу жойларни обод қилганлиги сабабли, унинг номи билан Юнус обод деб аталган.

**Яланғоч** – Тошкент шаҳридаги қишлоқлардан бири. Ҳозир бу ерлар Тошкент аграр дорилфунуни ва бир қатор замонавий бинолар қурилган обод жойлардан

бири. Бу номнинг келиб чиқиши ҳақида кексалар шундай дейдилар: «Илгарилари бу ерда на дараҳт, на бир одам яшаган, шунинг учун бу ерни яланғоч, яъни ҳеч нарса йўқ» маъносида ишлатганлар, баъзилари бу ерда бир одам яшаган, у кийимсиз, яланғоч юрган, ҳатто ёз ойларида ҳам ўт (олов) ёқиб исиниб ўтирган, уни одамлар яланғоч девона ёки яланғоч эшон ҳам дейишар эдилар, аста-секин девона сўзи тушириб қолдирилиб, яланғоч бўлиб қолган дейишади.

Қонқус – Тошкент шаҳрини оралаб ўтувчи Анҳор ўз сувини ҳозирги кунда ҳам иккига, яъни «Қонқус» ва «Чала» ариқларига бўлиб беради. Қонқус ариғининг номи билан аталувчи қишлоқ ҳозирги Зангиота районидаги колхознинг идораси жойлашган ҳудудни ўз ичига олади. Қишлоқ тарихи шундай ҳикоя билан бошланади: «Қадим замонларда шу қишлоқда яланг оёқ, ёзин-қишин бир хил қийинчиликда яшайдиган бир камбағал бирловларнинг ерида кетмон чопиб, тирикчилик қилган. Кунлардан бир куни қишлоқ оқсоқоллари – кел, шу бечора камбағал ҳам бир парча ерига эга бўлсин, умид билан орамизда катта бўлди-ку дейдиларда, қишлоқнинг бир четидан қўриқ ер берадилар. Бундан йигитнинг боши осмонга етади. Бироқ ерни ишлашга ҳеч нарсаси йўқ, ҳамёни қуруқ бу йигит шаҳарга тушиб икки йил мардикорлик қиласди, чойхонада чой ташийди. Ниҳоят, 5–10 танга пул топиб белига туғиб, икки қоп қаттиқ нонни елкасига ортиб, қишлоғига келади ва ерга меҳр билан қарайди, қиши ва ёз демай ишлайди, ариқ қазийди, лекин йигитнинг ерига сув бермайдилар, ҳар ким камбағалнинг сувини йўлдан тўсиб, ўз ерларини сугораверади. Баҳор ўтиб ёз келади, ҳамма ерлар кўмкўк, лекин йигитнинг ери қақраб ётади. Йигит ерига зўрга сув олиб келади, йил бўйи ариқ қазиб, бир ҳўплам сув учун юрак багри эзилган йигитнинг ерига тасодифан силқинди – пайнак сув етиб бориб қолади. Фифони фалакка кўтарилиган йигит: «худога шукур, еримга сув келди, меҳнат сувимдан бир ҳўплай» деб қорни билан ерга ётади. Иssiқ кунда энтикиб, лаблари қақраган йигитнинг чанқоқлигидан лаблари лой сувга тегади-ю, йигит оғзидан лахта-лахта қон кетиб, шу ондаёқ жон беради». Шу сув учун қон қусиб, жон берган йигитнинг воқеасидан сўнг бу қишлоқнинг номи Қонқус бўлиб қолган ҳам дейишади. Фақат бугина эмас, бутун Қонқус ариғидан сув ичувчи меҳнаткашларнинг 1917 йилга қадар

умумий сув ва сугориши учун тортган азоб-уқубатлари йигит тортган азоб-уқубатлардан қолишмас эди. Қонқус қишлоғида истиқомат қилувчи 1903 йилда туғилган Холмат ота Раҳимовнинг ҳикояси ҳам диққатга сазовор. «Раҳматли отам вафот этгандан мен 12 ёшли бола эдим. Бу воқеа 1915 йилнинг кўкламида содир бўлди. Отам Раҳим Чўнғаев деган бойнинг ерида корандачилик қилиб, тирикчилик ўтказар эди. Отам экин экадиган бойнинг ери ҳам шу Қонқус аригидан сув ичар эди. Ерни сугориш мақсадида отам уйдан эрталаб чиқиб кетадилар. У эндиғина Қонқус аригидан ўз экинига сув очадиган ариқ бошига бориб, сувга тушиб ариққа сув очаётганида Занги ота волостининг мингбошиси Бурхонбой келиб қолиб, ҳа нега сўроқсиз сув очдинг ялангоёқ, деб ҳақорат қила бошлайди. Отам индамайди. Нега индамайсан, карқулоқ, деб отдан тушиб, отамни қамчи билан қаттиқ савалайди. Мингбоши қўлидан отамни ажратиб ололмайдилар, мингбоши кетгач, отам қалтак зарбидан бир неча кун ўтгач вафот этади» дейди. Хулоса қилиб айтганда, бу ариқдан ерларни сугориш шунчалик қийин бўлганки, ундан сув олиб келиб меҳнаткаш дехқонлар ўз экинларини сугоргунча қон қусиб юборгандар. Шу боисдан ҳам меҳнат аҳли бу ариққа Қонқус деб ном берганлар. Аслида қонқус сўзи қишлоқ ариғи деган маънони билдиради. Масалан: Угом, Чотқол, Пском сўзларидаги гом, қол, ком – қўшимчаси сув деган маънони ифодалайди. Демак, Қонқусдаги қон сўзи – сув, қус – сўзи эса қишлоқ деган маънони билдиради.

**Чалаариқ** – бу ариқ ҳам Анҳордан сув олади. Чалаариқ тарихи ҳам Қонқус тарихига ўхшайди. Бу ариқдан сув ичувчи дехқонлар то 1917 йилгача ўз экинларини тўлиқ сугоргандарини билмайдилар. Чунки ариқ боши шаҳарга яқин эди. Ариқ бошида бойлар ва амалдорларнинг ери бор эди. Улар ўзлари турган жойнинг атрофидаги қўриқ ерларни ҳам ўзлаштириб олганлар-да, ариқдаги барча сувни ўзлариники қилиб олганлар ва ариқ охиридагилар билан ҳисоблашмагандар. Натижада бу ариқдан сув ичувчи бошқа дехқонларга сув етмас эди. Сув бошида Дўсимбой ҳожи деган бойнинг ери бўлиб, ҳамма сувни ўз ерига очиб олади. Натижада бу ариқдан сув ичувчиларнинг ери чала сугорилар эди. Шунинг учун бу ариққа Чалаариқ деб ном берилган.

**Қорақалпоқ ариғи** – Ёланма қишлоғи ва Чиноз

худудларини сув билан таъминловчи ариқнинг номи. Бу номнинг келиб чиқиши ҳақида қизиқ ривоятлар бор. Биз улардан энг әътиборлисini келтирамиз. Шу қишлоқда ўсиб улғайган 1880 йилда туғилган Мұҳаммад ота Хидиров шундай ҳикоя қиласы: «Үтмишда деярли Чиноз, Ёлланма қишлоқ ҳудудида Бўзсувнинг ўнг ва чап соҳилларига сув чиқариш жуда қийин бўлган. Шу сабабдан қишлоқ аҳли ариқ қазиб сув чиқаришни орзу қилиб юрган. Бўзсув ариғи ер сатҳидан анча пастда бўлганлиги сабабли ерли халқ қанча уринса ҳам Бўзсувдан юқорига сув чиқара олмаганлар. Юрт катталари энди қандай қилиб сув чиқарамиз, деб ўйланиб турганларида ораларида пайдо бўлиб қолган бир чўқи қора телпак кийган қорақалпоқ йигит от миниб олиб, қалин ёқсан қор тепасидан из солиб берибди. Ариқ қазишга келган дэҳқонлар унинг оти изидан ариқ қазий бошлабдилар. Ниҳоят, сув ариқ бўйлаб оқибди ва ариқса из солиб берган йигит қорақалпоқ бўлганлиги учун шу йигитнинг миллатини улуғлаб, ариққа Қорақалпоқ деб ном қўйишган дейишади. Бошқа бирорлар бу ариқни қазишда жуда кўп қорақалпоқликлар қатнашган, ариқ қазиб тугатилгач, уларни қайгадир олиб кетишган, шу сабабли ариқни қорақалпоқликлар қазиган деб шу ном берилган дейишади. Б. А. Аҳмедовнинг таъкидлашича XVI асрда Сирдарёда истиқомат қилаётган Қорақалпоқларга маълум миқдорда тааллуқли бўлганлиги сабабли Қорақалпоқ номини олган бўлса керак.

Қўриқ – Янгийўл районидаги Турсунқулов номли колхоз ҳудудида жойлашган қишлоқнинг эски номи. У қишлоқда қозоқлар яшаган. Уларнинг ерлари жуда ҳосилдор бўлган. «Тош эксанг қўқараман, дейди, бироқ сув йўқ. Сув бўлса, қишлоқлар гулистон бўлади». Эл ургулари шу ҳақда ўйлаб, Бўзсувдан сув олиб чиқиш фикрига тушадилар. Улар тўпланишиб пул йиғадилар ва 1904 йилда Тошкент генерал-губернатори номига ариза ёзадилар: «Подшолик шу ишга 2000 сўмлик қарз берсин, икки йилда тўлаймиз» – дейдилар. Аризадан дарак бўлмайди, 1905 йилда яна катта пул тўлаб Оқнодшо Николай номига ариза ёзадилар. Ойлар, йиллар ўтади, ундан ҳам жавоб келмайди. Шундан сўнг қишлоқ йигитлари тўпланишиб, «кўкрагимизда ёлимиз, билагимизда кучимиз бор. Уларнинг ёрдамисиз ҳам ўзимиз ариқни қазиймиз» – дейдилар. Юрт бошлиқлари бу ташаббусни олқишлийдилар. Пастдан юқорига сув чиқармоқчи

бўладилар. Оқсоқоллар маслаҳати билан ер остидан сув олиб келмоқчи бўлиб, ҳар 15—20 метр жойдан қудуқ қазийдилар. Ер остида бу қудуқларни бир-бирига боғлайдилар. Ойлар, йиллар ва оғир азобли кунлар бирин-кетин ўтади, азаматлар ўз ишларида охирига қадар изчил турадилар. Бироқ очлик кучаяди, қишлоқ халқи бор бисотини, кўрпа-тўшагини, ҳатто бўйрасигача сотадилар. Кетмон чопган азаматлар, ер бағрини тилиб турган қаҳрамон йигитларнинг анча қисми очликдан қирилиб кета бошлайди, қолганларини эса қудуқ босиб ўлдиради. Ҳай аттанг! Мехнатимиз шамолга совирилди, бир томчи сув деб, минг қатра қонимиз қурбон бўлди, азамат йигитлардан айрилдик, деб надомат чекишади чоллар. Қўриқ қишлоғи сувсизликдан хароб бўлади, халқи битади, лекин улар қазиган қудуқлари ўтмишдан аламли бир ёдгорлик бўлиб, айримларининг изи ҳозиргacha сақланиб келмоқда.

**Бўстонлиқ** — Тошкент вилоятидаги қишлоқ. Бўстонлиқ «боғ-роғ» маъносидағи бўстон сўзидан кўра бўстон (бўзтўнли) деган уруғ номи билан аталган дейиш тўғрироқдир. Шу районда Чимбойлик деган қишлоқ ҳам бор (Чимбой — уруғ номи) — лик, — лиг аффикси кишиларнинг қайси қабила-уруғдан эканини ҳам кўрсатади: масалан, минг қабиласидан бўлган кишилар минглик деб аталган.

**Заркент** — Тошкент вилоятидаги қишлоқлардан бири. В. В. Бартольд араб географларидан Муқаддасий асарларида Шош вилоятида қайд қилинган Заранкату қишлоғини ҳозирги Заркент бўлса керак, деб тахмин қиласди. Зар «олтин» бўлса, зер, зерин «қўйи», «этак» демакдир. Зеринкат бўлганда «Пастдаги қишлоқ», «Тоғ этагидаги қишлоқ» дейиш мумкин эди.

**Қўйлиқ** — Тошкент шаҳрининг чеккасидаги жой. Профессор Ҳ. Ҳасанов Қўйлиқни «Қўйилик», «пастлик» деб изоҳлайди. Яна шуни айтиш керакки, Дўрмон уругининг бир шохобчаси «қўйли» деб аталган Қўйли Қўйлиқ бўлиб кетган бўлиши мумкин. Бундан ташқари, мўғул саркардаларидан бирининг исми Қўйлиқ бўлган. Мўғул саркардаларининг номлари Ўрта Осиё топонимиясида анчагина сақланиб қолган. Бундан ташқари, ўша саркарда Қўйлиқ Тошкентга ҳам келган.

**Оҳангарон дарёси** — Сирдарёнинг ўнг ирмоги. Мўғуллар келмасдан олдинги манбаларда Илоқ дарёси деб аталган. Дарё водийисида темирчилик ривожлангани

учун дарёни Оҳангарон, яъни «Темирчилар дарёси» деб атаганлар.

Тўйтепа – бу номнинг негизида тўй маъноси ётиши мунозара қилиниши мумкин. Турган гапки, бу номнинг тўй (свадъба), тўйкўл сўзларига даҳли йўқ. Дори ўт ва кулоллар ишлатадиган сопол идишлар ясаш учун ишлатадиган лой ҳам тўй дейилади. Сопол ясадиган тупроқни «гил» деб изоҳлашга бир қадар асос бор. Аммо Маҳмуд Кошгарийнинг асарида бошқача изоҳ берилади:

«Тўй – аскарларнинг туар жойи. Хон тўйихон аскаргоҳи». Шунга асосланиб, Тўйтепа – «қалъатепа», «қўргонтепа», «лашкартепа» маъносида бўлиши ҳам эҳтимол.

Тошкент шаҳрида бир қатор қадимги меъморчилик обидалари мавжуд. Булардан бири – Абдулқосим шайх мадрасасидир. Бу мадраса Абдулқосим эшон, Қораҳон эшон, Маъдихон қози мадрасаси ҳам деб аталган. Ўрта Осиё меъморчилиги асосида XIX асрда ўша давр анъаналари билан қурилган тарихий ёдгорлиқdir. Ўзига туташган масjid ва ҳаммом билан бирга қадимги Бешёғоч даҳасидаги маҳалла гузарини ташкил қилган. Дастрлаб мадраса бир қаватли бўлган. 1864 йили ҳовли қисмида иккинчи қавати қурилган. Бинони безашда асосий эътибор бош фасадга қаратилган. У чорси пишиқ ғиштдан икки қаватли қилиб, шарққа қаратиб қурилган. Бош фасадни безаш мақсадида унинг икки ёнига бир хил равоқлар ишланган. Бош фасаднинг ўрта қисмида мадраса девори сиртидан 1,82 м. бўрттириб чиқариб, баландлиги 16 м. ли пештоқ ишланган. Унинг икки ёнида гулдаста минора қад кўтариб, уларнинг тепа қисмида XVI – XVII асрга хос мезана бор. Пештоқнинг олд ва ён томонлари то даҳана асосигача ва деворнинг кунгурадор қисми чорси пишиқ ғиштдан текис қилиб ишлаб чиқилган, унинг юқори қисми эса шарафа ҳамда китоба билан безатилган. Кўкалдош мадрасаси сингари бунда ҳам дарвозадан кираверишдаги чап томонда дарсхона, ўнгда масjid, тўрида хонақоҳ «Мўйи муборак» – деб аталади. Бу бино мадрасадан илгари 1820 йили қурилган. Дарсхона ва масjid томлари ўзаро кесишидиган равоқлар устига гумбаз қилиб қурилган. Ҳовлининг тархи – чорси  $28 \times 22$  м. Комплексга кирган масjid кейинчалик бузилиб кетган. Мадраса 1983 йили таъмир қилинган. Унинг биносидан қадимги ёдгорликларни тарғиб қилиш уйи сифатида фойдаланилади.

## Анбар биби мақбараси

Бу мақбара Зангигита қабристонида жойлашган бўлиб XIV аср охири – XV аср бошларида қурилган ноёб меъморчилик ёдгорлигидир. Ривоятларга қараганда Зангигитанинг хотини Анбар биби (Қамбар она) қабри устига қурилган. Зангигита мақбарасининг жануби-ғарбидаги жойлашган. Анбар биби мақбараси пештоқ, зиёратхона ҳамда гўрхонадан иборат. Зиёратхона ва Гўрхонанинг усти қўш гумбазли. Гўрхонага оқ мармардан қабр тоши қўйилган. Унинг теварак сиртига арабий хатлар ва нафис гирих нақшлар ўйилган. Мақбара дастлаб 2 хонали бўлган, кейинчалик унинг олдига пештоқ қурилиб, кошинлар билан безатилган.

## Бароқхон мадрасаси (XVI аср)

Бу ёдгорлик Зарқайнар кўчасида қурилган бўлиб, бир неча иморатлардан иборат. Дастлаб бинонинг шарқий бурчагидаги мўъжаз мақбара (кимга мансуб эканлиги номаълум) қурилган. Сўнг 1530 йили шайбонийлар суоласининг Тошкентдаги ҳокими Суюнчхўжахон (1525 йили вафет этган) мақбараси қад кўтарган. Бу мақбара ҳовли тўридаги пештоқли хонақоҳдан иборат. Қўшқават гумбази бўлган. Ташқи – кўк гумбаз (мовий ранг кошин билан қопланганлиги учун шундай аталган) 1868 йилги зилзила натижасида бузилиб кетган. Бароқхон мадрасаси мемориал комплексининг 3- босқичини XVI аср ўрталарида Бароқхон қурдирган.

## Жомеъ масжиди

Бу бино Уйгур кўчаси Ҳақиқат тор кўчаси 22- уйда жойлашган. Бу архитектура ёдгорлиги XV – XIX асрларда бунёд этилган. Жоме масжидини 1451 йилда Ҳўжа Ахрор Вале қурдирган. Чорсуда шакллашган Регистон ансамбли таркибида кирган. Унда жума ва ҳайитномозлари, ҳутбалар ўқилган. Шарқ томонидаги безаксиз дарвозадан кирилган. Ҳовлининг икки ёни бир қаватли, олд томони ровоқсимон айвонлардан иборат. XVIII асрда ҳовли атрофидағи айвонлар бузилиб кетган, кейин ҳужраларга айлантирилиб, қайта тикланган, 1886 – 88 йилларда асосий бино (хонакоҳ) ҳам қайта тикланган.

## Зангиота комплекси

Тошкентдан 16 км жанубда XIV аср охири ва XX аср бошларигача қурилган бу ноёб комплекс ўз номи билан машхур. Сўфийлик тарғиботчиси шайх Ойхўжа ибн Тожхўжа шарафига шундай аталган. Бу мақбарани Амир Темур қурдирганлиги ҳақида бир қатор ривоят ва афсоналар бор.

XVI асрнинг 60-йилларида қурилган ёдгорлиқdir. Шаҳарнинг энг йирик қадимий иншоотларидан бири бўлиб, уни Тошкент хонларидан бирининг вазири Кўкалдош қурдирган. Мадраса ўрта аср шаҳристонининг жанубий чеккасида қурилган. Ҳозирги кўча ўрни эса хандак бўлган. Бинони қуришда анъанавий композицияга риоя қилинган: чорси ҳовлиси кенг, ҳужралар ва очиқ айвонлар билан ўралган. Ҳовлининг П – симон йўллари ҳужра (дарсхона) ларни масжид билан улайди. Ҳужралар сони 38 та бўлган. Мадраса дастлаб уч қаватли бўлган. Бош фасади жанубга қараган. Дарвозадан кираверишда чапда масжид, ўнгда дарсхоналар жойлашган. Масжид ва дарсхоналарнинг усти ўзаро кесишган равоқлар устига ўрнатилган гумбазлардан иборат. Миёнсарой (вестибюль) етти гумбазли. Меъморлар мадрасани безашда асосан бинонинг олд томонига эътибор беришган. Сиркор парчин ва гирих нақшлар билан безатилган ҳашаматли пештоқнинг икки ёнига икки қаватли равоқ ишланган. Иккинчи қаватдаги ҳужралар фақат пештоқ икки ёнидагина сақланган. Олд томонининг чекка бурчаклари баланд гулдасталаар билан тугалланган. Гулдасталаар устида минорачалар бўлган. XVIII аср охирида мадраса қаровсиз ҳолга келиб қолган ва карvonсарой сифатида фойдаланилган. Кўкалдош мадрасасининг 1866 ва 1886 йилги зилзилалардан заарланган пештоғи қайта тикланган. 1946 йилги зилзиладан ҳам қаттиқ шикастланган. Мадраса сўнгги марта 1930—1960 йилларда бутунлай қайта таъмирланган. Минораларнинг баландлиги 2-қават билан деярли бараварлаштирилган. Замонлар ўтиб бир неча бор таъмирланиши натижасида мадрасанинг ташки кўриниши ўзгариб кетган. Мадрасанинг олд томонига анъанавий усуlda, зинаноя ишланган. Кўкалдош мадрасаси 1991 йилдан Мовароуннаҳр мусулмонлари Диний идораси тасарруфида бўлиб таъмирлаш ишлари олиб борилмоқда.

## **Шайх Зайниддин бобо мақбараси**

1214 йили Шайх Зайниддинга атаб солинган ёдгорлик Археологик текширишларга кўра, ёдгорлик ёнида жойлашган чиллахона XII – XIII асрларга, мақбара ўрнида бўйған хонакоҳ XIV асрга оид. Мақбара деворлари асоси XVI асрда қурилган, тепаси ва пештоқи XIX аср охири ва XX аср бошларида таъмир қилинган. Ёдгорлик пештоқ – гумбазли чўзинчоқ мақбара – хонакоҳлар типига мансуб. Чортоқ хонакоҳнинг тўрт томонида эшиклар очилган. Ташқи гумбаз баланд асосга ўрнатилган. Ёғоч дарвозага устанинг номи – «Миршахоб Абдумўмин ўғли» ўйиб ёзилган. Дарвоза тепасидаги дераза ўрнида ёғоч панжара сақланиб қолган. XIII – XIV асрларда мақбара атрофида қабристон вужудга келган.

## **Шайх Хованд Таҳур мақбараси**

Бу нодир мақбара Навоий шоҳ кўчасида жойлашган меъморий ёдгорликлардан бири. Мақбара шайх Умар Богистонийнинг ўғли – Шайх Хованд Таҳурга атаб солинган. XV асрда яшаган нуфузли руҳоний Хўжа Ахрор Шайх Ховонд Таҳурнинг авлоди бўлган. Мавжуд ёдгорлик XV асрга оид кўҳна мақбара пойдевори устига XVIII – XIX асрларда қурилган; бунда Мовароуннаҳрда XIV аср охиридан ривожланган икки хонали бўйлама мақбара – комплекс тархлари сақлаб қолинган. Фарбдан шарққа йўналган ўқ бўйлаб бино юзасидан сал чиқиб турувчи кичик пештоқ, зиёратхона, сўнг гўрхона жойлашган. Хоналар гумбазлар билан ёпилган; гўрхона гумбази қўшқават бўлиб, 12 қиррали асосга ўрнатилган; зиёратхона меъморчилиги ўзига хос хонакоҳ бўлиб, саккиз равоқдан иборат. Дарчалардаги кошинкор панжалар сақланиб қолган. Мақбара юпқа чорси пишиқ фиштдан терилган.

## **Қалдирғочбий мақбараси**

Бу мақбара XV асрнинг 1- ярмида қурилган меъморчилик ёдгорлиги бўлиб, Шайх Хованди Таҳур мақбарасидан шимолроқда. Мақбарани ким қурганлиги ва унга ким дафн килинганлиги номаълум. Ривоятга кўра, бу ерга Қалдирғочбий исмли нуфузли аъён, бошқа бир ривоятда Қалдирғочбиби исмли кифтоқ маликаси дафн этилган. Мақбара га жанубий томондаги пештоқсиз таҳмонсимон

равоқдан кирилади. Хона чортоқ бўлиб, тўрт томонидаги таҳмонлар орасида кичик ҳужралар ва ғиштдан ишланган айланма зина жойлашган. Бешта равоқ гажаклари настак, бу услуб Тошкент мақбараларига хос. Мақбара деворлари тўртбурчак пишиқ ғиштдан терилган. Мақбаранинг 12 қиррали ташқи гумбази 1970 йили таъмир қилинган.

## Каффоли Шоший мақбараси

Бу меъморий обида Зарқайнар кўчасида Ҳазрати Имом (Хастимом) номи билан машҳур бўлган имом Абу Бакир Муҳаммад ибн Али ибн Исмоил ал-Каффол аш-Шошийга аatab қурилган. Даствабки мақбара сақланмаган. Каффол Шоший мақбараси меъмор Гулом Ҳусайн томонидан 1541 – 1542 йилларда қурилган. Эшик тепасидаги китоба ва гумбазининг пастки қисмидағи ёзувлар сақланган. Мақбара тархи чортоқ бўлиб, ўртадаги катта хона қўш қават гумбаз билан ёпилган. Мақбара бурчакларида икки ва уч қаватли саккиз ёқли ва тўртбурчак ҳужралар бор. Катта хонанинг уч томони пештоқли Мақбаранинг жанубий томонидан қадимги қабрли ҳовлига чиқилади. Мақбаранинг ташқи томонлари безаксиз. Мақбара 1960 йилда таъмирланган.

## Ҳазрат имом комплекси

Ўз даврининг ўқимишли кишиларидан бири бўлган имом Абу Бакр Муҳаммад ибн Али ибн Исмоил ал-Каффол ал-Шоший (904 – 976) нинг қабри асос қилиниб бунёд этилган обида. Қабр ва унинг атрофида вужудга келган қабристон ҳамда меъморчилик ёдгорликлари комплекси (Кайковус боғи билан бирга) Ҳазрати имом номи билан аталади. Дастваб, XVI асрнинг 30- йилларида иккита мақбара қурилган, каттаси Тошкентнинг шайбонийлар сулоласидан бўлган Хони Суюнчхўжахон мақбараси, деб таҳмин қилинади. XVI асрнинг 50- йилларида бу бинолар Баракхон мадрасаси меъморчилик ёдгорликлари таркибига қўшилган. Уша даврда Ҳазрати имом қабри устида Каффол Шоший мақбараси бунёд этилган. XVI аср охирларида унинг қаршисида «Қўш» услубида Каффол Шошийнинг авлоди, Бобохожи мақбараси қурилган (бу бино 1939 йили бузиб ташланган). XVI асрда Хастимом комплексида сайргоҳ боғ бўлган (асрий чинорлар, қайрагоч ва бошқа дарахтлар, ҳовуз ва

айвонлар мавжуд эди), халқ сайиллари ўтказилган. XIX аср ўрталарида Баракхон мадрасаси рўпарасида Намозгоҳ (тиллашайх), Мўйи муборак мадрасаси, Жоме масжиди (сақланмаган) қурилган. XX аср бошларида 6 устунли 12 гумбазли Тиллашайх масжиди қайта қурилган. Ҳазрати имом комплексида Мовароуннаҳр мусулмонлари идораси жойлашган.

Шундай қилиб, биз Тошкент шаҳри ва воҳасидаги топонимларни илмий асосда, тарихий ҳужжатлар, манбаларга суюниб, турли-туман номларнинг бир гуруҳининггина тарихини ўрганиб чиқишга муваффақ бўлдик. Агар сизлар ҳам ўз жонажон мактабингиз, колхоз, совхозингиз, қишлоқ ва районингиз ҳудудидаги номларнинг келиб чиқиши билан қизиқсангиз мана шундай топонимик маълумотларга эга бўласиз. Бу эса жонажон ўлка тарихини ўрганишда, уни севишда, олган билимларнингизни чуқурлаштириш ва ривожлантиришда, ижодий изланишингизда сизга яқиндан ёрдам беради.

### 3. Бухоро, Қашқадарё ва Сурхондарё вилоятлари топонимикасини ўрганиш

**Дарснинг мақсади:** Ўқувчиларга араблар ҳукмронлигининг охири ва IX асрда Сомонийлар давлатининг ташкил топиши ва бу давлатни бошқариш ҳамда ҳўжалигининг юксалиши, феодал шаҳарларнинг равнақи, савдо алоқаларининг кенгайиши ҳақида тушунча берилади.

**Кўргазмали қуроллар:** «IX – XI асрларда Ўрта Осиё картаси»дан, Муҳаммад Наршахийнинг «Бухоро тарихи» асари ҳамда «Бухоро шаҳри архитектура ёдгорликлари» ни намойиш қилувчи рангли расмлардан фойдаланилади.

Янги мавзунинг режаси:

- араблар ҳукмронлигининг ағдариб ташланиши;
- сомонийлар давлатининг ташкил топиши;
- қишлоқ ҳўжалигининг юксалиши;
- феодал шаҳарларнинг равнақ топиши;
- савдо алоқаларининг кенгайиши.

**Дарс ўтиш услуби:** ўқитувчи материални баён қилишда сұҳбат усулидан фойдаланади, ўқувчиларни ижодий изланишга ундейди, топонимик материалларни топиб, уларнинг маъносини мустақил ечишга ўргатади.

**Сұҳбат учун саволлар:** 1. Араблар ҳукмронлигининг

қулашига асосий сабаб нима? 2. Сомонийлар давлати қачон ташкил топди ва унга ким асос солди? 3. Хўжаликнинг юксалишига нима сабаб бўлди? Қандай феодал шаҳарларни биласиз?

**Янги мавзунинг конспекти.** VIII аср охири – IX аср бошларида халифалик оғир сиёсий танглилка учради. Бўйсундирилган халқларни итоатда тутиш араб халифалари учун тобора қийин бўлиб қолди. Ўрта Осиё халқарининг тез-тез қўзғолон кўтариб туриши, халифаликнинг ўз ичидағи феодал урушлар араб халифалигини заифлаштириб қўйди ва мустақил маҳаллий давлатларнинг пайдо бўлишига олиб келди. Халифанинг Хуросондаги ноиби Тоҳир ибн Ҳусайн (у маҳаллий оқсуяк ер әгалари орасидан чиқсан) 821 йилда ўзини мустақил ҳоким деб эълон қилди. Шу тариқа Тоҳирийлар сулоласи (821–873) га асос солинди ва бу сулола Хуросонда ярим асрдан кўпроқ ҳукм сурди. Тоҳирийлар даврида Ўрта Осиёнинг айрим вилоятларини 819 йилдан бошлаб Сомон хонадонининг авлодлари – Сомонийлар идора қила бошлади. Бир вақтлар Сомонийлар халифаликка қарши кўтарилилган хавфли қўзғолонни бартараф этишда халифага ёрдам берган эдилар, ўша қўзғолон Самарқандда бошланиб, бутун Ўрта Осиёга ёйилган эди.

Тоҳирийлар сулоласининг халқа қилган жабр-зулми меҳнаткашларни қўзғолон кўтаришга мажбур этди. Қўзғолонга шаҳар ҳунармандларидан мисгарлар (саффориийлар) бошчиллик қилди. 837 йилда Тоҳирийлар ағдарилиб, Хуросонда Саффориийлар давлати барпо қилинди. Бухоро Саффориийларга тобе бўлишни истамади. У сомонийларга мурожаат этиб, Бухорони ўз қўл остига олишни илтимос қилди. Наср Сомоний 875 йилда укаси Исмоилни Бухорога ҳоким қилиб юборди.

«Исмоил Сомоний бутун Мовароуннаҳрни ўз қўл остида кучли давлат қилиб бирлаштирди. Хуросондаги Саффориийлар давлатига барҳам берди ва бу ўлкани ўз давлатига қўшиб олди. Исмоил Сомоний замонида бу давлат ҳар томонлама кучайди. Шундай қилиб, IX аср охирларида Ўрта Осиё араблар истибододидан тамоман халос бўлди. Пойтахти Бухоро бўлган мустақил феодал давлат ташкил топди ва бу давлатни Сомонийлар сулоласидан бўлган амирлар X асрнинг охирларига қадар идора қилиб келди.

Араблар ҳукмронлиги даврида меҳнаткаш кадоварларни араблар ва маҳаллий феодаллар талаб келди

лар. Аҳолидан турли солиқ ва жарималар ундириб олиш учун халқ оммаси хонавайрон қилинди. Шаҳарлар вайрон бўлиб, ҳувиллаб қолди. Мамлакат хўжалиги орқага кетди. Хонавайрон бўлган минг-минглаб кадоварлар шаҳарларда иш қидириб юардилар. Лекин мамлакат араб истилочилари ҳукмронлигидан халос бўлгандан кейин ҳар ҳолда ишлаб чиқарувчи кучларнинг ривожланиши учун имкон туғилди. Янги-янги каналлар, тўғонлар, сув омборлари қурилиб, минглаб гектар ерлар ўзлаштирилди, мамлакат чегаралари мустаҳкамланди, дехқончилик ва ҳунармандчилик: дегрезлик, мискарлик, темирчилик, кулолчилик, тўқимачилик, шунингдек, кончилик анча ривожланди. Яқин Шарқ мамлакатлари, Рус давлати, хазарлар, Волгабўйи булғорлари ҳамда Хитой билан савдо-сотиқ ишлари олиб борилди.

Бу даврда Бухоро, Самарқанд, Тошкент, Урганч, Кеш (Шаҳрисабз), Марв ва бошқа шаҳарлар хўжалик ва маданиятнинг йирик марказларига айланди. Шаҳар маҳаллаларининг марказий қисмида ҳукмдорлар хонадони аъзолари ҳамда бой савдогарлар, руҳонийлар ва бошқа оқсуяклар ҳашаматли ҳовли-жойлар қурдилар, подшоликнинг қурол-яроғ, асбоб, эгар-жабдуқ ишлаб чиқарадиган маҳсус устахоналари ташкил топди. Шаҳарларнинг қиёфаси ўзгариб борди: янги иморатлар, ҳукумат идоралари, катта устахоналар, карvonсаройлар, мачит, мадраса ва бошқа бинолар қурилди. Ҳунармандчилик дўйонлари, савдо расталари кўпая бошлиди. Шаҳарларга атроф қишлоқлардан косиблар, савдогарлар ва бошқалар келиб жойлашди.

Ўрта аср шаҳарлари уч қисмдан иборат эди: шаҳар марказидаги ўрда (арқ), унинг теварагини ўраб олган ички шаҳар (шаҳристон) ҳамда ташки шаҳар (работлар) дан ташкил топган эди. Бир қанча работлар тез орада катталashiб, обод жойга айланди. Работларда катта-катта иморатлар қад кўтарди, бозорлар ва ҳунарманд-косиблар маҳаллалари пайдо бўлди. Бу ерда заргарлар, сарроффлар, тўқувчилар, кулоллар, шишагарлар ва бошқа шу сингари косиб-ҳунармандларнинг уйлари ва дўйонлари жойлашган эди.

Шаҳарлар билан бир қаторда қишлоқлар ҳам мамлакатнинг иқтисодий ҳаётида катта роль ўйнайдиган бўлиб қолди. Мовароуннаҳр ва Хоразм воҳаларидағи кўпгина қишлоқлар тўқимачилик, кулолчилик мискарлик, дурадгорлик ва бошқа хил ҳунармандчилиқда муҳим ўрин

эгалладилар. Чунончи, Бухоро вилоятидаги ҳозирги Зандона қишлоғи Сомонийлар замонида «зандонача» деб аталган ип газламаси билан Ўрта Осиёда ва қўнгина хорижий мамлакатларда ном чиқарган эди. Ҳар икки ўлканинг, яъни Мовароуннаҳр билан Хоразмнинг қишлоқ ва шаҳарларида сирланган сопол идишлар, чиройли ва нозик қилиб ишланган шиша идишлар ясалди.

Мамлакатнинг иқтисодий жиҳатдан ривожланиши ички ва ташқи савдонинг кенгайишига олиб келди. Пахтадан йигирилган ип ва тўқилган газламалар, кунжут ва чигит мойи, майиз, ўрик ва бошқа қуруқ мевалар узоқ мамлакатларга олиб кетилар эди. Даشت қипчоқ, Жанубий Сибирь ва Мўғалистондаги кўчманчи чорвадорларга эгар-жабдуқ, кийим-кечак, ўқ-ёй, қилич, бўёқ заргарлик буюмлари, дори-дармон, идиш-асбоб ва бошқа нарсаларни етказиб беришда Мовароуннаҳр асосий роль ўйнайдиган бўлди.

Фарғонанинг ҳунармандчилик маҳсулотлари – эгар-жабдуқ, кийим-кечак, шиша ва соподан ясалган нозик буюмлар, мевалар ва Фарб мамлакатларидан келтириладиган зеб-зийнат буюмлари, қурол-яроғлар Ўш ва Ўзган шаҳарлари ва тоғ довонлари орқали Кошгарга, ундан Хитойга олиб бориларди. Мовароуннаҳр бозорлари орқали Яқин ва Ўрта мамлакатларига ишак, кумуш, тери, жун, қўй, қорамол, туя кигиз, асал, турли хил мўйналар олиб бориларди.

Хоразмдан Устюрт ва Даشت қипчоқнинг ғарбий районлари орқали Волга бўйига, ундан Новгородга бориладиган карвон йўлида қудуқлар қазилиб, ҳар бир бекатда работлар бино қилинган эди. Волганинг юқори оқимидағи Булгор ва қуи оқимидағи Ҳазар давлатлари-га ҳамда Русга Хоразм орқали Ўрта Осиёдан гуруч, қуруқ мева, пахта ва жундан тўқилган кийимлар, ширинликлар, гилам ва шу каби нарсалар, Хитой, Ҳиндистон, Эрон, Туркия, Ироқ, Афғонистон ва бошқа мамлакатлардан олиб келинадиган моллар чиқарилар эди. Булгор ва Ҳозар давлатларидан эса Ўрта Осиёга пўстинбоп қимматбаҳо терилар, мум, ўқ-ёй, балиқ елими, кастрорка мойи, булгари чарм, қарчигай, қўй, сигир, асал, балиқ ва бошқа моллар олиб келинар эди. Ўрта Осиёда ишланган ва чет давлатлардан келтирилган ҳунармандчилик молларининг кўп қисми Ўрта Осиё шаҳарларидағи бозорларда сотиларди. Савдо муомаласида Тоҳирийлар ва Сомонийларнинг кумуш дирҳамлари юритилар эди.

Сомонийлар даврида ариқ очиш, сув омборлари ва тўғонлар қуриш, қалъалар ва мудофаа иншоотлари қуриш каби катта қурилишлар авж олдирилиши муносабати билан меҳнаткаш аҳолининг аҳволи янада оғирлашди. Бундай қурилишларда ҳар хонадондан бир киши йилига бир неча ой ҳашарчи сифатида сафарбар этилиб, текинга ишлаб беришга мажбур эди. Масалан, Бухоро воҳасини кўчманчи қабилаларнинг талончилик хуружларидан мудофаа этиш учун шу воҳа атрофи 783 – 831 йилларда баланд девор билан ўраб олинди. Бу иншоот «Девори кампирак» номи билан машҳур бўлиб, қарийб 400 км узунликда бўлган ва уни қуришда кўп минг ҳашарчи 49 йил меҳнат қиласган. Унинг қолдиқлари ҳозирги кунга қадар сақланиб қолган. Шунга ўхшаш узун мудофаа деворлари VIII асрда Самарқанд ва Тошкент воҳаларининг атрофида ҳам бино қилинган.

Меҳнаткаш халқни шафқатсиз эзиш ва жабр-зулм ўтказиш пировардида халқнинг сабр косасини тўлдирган. Халқ миллий зулмга чидай олмай ғалаён кўтара бошлаган. Масалан, 961 йилда Бухорода новвой Абубакир раҳбарлигига халқ қўзғолони бўлади. Бу қўзғолонда шаҳар камбағаллари билан бирга дехқонлар ҳам иштирок этади. Қўзғолончилар Сомонийлар ҳукмдори амир Абдулмаликнинг саройини талаб, унга ўт қўйиб кетадилар.

Халқ қўзғолонлари гарчи енгилган бўлса ҳам, лекин мазлум халқнинг мустабидларга қарши курашида муҳим ўрин тутди. Бу қўзғолонлар феодал тузум негизига болта урди.

Феодал зулмнинг кучайиши, шаҳар ва қишлоқлардаги меҳнаткаш омма турмушининг ниҳоятда ёмонлашуви мамлакатнинг иқтисодий ва сиёсий қудратига пурт етказди. Давлатнинг мустаҳкам эмаслиги, феодалларнинг марказий ҳокимиятга қарши кураш олиб бориши натижасида Сомонийлар давлати анча заифлашди. Бу давлат Қорахонийлар қўли остида бирлашган кўчманчи туркий қабилаларнинг зарбасига бардош бера олмади.

Мавзу батафсил баён қилингач, янги мавзу бўйича ўқувчиларнинг жавоблари умумлаштирилгандан сўнг ўқитувчи уларнинг дикъатини феодал шаҳарлар ва улар номларининг келиб чиқиш тарихига жалб этади. Масалан, «Бухоро шаҳрининг архитектура ёдгорликлари» тарихини қўйидагича баён этиш мумкин:

Бухоро – қадими, тарихий, ёдгорликларга бой

шаҳар. Наршахий Бухоронинг Нумижкат, Бумискат, Мадинат ус – Суфрия, яъни «Мис шаҳар», Мадинат ўт – тужкор, яъни «Савдогарлар шаҳри» деган номлари борлигини айтади: «Бухоро, – деб давом этади тарихчи, деган ном у номларнинг ҳаммасидан маъқулроқ-дир. Хуросон шаҳарларидан биронтаси ҳам бунчалик кўп номга эга эмас. Бир ҳадисда Бухоро номи Фохира бўлиб қолган. Чунки «Қиёмат» куни Бухоро шаҳри ўзида шаҳидларнинг кўплиги билан фахр қиласди» (БТ, 28-бет). Бухоронинг Фохира дейилиши динга қорилган афсона, албатта, иккинчидан, араб графикаси оқибатидир. Бухоро номи «Абдулланома» ва бошқа бир қатор асарларда «Вихара» тарзida келтирилиб, оташпаастлар ибодат қиласидаган жой таърифланади. Унинг этиологияси ҳам бор.

Халқда Бухоро – Богора деган ривоят ҳам бор. Бухоро сўзининг этиологияси аниқ эмас.

Бухоро – санскритча вихара сўзидан олинган бўлиб, «ибодатхона» маъносини билдиради, деган фикр бор. В. А. Лившицнинг фикрича, вихара сўзи сўғд тилида пархар шаклида кирган. Ҳофизи Таниш Бухорийнинг ёзишича, «Бухоро» сўзи бухор сўзидан келиб чиқсан бўлиб, ўтипаастлар тилида «ilm makoni» демакдир. Буталаффуз уйғур ва хитой бутпаастларининг тилига яқиндир, чунки (уларда) сиғиниш жойлари бўлган маъбудаларни «бухор» деб атайдилар. Бухоро шаҳрининг номи аслида Лумижкат бўлган (Ҳофизи Таниш Бухорий, «Абдулланома», 1-жилд. Т., 1966, 273-бет).

Бухоротопоними ёлгиз эмас. XI – XII асрларда Балх шаҳри атрофида Навбаҳор ибодатхонаси бўлган. Навбаҳор «эрта баҳор» эмас, балки «Янги ибодатхона» демакдир. Бухоро шаҳри этиологияси билан Ҳиндистондаги Бихар штатининг этиологияси бирдир (В. А. Никонов). В. В. Шостакович Сибирдаги Бухоро номли дарёни тилга олади.

Бухоро яқинида дул Бухоро (Жул Бухоро) номли қишлоқ бўлган. Бухоро вилоятларидан бири Бухорхит-фар (Нажар – хатфар) деб аталган. (Бухоро ҳокимлари «бухорхудот» дейилар эди.) Бекобод яқинида Бухоролик, Жанубий Уралда Бухороча деган сой, Қашқадарё вилоятида (Китоб, Фузор) Бухор – тўпор, Бухори, Ҳўжабурхори номли маҳалла, жойлар бор. Шундай қилиб, Бухоро компонентли топонимлар бир қанчадир. Қадимги туркий руник ёзувида (Култегинга бағишилан-

ган ёдгорликда) Вуқарақ деган жой номи учрайди (Буқарақ сўзи улис – Бухоро эди). Бу жой номига С. Е. Малов бемалол Бухоро деб изоҳ берган. Академик Б. Я. Владимирцов ўша ёдгорликда Сўғд номи ҳам учрашини айтади ва Буқарақ ҳақиқатан Бухоро деган сўз бўлса, ўйрат (олтой) қаҳрамонлик эпосларида бухарин черик, яъни «Бухоро қўшиналари» деган сўзлар учрайди, деб ёзади (Б. Я. Владимирцов, «Географические имена орхонских надписей, сохранившиеся в монгольском», Доклады Академии Наук СССР, Ленинград, 1929, Доклады АН СССР, № 10, 171-бет). Баъзи бир тадқиқотчилар Бухоро сўзи санскритча эмас, балки эфталитча бўлса керак, деб ҳисоблайдилар. Бунда улар сўғдий ёзма ҳужжатида Бухоро сўзининг бош ҳарфи «П» билан ёзилганини далил қилиб келтирадилар (В. А. Лившиц, К. В. Кауфман, И. М. Дьяконов. «О древней согдийской письменности Бухары». Вестник древней истории, §-1, 1954, 150 – 163-бетлар).

Бухоро ўзининг кўп асрлик тарихи мобайнида бир неча бор юксалиш ва инқироз даврларини бошидан кечирди, чет эл истилочиларининг қурбони бўлди.

Моддий маданият ва санъатнинг шунчалик хилма-хил ва турли даврга оид ёдгорликлари тўпланган бундай шаҳарлар жуда оз. Шаҳар Шарқ меъморлари яратган нодир архитектура ёдгорликлари билан бутун дунёга маълумdir.

Бухоронинг биринчи тарихчилари ёзib қолдирган афсоналардан бирида Бухоро қалъаси Сиёвуш томонидан қурилган деб айтилади. Сиёвуш қадим замонларда илоҳий шахс сифатида ҳурматланган, кейинги давларда яратилган шеърий афсонага кўра, Эрон шоҳи ва турк маликасининг фарзанди бўлган Сиёвуш Турон шоҳи Афросиёб томонидан ўлдирилган.

VI асрда шаҳар, юқорида таъкидланганидек, сўғдча ном билан Нумижкат деб аталган бўлса, VII – VIII асрларда Пухо, Бухо, Бугэ деб ҳам номланган. VII асрнинг иккинчи ярмида араб истилочилари Ўрта Осиёга, шу жумладан, Бухорога бостириб кира бошлиайдилар. Амударёни биринчи бўлиб кечиб ўтган Убайдулла ибн Зиёд 674 йилда Тошкентни эгаллаб, Бухорога бостириб киради. 709 йилда Қутайба ибн Муслимнинг катта лашкари бой ва яхши мустаҳкамланган Бухорони эгаллайди. Ўша пайтгача шаҳарнинг тўрт, кейинчалик еттита дарвозаси бўлган.

VIII – IX асрларда Бухорода катта ўзгаришлар юз берди. 849 – 850 йилларда шаҳар атрофи II дарвозали девор билан ўралди. IX асрда маҳаллий Бухоро боёнлари Исмоил Сомоний (892 – 907) бошчилигига ташаббусни ўз қўлларига олдилар. Улар нисбатан марказлашган, амалда халифаликдан мустақил бўлган феодал давлат туздилар. IX – X асрларда у иқтисодий ва маданий жиҳатдан Ўрта ва Яқин Шарқнинг асосий шаҳарларидан бирига айланди.

Бу даврларда ижод қилган 30 га яқин шоирнинг номи тарихда сақланиб қолган. Абу Абдулло Рудакий ўша даврнинг энг улуғ шоири бўлган. Рудакийнинг бизга маълум бўлган энг ажойиб асарларидан «Шароб онаси», «Қарилликка қасида» ларни тилга олиш, қайд этиш лозим. Ўрта асрнинг буюк энциклопедист олимларидан бири бухоролик Абу Али ибн Сино (980 – 1037 йиллар) эди. Ибн Синонинг асосий асарлари бўлган «Тиб қонунлари», «Шифо китоби», «Донишнома» ва б. қ. асарларida унинг табиий-илмий ва фалсафий қарашлари ифода этилган.

1220 йилнинг февралида Бухоро Чингизхон қўшинлари томонидан забт этилди. 1370 йилда эса Темур империяси таркибига кирди. XIV – XV асрлар мобайнида Бухоро диний марказ вазифасини бажарди. Улуғбек томонидан Бухорода (1417 йил) ва Фиждувонда (1433 йил) қурилган мадрасалар феодал ҳукмдорнинг руҳонийларга ёътиқоди билангира эмас, балки унинг олим сифатида маданий-маърифий фаолияти билан ҳам боғлиқдир.

XVI – XVII асрларда Бухоро сезиларли даражада гуллаб-яшнади. Шаҳар тубдан қайта қурилди, меъморчилик ансамблари пайдо бўлди. Бу иншоотларнинг кўплари бизнинг замонимизгача сақланиб қолган. Ноёб иншоотлар шаҳарда ўзига хос меъморчилик мактаби вужудга келганлигидан далолат беради. Қораҳонийлар даврида қурилган Жомеъ масжиди харобалари ўрнида Калон масжиди (1514), унинг қаршисида эса Мир Араб мадрасаси (1530 – 1536 йиллар). Баланд Масжиди ва Хўжа Зайнiddин масжидлари барпо этилди. Кўхна Бухоронинг эскириб қолган кўплаб монументал бинолари қайта тикланди ва қисман таъмирланди. Шаҳар чеккаларида улкан Чор Бакр ансамбли, ҳовузлар, сардобалар, кўприклар, карвонсаройлар ва Баҳовуддин қишлоғида мақбаралар қурилди. Қалъа деворидан ташқаридаги Файзободда ажойиб хонақоҳ (1598 –

1599 йиллар) қурилди. У чиройли гумбазга, ички томони эса икки қават, ганчга ўйилган гўзал нақшлар билан безатилган.


Бухоро жаҳондаги энг кўхна шаҳарлардан бири. Олимлар тахминида, айрим ёзма манбаларда шаҳарнинг «ёши» ҳар хил кўрсатилган эди, аммо Ўзбекистон Фанлар академиясининг Археология институти томонидан тарих фанлари доктори А. Р. Муҳаммаджонов бошчилигида олиб борилган археологик текширишлар натижасида Бухоронинг «ёши» 2300 йил эканлиги аниқланмоқда.

Бухоро арки — ҳукумат маркази бўлиб, унинг ҳокими бухор-худот деб аталар эди. Наршахий ўзидан анча олдинроқ ёзилган манбага, яъни Абдулҳасан Нишопурининг «Хазойин ул-улум» («Илмлар хазинаси») деган асарига асосланиб ёзишича, Бухоро қалъаси жуда қадимий бўлган ва у тилларда достон бўлиб қолган Сиёвуш ҳамда Афросиёб замонларида қурилган. Наршахий Сиёвуш ҳамда Афросиёб замонларида қурилган. Наршахий Сиёвуш қўҳандизнинг ичидаги дарвоза ёнида кўмилган, деган афсонани келтиради. Қўҳандиз (қалъа) нинг иккита дарвозаси бўлган. Шарқдаги дарвоза Ғурён дарвозаси деб, гарбдаги дарвоза Регистон майдонига очилганлиги сабабли Регистон дарвозаси деб аталган.


Бухоронинг режасига қараганда, бизнинг замонализгача етиб келган майдони 34675 кв. метр, айланаси 780 метр бўлган. У 20 метр баланд тепалик устига қурилган. Ҳозир Арк майдони 4,2 гектар келади. Унинг тик девори пишиқ фишт билан қопланган. Арк ҳамма томондан қўрғон девор билан гир айлантириб ўраб олинган. Бу девор сўнгги II – III асрда қурилган. Араблар истилосига қадар аркда шаҳар ҳокимлари – бухор-худотлар яшаганлар. Сомонийлар даврида (IX – X асрлар) Арк қайтадан қурилди ҳамда девор ва мезонлар билан мустаҳкамланди. Шимоли-ғарбий томондаги мезонининг ўрни ҳозиргача сақланган.

Қораҳонийлар даврида (XI – XII асрлар) ва мўғуллар босқинчилиги вақтида (XIII аср) Арк бир неча бор вайрон қилинган. Аркнинг ҳозирги қиёфаси XVI асрда Шайбонийлар сулоласи даврида шаклланган. Ҳозир Арк вилоят ўлкашуннослик музейидир.

Аркка кираверишдаги йўл аста-секин кўтарила бориб, узун йўлакдан Жомеъ масжидига олиб чиқади. Аркдаги бинолар XVII – XX асрларга, яъни Аштархонийлар ва



Бухоро. Арк



Бухоро. Исромат Сомоний мақбараси

Мангитлар сулолалари даврига доирдир. Ўша вақтларда Арк шаҳар ҳокимлари, кейинчалик хонлар, амирлар мансабдорлар ва ҳарбий бошлиқлар яшайдиган жой бўлган. XX аср бошларида Арк аҳолиси тахминан 3000 кишига етган. Арқдан шаҳар ва унинг теварак-атроф манзаралари ва тепаликлар кўриниб туради.

**Исмоил Сомоний мақбараси** (IX – X асрлар) – Ўрта Осиё меъморчилигининг ўзига хос аниқ ва муайян хусусиятлари билан ажralиб туради. Бу меъморчилик ўз ҳалқи ва унинг ғояси, дид-Фаросати билан ифодаланган ҳалқ усталарининг ижодидан иборат.

Биринчидан, IX – X асрларда қурилган Сомонийлар мақбараси ўша даврдаги бинокорларнинг маҳорати ва юксак бадиий дидидан далолат беради. Бу ёдгорлик 892–907 йилларда қурилган, деб тахмин қилинади. Мақбара шаҳардаги маданият ва истироҳат бοғи ичидаги жойлашган. У куб шаклида бўлиб, яримшарсимон қубба билан ёпилган. Унга ҳусн бўлсин учун бурчакларига тўртта кичкина қубба ўрнатилган. Девори қалин (1,8 метргача) бўлганлиги туфайли бу ёдгорлик 1000 йилдан бери яхши сақланиб турибди.

Мақбаранинг фасади йўқ, тўрт томони ҳам бир хил. Бундай иншоотлар центрик композиция деб аталади. Мақбара квадрат шаклида бўлиб, пишиқ гиштдан қурилган. Ривоятларга кўра, бу мақбара Исмоил Сомоний томонидан отаси Аҳмад ибн Асад учун қурилган. Кейинроқ бу мақбара Сомонийлар хонадонининг даҳаси бўлиб қолди. Унга 907 йилда вафот этган Исмоил, кейинроқ мақбараға кираверишдаги ёзувга кўра, Исмоилнинг набираси – 914 йилдан 943 йилгача ҳукмрон бўлган Наср II ибн Аҳмад дағн қилинган. Бино ҳозирга қадар сақланиб турибди. Бу ёдгорликни хорижий давлатлар ҳам яхши биладилар.

Сомонийлар мақбараси содда, ажойиб зийнати ва асрлар давомида синовдан ўтган мураккаб гумбаз томли конструкцияни қўллаган бинокорларнинг муҳандислик маҳорати жиҳатидан жаҳон меъморчилигининг энг мукаммал асаларидан бири ҳисобланади.

**Чашмаи Айюб мозори** (XII аср). Шаҳардаги маданият ва истироҳат бοғи шу мозор ўрнида жойлашган. Бу ёдгорлик гарбдан шарқ томон ёнма-ён жойлашган тўртбурчакли мураккаб тўртта бинодан иборат. Бу бинолар турли даврларда қурилган. Улардан энг қадимииси конуссимон баланд гумбаз билан қоплангандир.

Ривоятларга қараганда, иморатнинг бу қисмини Қорахонийлардан Арслонхон Вобкентдаги Минораи Калон билан бир вақтда қурдирган. Мозор ичидаги совуқ сувли чашма ҳозиргача бор. Ёдгорлик чуқур сойликда бўлиб, яқин вақтгача унда катта булоқ суви оқиб турар эди. Бу булоқ мозордаги қудуқ билан бирлаштирилган.

### Қадимги ғарбий бино

ёнига XVI асрда яна иккита бино қурилган. Қадими бинонинг эшиги тепасига осиб қўйилган гулдор кошинга «бу бинони Темурнинг шахсан ўзи қурдириди», деб ёзилган. XVI асрнинг иккинчи ярмида бинонинг пастак пештоқдан иборат икки қуббали сўнгги тўртинчи қисми қурилган.

Тўрт бинонинг ҳар қайсисида бир-бирига ўхшамаган қуббалар бор. Улар ташқи кўринишлари ёки жануб томондан қараганда оригинал ва ўзига хосдир.

**Мағоки Аттори масжиди** (XII – XVI асрлар). Бу масжид шаҳар марказида жойлашган бўлиб, илгариги атторлар растаси ўрнига қурилганлиги туфайли Мағоки Аттори деб аталган. Масжид қарийб 6 метр ерга кириб туради, аслида кўп асрлар давомида аста-секин тупроқ қатламлари уюлиб, у кўимилиб қолган. Мағоки Аттори масжиди ёниқ типдаги масжидлардан бўлиб, томини 6 тош устун кўтариб туради.

Масжиднинг хиёбон томондаги жанубий пештоқи архитектуранинг ноёб асари ҳисобланади. Пештоқ ва унинг равоги ҳар хил, чунончи, ўймакор ганч, сайқал берилган фишт, кошин ўйиб нақшланган сопол гиштчалар билан безатилган. Бинонинг шарқий томонидан кўтариладиган қисмида кенг тош зина бор. Зина жанубий пештоқ қурилгандан кейин қурилган. Бу зина учунгина эмас, балки намоз ўқиладиган жой ҳам бўлган.

**Намозгоҳ масжиди** (XII, XIV, XVI асрлар). Бухорининг жануб томонида, шаҳар ташқарисидадир. Бундай масжидлар ҳайит кунлари шаҳар масжидлари намоз ўқувчиларни сифдира олмаганлигидан шаҳар ташқарисига қурилган. Намозгоҳ масжиди ана шундай масжидлардан ҳисобланади.



Бухоро. Чашмаи Айюб мозори


Намозгоҳнинг пешайвон, галерея шаклида гумбазли биноси бўлган (XVI аср), унга нафис қоплама безакли пештоқ қурилган. Гарб томондан бинонинг монументал қисми меҳробли қадимий деворга тақалган. Масжид нозик ўйма гулли сопол гишталар ва майдада гишт парчалар билан безатилган. Ҳозирги намозгоҳ масжиди ўрнида бир вақтлар ажойиб боғ ва ҳайвонотхона бўлган. Бу ер Шамсиобод деб аталган. Бу жойни тарихчи Наршахий ўз асарида тўла тасвирлаб ўтган.

**Пой калон ансамбли** – Минораи калон (1127) ёки Катта Бухоро минораси. Қорахонийлардан Арслонхон ҳукмронлик қилган даврда қурилган. Бу минора шаҳардаги энг баланд иншоотdir. Унинг баландлиги 46,5 метр, унинг қурилган вақтини (1127 йил) кўрсатадиган ёзув корпуснинг ўрта белидаги кошинлардан бирида қисман сақланиб қолган. Минора баланд, думалоқ устунсимон бўлиб, тепасида равоқли «фонусий» томи бор. Унинг ичида 104 пиллапояли айланма зинаси бор. Миноранинг юқори томони бир оз ингичкароқ бўлиб, цилиндр шакли гумбазида 16 та дарча бор.

Минорадан аzon айтилган. Минорада душман пайдо бўлишини кузатадиган маҳсус пункт ҳам бўлган. Миноранинг қоровулхонаси ҳали ҳам бор, унинг сирти жимжимадор қилиб терилган пишиқ фишт билан қопланган. Бухоро шаҳрининг ташқи кўринишида бу минора бадиий жиҳатдан катта аҳамиятга эга. Гумбазнинг зангори белбоғи XVI асрда ишланган кошинлардан иборат. Нақш билан ёзилган эски қисми XII асрда ясалган оч мовий тусдаги кошинлардан иборат бўлиб, Бухоро музейининг Ситорай – Моҳи хоса филиалида сақланмоқда. Минора корпусининг пастки қисми таъмирланди. У ўнбурчак шаклида бўлиб, устига минора қурилган.

**Масжиди калон** (Катта масжид) – жума намози ўқиладиган бу масжид 1514 йилда қурилган бўлиб, катталиги жиҳатдан Самарқанддаги Бибихоним масжидидан кейин иккинчи ўринда туради. У XII асрдаги эски масжид ўрнига қурилган. Масжид XV асрда қурила бошланиб, XVI аср бошларида (1514 йилда) битган. Масжид тўғри тўртбурчак шаклида ҳовлиси бўлган очиқ масжидлар туркумига киради. Масжиди калоннинг еттига әшиги бор. Асосий шарқий әшиги олдида ва ичида кенг айвонлар бор.

Масжиднинг умумий майдони бир гектар келади



Бухоро. Мир Араб мадрасаси

(127×78). Ҳовли галереяси 288 қубба билан қопланган, уларни 200 та устун кўтариб туради. Бу ҳам ноёб меъморчилик ёдгорликларидан биридир.

**Мир Араб мадрасаси** – шаҳарнинг марказий қисмида иккита гумбаз атрофидағи иморатлардан ажralиб туради (1530 йил). Улардан бири – Шимолий гумбаз тикланиб, унга ярим мовий кошин билан қопланган безак берилган, Жанубий гумбаз эса безатилмай қолиб кетган.

Мадрасага ҳашаматли баланд пештоқдан кирилади. Мадрасадаги бинолар худди Улугбек мадрасасидек жойлаштирилган. Фақат дарсхона ўрнида гўрхона бор. Бу ерда яманлик шайх Абдулла (Мир Араб) ва унинг қариндошлари дафн қилинганд. Ёдгорлик шунинг учун ҳам Мир Араб номи билан аталган.

Мадраса ҳовлисининг чор атрофини икки қаватли ҳужралар ўраб туради. Ҳужралар қаторини тўртта пештоқ ажратиб турибди. Бир вақтлар пештоқлар жуда баланд бўлган.

**Улуғбек мадрасаси** (1417 йил). Бу мадраса Темурнинг набираси: буюк астроном Улуғбек қурдирган уч мадрасанинг энг аввалисидир. Тўғри тўртбурчак шаклида қурилган бу бинонинг ҳовлиси ва безатилган баланд пештоқи бор. Мадрасанинг олд томони икки қават қилиб қурилган, кираверишдаги миёнхонанинг бир томонида дарсхона, иккинчи томонида масжид, иккинчи қаватида кутубхона бўлган.

Мадрасанинг устки қисмини Исмоил ибн Тоҳир Исфаҳоний қурган. 1585 йилда бу бино қайта тикланган.

Кейинги йилларда ҳам у тез-тез таъмир қилиниб турган. Нақшларнинг таркибида юлдузсимон элементлар кўпчиликни ташкил этади. Буни астроном Улугбекнинг касби-корига боғлаш мумкин.

Улугбек мадрасаси дарвоза тавақаларига «**Билим олиш ҳар бир муслим ва муслиманинг бурчидир**» деган ибора ўйиб ёзилган. Мадраса ўз чироий ва нақшларининг жуда гўзаллиги билан кишини ҳайратда қолдиради. Бу бино Ўрта Осиё меъморчилигининг равнақ тоғланлигини кўрсатадиган ёдгорликдир.

**Абдулазизхон мадрасаси** (1652 йил). Бу мадраса бадиий безакларга жуда бой бўлиб, ўз аҳамияти жиҳатидан Ўрта Осиё меъморчилигида алоҳида ўрин тутади. Бу бино Улугбек мадрасаси рўпарасида қурилган бўлиб, нафис меъморчилиги ва безатилиши жиҳатидан гўё Улугбек мадрасаси билан рақобат қилаётгандек туюлади. Ҳолбуки, ҳар икки ёдгорлик қурилиши ўртасида икки асрдан ортиқ вақт ўтган.

Абдулазизхон мадрасаси оддий геометрик, юлдузсимон ва ўсимликларни тасвиirlайдиган безаклар ўрнига анча мураккаб ва хилма-хил нақшлар билан ишланган. Бу ерда аждар ва семурғ қушнинг сурати бор. Мадрасада икки масжид бор, ёзгиси ҳовлида; дарвоза йўлагининг гарбий бурчагида эса қишики масжид бор. Иккала масжиднинг ҳам девор ва шиплари жуда серҳашам қилиб безатилган.

Мадраса халқ меъмори уста Ширин Муродов иштирокида таъмирланган (1930 йил).

**Болоҳовуз масжиди** (1712 йил). У Арк қаршисида қурилган. Масжиднинг ҳужралари ва 20 та баланд ёғоч устунли айвони бор. У бир вақтлар шаҳарнинг жума намози ўқиладиган масжиди бўлган ва амир Бухорога келган пайтларида шу масжидда намоз ўқиган. Амир келгандан Арқдан масжидгача гиламлар тўшалган. Болоҳовуз масжидига Регистон майдони томонидан қаралса, унинг пешайвони, майдон ён бошидаги минораси ва ўртасидаги чукур ҳовуз кишида ажойиб таассурот қолдиради.

**Чор Минор.** Уни халифа Ниёзқул мадрасаси деб ҳам аташади. Бу ёдгорлик сўнгги вақтларда қурилган обидалар қаторига киради. У XIX аср бошлари (1807) да қурилган ва шаҳарнинг шимоли-гарбий қисмида жойлашган. Ёдгорлик мураккаб меъморчилик намунаси бўлиб, пешайвон туридаги масжид, бир қаватли мадраса,



Бухоро. Абдулазизхон мадрасаси

ҳовуз ва ажойиб пештоқдан иборат. Тўртта баланд мезанаси бор. Улар минорага ўхшайди, шунинг учун ҳам Чор Минор мадрасаси деб аталади. Аслида эса булар шунчаки мезаналар бўлмай, фақат бинонинг бадиий безагидир. Улар Ҳиндистон масжидлари меъморчилигининг таъсири борлигини кўрсатиб турибди.

**Лабиҳовуз** (XVII аср). Қадимги Бухорода савдо майдонлари кўп бўлган. Улардан бири Лабиҳовуз ҳозиргача сақланиб қолган. Бу майдон шу ердаги катта (узунлиги 42 метр, эни 36 метр, чуқурлиги 5 метр чамаси) ҳовуз туфайли Лабиҳовуз деб аталган. Бу ҳовуз катта майдоннинг ўртасидадир. У 1620 йили қазилган. Ҳозирги вақтда ҳовуз таъмиrlangan. Майдоннинг тўрт томони ҳашаматли меъморчилик иншоотлари билан ўраб олинган, уни ғарбий томондан Девонбеги хонақаси, Лабиҳовуз масжиди, шарқий томондан Девонбеги мадрасаси ўраб турибди. Шимолий томонда эса 1578 йилда қурилган Кўкаaldoш мадрасаси бор. XVII асрнинг йигирманчи йилларида қурилган дастлабки икки ёдгорлик айниқса сернақш ва серҳашамдир. Бу ерда шаҳардаги тоқиларнинг ҳаммасини бир-бири билан бօғловчи савдо кўчаси бошланади.



Бухоро. Лабиҳовуз, Кўкаaldoш, Нодир Девонбеги мадрасалари

**Тим ва тоқлар** (XVI аср). Бухорода энг йирик савдо иншоотларидан тўрттаси: Тоқи заргарон, Тоқи телпак-фуруушон, Тоқи саррофон ва Абдуллахон тими сақланиб қолган. Тоқлар шаҳристоннинг Лабиҳовуз майдонидан Регистон майдонигача борадиган асосий савдо кўчасидағи чорраҳаларда қурилган. Мунтазам саккиз бурчакли ички хонага маҳобатли гумбаз ёнилган. 16 дарчали бу гумбазнинг меридианаал қовурғалари бор. Тоқи заргаронда ўттиздан ортиқ заргарлик дўйкони ва устахоналар бўлган. Бу ерда ҳар ҳил зеб-зийнат буюмлари ясаб сотилган. Тоқи телпакфуруушон кўчалар чорраҳасига қурилган. У олтибурчак шаклида бўлиб, марказий гумбазда дарчалари бор. Тоқи телпакфуруушон илгари Тоқи китобфуруушон деб аталган, чунки бу ерда китоблар сотилган. Тоқи саррофон икки кўча чорраҳасида бўлиб, улардан бири Регистон томонга қараб кетган. У шунинг учун Тоқи саррофон деб аталганки, унда кўпинча саррофлар ўтириб, чет эл пулларини алмаштирганлар ва пул майдалаганлар. Бухоронинг Абдуллахон тими ва тоқлари қадимий шаҳар қурилишининг обод, йирик кўчаларида сақланиб қолган элементларигина, холос. Ўрта Осиё ва Шарқ мамлакатларидағи бирорта шаҳарда бунчалик маҳобатли (улуғвор) меъморчилик иншоотлари йўқ, деса бўлади.

Девонбеги хонақосининг олд томони Лабиҳовуз сувида ойнадек акс этиб турди. Шунинг учун бу ёдгорликни Лабиҳовуз деб ҳам атайдилар.

Шарқ томонда, масжид рўпарасида Нодир девонбеги мадрасаси (1622 йил) қад кўтарган. У карвонсарой сифатида қурила бошлаган бўлса-да, кейин қурилиш давомида мадрасага айлантирилган. Шунинг учун унинг режаси оддий ва мадрасалар режасига ўхшамайди.

Кўкаaldoш мадрасаси (1578 йил) – Лабиҳовуз майдонида жойлашган бинолар жумласига киради. Бу ёдгорлик Абдуллахон ҳукмронлик қилган даврда (1557–1558) қурилган бўлиб, Ўрта Осиёдаги энг катта мадрасалардан бири ҳисобланади. Мадрасанинг 160 ҳужраси бор. Мадрасанинг эшиги алоҳида эътиборга сазовордир. Эшик табақалари ёғоч пилакчалардан йиғилиб, елим ва михсиз чўп пона билан бириктирилган, тахта пилакчаларга нозик ва майда ўймакор гул солинган. Мадрасаларнинг девори одатда яхлит бўлади. Бу мадрасанинг эса очиқ айвончали болохоналари бўлган ва улар дурустгина безатилган. Ҳозир бу ерда вилоят давлат архиви жойлашган.

Шаҳарнинг ғарбий қисмида, шаҳар маданият ва истироҳат бояни дарвозасининг чап томонида бир-бирига рўпара турган иккита катта мадраса бор. Улар Қўш мадраса номи билан машҳур. Қўш мадраса Бухородаги ҳашаматли меъморчилик комплексларидан биридир. Шарқий томондаги Мадори хон мадрасаси (1566) ғарбий томондаги Абдуллахон мадрасасидан 22 йил илгари қурилган. Мадори хон мадрасасининг ҳажми кичикроқ, безаклари соддороқдир. Абдуллахон мадрасаси каттароқ, айниқса унинг сал қийшайган баланд олд пештоқи серҳашамдир. Ҳовли тўрт пештоқдан иборат. Унинг эшик табақалари Кўкаaldoш мадрасасининг эшигига ўхшатиб тахта пилакчаларидан ясалган. Шаҳарнинг шарқий қисмида, вокзалга яқин жойда икки мақбара: Сайфуддин Боҳарзий ва Буёнқулихон мақбалari бор.

Сайфуддин Боҳарзий мақбараси дин ақидалари тўгрисида асарлар ёзган ва 1262 йилда вафот этган шайхнинг номи билан боғлиқдир. Бу ёдгорлик икки бинодан, яъни зиёратхона ва гўрхонадан иборат. Илгари иккинчи хонада бадиий ўймакорлик ва сирли беҳзакларнинг ноёб намунаси бўлган ёғоч сафана бўлган (XIV аср). Мақбаранинг ичига баланд миноралар гумбазидаги дарчалардан ёруғлик тушиб турди.

**Буёнқулихон мақбараси** (XIV аср). Бу мақбара 1358 йилда Самарқандда ўлдирилган мӯғул хони чингизий Буёнқулихон қабри устига қурилган. Мақбара катта ва кичик хонага бўлингган. Мақбаранинг тўрт томонида нақшинкор устунлар бор. Девор ичидан қоронғи ва тор йўлак ўтади. Мақбаранинг ички ва ташқи томони ранғбаранг бўёқ билан безатилган. Бу ерда зангори, кўк, бинафша ранг ва оқ бўёқларгина ишлатилган. Бўёқлар ғоят тоза ва тиниқ. Ўша замонда пештоқ ҳам қурилган. Фақат у бинодан алоҳида қурилган. Мақбара пештоқи ҳам кошин билан безатилган.

1926 йилда мақбара таъмир этилди. Унинг баланд супа устига қурилганлиги яқинда аниқланди.

**Зиндан** — XVII аср охириларида Шаҳристоннинг шимоли-гарбий бурчагидаги тепаликда (ҳозирги колхоз ўрнида) қурилган. Бино қўримсиз бўлиб, баланд гишт девор билан гир айлантириб ўраб олинган. Зинданга жанубий девордаги пастак пештоқдан кирилган. Кичкина ҳовли икки қанотли тош бинога олиб боради. Ўнг қанотнинг бошидаги хонага қарзини узолмаган кишилар қамалган. Бинонинг чап қанотидаги тўртинчи хона кишида оғир таассурот қолдиради. У қоровулхона орқасидаги 5 метрли чуқур ертўладир. Ер устидаги қисми дарчали қубба, ертўлага катта тешикдан тушилади.

Зиндан ҳовлисидан маҳбуслар «пирининг» қабри ҳамда зинданнинг шарқий ва шимолий томонларидан ўтадиган баланд тор йўлак бор. Ҳозирги вақтда зинданга Бухоро ўлкашунослик музейининг экспонатлари қўйилган.

**Ситораи моҳи хоса саройлари** — шаҳардан 4 километр нарида, шаҳарнинг шимол томонида икки сарой бор. Улардан бири Бухоронинг энг охирги амири Сайд Олимхоннинг саройидир. Бу сарой бир қаватли бўлиб «Г» ҳарфи шаклида қурилган. Бунда гарчи ҳалқ усталари ўйма ганчкорликда ва деворларга сурат солишда ажойиб маҳорат намуналарини кўрсатган бўлсалар-да, амирларнинг мешчанлик дид-фаросатлари, уларнинг бир-бирига зид дабдабали, ҳашаматли суратларга ўчлиги ўз аксини топган. Амир саройни безаттиришда Ёвропа меъморчилигига тақлид қилган. Бутун шу дабдаба-ю ҳашаматларга тақлид қилиб ишланган сурат ва нақшлар орасида Ситораи моҳи хосадаги «Оқ сарой» («Оқ зал») га берилган пардоzlар ҳалқ санъаткорлари ҳунарини кўз-кўз қилиб туради. Бу зални истеъдодли санъаткор уста

Ширин Муродов бир гуруҳ Бухоро усталари билан қурган. Ҳозирги вақтда Ситорай моҳи хосага Бухоро вилояти ўлкашунослик музейи бўлимининг экспозициялари жойлаштирилган. Сарой ҳудудида санаторий очилган.

Ситорай моҳи хосада амирнинг отаси Аҳмад қурдирган иккинчи сарой ҳам бор. Бу бино сарой ҳаётининг ёдгорлиги бўлиб, тамоман бошқача режалаштирилган ва безатилган. Ҳозир бу иккинчи саройга болалар санаторийси жойлашган.


Қўш мадрасадан жанубда, замонавий бинолар қурилиши олиб борилаётган жойда унчалик катта бўлмаган Баланд масжид (XVI аср) қад кўтариб туриди. Масжиднинг қиши биноси билан ёғоч устунли айвони жойлашган пойдевори баланд бўлганлиги учун Баланд масжид деб ном олган.

Иморатнинг барча меъморчилик бойлиги ҳозирги пайтда унинг ички томони ҳисобланади. Олтин сув югуртирилган нафис гулли ялатироқ катакча тош тахтачалардан иборат баланд оч-яшил панель кишини завқлантиради. Пештоқчалардаги серҳашам ўсимлик суратидаги безак IV асрнинг «гулдор» гиламларига жуда ўхшайди.

**Хожа Зайнуддин масжида.** Хожа Зайнуддин масжида 1555 йилда қурилган. Биз бу ерда биринчи бўлиб масжид қурилиши билан шаҳар қурилиши ўртасидаги ҳамкорликни кўрамиз. Масжид асосий фасадининг икки томони унинг олдидан ўтадиган, тор йўлакни ҳисобга олиб қурилган, икки томони эса турар жой уйлари билан бир қаторда туриди. Икки олд томони айвонли, унинг олдида эса катта тош плиталари терилган катта ҳовуз бор. Масжиднинг ичи жуда чиройли қилиб безатилган. Унинг пештоқлари шундай маҳорат билан безатилганки, у ўша пайтдаги одамларнинг шундай юксак диidi бўлганлигидан далолат беради ва уни кўрган киши ҳайратда қолади.

Бухорода катта қизиқиш туғдирадиган яна бир қанча ёдгорликлар бўлиб, биз энг асосийларинигина кўрсатиб ўтдик.

Үқитувчи Бухоро шаҳридаги қадимий ёдгорликларни тушунтириб, шаҳарда катта қизиқиш туғдирадиган яна бир қанча меъморчилик ёдгорликлари борлигини, бу ерда энг асосийларигина кўрсатиб ўтилганлигини қайд қилиб, сұхбатни якунлагач, «мана энди биз Бухоро вилоятидаги қишлоқ ва районлар топонимикаси устида



Бухоро. Хожа Зайнуддин масжиди

тўхталамиз», деб ўқувчилар диққатини қуийдагиларга тортади:

**Аскарча** — Бухоро вилоятидаги қишлоқ. Аскарча — «қўшин — лашкар қишлоғи» маъносини билдиради. Шу райондаги Довуд қишлоғида қурол-аслаҳа тайёrlанган.

**Банд** — Навоий районидаги қишлоқ. Бу сўз — тўғон, сув омбори деган маънони билдиради.

**Янги бозор** — Бухоро вилояти Бухоро районидаги қишлоқ. Бу номни ўрганишда ўша жойда яшаб хизмат қилаётган ўқитувчиларга, кексаларга ва архив ҳужжатларига мурожаат қилинди. Қишлоқни нима учун Янги бозор деб атасган? Бунга сабаб, Янги бозор қишлоғидан бир оз наридаги қишлоқда бошқа кичик бир бозор бўлган, бу бозорга турли томондан кишилар келиб савдо-сотиқ қиласланлар. Бозор кенгайиб борган, эски бозор билан биргаликда янги бозор ҳам ривожланган. Шундан бошлиб қишлоқ Янги бозор деб атала бошлаган.

**Сари кунда** — Ромитон районидан 15 километр наридаги қишлоқ. Урганч чўли этакларида жойлашган. Кексаларнинг айтишларича, ўрта асрларда қишлоқ

ниҳоятда обод бўлган. Майдони кенг, боғ-чорбоги кўп бўлган. Шу ерда кунда боши, яъни сув боши бўлгани учун ҳам қишлоқнинг номини шундай деб атаганлар. «Сари» — тожикча (бош), «кунда» — сув, сув таҳсилланадиган тўғон боши демакдир. Бақт ўтиши билан хусусий бойлик учун олиб борилган курашлар натижасида қишлоқ харобага айланган. 1920 йилда қишлоқда жами 6 хўжалик истиқомат қилган. Қишлоқ аҳолисининг кўнчилиги тожиклар. Кейинги йилларда қишлоқ таниб бўлмас даражада ўзгарди. Даастлаб 10 гектар майдонда омоч билан деҳқончилик қиласан сарикундаликлар бугунги кунда 300 гектардан ортиқ ерга экиб, фаровон ҳаёт кечирмоқдалар.

**Чор работ** — Бухоро вилояти Фиждувон районидаги қишлоқнинг номи. Чор работ, яъни тўртта работдан иборат деган маънони англатади. Ҳозир ҳам қишлоқ тўрт қисмдан иборат бўлиб, улар ҳалқ шеваси билан қуидагича номлар билан аталади: Шўро хўрҳо (шўр овқат истеъмол қиладиганлар) — ёки тузлик овқат ейдиганлар маҳалласи; «Марказий кўча» ёки маҳалла; Пой луҷҳо (оёқ яланглар), ёки камбагаллар маҳалласи; Ошпазҳо (ошпазлар маҳалласи).

Ҳозир ҳам Чор работ қишлоғи ва унинг 4 маҳалласи юкоридаги ном билан аталиб келинади. Бухоро вилояти Фиждувон районидаги колхозда қуидаги қишлоқлар бўлиб, улар **Чор работ** (тўрт работ), **Қўрғон** (қалъа), **Арабон** (суви равон кетадиган ариқ; суви тез оқадиган ариқ) деб номланган (араблар яшайдиган қишлоқ бўлиши ҳам мумкин).

**Кескин терак** — Кармананинг номи, ҳозир Навоий деб аталади. Бу қишлоқнинг ҳам ўзига хос тарихи бор. Унинг Кескин терак деб аталиши тўғрисида шундай ривоят бор: бу ерда жуда кўп терак ўсган. Теракларни бир киши келиб кесиб олиб кетган. Шундан бери бу жой Кесган терак деб аталиб келар экан. Ерли ҳалқ тилида «Кескин терак» дейилади.

**Даббоки** — Бухоро вилояти Қоракўл районидаги қишлоқ номи. Тожикча даббог — тери ишловчи, чармгар, даббоги — терини опловчи косиб.

**Етимак** — Бухоро вилояти Шоғиркон районидаги қишлоқ. Етимак (Ятимак) — «етимча», «етим бола»; «Етимак» (ятимак) деган оғирлик ўачови бўлган; етим (ятим) сўзининг «қашшоқ», «батрак» маъноси ҳам бор.

**Ёби ариқ** — Бухоро вилояти Конимех районидаги

**қишлоқ.** Ёби (ёбу) ўзбек халқи таркибиға кирган қадимий әлат, қабила. Ёбиларнинг кўпчилиги асосан Зарафшон водийсида истиқомат қилган. Ёби қабиласи томонидан қазилган ариқ. Ёби ариғи бўлган, сўнг қишлоқча ҳам «Ёби ариқ» номи берилган. Ҳозирда шу ном билан аталади.

**Обдузд** – Бухоро вилоятидаги ариқ. Обдузд – «сув ўғриси» ёки «ўғирланган сув» демакдир. Навбатини кутмасдан ўгринча сув оладиган киши обдузд дейилган. Баъзан бирон ёриққа ёки ўпқонга кириб кетиб, яна ер юзига чиқадиган жилға суви ҳам обдузд деб аталган.

**Оҳших** – Бухоро вилоятидаги қишлоқ номи. Тўғриси, Оқших бўлса керак. Туркман уруғларидан бири ших (шийх) деб аталган. Бир қанча уруғлар қора, оқ, баъзан кўк, сариқ каби турларга бўлинади. Бухоро вилоятида туркманлар кўп. Бу уруғ баъзан ўзбеклар орасида ҳам учрайди. Оқших сўзи бузилиб, Оҳших бўлиб қолган.

**Оқтақир** – Бухоро вилояти Томди районидаги овул. Тақир чўлда қиш-баҳорда сув тўлиб, ёзда қақраб ётадиган, ёрилиб-ёрилиб ётадиган яйдоқ майдонга айтилади.

**Пешку** – Бухоро вилояти Ромитон районидаги қишлоқ номи. Пеш «олд», «олд томон», куй – «кўча», «гузар», яъни кўча томон деган маънони англатади. Ҳозир шу номли район маркази.

**Позагари** – Бухоро вилояти Фиждувон районидаги қишлоқ. Поза тожикча омочнинг учига кийдириладиган чўян тиш, позагар (позарез) омоч тиши қуювчи уста деган маънони билдиради.

**Паттачи** – маъноси маълум эмас, лекин патта деган ўсимлик (бута) бор. Термиз шаҳри яқинида (Амударё бўйида) Паттакесар қишлоғи ҳам бор. Бу қишлоқ ҳам ана шу ўсимлик номи билан аталган. Сепатта – «уч патта», айрим мутахассисларнинг изоҳига кўра, «Патта» сўзи айрим кишиларга бериладиган ҳужжатларни ҳам билдиради. Шунинг учун бозорда ва гузарларда бож оловчич одамни «паттачи» дейишган.

**Таллича** – Бухоро вилояти Бухоро районидаги қишлоқ номи. Талл арабча сўз бўлиб, «тепалик» деган маънони билдиради. Бухоро вилоятининг кўп жойларида тепаликни талл дейишади. Таллича «кичкина тепалик» деган маънони билдиради.

**Тароб** – Бухоро вилояти ҳудудида жойлашган. Тарихий манбаларда Тороб қинлоги Бухородан ҳам олдин

пайдо бўлган дейилади. Бу қишлоқ дастлаб Наршахийнинг «Бухоротарихи»да тилган олинганд. Бу қишлоқ аҳли 1238 йилда мўгулларга, кейинроқ эса маҳаллий бойларга, руҳонийларга қарши кўтартган қўзғолонлари билан машҳурдир. Тороб сўзининг этимологияси маълум эмас. Маҳмуд Горобий ҳам шу қишлоқдан чиққан.

**Тошкент** – Бухоро вилояти Қоракўл туманидаги қишлоқ номи. Қишлоққа тошкентликлар кўчиб келиб ўрнашгандан шундай ном олган.

**Тоқи саррофон** – Бухоро шаҳридаги бозор. Тоқ сўзи қадимий меъморчилик атамаларидан бири бўлиб, «аркли бино» маъносини англатади. Бухоро хонлигида усти ёпилган бозор тоқ дейилган. Масалан, Тоқи телпакфуруушон – Телпак сотувчилар тоқи, Тоқи саррофон ҳам шундай бозор (раст) лардан биридир. Сарроф – «пул майдаловчи» демакдир. Ўрта асрларда Бухоронинг Кеш (Шаҳрисабз) дарвозаси яқинидаги бир маҳалла Расаттоқ (арабча «арқ боши») деб аталган. Бу маҳалла қадимда ана шу ерда бўлган гумбазли бозор номи билан аталган бўлса керак, дейди тарихчи О. И. Смирнова.

**Хумдонак** – Бухоро вилоятидаги қишлоқ номи. Фишт, сопол буюмлар пишириладиган хумдон сўзига кичрайтириш аффикси «ак» қўшилиб ясалган топоним. Хумдонак «хумдонча қишлоқ» маъносини билдиради.

**Хожа Таббанд** – Бухоро гузарларидан бири. Маъноси безгакни боғловчи, йўқ қилиб ташловчи (даволовчи) демакдир. Жонли тилда Таббат бўлиб кетган. Гузарда хожа Таббанд мозори бор. Ривоятларга кўра, хожа Таббанд безгакни даволаган. Гузар ана шу хожа Таббанд номи билан аталиб келинмоқда.

**Шоҳруд** – шаҳар ариғи, Бухоро шаҳрини сув билан таъминлайдиган ариқ. Дастлаб Руди зар деб аталган: Араб географлари асарларида Наури зар шаклида қайд қилинганд. Шайх Бохарзийнинг вақф ҳужжатларида (XIV аср) Руди шаўри Бухоро деб аталган. Кейинги асарларда Шоҳруд бўлиб кетган. Эронда ҳам Шоҳруд деган ариқ бор.

**Шўристон** – Бухоро вилояти Шофиркон районидаги қишлоқнинг номи. Шўристон – «шўр босган жой», «шўрхок» маъноларини билдиради.

**Қулонхона** – Бухоро вилояти Бухоро районидаги қишлоқ. Бир замонлар қулон кўп бўлганлигидан шундай ном олган бўлиши мумкин. Лекин қулон (қулончик)

уруғи вакиллари яшайдиган қишлоқ ҳам Қулонхона деб аталган бўлса ажаб әмас.

**Қўтир булоқ** – Вобкент районидаги қишлоқ. Қишлоқ қўтир касаллигига даво бўладиган булоқ ёнида жойлашганлигидан шундай ном олган.

**Ғиждувон** – Бухоро вилоятидаги шаҳар. Дастрраб Наршахий асарида тилга олинган. Бошқа тарихий манбаларда Ғиждувон шаклида ҳам қайд қилинган. Халқ оғзида Гиждувон сўзини Ғужи девон – девлар, инженерлар кўп маъносида дейилса, айримлар Ғужи деҳгон – «Бир тўп қишлоқ» демакдир, деб тахмин қиласидилар. Тўп қишлоқ дегани тўғри бўлса керак. Ҳар ҳолда этимологияси аниқ әмас. Баховуддин Нақшбанднинг устози Абдулхолиқ Ғиждувоний номига қўйилган деган фикрлар ҳам бор.

**Ҳавзак дорисозлар** – Бухоро вилояти Ғиждувон туманидаги қишлоқ. Бу топоним тоҷикча ва ўзбекча тил қоидлари асосида ясалган; ҳовузни тоҷиклар ҳавз дейишади («ак» эса кичрайтирувчи аффикс), доридармон тайёрлаб кун кўрган киши дорисоз дейилган. Ҳавзак дорисозлар «дорисозлар ҳовузчаси» демакдир, икки сўз орасидаги изафет эса тушиб қолган, тоҷикча Ҳавзаки дорусозон бўлиши керак.

Ўқитувчи ўқувчиларни Бухоро вилоятининг қишлоқ ва районлар тарихи топонимикаси билан танишириб чиққач, Қашқадарё ва Сурхондарё вилоятларининг қишлоқ, районлари тарихи этимологиясини ўрганишга киришса, мақсадга мувофиқ бўлади.

Бу ўринда ўқитувчи Қашқадарё вилоятидаги Губалак, Қарши, Китоб, Яккабоғ, Олақарға, Варғанза, Чимқўргон каби қишлоқ, шаҳар номининг келиб чиқиш тарихини ўша жойларда яшаб, ижод этган атоқли олимлар шоирлар, машҳур кишилар, Меҳнат Қаҳрамонлари, уруш фахрийлари, шунингдек тарихимизда муҳим роль ўйнаган кишилар номлари билан боғлаб ўрганиши керак.

Шунингдек, ўқитувчининг нима учун бу вилоят Қашқадарё деб номланган ва бу сўзниг маъносини биласизми? каби саволларига ўқувчilar илмий ижодий жавоб топишда ота-оналари, маҳаллий қариялар, шу соҳага қизиқувчilar билан ҳамкорликда иш олиб бориши зарур.

Масалан, Қашқадарё сўзи қандай маънога эга? деган саволга қўйидагича жавоб олиш мумкин;

**Қашқадарё** – дарёning номидан олинган. У Қарши

воҳасини сув билан таъминлайди. Дарё қадимги вақтда Кошкируд деб аталган. Айрим тадқиқотчиларнинг (масалан, В. В. Бартольднинг) фикрича, Қашқадарё Кешкируднинг фонетик ўзгарған вариантидир.

Баъзи олимлар топонимнинг асосини «қашқа» сўзи ташкил этади, қашқа «қақшамоқ, қуриб қолмоқ» деган маънони билдиришини айтади (А. Ишаев). Ҳ. Ҳасанов дарёning табиий хусусиятида ҳам қашқалик бор, Қаршидан кейин дарёning суви камайиб ўзани ола-чалпоқ «қашқа ҳолига келади», деб ёзади. С. Қораев «қашқа» сўзининг бир неча маъносини келтиради. Этник ном: тиниқ, тез оқар, ёқасида ўсимлик ўсмайдиган яланг, ёлғиз тепа ва ҳоказо.

Дарё номидан вилоят номи вужудга келган, ҳозир ҳам шу ном билан юритилади.

**Қарши** – шаҳар номи. Қашқадарё вилоятининг маъмурий маркази. Қарши Ўзбекистоннинг энг кўхна шаҳарларидан бири. У Грек – Бақтрия давлати давридан бери мавжуд. Шаҳар XIV асргача Нахшаб деб аталган. Араблар бу маҳаллий номни бузиб Насаф деб ишлатган бўлса керак. Ҳозирги Қарши XIV асрнинг биринчи ярмида воҳа ўртасида Самарқанд, Бухоро, Афғонистон, Ҳиндистон ва Шарқдаги бошқа қўшни мамлакатлардан келадиган йўллар устида қурилган. Чигатой наслидан бўлган Кепакхон (1309–1326) Қашқадарё водийсига ўрнашган эски Нахшабдан икки фарсах нарида ўзига сарой қурган. Сарой мўғул тилида Қарши деб аталади. Қарши «Шоҳ қалъаси» деган маънони ҳам билдиради, дейишади.

**Губалак** – бу қишлоқ Қашқадарё вилояти Косон районидаги колхоз ҳудудида жойлашган. Қишлоқ вилоят маркази Қарши шаҳридан 18 км шимоли-ғарбда, район марказидан эса 10 км жануби-шарқ томонда жойлашган. Қишлоқда 200 дан кўпроқ хўжалик истиқомат қиласиди. Аҳолининг миллий таркиби ҳам хилма-хил бўлиб, унинг асосий қисмини ўзбеклар ташкил этади. Айтишларича, қишлоқнинг ўрни бундан бир неча йил муқаддам чўл бўлган. Кўчманчилик билан шугуулланган одамлар астасекинлик билан шу ерга келиб ўтроқлашиб қола бошлигандар. Қишлоқ ёнида кўчманчи «араф» қабилалари келиб ўрнашган. Улар авваллари капа ва ертўлаларда яшаганлар, сўнг гувала қуийиб, ундан уй қуриб олганлар. Шундан кейин бу қишлоқ номи «Гувалак» бўлиб қолган, кейинчалик Гувалак сўзи «Губалак» бўлиб кетган. Бу ном

Ўзбекистоннинг бошқа вилоятларида ҳам учрайди. Масалан, Фаргона водийсида гувалак номли бир неча жойлар бор.

**Маҳмуд тепа** – Қашқадарё вилояти Косон районидаги қишлоқ. Қишлоқнинг олдинги номи «Қорателпак» бўлган. Қишлоқ аҳлининг аксарияти қорателпак кийиб юрганидан шундай ном олган, дейишади. Кейинчалик одамлар чакалакзор ва тепаларни ўзлаштириб, янги қишлоқ барпо қилганлар. Ишбоши Маҳмуд исмли оқсоқол бўлган экан. Ўша вақтдан бошлаб Маҳмуд ота ўзлаштирган тепа, кейинчалик Маҳмуд тепа деб атала бошлаган, қишлоқ номи эса ўз ҳолича қолаверган.

**Китоб** – Қашқадарё вилоятидаги шаҳар. Шаҳарни уч томондан тоғлар, яъни Зиёвуддин тогининг давоми, Қўрғон тоғ, орқа тарафидан эса Тахта қорача тоғи ва шу тоғнинг давоми ўраб олган. Китоб номининг келиб чиқиши ўқийдиган «китоб» сўзидан эмас, балки тожик тилидан олинган «кифт» – елка, «об» – сув, яъни «елкадаги сув» деган маънони билдирувчи «кифтоб» сўзидан келиб чиққан бўлиши мумкин. Ҳақиқатан ҳам бу ном тўғри қўйилган, чунки Китоб районининг икки томонидан иккита дарё – Қашқадарё ва Оқдарё оқиб ўтади. Китоб райони жанубдан Шаҳрисабз райони, шимол ва фарbdan Самарқанд вилоятига қарашли Жом деб аталган қишлоқ билан, шарқдан эса Тожикистон тоғлари билан чегараланган. Китоб райони кундан-кунга ривожланиб бормоқда. Китоб посёлкасида қурилган тўрт қаватли маъмурӣ бинолар ва қишлоқ хўжалик идораси, замонавий озиқ-овқат, кийим-кечак, пойабзal, бош кийимлар, атирупа, уй-анжомлар, атторлик, «Болалар дунёси» дўконлари бинолари шаҳар кўркига кўрк қўшиб турибди. Шунингдек, 500 ўринли «Ўзбекистон 50 йиллиги» кинотеатри, меҳмонхона бинолари, «Пахтакор» спорт жамияти ва шу кабилар китобликлар хизматида. Китоб районида саккизта колхоз, тўртта совхоз бор. Буларнинг ҳаммаси дон етиштириш, чорвачилик билан шуғулланади. Икки совхоз, яъни «Қишлиқ» ҳамда «Паландара» совхозлари узумчилик, чорвачилик, сабзавот ва полиз экинлари, тамаки ҳом ашёси етиштиради.

«Қишлиқ» совхози Китоб районининг шимол томонидан жойлашган. Совхозни «Қайнар» деб ҳам аташади. Бундай аталишининг боиси шуки, қишлоқда катта чашма жойлашган. Бу чашма «Қайнар булоқ» деб аталади. Қайнар булоқ совхознинг энг юқорисида жойлашган.

Чашмадан бутун совхоз сув ичади. Қишлоқ қариялари чашма ҳақида кўпгина ривоятлар тўқишиган. Чашманинг ўртасида икки туп дараҳт ўсади. Қарияларнинг айтишича, агар шу дараҳтни бирор синдириса ёки унинг ёнида бирон ножўя иш қилиб қўйса, унинг қўзи кўр, қўли ёки оёғи шол, яъни жонсиз бўлиб қолар экан. Шунинг учун ҳам бу жойда ҳеч ким ножўя иш қилмайди. Фақатгина совхоз ишчилари булоқ суви тоза бўлиши учун гир атрофини бетондан девор қилиб устини ёниб қўйишган. Совхоз ҳудудида бир неча сайдроҳ жойлар бор. Шулардан бири «Етти қиз ғори», «Аҳмад ғори», «Қирқ қиз» деган жойлар бўлиб, бу жойлар айниқса баҳорда кишининг баҳри-дилини очади.

**Варғанза** – Китоб районидаги қишлоқ номи. Мажаллий аҳолининг кўпчилиги анорчилик билан шугулланади. Айтишларича, бу ерга бошқа ерлардан келишиб анор ўғирлаб кетишиган. Бу воқеа мунтазам тақрорланиб турган. Шунинг учун бу қишлоққа «варғанза», яъни анор ўғирланадиган жой, деб ном берган эканлар. Б. Аҳмедов таърифича «вар» сўзи сўғдийча бўлиб, «шамол», «ғанза» – кони, яъни шамол кони деган маънони билдиради. Ҳозир ҳам бу қишлоқ шу ном билан аталади.

**Шаҳрисабз** – Қашқадарё вилоятига қарашли шаҳар. Бу ном XVI асрда тилга олинади. Шаҳарнинг қадимги номи Кеш. XV – XVI асрлардаги тарихий манбаларда, чунончи, хожа Аҳроннинг вақф ҳужжатларида ва «Бобурнома» да Кеш ва Шаҳрисабз номлари параллель ишлатилади. Шаҳрисабз – «Кўкаламзор шаҳар», яъни «Яшил шаҳар» демакдир. XIV – XV асрларда Амир Темур ва Улугбек даврларида Шаҳрисабзда қатор монументал бинолар – сароғ, масжидлар, мақбара ва бошқалар қурилди. Бу иншоотларнинг харобалари ҳозирги вақтда ноёб меъморчилик ёдгорлиги сифатида сақланиб қолган.

**Яккабоғ** – Қашқадарё вилояти Яккабоғ районидаги шу номдаги аҳоли яшайдиган жой номи. Айтишларича, дастлабки вақтларда ҳозирги Яккабоғ райони ўрнида аҳоли кам бўлган. Буларнинг ҳам кўпчилиги кўчманчи халқ бўлиб, чорвачилик билан шугулланган. Яккабоғ ҳудуди экин экишга қулай бўлган. У Ҳисор тогига яқин бўлиб, чашма ва майда сой сувлари Яккабоғдан ўтади. Сувнинг бу жиҳатдан қулайлиги боғ-роғ барпо этишга олиб келган. Бу жойда олдин якка боғ барпо қилинган. Яккабоғ райони ҳудудида бир неча қишлоқ мавжуд.

Булардан бири Нўғайлидир. Нўғайлар ҳақида айтилган айрим гаплар ҳозир ҳам ҳалқ ўртасида мавжуд. Иккинчи қишлоқ – Қатағон (қувилгандар), учинчи қишлоқ – Учтепа.

**Чимқўргон** – Қашқадарё вилоятидаги қишлоқ. Чимқўргон – чим девор билан ўраб олинган жой демакдир. Бу қишлоқ аҳолиси талончилардан сақланиш мақсадида ўз қишлоқларини атрофини девор билан ўраб олишган. Бу девор атрофида чуқур ҳандақлар қазиб, сув билан тўлатиб қўйишган. Қўргонга кириб чиқадиган тўртта дарвоза бўлиб, уларга кўтарма кўприклар орқалигина кирилган. Аҳолиси қўргон ташқарисида дәжончилик қилган. Улар ўзларига тўқ ва мард кишилар бўлган. Қўргонни ёв олиш мушкул бўлган. Қишлоқ аҳолиси қўргонга сувни тоғдан соподан ясалган қувурлар орқали келтиришган. Бунақа қувур ёт кишилар учун сир сақланган. Қувур ерга кўмилиб, бир уни тоғдаги булоқларга боғланган. Ривоятда айтилишича, бу қишлоққа ёв бостириб келади, лекин қўргонга бостириб кириш имкониятини тополмай тўхтаб қолишиади. Шу вақтда Чимқўргон ҳокимининг чиройли қизи босқинчиларнинг лашкарбошисига хуфиёна ошиқ бўлиб қолади. У муҳаббат деб душман томонга қочиб ўтади ва сир сақланган сув йўлини айтиб беради. Бу ёвга қўл келиб, булоқ оғзини бекитишиади. Сувсиз қолган ҳалқ сотқинлик натижасида енгилади. Чимқўргон босиб олиниб, деворлари бузиб ташланади. Сопол қувурлар эса ер тагида қолаверади. Уларнинг қолдиқлари ҳозир ҳам ўша кўмилган ердан топилмоқда. Чимқўргон қишлоғи деворлари бузилиб кетса ҳам ўз номини сақлаб қолган.

**Олақарға** – шу номли қишлоқнинг келиб чиқиш тарихини бевосита шайх Ақлиқирон ота номи билан боғлашади. Аслида қишлоқ номи Олақарға эмас, Ақлиқирон отадир. Унинг тарихи XVIII асрдан бошланган. Қишлоқнинг икки томонидан иккита ариқ оқиб ўтади. Буларнинг бирини – Паст ариқ, иккинчисини – Катта ариқ дейишади. Ариқларнинг бўйида 2 та тепалик бор. Бу тепаликлардан бири ясси, иккинчиси баланд. Иккала тепалик ҳозир ҳам бор. Ясси тепалик катта ариқ билан бирлашган. Аслида авваллари бу тепалик ўрнида одамлар уй қуриб яшаганлар. Шу тепаликдан 1961 йили катта хум топилди. Хумнинг ичидаги эски тангалар, камон ўқининг учлари топилди. Ақлиқирон ота вафотидан кейин қишлоқ шу шайх номи билан Ақлиқирон ота деб атала

бошлаган. XVIII асрда шайхга атаб масжид қурилган. Қишлоқ номи олдин Ақлиқирон, сўнг Олақар, кейинчалик Олақарға бўлиб, ўзгариб кетган. Масжид эса Ақлиқирон оталигича қолаверган. Бу масжид ҳозир ҳам бор. Ҳозирги вақтда ҳам қишлоқ Олақарға номи билан аталиб келинмоқда.

**Бойбичакон** – Қашқадарё вилояти Деҳқонобод районидаги ош тузи кони. Бойбича – бойнинг катта хотини, баъзан бой хотин деган маънони ҳам англатади. Бойбичакон номи билан аталган қишлоқ ёнидаги туз конига ҳам шу ном берилган.

**Шагарак** – Қашқадарё вилояти Чироқчи районидаги қишлоқ. Қашқадарё вилоятида истиқомат қилиб турган сарой қабиласи таркибиға кирадиган қипчоқ сарой уруғининг бир қисмини шагарак дейишади. Зарафшон водийсида ҳам бу уруғ шагарак деб аталган.

Ўқитувчи Сурхондарё вилояти ҳудудидаги топонимлар тарихини ўрганишдан аввал Сурхондарё сўзининг этимологиясига ҳам қисқача тўхталиб ўтиши лозим. Вилоят номининг келиб чиқини тарихи ҳақида тушунча берилгандан сўнг ўқувчилар диққати унинг районлари, қишлоқ, овуллари номлари тарихига жалб қилинади.

**Сурхондарё** – тожик тилидан олинган бўлиб, «сурх» – қизил, яъни Қизил дарё демакдир. Сурхондарё бош оладиган тог тизмалари, даралар, тог жинсларида қизил ранглар мавжуд. Сув бу жинсларни ўзи билан оқизиб келганлиги сабабли қизил тусли туюлади. Шунинг учун ерли халқ – қизил дарёни тожик тилида «Сурхондарё» деб аташган.

**Термиз** – Грек – Бақтрия давлати даврида Термиз «Таримита» номи билан, Македонскийнинг истилочилик даврида «Александрия» деб аталган. Сомонийлар даврида «Шаҳри сомоний» деб ҳам аталган. Х асрнинг охирида шаҳар яна Термиз деб аталади. Термиз номи «Авесто» ёзувларида тилга олинади. Термиз шаҳри тарихи ҳақида айрим афсоналар мавжуд. Айтишларига қараганда, грек аскарлари шаҳарни бир неча кун қамал қилиб турган. Шаҳар мустаҳкам баланд девор билан ўралганлиги туфайли шаҳарни ололмай, охири ҳийла ишлатганлар – шаҳар бошлиқларини қўлга олиб, қаршилик қўрсатганларни эса катта бир масжидга қамаб, ўт қўйиб юборганлар. Шаҳар душманлар қўлига ўтгач, аҳоли масжиддагиларга ачинишиб, бирор киши ёки тирик жон қолдими? – деб чақирганлар. Шунда масжид ичидан

«биз тирикмиз», деган садо чиққан. «Биз тирикмиз» деган сўз бора-бора «термиз» бўлиб кетган дейишади. Албатта, бу афсона ҳақиқатдан узоқ. Шаҳар дастлаб Тармита, Тармета деб талаффуз этилган.

Шундай қилиб, Термиз Балх шаҳрининг ярми, дарёнинг нариги томонидаги қисми, деб ҳисобланган. Термиз районидаги Намуна колхози ҳудудида милодимизнинг VI – VII асрларида фиштдан қурилган жуда катта Қариқиз биносининг харобалари бор. Шаҳар мўғуллар томонидан вайрон қилинган бир қанча вақт ўтгандан кейин қайтадан қурилган.

**Ҳаким ат-Термизий даҳмаси** – ўрта асрда Термиз атрофи мустаҳкам девор билан ўралган бўлиб, саройлар ва масжидлар қурилган. Ҳунармандлар ва савдогарлар гузарлари барпо этилиб, ободонлаштирилган. Қалъанинг этак томонида Ҳаким ат-Термизий ансамбли бунёд этилган. XIII асрда Чингизхон қўшинлари бостириб кириб, шаҳарни вайрон этганда шу ансамбль омон қолган.

Шайх Абу Абдуллоҳ ибн Али ибн Муҳаммад Ҳаким ат-Термизий IX асрнинг охирида Термизда яшаган. У бир қанча илмий асарлар яратган (лекин улар бизгача етиб келмаган). Араб тарихчилари ва географларининг баъзи асарларини ҳам таржима қилган. Ҳаким ат-Термизий 869 йилда вафот этган. X – XI асрларга келиб унинг қабри устига унча катта бўлмаган даҳма қурилган. Даҳмага турли хил рангда жило берилган. XII асрда даҳма тамоман қайтадан қурилиб, мураккаб безаклар билан безатилган. Қабр устига оқ мармартош ётқизилиб унга Қуръон оятлари ва биографик маълумотлар ёзиб қўйилган.

**Султон Саодат ансамбли** – ўрта аср меъморий ёдгорликларидан бири, Сурхон дарёсига яқин ерда қад кўтариб турибди. X асрдан бошлаб бу ансамблъ сайидлар қабристонига айланиб қолган. Тарихий маълумотларга қараганда, Термиз сайидларининг бошлиғи амир Ҳусайн шу ерда дафн этилган. Маълумки, сайидлар ўзларини Муҳаммад пайғамбарнинг бевосита авлодлари деб ҳисоблаб, Шарқ мамлакатларининг ижтимоий-сиёсий ҳаётида катта роль ўйнаганлар. Темур ҳам сайидларни ўзига яқин тутган. XVI асрда Абдуллахон II уларни ўзи тарафига оғдириб олиш мақсадида сайидлар авлодларининг мақбара-ларини зиёрат қилган ва айримларини қайта тиклатган.

Сайидларни дастлабки вақтларда очиқ ерларга дафн

этганлар. Х аср охирларидан бошлаб мозор тепасида мақбара қура бошлаганлар. Мақбаралар ҳар хил катта-кичикликдаги пишиқ ғиштдан ишланган бўлиб, уларни ишлаган усталарнинг ҳар бири ўзига хос янги элементлар билан бойитишга ҳаракат қилганлар. Мақбараларнинг олд томони шарқса қаратилган бўлиб, турли шаклдаги ғиштлар билан чиройли қилиб ишланган. Амир Ҳусайн мақбараси бу жиҳатдан бошқалардан ажралиб турди. Умуман, Султон Саодат ансамбли Шарқ меъморчилиги тараққиётининг 700 йиллик даврини ўз ичига олади.

**Зурмала минораси** — Ҳозирги Термиз шаҳридан 10 километр чамаси нарида, Амударё шимолга томон кескин буриладиган ерда Эски Термиз харобаси сақланниб қолган. Ана шу ерда Зурмала номи билан аталадиган 12 метрли минора қад кўтариб турибди. Гарчи минора хароб бўлиб кетган бўлса-да, у маҳобатлидир. Аъло сифатли ғиштдан тикланган миноранинг пойдевори ниҳоятда мустаҳкам ишланган.

Миноранинг ташқи томонига айланма зинапоя ишланган бўлиб, ички томонида қоп-қоронги йўлак бор. Зурмала минораси Эски Термиз билан деярли тенгдош милодимизнинг дастлабки асрларида бунёд этилган. Зурмала минораси будда динига топингланлар томонидан қурилган бўлиб, уни балоғат уйи деб аташган.

Термиз милодимизнинг дастлабки асрларида асосий ядрои Бақтрия ҳисобланган Кушон подшолиги таркиби-га кирган. Ана шу вақтда шаҳар обод бўлган. Кушон давридан бошлаб Сурхондарёнинг ҳозирги ҳудудига буддизм кириб кела бошлаган. Бу ерга буддий миссионерлари келиб саройлар, бутхоналар қурганлар.

**Қирқиз қасри** — Термиз шаҳридан олти километр наридаги «Намуна» колхози ҳудудида жойлашган қадимий Қирқиз қасри харобалари ҳайбатли қўриниши билан киши эътиборини ўзига тортади. Бу ёдгорлик XVIII аср ўзбек халқ эпоси билан боғланган. «Қирқиз» — бу подшоҳ Гулойим ва унинг қирқта канизаги ҳақидаги эртакдир. Қирқиз қасри қалъани эслатса-да, лекин аслида йирик феодалнинг қасри бўлган. Икки қаватли қаср IX асрда бунёд этилган бўлиб, карвонлар ўта туриб, бу ерда дам олганлар, ёзнинг жазирама иссиғида шу жойда жон сақлаганлар. Қаср анъанавий Шарқ меъморчилиги услубида қурилган. Бу ёдгорликда арабларгача бўлган Урта Осиёга хос меъ-

морчилик мактабининг услуби кўзга яққол ташланиб турди. Каср душманинг ҳар қандай ҳужумидан, айниқса феодалларнинг ўзаро урушларидан ҳимоя қилишга мослаб қурилган.

Қирқиз қасри инсон ҳунармандчилиги санъати намунаси бўлиб, оддий тупроқ — лойдан яратилган бу кошона ижодкорларининг, меъморларининг номи маълум эмас. Орадан кўп йиллар ўтди. Қаср харобага айланди. Аммо Қирқиз қасри IX асрнинг ноёб иншооти сифатида савлат тўкиб турибди.

**Жарқўрғон минораси** — ҳозирги Жарқўрғон райони марказига яқин ерда бундан 860 йил бурун бунёд этилган ажойиб минора қад кўтариб турибди. Бир вақтлар бу минора масжид бўлиб хизмат қилган. Бизгача миноранинг харобасигина етиб келган. Ҳозир минора таъмиранниб асл ҳолига келтирилди. Минора ўрта асрга хос Шарқ меъморчилигида муносиб ўрин эгаллади. Баланд миноранинг қуббаси шаҳарга файз бахш этади. Ўша вақтларда сўфилар шу минора тепасидан туриб аzon айтганлар. Минорадан атрофга ҳар хил воқеалар тўғрисида дарак беришда ҳам фойдаланганлар. Минора XII асрда қайта тикланган. Минора безаклари ғиштдан ишланган. У пастдан юқорига томон ингичкалантириб қурилганки, бу осмонўпар минорани томоша қилиш кишига завқ бахш этади. Минора ичига саккиз қиррали қилиб супача ўрнатилган. Минора ташқарисига ишланган ўн олтиҳа думалоқ колонна эса худди минорага ўралган лентага ўхшаб турибди. Миноранинг пастки қисмидаги еттига қиррасига ғиштни ўйиб ёзув ёзилган бўлиб, саккизинчи қирра билан тўққизинчи қирра оралиғидаги йўл орқали миноранинг ичидаги айланма зинапояларига чиқилади. Миноранинг сақланиб қолган ёзувларидан бирида шу минорани яратган меъморнинг исми ва бунёд этилган йўли кўрсатилган. Меъморнинг исми Али бўлиб, ҳозирги Туркманистоннинг Сераҳс шаҳрида истиқомат қилган Мұхаммаднинг ўғли экан. Минора ҳижрий 502 йилда, яъни 1108—1109 йилларда бунёд этилган. Миноранинг юқори қисми вайрон бўлиб кетган. Қолган қисмининг баландлиги 30 метр чамаси келади. Тадқиқотчиларнинг тахминига қараганда, миноранинг баландлиги 40 метрдан ортиқ бўлган. Унинг айланаси 17 метрча келади.

**Зараутсой қўриқхонаси** — Термиздан юз километр нарида Кўҳитоғ оралиғида Зараутсой номли манзарали жой бор. Ер ости сувлари, ёмгир ва шамол натижасида

қояларда жуда кўп шалолалар, ғорлар пайдо бўлган. 1932 йилда овчи ва ўлкашунос И. Ф. Ломаев тоғли қишлоқ аҳолисидан зараут – камар номи билан машҳур бўлган «Қизил суратли ғорлар» тўгрисидаги афсонани эшитиб қолади ва бу сирли расмлар ҳақидаги маълумотни Сурхондарё вилояти ўлкашунослик музейига маълум қиласди. Тошларга туширилган расмлар олимлар эътиборини ўзига тортади. Археологлар ва рассомлар барча ғорларни ўрганишади. Текширишлар натижасида тошларга солинган 200 дан ортиқ расм аниқланди. Лекин улардан фақат ўттизтасигина яхши сақланиб қолган бўлиб, ибтидоий жамият кишилари овчилик билан шуғулланганларидан далолат беради.

Зараутсой тошларидаги расмларнинг нусхаси олинган бўлиб, улар вилоят ўлкашунослик музейи фондида сақланмоқда. Зараутсойдаги расмлар тош даврига, яъни палеолит, мезолит, неолит даврларига мансубдир. Баъзи расмлар мезолит даврининг охирларида яратилган бўлса, баъзилари милодимиздан олдинги III – II асрларда каашф этилган, айримлари милодимизнинг бошланишига яқин бунёд этилган бўлса ажаб эмас. Минг йиллар ўтиши билан расмлар ўз ранги ва сайқалини йўқотган бўлса-да, узоқ ўтмишдан сақланиб қолган ёдгорлик сифатида қимматлидир.

**Сариосиё** – бундай деб аталишига сабаб, кишиларнинг айтишларига қараганда, бир вақтлар шу ерда бир киши тегирмон қурган ва унинг атрофига келиб, уй-жой қуриб, ўрнаша бошлаганлар. Аста-секин бу ер қишлоқча айланган, аҳолисининг кўпчилиги тожиклардан иборат бўлганлиги сабабли улар ўз қишлоқларини «Тегирмон боши», яъни тожикча «Сариосиё» деб атаганлар. Сариосиё кейинги даврда ўсиб ривожланди. Қишлоқ шахарга – район марказига айланиб қолди. Ҳозир ҳам Сариосиё район марказидир.

**Қарсаган** – Шўрчи районидаги қишлоқ номи. Аслида Қарсакган ёки Қарсаккон бўлиши керак. Маҳаллий халқ тулкининг бир турини қарсак деб атаган. Қадимги туркий тилда Маҳмуд Кошғарийнинг «Девону луғатит турк» асарида ҳам қарсак тулкилар жинсидан бўлган бир ҳайвон, унинг оқ ўсиқ терисидан пўстин қилинади, деб айтилган. Агар бу сўзни «қарсаган» тарзида оладиган бўлсак, «қарсак» тулкининг бир тури, «ган» тожикча кўплик аффиксидир.

**Юрчи** – Денов районидаги қишлоқ. Аслида «юртчи»

бўлиши керак. «Юртчи» сўзининг ўзини эса қуидагида изоҳлаш мумкин: а) кўчиб қўнадиган жой; б) кўчманчилар яшайдиган жой; в) ялов. Бу қадимги туркий сўз бўлиб, чорвадорлар ва кўчманчилар яшайдиган жойга нисбатан ишлатилиб келинган. Фикримизча, юрчи «юртжо», яъни юртжой ўрин демакдир. «Юртжой», «юртчи» шаклида қўлланиб келинмоқда. Юрчи сўзининг келиб чиқиш тарихини Б. А. Аҳмедов ўзининг «История Балха» китобида илмий равища исботлаб берган.

**Болдир** – Сурхондарё вилоятидаги қишлоқ номи. Этимологик жиҳатдан бу сўз қадимги туркий сўз бўлиб, асл маъноси тоғ бурнига ўхшаган кўтарилиб чиқсан нарса, демакдир. Маҳмуд Кошғарийнинг «Девону луғатит турк» асарида болдир – тоғ бурни тарзида учрайди. Шунингдек, девонда «болдир» бошқа компонентлар билан қўшилиб, болдири ўғил, қиз (ўгай ўғил, ўгай қиз) маъносида ҳам қўлланилган.

**Деҳболо** – Бойсун районидаги қишлоқ. Ерли халқ «дийбола», «диболо» тарзида талаффуз қиласди. Бу сўз тожикча деҳ (қишлоқ), боло (баланд юқори) компонентларидан ташкил топган, деҳболо – «юқори қишлоқ» демакдир. Деҳболо номи билан аталадиган қишлоқлар республикамизнинг Самарқанд, Қашқадарё вилоятларида ҳам учрайди.

**Пулхокин** – Бойсун районидаги қишлоқ. Қишлоқнинг шимолий қисмида ер ости сизот сувларининг қўшилиши натижасида катта ариқ пайдо бўлган ва табиий ҳолда ер қатлами тагидан оқиб ўтиб қўприк шаклига келиб қолган. Пулхокин форс-тожикча пул (қўприк), хок (тупроқ) компонентларидан ташкил топган, «кин» эса тожикча сифат ясовчи қўшимчадир. Шунга кўра Пулхокин – тупроқли қўприк, деган маънони билдиради. Қишлоққа ҳам «тупроқ қўприк» номи берилган.

**Эгарчи** – Бойсун районидаги қишлоқ. Маҳаллий халқ «ийарчи» деб атайди. Айтишларича, бу қишлоқ жойлашган ер отнинг эгарига ўхшаган бўлганлиги учун «ийарчи» деб аталган. Фикримизча, бу қишлоқда қачонлардир эгар ясовчи косиблар бўлган ва шунинг учун «эгарчилар» яшайдиган жой деб номланган бўлса керак.

**8 март қишлоғининг тарихи.** Бу қишлоқ Сариосиё районида жойлашган. Октябрь тўнтаришидан один у қишлоқ ўрнини тўқай ва майда кўллар қоплаб ётар эди.

У ерда ҳар хил ваҳшний ҳайвонлар кўп бўлган. Кейинчалик бу ерлар аста-секин ўзлаштирилиб, янги ерлар очилди, янги уйлар қурилди ва одамлар яшай бошлади-лар. Қишлоқда аввал жуда кўп кўл бўлганлиги сабабли «Кўл қишлоғи» деб ҳам аталиб келган. 2-жаҳон уруши йилларида қишлоқ хўжалик ишларини бошқариш хотин-қизлар зиммасига тушганлиги, ҳамма ишларни хотин-қизлар бажарганлиги учун «Кўл» қишлоғига 1946 йили Халқаро хотин-қизлар куни байрами «8 март қишлоғи» деб ном берилган.

**Шўрчи** — Сурхондарё вилоятининг районларидан бири, у 1935 йилда ташкил топган. Шўрчи деб номланишига асосий сабаб район ҳудудидаги ерлар ҳеч нарса экиб бўлмайдиган даражада шўр бўлган. Шунинг учун ҳам Шўрчи номини олган. Ҳозирга қадар экин экишдан аввал шўри ювилиб, сўнг экин экиласди.

**Бойсун** — Сурхондарё вилоятининг районларидан бири. Унинг номи ҳақида ҳар хил фикрлар мавжуд. Айрим тадқиқотчиларнинг фикрига қараганда, Бойсун топоними киши номи билан, яъни тарихий шахс бўлган Амир Темурнинг невараси Бойсунқур номи билан алоқадор деб ҳисоблайдилар. Бойсунқур — Шоҳруҳнинг учинчи ўғли. Онаси Гавҳаршодбегим. Астробод ва Журжон вилоятларининг ҳокими бўлган. Бойсунқур сўзининг қур аффикси тушиб қолиб Бойсун бўлиб қолган, деган фикрлар ҳам мавжуд.

Бу район ҳудудида топонимикаси қизиқ бўлган қишлоқлар кўп учрайди. Масалан:

**Ажрим** — бу қишлоқ номининг маъноси ажратилган бўлиб, берилган деган маънони англатувчи ўзбекча номдир. Қишлоқ географик жойлашишига кўра марказдан жуда чеккада, аҳоли сони кам. Тўнтаришдан олдин бой-имомлар ерларни дехёнларга чорикор сифатида бўлиб-бўлиб, ажратиб, чегараларини ажрим қилиб берган. Ердан олинган ҳосилнинг тўртдан бирини ўша бойларга беришган. Чорикорлар ўз ерларини аниқ ажратиб олганлар, шунинг учун бу қишлоқ номи Ажрим бўлиб қолган дейишади.

**Даштиғоз** — бу қишлоқ номининг маъноси икки таркибий қисмдан: «дашт» ва «ғоз» сўзидан иборат. Бу ердан сой ўтган, сой ер сатҳидан жуда чуқур бўлиб, ўз соҳилларига сув бермаган. Сувдан дашт томонлардан учиб келган ўрдак ва ғозларгина нафланганлар, холос. Шунинг учун бу жойни даштдан келган ғозлар яшайди-

ган жой, деб атаганлар. Маҳаллий ҳалқ (тожиклар) бу сўзларни бирга қўшиб Дашибоз деб юритганлар. Ҳозир ҳам шу ном билан аталади.

**ДУГОБА** – (дуоба) – тоғ қишлоғи бўлиб, икки сой қўшилиши жойида жойлашганлиги учун шу ном берилган. Ҳақиқатан ҳам қишлоқ Қайроқ ва Хўжанпок дарёси қўшилган жойда жойлашган. Тожикча Дугоба бўлиб ўзлаштирилган.

**Жарқишлоқ** – ўзбекча ном бўлиб, жар бўйидаги қишлоқ маъносини билдиради ва ҳозир ҳам шу номда аталади.

**Жўжа булоқ** – тоғ олди яйлови. Серўт, серсув ерда жойлашган. Бу ерга берилган ном ўзбекча бўлиб, маъноси жой шароитига қараб берилгандир. Чунки бу ер овлоқ жой бўлиб, ёзда қушлар бемалол бола очишган. Ёз мобайнида жўжаларнинг чий-чийи тинмаган, жўжа – кичик маъносида қўлланилган. Бу кичик булоқ деган маънони ҳам билдиради.

**Заранг булоқ**. Афсоналарга кўра, бу ерда чорвардорларнинг ҳомийси ҳалок бўлган эмис. Унинг қабри булоқ бошида бўлиб, булоқ устидан заранг дараҳти ўсиб чиқсан. Заранг тагида булоқ бўлгани учун бу жойни Заранг булоқ дейишган. Ҳақиқатан ҳам булоқ атрофида одам қучоғига сиғмайдиган заранг дараҳти ҳозир ҳам қад кўтариб турибди.

**Омонхона**. Афсонада айтилишича ҳазрати Али Бойсун тоғларини томоша қилиб юриб, шу қишлоқда дам олган ва ётишда доимо: «омон бўл», «душман тегмасин», деб ётар эркан. Қишлоқ чуқур дарада жойлашганки, ҳозирда ҳам бу ерни топиш анча қийин. Қишлоқ жанжалтўполонлардан холи бўлгани учун ҳам шундай аталган бўлиши мумкин. Қишлоқнинг шимол тарафида шифобахш сув чиқадиган жой ва табиий музхона бор. Бу шифобахшлик хусусиятидан дин арбоблари усталик билан фойдаланганлар ва ўша ерни бойлик тўплаш манбаига айлантирганлар. Юқоридаги афсоналар ҳақиқатга жуда яқин. Қишлоқ ҳамма томондан тог билан ўралгаи, хотиржам яшаш мумкин бўлгани учун ҳам унга Тинхона, Омонхона деб ном берган бўлишлари мумкин.

**Сариқамиш** – қишлоқ икки хил номланишига сабаб эскидан ҳунармандчилик ривожланиб, бўйра тўқувчилар (бўйра эса қуриган қамишдан тўқилган) маркази бўлганлигидир. Қишлоқнинг шимолидаги чангизорларда ўсадиган қамишзорга нисбатан – қамиш, чангизор

**Қуригач** бу ердаги қамиплар узоқ вақт сарғайиб ётишига нисбатан сариқ, яъни Сариқамиш бўлиб қолган.

**Қизил тўлқин** – 40-йилларда қурилган қишлоқ. Дастрраб бу ер «Қизил тўлқин» колхози ҳудуди бўлган ва аҳоли қелиб жойлашган. Коллективлаштириш тўлқини оммавий тус олганлиги учун шундай ном олган.

**Қайроқ** тоглиқ қишлоқ. Тоғнинг этагида жойлашганлиги учун бу ерда табиий шароит натижасида тошлар силлиқлашиб, меҳнат қуролларининг тифини ўткирлаш учун ишлатилган. Шунинг учун бу ердан қайроқ тошлар кўплаб олиб кетилган. Балким қайроқ тош кўп учраганлиги учун шу номни олган бўлиши мумкин. Натижада қишлоқ шу номни олган.

**Қўрғонча** – узоқ тоглиқ қишлоқ бўлиб, кичик қўрғон деган маънони беради. Айтишларича, бу атрофда иккита қўрғон бўлган. Биттаси мустаҳкам катта қўрғон бўлган, иккincinnиси кичкина. Бир куни табиий оғат натижасида қаттиқ сел келиб, катта қўрғонни олиб кетган. Кичик қўрғон эса четроқда бўлгани учун омон қолган.

**Қиличбоғ** – бу жой шу ернинг қўринишига қараб берилган. Агарда бирон баландлик жойдан қишлоққа назар солинса, уй ва боғлар чўзилиб қиличга ўхшаб кетади.

**Қўшбулоқ** – икки булоқ сувининг қўшилишига қараб номланган. Заранг булоқ билан Қўкбулоқ ўртасида жойлашган. Булоқ ўртаси серўт, ажойиб яйлов. Бу ер яшаш учун қулай бўлганлиги сабабли қадимдан аҳоли истиқомат қилган. Демак, қўшбулоқ номи билан Янгиобод қишлоғи вужудга келган. Ҳозир ҳам шу ном билан аталади.

**Морбулоқ** – ажойиб, манзарали яйлов марказидаги булоқ номи. Айтишларича, шу булоқдан кечанинг маълум пайтида катта бир илон ғиқиб турар экан. Тасодифан уни бир киши кўриб қолиб, юраги ёрилиб ўлганмиш. Шундан сўнг, бу булоқ морбулоқ, яъни илонбулоқ деб атала бошлаган. Шу ном ҳозир ҳам сақланиб қолган.

**Ўртабўз** – марказидаги қўриқ деган маънони билдиради. Чунки қишлоқ атрофи катта сувсиз текисликдан иборат. Ўша қишлоқ жойлашган ҳудудгина ўзлаштирилган бўлиб, ўртабўз, яъни марказий бўз ер деб аталган. Кейинчалик бошқа ерлар ҳам ўзлаштирилган, аммо қишлоқнинг номи Ўртабўз бўлиб қолган.

**Селга** – Сурхондарё вилоятидаги Боботог этагидаги дара ва қишлоқ номи. Қўклам пайтида сел келадиган сойлик ва шунингдек дара оғзида сел келган лойқа –

чиринди қумлардан ҳосил бўлган унумдор ерлар «селга» ёки «селча» ерлар дейилади.

**Гиламбоп** – Сурхондарё вилояти Ангор районидаги қишлоқ номи. Тожикча гиламбоп – гилам тўқувчи демакдир. Гиламбопли деган уруғ ҳам бўлган.

**Гулиоб** – Сурхондарё вилояти Сариосиё районидаги қишлоқ номи. Гулиоб, гулоб – атиргул суви. Илгари атиргул баргини қайнатиб, буғлатиб тайёрланган хушбўй сув гулоб дейилган. Кўчма маънодаги топоним, аммо ҳозир қишлоқда «гулоб» тайёрланмаса ҳам атиргул кўп ўсади.

#### 4. Самарқанд вилояти топонимикаси ва уни ўрганиш

Ўзбекистон тарихи курсидаги «Темур давлатининг ташкил топиши» деб номланган мавзуни ўтиш жараёнида Самарқанд вилояти колхоз, совхоз, қишлоқ районлари топонимикасини ўрганиш ва ундан дарсда фойдаланишга бағишлиланган намунавий дарс режаси.

Дарсни ташкил қилиш: а) синфнинг дарсга ҳозирлигини кузатиш; б) ўқувчилар диққатини дарсга жалб қилиш.

**Ўтилган мавзу:** «XVI асрда маданиятнинг ривожланиши» мавзуси юзасидан ўқитувчи ўқувчилардан сўрайди. Ўтилган мавзуга қисқача якун ясаб, янги мавзуни бошлиайди.

**Янги мавзу:** «Темур давлатининг ташкил топиши».

**Дарснинг мақсади:** Ўқувчиларга XIII асрнинг охири – XIV асрнинг биринчи ярмида Ўрта Осиёдаги аҳвол, Самарқандда сарбадорлар ҳаракати. Темурнинг ҳокимиётни олиши ва унинг фотиҳлик юришлари ҳақида ҳамда Темур давлатининг ички ҳаёти, «Суюрголлар» тизими ва Темур даврида феодал эксплуатациянинг кучайиши тўғрисида маълумот беришдан иборат.

**Янги мавзу режаси:**

- XIII асрнинг охири – XIV асрнинг биринчи ярмида Ўрта Осиёдаги аҳвол;
- Самарқандда сарбадорлар қўзғолони;
- Темурнинг ҳокимиётни қўлга олиши;
- Темурнинг фотиҳлик юришлари;
- Темур давлатидаги ички ҳаёти;
- Темур босиб олган шаҳарлар, қурдирган биноларининг номлари.

## Янги мавзунинг конспекти

I. XIII асрнинг охри – XIV асрнинг биринчи ярмида Ўрта Осиёдаги аҳвол. Ўзбекистон ҳудудига келиб қолган мӯғуллар аста-секин ўтроқ ҳаётга кўчиб, ислом динини қабул қила бошлайдилар. Бу эса, ўз навбатида, мӯғулларни борган сари маҳаллий, айниқса туркий халқларниң маданиятини, урф-одатларини, тилини қабул қилишга ва буларга сингиб кетишга олиб келади. Шу жараён маҳаллий, ўтроқ халқ ҳаётига ҳам таъсир кўрсатади. Мӯғул ҳарбий оқсуякларининг унумдор ерларга кўчиб келиши маҳаллий аҳолининг хўжалигига зарба берди. Айрим хўжаликлар ўз жойидан сиқиб чиқарилади. Ҳукмрон доиралар ҳаётидаги рўй берган бу ўзгаришлар уларниң давлат ҳокимииятини ҳам қўлга олишларига имкон беради.

Мовароуннаҳрдай маданий ўлка билан мустаҳкам алоқа ўрнатишга интилган мӯғул хони Кепакхон (1309–1326) ўтроқ ҳаётга кўчиб, ҳокимиятни бевосита ўз қўлига олади. У Қашқадарё воҳасидаги қадимги Насаф шаҳри ёнида ўзига сарой қурдиради ва шу жойдан туриб мамлакатни идора қиласи. Кейинчалик бу сарой ёнида шаҳар бунёд этилади ва «Қарши» деб аталади.

Мамлакат мӯғул хонларининг вассаллари бўлмиш маҳаллий феодаллар ҳукмронлиги остида эди. Чунончи, Шош, Ўтрор, Тароз каби шаҳарларда маликлар, Бухорода илгаридек садрлар ҳукмронлик қиласидилар. Мамлакатда сиёсий ва ғиқтисодий бирлик, умумий пул тизими ҳали йўқ эди. Мовароуннаҳрниң вилоят ва шаҳарлари ҳокимлари солиқ ва ўлпонларни йиғиб хонга беришда кўпроқ ўз манфаатларини кўзлардилар. Солиқ ундиришнинг откуп тизими меҳнаткаш халқнинггина эмас, балки ўрта табақаларниң ҳам тинкасини қуритганди. Шаҳар ва қишлоқларниң аҳолиси мӯғуллар ўрнатган тартиблардан, шу жумладан, лаънати откуп тизимидан жуда норози бўлган эди.

Кепакхон (1318–1326) давлатни идора этиш тизими ни қайта қуришга қарор берди ва маъмурий ҳамда пул ислоҳоти ўтказди. Давлат туманларга (округларга) бўлинди. Энди маҳаллий ҳукмронлар – маликлар ва садрларниң ўринларини турк-мӯғул қабила ва уруғ бошлиқлари эгаллади. Бутун мамлакатда ягона пул тизими жорий қилинди. Қўшни давлатлар билан савдо муносабатларини яхшилаш учун, Эронда бўлганидек, Мовароуннаҳрда ҳам кумуш динор ва дирҳам зарб

қилинди. Натижада пул муомаласидаги чалкашликлар, амалдор ва савдогарларнинг ғайри қонуний хатти-ҳаракатлари чеклаб қўйилди.

Кепакхон ислоҳоти мамлакатнинг ижтимоий-сиёсий ҳаётида ижобий роль ўйнади. Бироқ ҳарбий-кўчманчи оқсуякларнинг қолоқ қисми бу ислоҳотни қабул қилмайди. Феодал ҳокимлар ҳамда солиқ йигувчилар ўз даромадларининг бирор кимса томонидан чекланишини истамас эдилар.

Чиғатой улуси XIV асрнинг 40-йилларида иккига: Шарқий Туркистон, Еттисув ва Ила воҳасини ўз ичига олган Мўғулистанга ҳамда Мовароуннаҳрга бўлинниб кетди. Мовароуннаҳрни турк ва турклашаётган мўғул амирлари идора қила бошлайди.

Мовароуннаҳрда феодал тарқоқлик ҳукм сурарди. XIV асрнинг 50-йилларида мамлакатда бир неча хонлик ва бекликлар бўлиб, улар ўртасида низолар ва урушлар бўлиб туради. Давлат ишлари бутунлай издан чиқди. Низолардан айниқса дехқонлар катта зарар кўрдилар. Умуман, Мовароуннаҳрнинг аҳволи йил сайин ёмонлаша борди. Бунинг устига, Шарқий Туркистон ва Еттисувдан (яъни Мўғулистандан) мўғул хонлари бир неча марта Мовароуннаҳр устига юриш қилиб, уни талаб қайтдилар. Мўғулистан амирларининг талончилик юришларига қарши кураш бошланиб кетди. Халқ қўзғолонлари бошланди.

*II. Самарқандда сарбадорлар қўзғолони.* Сарбадорлар ҳаракати даставвал 1337 йили Хуросонда бошланади. Сарбадорлар «ўз мақсадларимизга эришиш учун дорга осилишга ҳам тайёрмиз», деган шиор остида мўғул босқинчилари ва маҳаллий ҳукмдорлар зулмига қарши кўтарилидилар. Улар Хуросоннинг ғарбий қисмида мўғуллар ҳукмронлигига барҳам бердилар. Сарбадорлар Хуросоннинг бир қисмини ишғол қилиб, мустақил давлат тузишга муваффақ бўлдилар. Бу давлат (маркази Сабзвор шаҳри) қарийб 45 йил (1337 йилдан 1381 йилгacha) ҳукм сурди. Сарбадорлар асосан дехқонлар, ҳунармандлар, қуллардан иборат бўлган. Бу ҳаракатга аҳолининг бошқа норози гуруҳлари жумладан, шайхлар ҳам қўшилди. Сарбадорлар давлати демократик асосда тузилган эди. Қуллар тўла озод қилинмаган бўлса ҳам, улар бошқалар билан бир қаторда саналар эди.

Шу тариқа сарбадорлар ҳаракати Мовароуннаҳрда ҳам бошланди. Бу ҳаракат XIV асрнинг 60-йилларида

мўғул хонларининг Мовароуннаҳрга ҳужуми сабабли бошланди.

1365 йилда Мўғулистон хони Илёсхўжа Мовароуннаҳрга ҳужум қилиб, ҳозирги Чиноз атрофида Мовароуннаҳр амири Ҳусайн ва у билан биргалиқда сиёсий курашда фаол қатнашиб юрган Амир Темур устидан ғалаба қозонади. Бу уруш тарихда «жангги лой» номи билан машҳур. Ҳусайн билан Темур мамлакатни ўз ҳолига ташлаб, Амударёning нариги тарафига қочиб кетадилар. Илёсхўжа Мовароуннаҳрнинг ичкарисига бостириб киради. Аскарсиз қолган Самарқанд аҳолиси йиғилиб, биринчи навбатда шаҳарни мўғуллар ҳужумидан ҳимоя қиласди. Ҳаракатнинг бу босқичида шаҳар аҳолисининг турли табақалари, шаҳар атрофидаги дәхқонлар фаол қатнашадилар. Ҳунармандлар орасидан чиққан Абубакр Қалавий (пахта титувчи) Самарқанд мадрасасининг талабаси Мавлонозода сарбадорлар қўзғолонига раҳбарлик қиласди.

Шаҳар мудофаачилари мўғуллар ҳужумини қайтаратдилар. Шиддатли жангла Илёсхўжанинг аскарлари жiddий мағлубиятга учраб, қолган-қутганлари қочиб қутулади. Натижада Мовароуннаҳр мўғуллар зулмидан озод қилинади. Шундан сўнг Самарқанд мудофаачиларининг жанговар қисми — сарбадорлар ички душманлардан ўч ола бошлайдилар. Улар катта ер ва мулк әгаларига қарши курашадилар. Феодалларнинг мол-мулки ва уйжойлари мусодара этилади. Сарбадорлар бутун қиш давомида Самарқандни ўzlари идора қилиб турадилар.

Баҳорга келиб амир Ҳусайн билан Темур катта қўшин билан Самарқанд атрофида пайдо бўладилар. Улар қўзғолоннинг ҳақиқий раҳбарларини ва фаол қатнашчиларини ҳийла билан ўз қароргоҳларига алдаб келтириб, уларнинг кўпчилигини ўлдирадилар ва шаҳарни қўлга оладилар. Руҳонийлар намояндаси Мавлонзода Амир Темурнинг васийлиги билан омон қолади. Қўзғолон бостирилади.

*III. Темурнинг сиёсий ҳокимиётни қўлга олиши ва унинг фотиҳлик юришлари.* Темур 1336 йили Кеш (Шаҳрисабз) яқинидаги Хўжа илғор қишлоғида туғилди. Унинг отаси амир Тарагай ва амакиси Ҳожи барлос катта феодаллардан бўлиб, барлос қабиласининг бошлиқларидан эди. Ёшлигидан ҳарбий ишга қизиққан Темур тезда жанговар гуруҳлар ташкил қиласди. У 1350—1360 йилларда кучайиб кетган феодал урушларда баъзи амирлар

томонида туриб қатнашади. 60-йиллардан кейин Мовароуннахр амири Ҳусайн билан бирга мӯғуллар ҳужумига қарши курашиб ва сарбадорларга зарба бериб, Ҳусайннинг ҳукмронлигини тиклайди.

Лекин кўп ўтмай Темур билан Ҳусайннинг оралари бузилади. Мамлакатда юз берган оғир сиёсий ва иқтисодий вазиятдан, феодал тарқоқликнинг кучайиши, ички феодал урушларнинг узлуксиз давом этиши ва ташқи душман ҳужумларининг авж олишидан, дехқончилик, ҳунармандчilik ва савдо-сотиқ ишларининг оғирлашганидан савдогарлар, ҳунармандлар ва дехқонлар гоятда норози эдилар.

Аҳолининг турли табақалари орасида мавжуд бўлган оғир аҳволдан қутулиш учун мамлакатни бирлаштириш ва марказлашган давлат ташкил этиш ҳаракати кучаяди. Лекин қабила ва уруг бошлиқларининг кўпчилиги бу ҳаракатга қарши чиқадилар. Чунки улар феодал анархия ва сператизм тарафдорлари эдилар.

Темур эса қабила ва уруг аслзодаларидан ташқари, руҳонийлар ва савдогарларга таяниб, 1370 йилда Балх шаҳрида амир Ҳусайн билан урушиб, уни енгади. Ҳусайн ўлдирилади. Темур улуғ амир унвонини олади ва Мовароуннахрни идора қила бошлайди.

Темур ўзига хос ташкилотчилик қобилиятига ва ҳарбий истеъоддага эга нозик сиёсатчи ва зўр давлат арбоби эди.

Темур Ўрта Осиёда ўзаро феодал тарқоқликка барҳам берди, ўлкани бирлаштириб, Самарқандни пойттахт қилди. У 1372—1388 йилларда Хоразмга беш марта ҳарбий юриш қилиб, уни Олтин Ўрда давлатидан ажратиб олиб, ўзига бўйсундирди. Катта хавф солиб турган Олтин Ўрда устига бир неча марта юриш қилиб, 1395 йилда Тўхтамишоннинг қўшинини тор-мор келтирди. Бунинг оқибатида Олтин Ўрда хонлиги заифлашди. Темур Волга бўйларини ҳам итоатга келтирди, Кавказга ҳужум қилиб, у ерни ҳам ўз ҳукмронлигига ўtkазди. Темур Эрон билан Ироқ устига беш марта лашкар тортиб ҳорди, ниҳоят 1401 йилда уни бўйсундирди.

Темур 1398—1399 йилларда Ҳиндистоннинг шимолий қисмини забт этди. 1402 йили Анқара ёнида Туркия султони Боязид I устидан ғалаба қозонди. Темур катта қўшин билан Хитой сафарига чиқсан вақтида, 1405 йили ўтрор шаҳрида вафот этди.

Шундай қилиб, Темир 1370 йилдан 1405 йилгача

бўлган 35 йиллик ҳукмронлиги даврида бирмунча мамлакатларни ўз тарафига ўtkазди ва Ҳиндистон ҳамда Хитойдан то Қора дengизга қадар ва Форс қўлтигидан то Орол дengизига қадар чўзилган foят катта ҳудудни ўз ичига олган улкан давлатни вужудга келтирди. У срларда кўплаб масжид ва мадрасалар қурди. Шаҳарларни обод қилиди, илм-маърифатга ҳомийлик қилиди.

*IV. Темур давлатидаги ички ҳаёт.* Узоқ давом этган фотиҳлик юришлари натижасида Темур катта бир қудратли давлатни вужудга келтирди. Темур ўз давлатидаги (Мовароуннаҳрдан бошқа) кўпгина вилоят ва мамлакатларни ўғил ва набираларига хизмат кўрсатган айrim амирларига суюргол тарзида инъом қилиди. Суюргол эгалари ўзига инъом этилган вилоятлар ва мамлакатларда деярли мустақил ҳукмрон эдилар. Барча солиқ ва даромаднинг катта қисми уларнинг хазинасига келиб тушар эди.

Шундай қилиб, Темур давлати феодал улуслар бирлашмасидан иборат бўлиб, унда чинакам марказлашиш учун етарли иқтисодий замин ҳали йўқ эди. Лекин ички урушларга барҳам берилиши натижасида мамлакатнинг хўжалик ва маданий ҳаёти маълум даражада яхшиланга борди.

Мамлакатда ички урушларнинг тўхтатилиши, бўйсундирилган ўлкалардан кўплаб бойлик ва турли ҳунарманделар олиб келиниши туфайли Мовароуннаҳрда деҳқончилик, ҳунармандчилик, савдо ва маданият, айникса шаҳар қурилиши ривожлана бошлади.

Темур мамлакат пойтахти Самарқандга алоҳида аҳамият берди. Бу шаҳарда масжид, мадраса, хонақоҳ, янги бозорлар ва савдо расталари барпо қилиди. У Самарқанд атрофида бир қанча гўзал bogлар барпо қилди. Уша вақтда Темур саройида бўлган испан элчиси Клавихонинг ёзишича, «Самарқанд ҳамма нарсага бой: нони, мусалласи, ширин-шакар мевалари, паррандаударрандалари, барра ва сур гўштлари таҳсинга сазовор». Унинг шойи-атласлари, «гулнор баҳмаллари» ва бошқа ҳар хил тўқимачилик матолари ҳам foят кўп эди. Самарқандда турли асл бўёқлар ишлаб чиқарилди. Унинг қоғози жаҳон бозорида машҳур эди. Рим, Хитой, Ҳиндистон ва бошқа катта давлатлар билан бўлган ташки савдода Самарқанд катта ўрин тутарди.

Мовароуннаҳрда иқтисодий ҳаётнинг ривожланиши



Самарқанд. Шердор мадрасасининг ёнбоши

били билан бирга ҳарбий-феодал доиралар, руҳонийлар ва савдогарлар бойиди. Аммо меҳнаткашларнинг аҳволи енгиллашмади. Дехқон ва ҳунармандларнинг феодалларга қарамалиги кучая борди.

**Янги мавзуни жиҳозлаш.** Испан элчиси Рюи Гонзалес де Клавихонинг маълум эсдаликларидан, Низомиддин Шомий, Абдураззоқ Самарқандийларнинг асарларидан ва XIV – XVI асрларда Ўрта Осиё харитасидан фойдаланилади.

**Дарс ўтказиш услуги:** а) дарс оғзаки баён қилиш тарзида ўтказилади;


б) аралаш дарс тарзида олиб борилади;  
в) ўқитувчи мавзуни замонга боғлашда ўтмишнинг азоб-уқубатларига қарши озодлик учун курашган халқ оммасининг ўша даврдаги аҳволини ҳозирги қундаги фаровон ҳаёт билан, улар қўл кучи билан ажойиб қилиб қурган меъморчилик ёдгорликларини ҳозирги замон осмонўпар бинолар билан солиштириб боради.

**Янги мавзуни мустаҳкамлаш учун саволлар:** а) нима сабабдан сарбадорлар қўзғолон кўтардилар? б) Темур давлати қачон ва қандай ташкил топди? в) Темур давлатининг ички ҳасти қандай әди? г) Самарқанд шаҳар топонимикасини биласизми? каби саволлар ўқувчилар олдига ташланади.

**Үйга вазифа:** ўқувчиларга «Темур давлатининг ташкил топиши» деган мавзудаги топонимларни тониб келиш, яъни Самарқанд, Каттақўргон, Навоий, Хатирчи, Пойарик, Пастдарғом, Ургут ва бошқа номларнинг келиб чиқишини ўрганиб келиш топширилади.

Ўқитувчи янги мавзуни баён қилишда суҳбатни Самарқанд сўзининг этимологиясидан бошлайди.

**Самарқанд** – Ўрта Осиёдаги энг қадимий шаҳарлардан бири. Бу шаҳарларнинг Афросиёб, Мароканда, Самариана, Сараманка, Сакканা, Санман-ген, Самакиян, Сумрон, Шамаркент, Самаран, Симроят каби вариантла-



Самарқанд. Шердор мадрасаси.

ри бор. Шаҳарнинг этимологияси тўғрисида бир қанча фикрлар баён этилган. Лекин Самарқанд «Семизкент», яъни семиз шаҳар, бой шаҳар деган маънони билдиради, деган фикр Абу Райҳон Беруний, Маҳмуд Кошғарий, Бобур асарларида гина эмас, балки тарихчи Мирхонднинг «Равзат ус-сафо»сида, XV асрда Темур саройига келган испан элчиси Р. Гонзалес де Клавихонинг кундалик дафтарида ҳам қайд қилинган.

Самарқанднинг бунёдга келган вақти ва «Самарқанд» деган сўзнинг келиб чиқиши ҳали аниқланган эмас. Шарқ муаллифлари «Самарқанд» сўзининг биринчи қисми, яъни «Самар» сўзи шу шаҳарга асос солган ёки шаҳарни босиб олган кишининг исми билан боғлиқ бир қатор сунъий таърифларни тақлиф этдилар. Бироқ баъзи олимлар тарихда бундай киши бўлган эмас, деб ҳисоблайдилар. Сўзнинг иккинчи қисми «кент» шаҳар номи маъносини беради. Бу сўзнинг кант, кан, ган, гон, қанд каби шакллари ҳам бўлиб, бу сўзлар ҳам шаҳар деган маънони англатади. Баъзи Европа олимлари бу ном қадимдан қолган Санскритга яқин, яъни йиғилиш сўзидан келиб чиқкан деб изоҳлайдилар. Антик давр муаллифларининг асарларида шаҳар «Мароканда» деб аталган. Бу ҳақиқатга анча яқин бўлиб, Мароканда Самарқанд сўзининг юонча айтилишидир. XI аср



Самарқанд. Улуғбек расад-хонаси

олимларидан Абу Райҳон Беруний ва Маҳмуд Кошгариш шаҳар номининг келиб чиқишини «Семизкент», яъни семиз шаҳар сўзининг бузиб талафғуз қилинишидан, деб тушунтирадилар.

Республикамизнинг вилоят маркази бўлмиш ушбу Самарқанддан ташқари яна бир неча Самарқандлар маълум: қадимги Мўғулистанда XIII асрда ёки Самарқанд шаҳри бўлган; Бобурнинг тогаси Улуғбек Афғонистондаги бир қишлоқни Самарқанд деб атаган; Ўрта асрларда Мовароуннаҳрнинг жануби-шарқий бурчаги-

да Кичик Самарқанд номли катта қишлоқ бўлган; Қозоғистонда Темиртов шаҳри 40-йилларгача Самарқанд деб аталган; худди шу ерда, Нура дарёси бўйида Самарқанд сув омбори қурилган; Фарғона вилоятининг Боғоддод районида Самарқанд қишлоғи; Сурхондарё вилоятининг Сариосиё районида Боғи Самарқанд қишлоғи; Фарғона вилоятидаги Фурқат номли аҳоли яшайдиган ҳудуд ёнида Самарқанд Макай қишлоғи; Самарқанд вилоятида Самарқанд ариғи; Самарқандкутон деган жой; Туркистон тоғ тизмасида Самарқанд чўққиси бор. Бундан ташқари, Тошкент, Бухоро, Насаф каби шаҳарларда Самарқанд дарвозалари бўлган.

Хулоса қилиб айтганда, Самарқанд мамлакатимизнинг энг кекса шаҳарлари қаторидан жой олган ва ҳар хил номлар билан аталиб келинган. 1968 йилда 2500 йиллиги нишонланган. Самарқанд шаҳрининг топонимикаси ҳалига қадар илмий жиҳатдан тадқиқ қилинмаган.

**Жом қишлоғи** – Самарқанд вилоятининг Нуробод районидаги қишлоқнинг номи. Бу сўз форс тилидан олинган бўлиб, қадаҳ, металлдан ёки соподдан ясалган идиш демакдир. Чунки қишлоқнинг ҳамма томони тоғ билан ўралган бўлиб, худди жомга, яъни косага ўхшайди. Жом дейилишининг боиси ҳам ана шу ўхшашлиқдан келиб чиқсан.

**Каттақўрғон** – Самарқанд вилоятига қарашли шаҳар.



Самарқанд. Шоҳи Зинда

Зарафшон водийсининг текислик қисмида, Нарпай ариғининг чап соҳилида, денгиз сатҳидан 485 метр баландликда жойлашган. Кўпгина археологияга оид қазишма ишлари олиб борилганлиги натижасида Каттақўрғонда кўпгина оссуарий, яъни остадонлар (сопол тобутлар) топилган. Тобутда сұяклар, дағн маросими ning урф-одатларини тасвирловчи расмлар сақланиб қолган. Каттақўрғон яқинида қадимги Рабинжон шаҳри қолдиқлари топилди. Рабинжон шаҳрини XII асрда Хоразм хони талаб, вайрон қилган. Каттақўрғоннинг эски шаҳар қисми XVII асрнинг сўнгида вужудга келган. XVIII асрда катта шаҳарлар қаторида ҳисобланган. Шаҳар қалин пахса девор билан ўраб олинган, унинг

тўртта дарвозаси бўлган. Шаҳар катта бўлганлиги учун ҳам Каттақўргон деб ном олган.

**Нурота** — Самарқанд вилоятига қарашли районлардан бири бўлиб, шу ном билан аталувчи район марказидир. Район тоғ билан ўралган, хуштабиат, гўзал манзарали жойдир. Нурота районининг ташкил топиш тарихи ҳақида баъзи бир афсоналар сақланиб қолган. Шу афсоналарга қараганда, дастлаб унинг ҳудудида ҳеч кимса яшамаган. Тўрт томони тоғ билан ўралган, сувсиз бир саҳро экан. Савдогарларнинг карвон йўли шу ердан ўтар экан. Кунлардан бир куни карвондан бир чол адашиб, қолиб кетибди. Чўлнинг жазирама иссиғига дош беролмай сув излаб кўп йўл босибди. Охири бир баланд қирга етиб келибди. Чол қирнинг тепасига чиқиб атрофни кузатибди. Шунда унинг кўзига қирнинг ёнида кўкариб турган бир тутамгина ўт кўринибди. Чол олдин шундай ёзнинг жазирама кунида кўкариб ўсиб турган ўтни кўриб ҳайрон бўлибди. Қирдан тушиб, ўтга яқинлашиб келган сари у намликни сезибди. Кейин ўт атрофини қўли билан ковлаб кўрган экан, озгина ковлагандан кейин лой чиқибди. Чол чарчашни ҳам билмай ковлайверибди. Шунда ковлаган еридан жимирлаб сув чиқибди. Чол бундан жуда ҳам хурсанд бўлиб кетибди. У ковлаб сув чиқарган жойнинг атрофини тош билан ўраб, шу ерда яшай бошлабди. Бу ердан ўтаётган савдогарлар шу қир атрофида тўхтаб, бир-икки кун дам олиб сув ичиб, кейин кетишадиган бўлибди. Чолнинг оти Нур бўлган экан. Ундан миннатдор бўлган одамлар уни ҳурмат қилишиб Нурота деб мурожаат қилишар экан. Шу-шу сув чиқсан жойга «Нурота булоги» деб ном берилибди. Вақт ўтиши билан бу жойга одамлар келиб яшай бошлабди. Ҳудуд кенгайибди. Бу ерга булоқ номи билан Нурота деб ном берилибди.

**Нарпай** — Самарқанд вилоятига қарашли район. 1926 йили ташкил топган. Маркази Мирбозор бўлган. 1939 йили марказ Оқтош посёлкасига кўчирилган. Район ўртасидан Нарпай ариги оқиб ўтади. Район номи шу ариқ номи билан аталади. Ариқ Каттақўргон сув омборидан бошланиб, Навоий районигача оқиб боради. Бу ариқ даشت жойларни суғориш учун қазилган; чуқурулиги 20 метрча, эни эса 25 метр. Вақф ҳужжатларида таъкидланишича, Нарпай сўзи форс тилидан олинган бўлиб, нор-туя, пой-қадам деган маънони англатади. Яна бир жойда нор — эркак тая, демак, пой — катта қадам,

яъни Катта түя номига қўйилган, дейишади. Яна бир ҳужжатда шундай дейилади: кўчманчи қабилаларнинг нор туси йўқолган, туси шу даштда ўтлаб юрганда топишган. Бу дашт бошқа даштларга қараганда серўт, чорва молларининг яшаси учун қулай бўлганлиги туфайли бу ерларда халқ чорвачилик билан шуғулланган. Кейинчалик эса одамлар бу ерларда ўтроқ ҳолда яшаб ҳаёт кечира бошлаганлар.

Нарпай тарихий ҳужжатларда ва араб географи ибн Ҳавқал асарларида Наҳри пай шаклида тилга олинган. В. Л. Вяткин вақф ҳужжатларини ўрганиб, Суғднинг энг обод қисмини суғориб келган бу ариқнинг номи аслида Наҳри пай эканлигини исбот қилди. Наҳри пай (наҳр – арабча «ариқ-канал») – бора-бора Нарпай (маҳаллий талаффузда Норпой) бўлиб кетган. Сал юқоридаги Зарафшондан бошланадиган Пайариқ ариғи Нарпай номининг туркийча шаклидир.

**Бешқозоқ** – Самарқанд вилояти Нарпай районидаги қишлоқ. Қишлоқнинг келиб чиқиши тарихини район архивидаги манбалардан ҳам билиш мумкин. Қишлоқ 500 йил илгари пайдо бўлган. Бу қишлоқнинг ўрни бундан 500 йил илгари чўл бўлган. Чўлга кўчманчилар ва чорвадор қабилалардан бешта туси қозоқ келиб, ўзининг қора чодирини қуриб, яшай бошлаган. Бу ерлар яшаш учун қулай, сув манбаи қудуқ бўлган. Сув 11 – 12 метр чуқурликдан чиқади. Кейинчалик ҳар ердан одамлар келиб ўрнаша бошлаганлар ва бу жой қишлоққа айланган. Қишлоқнинг номи қадимдан жойлашиб қолган «бешта қозоқ» сўзидан олинган. Ўшандан бери «Бешқозоқ» деб аталади.

**Ургут** – Самарқанд вилоятидаги район номи. Ургут тарихи тош асрлардан бошланади. Ургут топонимикаси этимологиясига олимларимиз кўп йиллардан бўён қизиқиб келадилар. Машҳур рус шарқшунос олими В. Л. Вяткин манғитлар ҳукмронлиги давридан бошлаб тарихий ҳужжатларда учрайдиган Аркут қишлоғи Ургут деб атала бошлаганини айтади. Иккинчи топонимист С. Қораев ўзининг «Географик номлар маъносини биласизми?» асарида бу номнинг маъносини аниқланмаганини қайд этади. Айрим кишилар эса Ургут немис тилида яхши соат, яхши ҳаво деган маънони англатади, дейишади ва ўз фикрларининг исботи сифатида ривоятлар айтишади. Баъзилар Уркентни ур – ўрта, кент – шаҳар, қишлоқ сўзининг бузилишидан келиб чиқсан, дейишади. Биз эса

Вяткиннинг Ургут сўзи манғитийлар даврида пайдо бўлган деган фикрларини, ўша давр тарихчиси Муҳаммад Ёқубнинг «Гулшан ул-мулк» асарида Ургут тўғрисидаги сўзларини, географ олим Н. Г. Маллиқийнинг Фарғона водийсидаги Манғит гори тўғрисидаги маълумотларини ҳисобга олиб, Ургут топоними манғитийлар ҳукмронлиги даврида пайдо бўлган, деган сўзларини эътироф этган ҳолда, у арабча Ургут — офат, фалокат, яъни яланғоч, очиқ, шип-шийдан бўлган жой, деган маънони билдиришини айтмоқчимиз. Лекин Ургут топоними этиологиясини аниқлашга ҳали нуқта қўйилган әмас. Ургут район 1926 йилда ташкил топган. Ургутликлар ҳозиргача ўз тамакиси билан мамлакатимизда машҳур.

**Жумабозор** — Самарқанд вилояти Ургут районидаги қишлоқ номи. Ургутдан 4 километр пастроқда жойлашган. Ривоятларга қараганда, қадим замонларда Жумабозорда одам яшамаган. У ерлар қамишзор бўлган. Кейинчалик Жумабозорга иккита одам келиб қамишдан ўзларига уй ясад олишган. Мол боқиб тирикчилик қилишган, чунки бу ер чорвачилик учун қулай бўлган. Шунинг учун бу ерга аста-секин одамлар ёз вақтларида келиб турадиган бўлишган. Бора-бора одамлар кўпайиб, дэхқончилик билан ҳам шуғулана бошлаганлар. Сув кам бўлганлиги сабабли Ўрамас қишлоғидан ўтадиган каналдан Жумабозорга сув олиб келишган. Энди бу ерда одамлар дэхқончилик қила бошлаганлар. Лекин бу ерда ҳали бозор йўқ әди. Ҳафтанинг ҳар якшанба куни Бофизоғон қишлоғида бозор бўлган. Бу бозорга бориб келиш Ўрамас, Жумабозор, Ўроқбайжар қишлоғида истиқомат қилувчи одамларга узоқлик қилган. Шунинг учун одамлар ҳар жумада бозор қилишга рухсат олишган. Шу билан қишлоқнинг номи ҳам Жумабозор бўлиб кетган. Ҳозир ҳам бу қишлоқнинг номи Жумабозор.

**Султонобод** — Самарқанд вилоятидаги қишлоқ номи. Қишлоқнинг Султонобод деб аталишига сабаб, баъзи бир кекса отахонларимизнинг сўзларига қараганда бу ерда Султон деган киши ўтган. Ўша вақтларда бу ерлар чўли-биёбон бўлиб ётган. Султон бу ерга кўпгина кишиларни тўплаб, сув чиқарган ҳамда серҳовузлар қазишган, иморатлар қуришган. Шу тариқа қишлоқни ободонлаштиришган. Ана шунинг учун бу қишлоқ шу кишининг номи билан Султонобод бўлиб қолган.

Баъзи бир кишиларнинг айтишича, Султонобод Бухоро амирининг саёҳатга ўтадиган йўлида бўлган.

Бухоро амири овга кетаётганда шу ерга тушган. Бу ерда Султон деган кишининг саройи бўлган. Шунда амир бобони чақириб, унга «бу ерни рабод қилинг» деб айтган. Рабод сўзи тожикча сўз бўлиб, обод деган маънони билдиради. Шундан сўнг, шу кишининг номи билан Султон рабод бўлиб кетган. Кўп вақтлар ўтиши билан қишлоқ тобора ободонлаштирилгандан сўнг Султонобод деб атала бошланган.

**Қоракисса** – Самарқанд вилоятидаги қишлоқлардан бири. Қишлоқнинг ўтмишига тўхталадиган бўлсак, унинг тарихи машҳур. Қўрғон қишлоғи тарихи билан боғлиқдир. Шунинг учун ҳам аввало Қўрғон қишлоғи тарихи ўстида тўхталамиз. Қадим даврларда яшаган қабилалар бу ерда Қўрғон барпо қилишиб, ёв босиб келганда унда жон сақлашган. Бора-бора Қўрғонга кишилар кўплаб ўрнаша бошлаганлар. Шундай қилиб, Қўрғон қишлоғи бунёдга келган. Бу қишлоқ Нуротадан кейин иккинчи ўринда турган. Унинг аҳоли яшайдиган йирик манзил бўлганлигини қўйидаги тахминлар билан тасдиқлаш мумкин. Биринчидан, ҳозирги Қўрғон қишлоғидан икки километр гарброқда кичик Рабод деган қишлоқ бўлган. Маълумки, ўрта асрларда шаҳарнинг ташқариси рабод деб айтилган. Балки Қўргоннинг четки қисми ҳозирги Рабод ҳудудигача етган бўлиши мумкин.

Қоракисса қишлоғининг бунёдга келиши шундай бўлганки, тахминан XVI асрнинг охири – XVII асрнинг бошларига келиб Қўрғон қишлоғи атрофидаги аҳоли тарқалиб кета бошлаган. Бунга қургоқчилик сабаб бўлган бўлса керак. Шулардан бир гуруҳи жануброққа Оқтоғ томонга силжиган. Чунки сув тоғдан келган. Сув камайгач, аҳоли сувнинг бошланиши томонга силжиган. Бу тоифадаги кишилар оқ бўз кўйлакка қилинадиган чўнтак оғзини қора мато билан айлантириб, тикиб чиқишган. Ана шу сабаб бўлиб Қоракисса қишлоғи қора кисталиклар (қора чўнтакликлар) номи билан атала бошлаган. Қишлоқ ҳозир ҳам шу ном билан аталади.

**Абдал** – Самарқанд вилояти Каттақўрғон районидаги қишлоқ номи. Абдал – ўзбеклар таркибига кирган этник гуруҳ.

**Адас** – Самарқанд вилояти Ургут районидаги қишлоқ. Кенагас уруғининг бир қисми андас, яна бир қисми калпис дейилган. Андас бора-бора адас бўлиб кетган бўлса керак.

**Ачамайли** – Самарқанд вилояти Булунғур, Ургут

районларидаги қишлоқлар номи. Баъзан Очамайли, Ачамойли шаклларида талаффуз қилинади. Қўнғирот қабиласининг вахтамғали қисми, кенагас, юз дўрман, найман, қурама, марқа қабилаларининг бир уруги ачамайли деб аталган. Ачамайли бошқа «ж» ловчи туркий шеваларда, жумладан, қорақалпоқ тилида, ашамайли шаклида учрайди. Ёш болалар миниши учун ҳўқиз ёки қўтосга уриладиган эгар ачамай дейилган. Ачамайли (очамайли) «эгарли», «тамғаси эгар шаклидаги уруғ» демакдир. Этнограф Н. А. Аристовнинг фикрича, ачамайли этноними ач деган қадимги қабила номи билан алоқадар бўлса керак.

**Аючи** – Самарқанд вилояти Пойариқ районидаги қишлоқ номи. Даشت қипчоқ уруғларидан бири парчаланиб ўзбек ва қирғизларнинг таркибиға кирган. Зарафшон қипчоқларнинг бир уруғи аювчи (аючи) деб аталган. Шундан қишлоқ номи олинган, ҳозир ҳам шу ном билан аталади.

**Бадал** – Самарқанд вилояти Самарқанд районида жойлашган қишлоқ. Бадал «чакалакзор», «бутазор» деган сўз. Лақай қабиласининг кичик бир тармоғи ҳам бадал деб аталган. Қишлоқ ҳозир ҳам шу ном билан аталади.

**Барлос** – Самарқанд вилоят Булунғур, Иштихон районларидаги қишлоқлар номи, Сурхондарё вилояти Сариосиё районида ҳам барлос қишлоғи бор. Барлос Ўрта Осиёда қадимдан яшаб келган ва ўзбекларнинг таркибиға кирган қабила. Ҳозирги вақтда барлосларнинг авлодлари Ўзбекистоннинг Чироқчи, Косон, Шаҳрисабз, Бойсун, Денов, Сариосиё, Фориш, Жиззах, Зомин, Марҳамат, Хўжаобод, Иштихон, Навоий, Нурота, Ургут, Галлаорол районларида истиқомат қиласидилар. «Бадои ал-луғат» асарида барлос сўзи «мард, ботир, қўмондон» деб изоҳланган.

**Батал** – Самарқанд вилояти Пастдарғом районидаги қишлоқ. Зарафшон водийсидаги қорақипчоқларнинг кичикроқ уруғи батал деб аталган. Қишлоқ шу номдан келиб чиқсан.

**Бойқут** – Самарқанд вилояти Нарпай районида бойқут деган уруғ бор. Қишлоқ ўз номини шу уруғ номидан олган.

**Болдир** – Самарқанд вилояти Пастдарғом районидаги қишлоқ, Сурхондарё вилояти Музрабод туманида ҳам шундай қишлоқ бор. Болдири дўнг, тумшуқ. Болдир деган

этноним ҳам бўлса керак. Қишлоқ ҳозир ҳам шу ном билан аталади.

**Болғали** — Самарқанд вилояти Булунгур, Нарпай, Оқдарё, Пастдарғом, Пахтакор, Хатирчи районларидағи қишлоқларнинг номи. Сирдарё вилояти Зомин, Фориш, Ғаллаорол районларида ҳам шу ном билан аталувчи қишлоқлар мавжуд. Қўнғирот, қораҳитой, юз қабилалари таркибидаги уруглардан бири тамғаси болға шаклида бўлганидан болғали деб аталган. Болға, болғали уруги бошқирд, қозоқ ва бошқа туркий халқлар таркибида ҳам тилга олинади.

**Челак** — Самарқанд вилояти Пайариқ районида жойлашган қишлоқ. Тошкент вилояти Бекобод районида ҳам шундай қишлоқ бор. Челак, тўғриси, челакли уруғи бўлган. Масалан, дўрман қабиласининг бир шоҳобчаси кўйчелак деб аталган. Пайариқ районида Оқчелак деган қишлоқ бор. Ургут номлари кўпинча жуфт-жуфт бўлган: оқ мангит, қора мангит, оқ қўйли, қора қўйли, оқ найман, қора найман ва ҳоказо. Демак чelak уруғи оқ чelak, кўйчелакка бўлинган. Кўриниб турибдики, мазкур қишлоқнинг номи уруғ номидан олинган. Ҳозир ҳам шу ном билан юритилади.

**Улус** — Самарқанд вилояти Пастдарғом районидаги қишлоқ. Улус сўзининг халқ, юрт маънолари ҳам бор: ҳар улус неча эла ва ҳар эл неча уймоға ва ҳар уймо ҳаймоқ (неча бўйя) бўй ва уруғга тақсим қилинур, деб таъкидланади Муҳаммад ан-Наршахий асарида. Бу сўзларнинг маъносидан қатъи назар, қанжиғали ва қўштамғали уруғларнинг бир қисми, даҳаси улус деб аталган, қишлоқ шу номдан олинган.

**Хилбоши** — Самарқанд вилояти Хатирчи районидаги қишлоқ номи. «Хил» сўзининг бир неча маъноси бор: нав, тур, зот ва ҳоказо. Бу сўз авлод, тоифа, уруғ, ирсият маъноларида ҳам қўлланилади. Масалан, қабристонда бир аждоддан тарқалган кишилар дағн қилинадиган жой хилхона дейилади. Тожик, форс, пушту (афғон) тилларидан хил сўзи хел шаклида талаффуз қилинади. Хилбоши ёки Хейлбоши бўлиши ҳам мумкин, чунки Низомулмулкнинг «Сиёсаннома» асарида ҳам бу сўз Хейлбоши сифатида ёзилган бўлиб, авлоднинг боши, уруғ бошлиғи демакдир. Қишлоқ номи шу сўздан келиб чиққан.

**Хончарвоқ** — Пастдарғом районидаги қишлоқ. Хон-

чарвоқ – «Хоннинг чорбоғи» деган маънони билдиради. Қишлоқ ҳозир шу ном билан аталади.

**Қорагузар** – Самарқанд вилоятидаги довон. Сувдан ўтиладиган жой – кечик, гузар дейилади, тоғдан ошиб ўтиладиган жой – довон ҳам баъзи жойларда гузар деб аталади. Аниқроғи тоғдан ошиб ўтиладиган жой довон дейилади. Қоронғи жойдан, тоғ дарасидан ўтилган жойни Қорагузар деб атаганлар.

**Талли Барзу** – Самарқанд яқинидаги тепалик: «баланд тепалик» (талл – арабча «тепалик», бара – сўрдча «баланд» ёки «Барзу тепалиги») демакдир. Барзу – Фирдавсийнинг «Шоҳнома» достони ҳаҳрамонларидан бири – афсонавий паҳлавоннинг набираси (Барзу деган исм узун бўйли ёки мартабали демакдир).

**Таллак** – Самарқанд вилояти Иштихон районидаги қишлоқ номи. Талл – тепалик, дўнглик, ак – кичрайтириш аффикси, кичик тепалик деган маънони билдиради. Мазкур қишлоқ номи шундан келиб чиқсан.

**Таҳкӯҳ** – Самарқанд вилояти Нурота районидаги тог. Таҳкӯҳ таҳт, яъни «баланд», «юксак» ҳамда кӯҳ – «тог» сўзларидан олинган бўлиб, баланд тоғ деган маънони билдиради.

**Темирқопуқ** – Самарқанд вилояти Нурота районидаги қишлоқ номи. Темирқопуқ қадимги сўз бўлиб, «темир дарбоза» демакдир. Тор дарадан ўтган тоғ йўли туркйча Темирқопуқ, тоҷикча Дарбанди оҳанин, арабча Бобили ҳадид деб аталган ва бу тилларнинг ҳаммасида «Темир дарвоза» деган маъно ётади. Сурхондарё вилоятидаги Бўзғолахона (Коҳлуг) дараси, Жиззах яқинидаги Илонётди дараси ҳам илгарилари Темирқопуқ деб аталар эди. Демак, Темирқопуқ жуда қадимий номлардандир.

**Тим** – Самарқанд вилояти Нарпай районидаги қишлоқ. Тим жуда қадимий сўз бўлиб, усти ёпиқ бозор ёки раста деган маънони англатган. Араблар келмасдан олдин Ўрта Осиёда тим деганда ҳар қандай бозор тушунилган ва бу сўзнинг «бозор» маъносига сўнгги вақтларгача сақланиб қолган. Тим сўзи Тожикистондаги Муғ тепалигидан топилган қадимги (VIII аср) суғ ёзувларида ва араб тилида ёзилган манбаларда учрайди. Суғ тилида ҳам тим «дўкон», «савдо биноси» маъносини билдиради.

Араб сайёҳи Ёқутнинг (тاخм. 1179 – 1229) ёзишича, Хуросонда тим карвонсарой маъносини англатган. Форс

лугатларида ҳам тим сўзига «карвонсарой» деб изоҳ берилган. Мазкур қишлоқ номи шундан олинган.

**Тошқоқ** – Самарқанд вилояти Нурота районидаги қишлоқ номи. Тоғлардаги тошлар орасида йиғилган кўлмак сув тошқоқ дейилади. Қишлоқ номи ана шу сўздан олинган.

**Сулук** – Самарқанд вилояти Нурота районидаги қишлоқ номи. Фарғона вилояти Охунбобоев районида, Қашқадарё вилояти Чироқчи районида сувда яшайдиган жонивор – зулукни шеваларда сулук дейишади. Агар шундай бўлганда, бу сўз қандайдир бошқа компонент билан бирга қўшилган бўлар эди (Сулукли, Зулукли ва ҳоказо). Сўғд, Сўғдиёна ўлкасининг диалектал шакли Сулик бўлган ва мазкур топонимлар шаклида бизгача етиб келган бўлиши мумкин, чунки бу топонимлар аслида Сўғд ҳудудида қайд қилинган.

**Сўғд, Сўғдиёна** – Зарафшон ва Қашқадарё воҳаларини ўз ичига олган тарихий ўлка. Дастлаб Эрон шаҳаншохи Дорийнинг миҳматида (милоддан олдинги VI аср) тилга олинган.

Араб географлари асарларида, шу жумладан, Истахрий асарининг АГК, 1, 286, 288, 289, 295 ва бошқа бетларида ҳамда О. И. Смирнова ва немис шарқшуноси И. Марквартлаарнинг ёзишича, «сўғд» сўзи умумэрон тилларига хос «сух» сўзидан олинган бўлиб, «ялтирамоқ», «ёнмоқ», «нур сочмоқ» деган маънони билдиради. «Гиёс ал-лугат» ва бошқа қадимий лугатларда сув тўпланиб қоладиган пасттекислик «сўғд» дейилади. Шарқшунос В. Л. Вяткин келтирган маълумотларга қараганда маҳаллий халқ сугориладиган, унумдор пастлик ерларни «сугуд» деб атаган. Тарихчи олима О. И. Смирнова «Каталог монет с городиша Пенджикент» деган асарида сугуд сўзи тожикча «сўғуд», яъни «серсув обод жой» маъносини билдиради, дейди.

**Пўлатчи** – Самарқанд вилояти Каттақўрғон районидаги қишлоқ номи. Пўлатчи деган уруг бўлган, қишлоқ ўша номдан келиб чиққан.

**Сангузар** – Самарқанд вилояти Нурота районида жойлашган қишлоқ «Тошлоқ кечик» маъносидаги Сангузар ёки «тошлоқ маъносидаги Санзор (қишлоқ) бўлса керак.

**Санжарфағон** – Ўрта асрларда Самарқанд яқинида қурилган қишлоқ. О. И. Смирновнинг фикрига қараганда, бу ном икки қисмдан иборат: сангарама –

«монастырь» ва фаған «ибодатхона» (О. И. Смирнова, «Места домусульманских культов», 94- бет).

**Саронан** – Самарқанд вилояти Нарпай районидаги қишлоқ номи. Тожикча сарона жон бошидан олинадиган солиқ. Саронон (саронаган) солиқлар, сарон сўзининг «ҳарбийлар», «саркардалар» деган маъноси ҳам бор. Қишлоқ ҳозир ҳам шу ном билан аталади.

**Себистон** – Самарқанд вилояти Хатирчи районидаги қишлоқ номи. Тожикча себ – олма, Себистон – олмазор. Тошкент шаҳрида Себзор топоними ҳам бор.

**Синчи** – Самарқанд вилояти Пастдарғом районидаги қишлоқ номи. Отни яхши биладиган киши синчи деб аталган. Ҳозир ҳам шу ном сақланган.

**Сулувқўрғон** – Самарқанд вилояти Нарпай районидаги қишлоқ. «Сулув» сўзи топонимлар таркибида кўпроқ учрайди. Масалан, Жиззах вилояти Зомин районида Сулувжўна деган жой бор (жўна – узунасига чўзилган тепалик), чироили тепалик деган маънени англатади. Қадимги чироили қилиб қурилган қўрғонни сулувқўрғон деб аташган. Шу қишлоқ ўрнида VI асрда қурилган қўрғон қолдиқлари топилган.

**Ноғорахона** – Самарқанд вилояти Нарпай районидаги қишлоқ. Саройларда мусиқа асбоблари (ноғора, карнай, сурнай) сақланадиган ва шу асбобларнинг ижро чилингрига мўлжалланган маҳсус жой ноғорахона (наккорахона) дейилган. Саҳнага ўхшаган бир томони очиқ хонада мақомлар, ҳар хил куйлар ижро этилган. Қишлоқдан ноғорачилар кўп чиқсанлигидан қишлоқ шу номни олган бўлиши мумкин.

**Овхона** – Самарқанд вилоят Пастдарғом районидаги қишлоқ номи. «Ов» қилинадиган жой ёки «сув омбори» (обхона) маъносига бўлса керак. Обхона – овхона бўлиб бузилиб кетган бўлиши мумкин. Аслида сув омбори маъноси ҳақиқатга яқин.

**Орлот** – Самарқанд вилоят Иштихон, Нурота районларидағи қишлоқлар номи. Орлот – Чингизхон ўз ўғли Чигатойга тақдим этган тўртта мўғул қабиласидан биридир. Бу қабила ҳозирги Афғонистоннинг шимолий қисмига ўрнашиб қолган. Мовароуннаҳрда орлотлар кам бўлса ҳам нуфузли қабилалардан ҳисобланган, деб таъкидлайди ўзининг «Очерклари»да Б. Х. Кармишева. Орлот қабиласи 92 бовли ўзбек «қавмлари» қаторида кўплаб тарихий манбаларда тилга олинган. Қабила пилот, олот шаклларда ҳам талаффуз қилинган. Бухоро

**вилояти Қоракўл районидаги Олот қишлоғи ҳам ўша этнонимдан олинган.**

**Ойтамғали** – Самарқанд вилояти Нарпай районидаги қишлоқ. Оқдарё, Пайариқ районларида, Жиззах вилоятининг Фориш районида Ойтамғали, дўрмон, қипчоқ, курма, қўнғирот каби ўзбек қабилалари таркибига кирган уруғлар бор. Улуғ тамғаси янғи ой (тақа) шаклида бўлган учун Ойтамғали деб аталган. Қишлоқ ҳам шу ном билан аталган.

**Оққўйли** – Самарқанд вилояти Пастдарғом районидаги қишлоқ номи. Оққўйли – уруғ номи. Қорақўйли номлар ҳам мавжуд.

**Оғалиқ** – Самарқанд вилояти Самарқанд районидаги қишлоқ ва тоғ номлари. Тўғриси, Оҳаклик бўлган. Чунки, бу тогдан XIV – XV асрларда Самарқандда жомеъ масжиди қуриш учун оҳактош қазиб олинган. Шу билан бирга оғалиқ деган ижтимоий атама бўлган. Фарғона водийсида эса оғалиқ деган уруғ (этноним) қайд қилинган.

**Мавлуш** – Самарқанд вилояти Оқдарё районидаги қишлоқ номи. Қўнғирот қабиласининг бир уруғи мавлиш деб аталган (И. Магидович). Қишлоқ номи мана шу сўздан келиб чиққан.

**Можор** – Самарқанд вилояти Нарпай ва Пахтачи районларидағи қишлоқларнинг номлари можор (можар) – ўзбек халқи таркибиға кирган қабилалардан бири. Улар XIX аср бошларида Самарқанд атрофида тоғ ёнбағирларида, Нарпай ариғи бўйларида, Шаҳрисабз воҳасида яшаганлар. Баъзи бир олимлар можорлар Венгриянинг асосий аҳолиси мадъярлар билан қонқариндош деб ҳисоблайдилар.

**Минглар** – Самарқанд вилояти Иштихон районидаги Каттаминг, Каттақўргон районидаги Мингқишлоқ, Сирдарё вилояти Галлаорол районидаги минг уруғи яшайдиган қишлоқ номлари. Минг (мингли) ўзбек халқ таркибиға кирган йирик қабилалардан биридир. 1917 йилгача мингларнинг кўпчилик қисми Фарғона водийси ҳамда Бухоро воҳасида, тарқоқ ҳолда Сурхондарё вилояти Бойсун, Шеробод районларида, Хоразмда ва Тожикистоннинг Хисор районида яшаган. Мингларни баъзан тумон ёки тумон-минг деб ҳам атаганлар.

**Миср** – Самарқанд вилояти Нарпай районидаги қишлоқ номи. Амир Темур Самарқанд атрофида бир неча шаҳарлар қуриб, уларни чет мамлакатларнинг бош

**шаҳарлари номи билан Бағдод, Димишқ (Дамашқ), Миср (Қоҳира), Шероз ва Султония деб атаган.**

**Камонгарон** – Самарқанд вилояти Ургут районидаги қишлоқ номи. «Камон усталари» демакдир. Оҳангарон – «темирчилар», «Сўзангарон» – «нина усталари» ана шу турдаги топонимлардир. (З. Дусимов камонгарон топонимларни ком (катта ариқ) – анго (ангиз) сўзларидан ва-он аффиксидан иборат деб изоҳлайди).

**Касовли** – Самарқанд вилояти Иштихон районидаги қишлоқ номи. Қўнғирот қабиласининг бир шоҳобчаси кесавли деб аталган (тамғаси косов шаклида бўлган), қишлоқ номи шу сўздан олинган.

**Ковон** – Самарқанд вилояти Пастдаргом районидаги қишлоқ номи. Этимологияси номаълум. Зарафшон водийсида яшайдиган қорақипчоқларнинг бир уруғи ковон деб аталган.

**Корейс** – Самарқанд вилояти Каттақўргон районидаги қишлоқ. Корейс қишлоқ Пойариқ районида ҳам бор. Ўзбекистонга корейслар 1920 йилдан кўчиб кела бошлиган. Улар яшаган жойларни корейс қишлоғи деб атаганлар.

**Кўкқарға** – Самарқанд вилояти Нарпай районидаги қишлоқ. Қарға уруғи кўк қарға, қора қарға каби тармоқларга бўлинган бўлса керак.

**Кўкқовға** – Самарқанд вилояти Нурота районидаги қишлоқ. Қўнғирот қабиласининг бир уруғи қавқа деб аталган. Тўғриси қовға бўлса керак. Қовға – қуруқдан сув тортадиган чарм идиш. Осмондаги 12 бурждан бири – давл юлдузлар туркуми ҳам қовға дейилган. Идиш-товоқ, уй-рўзгор асбоблари номлари билан аталган уруғлар кам эмас. Масалан, болтали, болғали, чўмичли, косовли ва ҳоказо. Кўкқарға – қовға (тўғриси қовғали) уруғининг бир тармоғи.

**Оғалиқ** – Самарқанд шаҳридан 20–22 км масофада жойлашган оромгоҳ. Ҳозирги кунда у ерда туристик база жойлашган. Бу ердан то 1920 йилларга қадар самарқандликлар оҳак олиб кетишган, шу сабабдан бу жойни оҳакли деб атасиган. Кейинчалик оҳакли сўзи бузилиб, жой маъносига мос келмайдиган ном – Оғалиқ деб атала бошлиган. Ҳозир ҳам шу ном билан юритилади.

**Лойқа** – Самарқанд вилояти Булуңғур районидаги қишлоқ. Тоғлардан сел олиб келган жинслардан ҳосил бўлган майдон лойқа дейилади. Лекин бу қишлоқ Булуңғур ариғи ёқасида жойлашган. Булуңғур мўғул

тилида «лойқа сув» демакдир. Демак, лойиқа билан Булунғур «адаш» номлардир.

**Замбар** – Самарқанд вилояти Нурота районидаги тог. Бирон нарсанинг ўрта қисми чуқур, икки чеккаси баланд бўлса замбар (занбар, замбил) дейилади. Масалан, замбарбел (замбильбел) от.


**Занжирбоғ** – Самарқанд яқинидаги қишлоқ. Араб жуғрофий олимларининг асарларида Самарқанд вилоятининг 12 рустақларидан бири Санжарфағн деб аталган. Санжарфағн топоними Янгиариқ ариғининг ўнг томонидаги Занжирбоғ қишлоғи номида сақланиб қолган вақф хужжатларида «Санжарфағн деган жой Занжирбоғ номи билан машҳурдир», дейилади. Санжарфағн номи компонентдан иборат, сангарма – санскритча «будда монастыри» ва фагн (вағи) «ибодатхона» сўзларидан ташкил топган.

**Иштихон** – Самарқанд вилояти Иштихон районининг маркази. Ривоятга кўра, Самарқанддан Иштихонга ча маҳсус қувурда оқизилган қимиздан подшо тотиб кўрган эмиш, халқ ўшандা «Қимизни ичди хон, хон ичди» деган эмиш. Шундан буён қишлоқ Ичта хон, кейинчалик Иштихон бўлиб қолган эмиш. Иштихон Ўрта Осиёдаги энг қадимий топонимлардан бири. Х асрдаёқ Иштихон каттагина шаҳар бўлган. О. И. Смирнованинг фикрича, Иштихон сўзи сүғдча «Саккиз ариқли», «Саккиз каналли» маъносини билдиради. Ишт – хашт – саккиз, хон – ариқ, демак саккиз ариқ деган маънони билдиради. Қишлоқ шу сўздан олинган.

**Йўғотепа** – Самарқанд вилоят Иштихон районидаги қишлоқ. Тошкент яқинида ҳам Йўғонтепа деган жой бор (йўғон – катта, семиз, улкан демакдир; ингичка номли жойлар ҳам бор). Йўғонтепа – катта тепа деган маънони англатади.

**Кавсар** – Самарқанд вилояти Иштихон районидаги қишлоқ номи. Аслида бирон-бир сув – булоқ ёки кўл номи бўлса керак. Қишлоқ суви ширин бўлганлиги сабабли «жаннат суви» – «жаннат булоғи» деган ном олган.

**Гумбаз** – Самарқанд вилояти Пастдарғом районидаги қишлоқ номи. Қуббали бино гумбаз дейилган, шу билан бирга тоза сув сақланадиган сардобалар ҳам усти пишган ғиштдан гумбазли қилиб ишланганлиги сабабли қисқагина гумбаз деб аталган. Қишлоқ номи ҳам ўша сўздан олинган. Зарафшон воҳасида яшайдиган қора-



Самарқанд Ҳазрати Ҳизр масжиди гумбазидан бир кўрининш қинчоқларнинг бир уруги гумбаз деб юритилган ва қадимдан Пастдарғом районида яшаб келган.


**Гўрхонасой** — Самарқанд вилояти Нурота районидаги сой. Гўрхона мозор, қабристон деган маънони англатади; қабристонга ўҳшаган жойдан ўтганлиги сабабли сойга ҳам Гўрхонасой деб ном берилган.

**Давлатобод** — Самарқанд вилояти Самарқанд районидаги қишлоқ номи. Темурнинг Самарқанд шаҳридаги боғларидан бири Давлатобод номи билан аталган. Бунинг ўрнида ташкил тонган қишлоқ ҳам ўша Темур боғининг номи билан Давлатобод деб номланган.

**Даҳбед** — Самарқанд вилояти Оқдарё районидаги қишлоқ. Тожикча — даҳ — ўн, бед — тол, яъни ўнтол деган маънони англатади. Қишлоқ ҳам шу ном билан юритилади.

**Дейбаланд** — Самарқанд вилояти Нурота районидаги қишлоқ номи. Тожикча Дехibaland — баланд жойдаги қишлоқ, яъни баланд қишлоқ деган маънони билдиради. Қишлоқ шу ном билан аталади.

**Дукчилик** — Самарқанд районидаги қишлоқ. Бу ерда дукчилик (йикчилик), бўз тўқиши учун дук (йик) ясаш касби билан шуғулланишган. Шу сабабдан қишлоқ шу номни олган.



Самарқанд. Чўпонота мақбараси

**Жайлов** – Самарқанд вилояти Хатирчи районидаги қишлоқ номи. Жайлов – яйлов сўзининг шевада талаффуз этилиши. Яйлов асли ёзда мол-қўй боқиладиган жой демакдир. Қишлоқ номи ўша сўздан олингган.

**Жалпақтева** – Самарқанд вилояти Ургут районидаги қишлоқ. Баъзилар ялноқтепа деб тўғри талаффуз қиласдилар. Ўзбек-қинчоқлар тена дейиш ўрнига «тева» деб талаффуз қиласдилар. Қишлоқда жарат уруғи яшагани учун уни Жарат ҳам дейишади. Ялпоқ тепани ерли ҳалқ шевасида Жалпоқтепа дейишади.

**Жўги** – Самарқанд вилояти Нарпай районидаги қишлоқ номи. Жўги – Урта Осиё дўлаларининг бир қавми. Жўги сўзининг «қашшоқ», «камбагал» маъноси ҳам бор.



Самарқанд. Афросиёб шаҳарчаси ҳаробасига кириш.

**Дапсан** — тоғ ёнбағридаги текис майдонча, супа деган маънони англатади. Фарғона вилояти Ўзбекистон районида Депсан деган қишлоқ бор. Сурхондарё вилояти Жарқўрғон районида Жўгидалпсан деган тепалик ҳам бор.

**Қўшҳавут** — Самарқанд вилояти Хатирчи районидаги қишлоқ номи. Шу қишлоқликлар ва Нурота районининг қўшни қишлоқларида яшайдиганлар ҳовузни «ҳовут» дейишади. Ҳовуз сўзи ўзбек тилининг барча шеваларида арабчага аслида яқин шаклларда («овуз», «авуз» деб) таллаффуз этилади. Қишлоқда иккита ҳовуз бўлганлиги сабабли ерли халқ Қўшҳовуз — Қўшҳавут деб атай бошлигандар.

**Гончи** — Самарқанд вилояти Оқдарё районидаги ариқ ва Тожикистон Жумҳурияти Хўжанд районидаги қишлоқ номи. Гон (гончи) сўзи тарихий манбаларда, жумладан Алишер Навоий асарларида кўп учрайди. Гончи — ит ғажиб узмасин учун унинг арқонига боғланадиган ёғоч, жун тўқимини тинклаб ифлос қиласин учун отнинг бўйнига боғланадиган таёқ ҳам гончи дейилади.

**Афросиёб** — Самарқанд шаҳрининг дастлабки номи. Ҳозир археологияга оид қўриқхона. Шу тепаликдан

топилган археологияга оид топилмалар Самарқанднинг ёшини аниқлашда асос бўлиб хизмат қиласди. Суғдча пар сиёв (пар сиёҳ об) – қора сув тепалиги деган маънони билдиради. Я. Ф. Гуломовнинг фикрича, Солор, Кайковус, Золариқ ва Афросиёб номлари «Шоҳнома» китоби таъсири остида майдонга келган бўлса керак.

Вараксар – Самарқанд яқинидаги Роботхожа қишлоғининг олдинги номи. Бу сўз «варг», «бандиварг» шаклида Рудакий асарларида ҳам тилга олинган, Вараксар «тўғон боши» демакдир. Ҳақиқатан ҳам ўрта асрлардаётк бу қишлоқ ёнида Зарафшонга тўғон қурилиб, дарё суви уч тармоқка бўлинган. Бу ариқлар кейинчалик Дарғом, Аббос ва Қораунус деб аталган. Яқин вақтларгача Зарафшон водийсидаги Баркбон шаҳри яқинидаги Варакдех – Тўғон қишлоғи бўлган. Қишлоқ ҳозир ҳам шу ном билан аталади.

Шундай қилиб ўқитувчи келтирилган тарихий-географик жойларнинг номлари ва топонимларига асосланиб, мазкур дарсда Самарқанд ва унинг воҳасида жуда ажойиб ва турли-туман номларнинг бир гуруҳининга кўриб чиқишга муваффақ бўлинганини, ўқувчилар ҳам ўз жонажон мактаби, жамоа ва давлат ҳўжалиги, қишлоқ ва район ҳудудидаги номларнинг келиб чиқиши билан қизиқиши ҳамда мана шундай топонимик маълумотлар йигиши зарурлиги, бу эса уларга жонажон ўлка тарихини ўрганишда, мустақил ижод қилишда олган билимларини чуқурлаштиришда яқиндан ёрдам беришини таъкидлайди.

## 5. Хоразм вилояти топонимикасидан дарсда фойдаланиш

Хоразм Осиёдаги энг қадимги маданият маркази серунум воҳалардан бири. У ҳозир пахтачилик соҳасидаги эришган ютуқлари туфайли машъал вилоятга айланди. Унинг тарихи зардуштийларнинг муқаддас китоби «Авесто»да милоддан аввалги IX – X асрларда қайд этилган.

Бу вилоят тарихи ва унинг топонимикаси ҳақида фикр юритилганда ўқувчиларга, аввало, «Хоразм» сўзининг этимологияси ҳақида батафсил маълумот бериш зарур.

Ўқитувчи бир қатор вилоятлар тарихи ва унинг район,

қишлоқ ва овуллари номларининг келиб чиқиши манбала-ри устида тұхталар әкан, Хоразм вилояти районлари, қишлоқ ва овулларининг номлари топонимикасига ҳам батафсил тұхталиши лозим. Масалан «XII – XIII асрларда Хоразм давлатининг кучайиши» мавзуси қуидаги мавзучаларга бўлиб ўрганилса мақсадга мувофиқ бўлади.

Мавзу қуидаги режа асосида баён этилади:

- Хоразмнинг кучайиши;
- Хоразмшоҳлар давлатининг ижтимоий ва хўжалик ҳаёти;

в) Бухоро ва Самарқанддаги қўзғолонлар.

Шундан сўнг ўқитувчи Хоразм вилояти ташкил топгандан то ҳозирги кунга қадар босиб ўтилган тарихий жараён ва унинг келажаги ҳақида қисқача маълумотлар келтириб, вилоят ва унинг ҳудудидаги жамоа хўжаликли-ри, овул, қишлоқ, район, шаҳарлар номларининг келиб чиқиши ҳақида масалаларга батафсил тұхталиши лозим.

Биз қуида Ўзбекистон тарихи курсини ўқитиш жараёнида Хоразм воҳаси бўйича топонимикага оид маълумотлардан қандай фойдаланиш мумкин? деган саволга жавоб беришни мақсад қилиб қўйдик. Топоними-кага оид маълумотлардан фойдаланиб ўтказиладиган бир соатлик тарих дарсининг тахминий режаси келтирилади.

Дарсни ташкил қилиш: а) синфнинг дарсга ҳозирлигини кузатиш; б) ўқувчилар диққатини дарсга жалб қилиш.

**Ўтган мавзу:** «Туркий тилда сўзлашувчи халқларнинг шаклланиши» деган мавзу юзасидан ўқувчиларга бериладиган саволлар: а) Харитадан туркий тилда сўзлашувчи ўзбек халқарининг дастлабки аждодлари яшаган жойларни кўрсатинг; б) Туркий тилда сўзлашувчи халқлар аждодлари шаклланишини неча босқичга бўлиш мумкин? Ҳар бир босқичга таъриф беринг; в) Ўзбек тилининг дастлабки шаклланиши қайси лаъжа ва тиллардан келиб чиққан эди? г) IX – XII асрларда ўзбек халқи ва унинг тилининг шаклланиш жараёни хусусиятларини аниқланг; д) Тилининг аниқ шаклланиши қайси район, шаҳар, воҳа ва водийларда аниқ сезилган?

Ўқувчилар юқоридаги саволларга жавоб берганларидан сўнг ўқитувчи улардан Хоразмнинг қайси ҳудудларидан ҳозиргача ўша туркий тил элементлари сақланиб келаётганлиги ва Хива, Хўжайли шаҳарларининг ҳамда Хоразм сўзи қандай маънони англашибини сўрайди.

Шу саволларга олинган жавоблар ўқувчиларнинг шаҳар тарихини ва унинг номини ўрганишга бўлган қизиқишини орттиради. Демак, ўқитувчи ўқувчи тўғри ёрита олмаган саволларни тўлдириб, ўтилган мавзуни янги мавзуга боғлади.

**Янги мавзу.** «ХІ – ХІІІ асрларда Хоразм давлатининг кучайиши».

**Мавзунинг мақсади:** ўқувчиларга Хоразмнинг қадим-қадимдан маълум ва машҳур бўлганлиги, Сомонийлар даврида ярим мустақил давлат сифатида унинг таркибиға кирганлиги, унинг Маъмун ибн Муҳаммад даврида қудратли давлатга айлангани, айниқса Маъмун ибн Маъмун даврида фан ва маданият ғоят ривожланиб Хоразм академияси ташкил тонгандиги тушунтирилади.

**Дарснинг тарбиявий вазифаси:** Бунда ўқувчиларга Хоразм юксалган даврда фан ва маданиятнинг ниҳоятда ривожланганлиги, XI асрнинг энг машҳур қомусий олимлари бу ерга жалб этилганлиги, бу ерда Абу Али ибн Сино, Абу Райхон Беруний, Абу Саҳл Масиҳий, машҳур табиб Абулхайр Ҳаммор, йирик риёзиюн Абу Носир Аърок ва бошқа атоқли олимларнинг Маъмун ибн Маъмун академиясини яратганлиги сўзланиб, ўқувчиларни ўз авлод-аждодларига меҳр-муҳаббат ва она диёрига садоқатли инсон бўлиб етишиш руҳида тарбиялашдан иборат.

**Дарс ўтиш услуби:** дарс оғзаки баён қилиш услуби билан олиб борилади.

**Дарсни жиҳозлаш:** Ўзбекистон халқлар тарихининг IV жилдлиги А. Асқаров таҳрири остида чоп этилган 3 жилдлик Ўзбекистон халқлари тарихининг 1- жилди, унинг 5-синф учун ёзган Ўзбекистон тарихи, Ш. Каримов раҳбарлигига чоп этилган «Ўзбекистон тарихи ва маданияти» (маърузалар тўплами) кўрсатилади. Ўзбекистон харитаси атлас ва альбомлардан фойдаланилади.

### **Янги мавзуни ўтиш режаси**

1. Хоразм давлатининг кучайиши.
2. Хоразмшоҳлар давлатининг ижтимоий-сиёсий ва хўжалик ҳаёти.
3. Бухоро ва Самарқанд шаҳарларида бўлиб ўтган қўзғолонлар.
4. Хоразм ҳудудидаги жамо хўжаликлари, қишлоқ ва районлар номларининг келиб чиқиш тарихи.
5. Ўтган мавзуни замонга боғлаш.

## Янги мавзунинг конспекти

Хоразм X асрда Сомонийлар давлати таркибига киради. Сомонийлар давлати бўлиниб кетган вақтда у ўз мустақиллигини сақлаб қолишга ва Қораҳонийлар ва Ғазнавийлар давлатлари таркибига кирмай қолишга муваффақ бўлди. Бу даврда Хоразм хўжалик ва маданий ҳаётда катта ютуқларга эришди. Бироқ 1017 йилда Маҳмуд Ғазнавий қўшинларини тор-мор келтириб, уни ўз давлатига қўшиб олди. 1240 йилда газнавийлар Хуросонни қўлдан бой бергач, Хоразм Салжуқийлар давлати таркибига киради. Салжуқийлар билан қораҳонийлар ўртасидаги ўзаро урушлар бу давлатларнинг кучсизланишига олиб келади ва XII аср бошларидан Хоразм мустақил давлат сифатида яна тараққий эта бошлади. Унинг ҳудуди унчалик катта бўлмаса-да, иқтисодий жиҳатдан кучли ва бой эди. Кўчманчи туркманлар, Эрон, Волгабўйи ва Узоқ Шарқ билан олиб борилган савдо-сотиқ алоқаларининг қизғин ривожланиши шунга имконият туғдирган эди.

Ҳунармандчилик маҳсулотлари ишлаб чиқариш ва қишлоқ хўжалиги Хоразмда юқори даражага кўтарилади. Буларнинг барчаси мустақиллик учун курашда қулай шарт-шароитлар яратди. 1141 йилда Самарқанд яқинида қораҳонийлар қўшини билан кўчманчи қораҳитойлар ўртасида жанг бўлади. Жангда қораҳитойларнинг қўли баланд келиб, ғалаба қозонадилар. Бундан фойдаланган Хоразм сultonи Отсиз Марвни босиб олади. Такеш (1172 – 1200) ҳукмронлиги даврида Хоразм куч-қудратга тўлган давлат эди. Бу вақтда давлат ҳудуди Эрон шарқий қисмининг босиб олиниши эвазига икки марта кенгайган эди.

Ўқитувчи Хоразмшоҳлар давлатининг ижтимоий ва хўжалик ҳаёти ҳақида гапирав экан, янги сув иншоотларини қуриш эвазига юзага келган бой деҳқончилик хўжалиги Хоразм иқтисодиётининг асоси эканлиги, унинг шаҳарларида ҳунармандчиликнинг ривожланиши, кўчманчи халқлар, ҳазарлар, Волгабўйи ва Киев Руси билан савдонинг ўсиши ҳақида сўзлаб беради. XI аср бошларига келиб Хоразмнинг пойтахти Урганч, Шарқнинг энг чиройли ва обод шаҳарларидан бири бўлиб, Хоразмшоҳлар саройида юқорида зикр этилган Шарқнинг буюк алломалари яшаб ижод этганлиги ҳамда Хоразмшоҳларнинг ички сиёсати, давлат тузуми ҳақида ҳам маълумот берилади.

Ўқитувчи сўнгра Бухоро ва Самарқанддаги қўзғолонлар ҳақида тўхталади. Хоразмшоҳ Мовароунинаҳр халқларини қораҳонийлар асоратидан ҳимоя қилиб, халоскорлик келтиради, деб кўпчилик умидвор бўлган эди. Аммо умидлар чиппакка чиқади. Хоразмшоҳ ғалабага эришгач, халқа жабр-зулмни баттар кучайтириб юборади. Мамлакатни хароб қилган тўхтовсиз урушлар, маҳаллий ер әгаларининг халқни талон-торож қилишлари, улар қаҳр-ғазабининг ошишига ва 1206 йилда Бухорода қалқонсозлик устахонаси соҳибининг ўғли Малик Санжар бошчилигида қўзғолон кўтарилишига сабаб бўлади. Қўзғолончилар ҳокимиётни ўзлари ушлаб тура олмасликарига кўзи етиб, Хоразмшоҳга мурожаат этади. Хоразмшоҳ бу мурожаатдан ўзи учун фойдаланиб, 1207 йилда Бухорони забт этиб, қўзғолонни бостиради ва Малик Санжарни қатл қилади. Шундан сўнг 1211 йилда Хоразмшоҳ аскарларининг Самарқандда қораҳонийларни тор-мор келтиргач, шаҳарда хоҳлаганича номаъ-қулчилклар қилгани ва бунга қарши халқ қўзғолон кўтартгани, қўзғолоннинг Хоразмшоҳ томонидан шафқатсиз равишда бостирилгани, доимий ўзаро урушлар натижасида улкан Хоразм давлатининг чок-чокидан сўкила бошлагани ва мўғул-татар истилоси бошланганида Хоразмшоҳлар ҳам жиддий қаршилик кўрсатишдан ожиз эканлиги ҳақида сўзлаб бериш лозим.

Ўтган ва янги мавзу бўйича ўқувчилар билимини изоҳли баҳолаш учун саволлар: 1. XII – XIII асрларда Хоразмшоҳлар давлатининг гуллаб-яшнаш сабабларини айтиб беринг. 2. Хоразмшоҳлар Давлатининг ижтимоий ва хўжалик ҳаёти қандай бўлганлигини сўзлаб беринг. 3. Бухоро ва Самарқанддаги шаҳар қўзғолонларининг умумий сабаблари нимада эди? 4. XIII асрда Хоразмшоҳлар давлатининг кучсизланишига нима сабаб бўлди? 5. Хоразм – қандай маънони билдиради, Хивачи? Ҳазорасп ва Гурлан сўзларининг маъносини биласизми?

**Уйга вазифа:** 13- ё. «XII – XIII асрларда Хоразмшоҳлар давлати» мавзусини ўқиб келиш ҳамда *Шовот, Богоғт, Янгибозор* ва *Қўшкўнир* сўзларининг маъносини ўрганиб келиш топширилади.

Ўқитувчи Хоразмнинг вилоят, шаҳар, қишлоқ ва районлари номларининг келиб чиқишига оид бир қатор топонимларни изоҳлайди.

Хоразм сўзининг келиб чиқиши шундай талқин

қилинади. Ривоятларга кўра, подшо ўзининг тўрт юз аскаридан ғазабланиб, уларни одамсиз чўлга чиқариб ташлашни буюрган. Подшонинг фармони бажарилган. Орадан бир неча йил ўтгач, подшо улардан хабар олишни буюрган. Подшонинг одамлари уларнинг тирик эканлиги ҳақида хабар келтирган. Қувғин қилинганлар «хор» ва «разм» билан ҳаёт кечирган эмиш. Шунинг учун подшо бу ерни Хоразм деб аташни буюрган ва Хоразм элати шундай пайдо бўлган эмиш.

Ҳар бир жой номининг ўз тарихи бор. Улар халқ ҳаётининг тури томонларини ўзларида акс эттирадилар. Номлар кўпинча шу ҳудудда яшаган маълум халқ ҳаёти, яшаш шароити билан боғлиқ ҳолда содир бўлади. Хоразм номини текширган С. П. Толстов топоним шу ҳудудда яшаган хварри қабиласининг номи билан боғлиқлигини, яъни хварри — ер, «хварри қабиласининг ери» эканлигини айтади. Қадимда Хоразм номи остида Амударёning қўйи оқими тушунилган. Бу воҳа Ўрта Осиёдаги энг кўҳна ўлкалардан биридир. Хоразм ҳақидаги дастлабки маълумотларни «Авесто»да учратамиз. Бу ном юнонларда Хоразмия ёки «Уварезмета», «Авесто»да Гаиризао шаклида учрайди. Араб муаллифлари — Хуворезм, Хитой манбалари Холи - си ми – кия деб тилга оладилар. Бу сўзниг келиб чиқиши ҳақида турли фикрлар бор. Улардан баъзиларида Хоразм «пасттекислик», «ёмон ер», «хур замин», «қуёшли ер», «ҳосилдор ер», «боқувчи ер» шаклида изоҳланади. Умуман ҳамма тадқиқотчилар номнинг иккинчи қисми «зем», «зм»ни «ер», «замин» сўзи билан боғлайди. С. П. Толстов Хоразм сўзини Хвари ёки Ҳуррит этномими билан алоқадор деб ҳисоблаб, «Хварри ери» шаклида изоҳлайди. Академик Я. Ф. Ғуломов ўзининг «Хоразмнинг суғорилиши тарихи» номли капитал асарида («Фан» нашриёти, 1956 йил Тошкент) С. П. Толстовнинг юқоридаги фикрини тўла маъқуллайди.

Хоразм Амударё билан Қорақум ўртасидаги серҳосил, гўзал воҳа. Хоразм қадимий ўлка, кўҳна маданиятга эга. «Хор» дегани қадимги сүғд тилида «қуёш», «азм» — «ўлка», яъни Хоразм — қуёшли ўлка деган маънони англатади. Хоразмнинг пайдо бўлиши тўғрисида бундан бошқа ривоятлар, афсоналар ҳам бор. Чиндан ҳам Хоразмни қуёшли ўлка дейиш мумкин, чунки Хоразмда йилнинг кўп фаслларида қуёш ўз ёғдусини сочиб туради.

Хива - Хоразм вилоятининг иккинчи марказий ша-

ҳри, Хива хонлигининг собиқ пойтахти бўлган. Хива Амударёning сўл соҳилидаги Полвон ариғи бўйида, Урганчдан жануби-ғарбга томон 32 км нарида жойлашган. Шаҳарнинг пайдо бўлиши ҳақида кўпгина афсона ва ривоятлар бор. Бу афсоналардан бирида айтилишича, Хивага Нўҳ пайғамбарнинг ўғли Сом асос солган эмиш. Ўз қабиладошлари билан кўчиб юриб, деб ҳикоя қилинади афсонада, Сом бу жойга келиб қолади. У тушида қум тепалари устида кўплаб машъаллар ёниб турганини кўради. Уйқудан уйғонгач, у теварак-атрофдан тупроқ суриб келиб, шаҳар ўрнини белгилаб кетади. Иккинчи марта у бу ерга келиб девор кўтаради, қалъанинг гарбий томонидан қудуқ қаздириб, бу жойни Хийвак деб атайди. Бўлғуси шаҳар Хива номи ана шундан келиб чиқсан эмиш. Афсона афсоналигича қолаверади. Лекин одамларнинг биринчи ўрнашган ери хонликнинг бўлғуси пойтахти бўлганлигини, у қудуқ билан ҳақиқатан ҳам боғлиқ эканлигини тўла асос билан айтиш мумкин. Бу қудуқ ёнида Ўрта Осиёнинг буюк сувсиз чўлларини кесиб ўтган карвон йўли бўлган. Қалъа деворларидан унча олис бўлмаган ерда, Иchan қалъанинг шимоли-гарбий қисмида шу кунларда ҳам Хийвак қудуғи бор. Қудуқнинг тошдан ишланган деворлари унинг қадимиyllигидан далолат беради. Ҳозир ҳам уч қават қилиб терилган тошларни кўриш мумкин. Остки – энг қадимги қисми цилиндр шаклида, кейинги қисми тўртбурчак ва ниҳоят юқори қисми саккизбурчак шаклидадир. Қачонлардир қудуқ гумбаз билан беркитилган бўлиб унинг қолдиқлари қудуқ атрофида тош пойdevор кўринишидан сақланиб қолган. Хива биринчи марта X асрда Хоразм давлати таркибиға кирувчи шаҳар сифатида араб географларининг асарларида тилга олинади.

Археологияга оид текширишлар шаҳарнинг VI – VII асрларга тегишли эканлигини кўрсатади. Қазишмалар вақтида шаҳарнинг марказидан чақмоқ тошдан ясалган тош қуроллар топилди. Дарҳақиқат, Хива сўзининг этимологияси Хийвак, яъни қудуқ сўзига яқин, чунки сувсиз жойга қудуқлар қазилган бўлса керак. Ҳозирги кунда ҳам қудуқни айрим Хоразм диалектикасида Хивак деб аташади. Хива шаҳри ва унинг этимологияси ҳақидаги янги маълумотлар Б. А. Аҳмедовнинг «Ўзбекистонда ижтимоий фанлар» журналининг 1982 йил 9-сонида «Хива ҳақида янги маълумотлар» деб



Хива. Ичан қалъа

номланган мақоласида даилий маълумотлар асосида жуда қизиқарли ёритиб берилган.

Гурлан — Гурлан сўзининг асл маъноси ҳали маълум эмас. Бу сўзниң келиб чиқиши ҳақида бир ривоятда шундай дейилади: бир вақтлар бу ҳудудга кўр чол билан чўлоқ кампир қўчиб келишибди. Улар жуда моҳир ҳунарманд эканлар. Улар тузатган нарсаларини бозорга олиб чиқиб сотар эканлар. Бозорда ҳеч кимнинг нарсаси ўтмаса ҳам уларники бемалол сотилавераркан. Шунда одамлар иккалаларида бирон сир бор, деб уларнинг атрофига келиб жойлаша бошлабдилар. Ўша ҳудудни эса «кўр ва ланг» деб атай бошлабдилар. Вақтлар ўтиши билан бу сўз ўзлаштирилиб «Гурлан» бўлиб кетибди. Хоразм лаҳжасида к — товуши кўпинча «г» шаклида ишлатилади. Шунинг учун «кўр» сўзи «гур» шаклида ишлатилиб «гурлан» бўлиб ишлатилиб келинмоқда. Ҳозир ҳам шу ном билан юритилади. Яна бир манбада — «Қадимги муаллифлар Ўрта Осиё ҳақида» деган китобда айтишларича, қадимги юонон тарихчиси Геродот Хоразм ҳақида кўп маълумотлар ёзиб қолдирган. Геродотнинг

ёзишича, хоразмликлар, гирканияликлар, парфияликлар билан бир-бирига яқин жойда истиқомат қилғанлар. Юнон тарихчиси тилга олган «гиркания» сўзи қадимги туркий ёзувларидағи «Курикан» қабиласининг номи билан узвий боғлиқ бўлиб, уларнинг асрлар давомида фонетик ўзгаришидан «Гурлан» варианти келиб чиққан бўлиши ҳам мумкин. Аммо бундан Гурландаги аҳолининг номи гирканлардан келиб чиққан экан, деган холосага келиб бўлмайди. Кичик бир овулнинг номи ҳам ёки оила бошлиғи ёки унинг бир аъзоси номи топонимикада асос бўлиб кетавериши мумкин.

**Ҳазорасп** – шу номли район маркази. Ҳазорасп сўзининг маъноси қуидагича: Ҳазор дегани форстожик тилида «минг», асп дегани «от» яъни минг от деган маънони билдиради. Ҳазорасп Хоразмнинг жанубий чегара қалъаси бўлиб, унда минг отлиқ сақланган. Душман ҳужум қиладиган бўлса, Ҳазорасп қалъаси зарбани биринчи бўлиб ўзига олган. Хивадан мадад келгунга қадар душман билан курашган. Аста-секинлик билан қалъа ичida аҳоли қўпайиб, қалъадан ташқарида ўрнаша бошлаган. Қалъадан бир неча километр берироқда ҳам қишлоқ қурила бошлаган.

**Янгибозор** – аҳолининг савдо-сотиқ ишлари фақат қалъа бозорида бўлган, сўнгра у чекка қишлоқларнинг бирида тўпланиб, савдо-сотиқ ишларини олиб борганлар. Қалъа бозори билан бу бозорни бир-биридан фарқ қилиш учун қишлоқ бозорига «Янги бозор» деб ном қўйишган. Шу-шу бўлиб қишлоқнинг номи Янгибозор бўлиб қолган.

**Қўшқўпир** – райони Хоразм вилоятининг йирик районларидан бири. Ҳозирги кунда районда 9 та қишлоқ бўлиб, бу қишлоқлар номларининг келиб чиқиши жуда қизиқ. Қуида биз бу ҳақда фикр юритамиз:

**Кенагас** – бу қишлоқ маҳаллий ҳалқ орасида Канаяс деб юритилади, чунки ҳудуддан Канаяс ариғи оқиб ўтади. Қишлоқнинг марказий қисмига Караман қалъаси дейишиади. Караман – Хоразмда ўсуви улкан дараҳт. Қарияларнинг сўзларига қарагандা, бу ерда Хива хонлиги даврида мудофаа вазифасини бажарувчи кичик, ўзига хос қалъача бўлган. Кенагас деган қабила ҳам бўлган.

**Хадра** – Қўшқўпир районидаги иккинчи қишлоқнинг номи. Хадра сўзининг маъноси қалъа ёки шаҳарнинг чети демакдир. Хадра қишлоғи Хива қалъасининг шимол

томонида жойлашғани учун ҳам Ҳадра номини олган бўлиши мумкин.

**Ўзбекёп** – шу райондаги учинчи қишлоқ бўлиб, унинг маъносини шундай тушунтириш мумкин. Ўзбек – шу қишлоқда яшовчи халқнинг миллати. «ёп» сўзи хоразмча бўлиб, ариқ ёки канал маъносини билдиради. Бу қишлоқ қўшни Туркманистон ерларига яқин бўлгани учун улар бу ариқни Ўзбекнинг ёпи, яъни ариғи дейишган. Ўзбекёп қишлоғининг маркази Қоровул деб аталади. Бу сўзни маҳаллий шева тили маъносида қора ва овул деб тушуниш мумкин, у бора-бора Қоравул бўлиб қолган.

**Ҳайровот** – райондаги бешинчи қишлоқ бўлиб, Хива қалъасининг шимоли-фарбий томонида жойлашган. Маълумки, ровот – бу дарвоза дегани. Демак, қишлоқ Хива хонлигининг шимоли-фарбий томондаги дарвозаси бўлган. Ҳайровот балки, одамлар айтганларидай, хайрли дарвоза, файзли дарвоза, яхши дарвоза маъноларини билдириши ҳам мумкин.

**Ўртаёп** – райондаги олтинчи қишлоқ, Ўртаёп чўзилиб кетган ариқнинг ўрта марказий қисмида жойлашган қишлоқ маъносини ҳам билдиради. Қишлоқ ҳозир ҳам шу ном билан аталади.

**Қатағон** – райондаги еттинчи қишлоқнинг номи. Шевада қатағон сўзи йўқ. Бу сўз форс тилида – йўқолган, қурилган ва топиб бўлмайди, деган маънони билдиради. Урганч, Шовот ва Қўшкўнир районлари ҳудудига ўхшаш қумлик саҳролар шу қишлоқнинг йўқ бўлиб кетишига, номи эса Қатағон бўлиб кетишига сабабчи бўлиши мумкин. Сув чиқариш қийин бўлган пайтларда қум барханлари қишлоқ ерларини кўмид юборган, натижада қурғоқчилик бўлиб турган. Қатағон ном албатта бежиз берилмаган. Маҳаллий аҳоли орасида бу қишлоқ тўғрисида маълумотлар деярли сақланмаган.

**Қўшкўнир** – райондаги саккизинчи қишлоқ бўлиб, ҳозирги кунда район марказидир. Номининг ўзидан кўриниб турибди, қўш – жуфт, кўнир – кўприк маъносини, яъни қўшма кўприкли, деган маънони билдиради. Марҳум академик Муҳаммаджон Йўлдошевнинг «Хива хонлигига феодал ер эгалиги ва давлат тузилиши» деган китобида бу ҳақда анча маълумотлар бор. Энг аввал Қўшкўнир қўш кўприк деб номланган. Ў ерда катта Ғазовон ариғи бор. Бу ариқнинг у томони билан бу

томонига ўтиш учун икки жойига катта кўприк курилган. Қўшкўпир деган сўз шундан олинган.

**Ғазовот** – райондаги тўққизинч қишлоқ номи. Ўрта Осиёда сув масаласи оғир бўлгани учун Хива хонлари минг-минглаб одамларни ариқ қазишга сафарбар қилгандар. Хон амалдорлари меҳнаткаш халқ оммасини аямасдан ишлатганлар. Ариқ қазиш оддий халқа кўп мashaқатлар келтирган. Бу қишлоқ эса ўша Ғазовот ариғи бўйида жойлашган бўлгани учун ҳам Ғазовот номини олган, деган фикрлар бор.

**Боғот** – Хоразм вилоятидаги район маркази. Боғот этиологиясини боғзор, боғлар, боғ ва арабча от кўплек аффикси «арз сўрайдиган боғ» сўзи билан боғлайдилар. Маҳаллий халқнинг айтишича «боғот» полиз, полизчи деган маънони билдиради.

**Амударё** – уни юнонлар ҳамда римликлар Оксус ёки Оқсус, араблар эса «Жайҳун» (телба) деб атаганлар. Дарёning ҳозирги номи эса Амуя шаҳри (XVI аср) номидан олинган; бу шаҳар кейинчалик Амударё деб атала бошлаган.

**Хўжайли** – XII – XIII асрларда барпо қилинган. Хўжайли сўзининг лексик мазмуни хўжарлар, яъни катта ер әгаси бўлган кишилар маъносидадир. Хўжайли сўзини хўжа әли деган халқ номидан олинган, деб таърифлайди шарқшунос олим Б. А. Аҳмедов.

**Мўйноқ** – Орол денгизи жанубидаги ярим орол, шаҳар. Мўйин (бўйин), оқ аслида – ак – «кичик» сўзларидан ясалиб, «кичик бўйин», «бўйинча», «ярим орол» маъносида.

**Туямўйин** – Амударё қуи оқимидағи жой. Сиртдан қараганда «туя бўйини» дек туюлади. Аслида тоғ, дарё ва қумлик жойларнинг тор қисмини – йўлагини «Туямўйин» деб аташган. Туянинг қинғир ва тор бўйнига ўхшатилган бўлса ажаб әмас.

**Тўрткўл** – Қорақалпоғистон жумҳуриятининг жанубидаги шаҳар. Шаҳарнинг яқин йилларга қадар тўрт томони кўл бўлган. Шунинг учун ҳам шундай ном берилган. Ҳозир ҳам Тўрткўллигича сақланиб келмоқда.

Азиз китобхон! Ҳар вилоятнинг жамоа хўжаликлари, овул, район, шаҳарлар номларининг ўзига хос тарихи бор. Илмий жиҳатдан ўрганилиб сизларга айтилган бу топонимлар, Хоразм вилоятидаги умумий жой номларининг фақат бир қисми эканлигини ўқитувчи тушунтириши лозим.

## **6. Фарғона водийсидаги қишлоқ, шаҳар номларининг келиб чиқиш тарихини дарс жараёнида ўрганиш**

Ўзбекистон тарихи курсидаги «Туркистон халқларининг 1918—1920 йилларда миллий озодлик ва эрк учун курашлари» деб номланган мавзуда топонимик материаллардан фойдаланиб ўтиладиган бир соатлик дарснинг намунавий режа-конспектини келтирамиз.

**Дарснинг мақсади:** Туркистон халқларининг 1918—1920 йилларда миллий озодлик ва эрк учун олиб борган курашлари, Хива ва Бухоро Халқ Республикаларининг ўрнатилиши, миллий сиёsatдаги хатоликлар, уларнинг оқибатлари баён этилади.

**Кўргазмали қуроллар:** сиёсий хариталар ҳамда «Туркистон фронтлар ҳалқаси ичида» диафильмидан фойдаланиш мумкин.

**Дарснинг услуби:** ўқитувчи суҳбат услубида материални баён қиласди, ўқувчиларнинг мустақил ишлаши ўюштирилади. Ўқитувчи ўқувчиларнинг жавобларини умумлаштириб, уларнинг қуидаги янги материални ўзлаштиришларига замин тайёрлайди.

### **Янги мавзунинг режаси:**

- а) Туркистон халқларининг миллий озодлик ва эрк учун олиб борган курашлари.
- б) Хива ва Бухоро Халқ Республикаларининг ўрнатилиши.
- в) Миллий сиёsatдаги хатоликлар ва уларнинг оқибатлари.
- г) Туркистон халқларининг миллий озодлик ва эрк учун олиб борган курашлари Фарғона водийсининг қайси қишлоқ ва шаҳарларида бўлган?

### **Янги мавзунинг конспекти.**

Ўқитувчининг материални баён қилиши дарснинг асосини ташкил этади. Аммо янги материални тушунтиришга ўтишдан аввал ўтилган дарсларнинг материаллари билан мантиқий боғланишни текшириш учун қуидаги саволлар асосида қисқача суҳбат ўтказиш мақсадга мувофиқдир:

1. 1918—1920 йилларда нима сабабдан миллий озодлик ва эрк учун курашлар олиб борилди?

2. Миллий сиёсатни амалга оширишда қандай хато-  
ликларга йўл қўйилди?

3. Фарғона водийсининг қайси жойларида миллий  
озодлик ҳаракатлари кўтарилиди?

Ўқитувчи ўқувчиларнинг жавобларини умумлашти-  
риб, уларнинг қутидаги янги материални ўзлаштиришла-  
рига замин тайёрлади:

1. 1918 – 1920 йиллардаги миллий озодлик ва эрк учун  
олиб борилган курашлар. Бу масала дарслик материали  
негизида тўла очиб берилади.

2. Бу даврдаги Туркистон ўлкасида яшаётган халқ-  
ларнинг аянчли аҳволи.

Бу масалани баён қилишга киришилар экан, ўқитувчи  
Туркистон тарихининг энг оғир ва муракқаб даврларидан  
бери – бу фуқаролар уруши даври эканлигини, бу  
даврда Туркистондаги иқтисодий ва ҳарбий-сиёсий  
вазият ғоят қийин бўлганлигини, бунга аввало фуқаролар  
урушки давридаги сиёсий чалкашликлар сабаб бўлганли-  
гини ўқувчиларга эслатиб ўтиш зарур. Бу давр шу пайтга  
қадар дарсликларда, қўлланмаларда ва бошқа илмий-  
бадиий адабиётларда фақат бир томонлама ёритиб  
келинган. Ҳозирги кунда республикамида амалга оши-  
рилаётган демократик ошкоралик ва ҳурфиксказ ту-  
файли тарихимизнинг фуқаролар уруши ва ундан  
кейинги даврлар билан боғлиқ муаммоларга атрофлича  
ва чуқур илмий нуқтаи назардан қараб баҳо беришга  
имконият яратилди. Шундай экан, Туркистон халқи ҳеч  
қачон босқинчиларга муросасозлик қилмаган. Аксинча,  
уларга қарши қадим-қадимдан қақшатқич зарба бериб  
келинган. Масалан, «босмачи» тушунчаси халқимиз учун  
янгилик әмас. Милодимиздан олдинги VII – IV асрларда  
ўлкамизга бостириб келган босқинчи Эрон шоҳлари  
Қуруш, Доро, Кайхусрав, Ксеркс, Кир, Бес кабилар ёвуз  
ниятларини амалга ошира олмаганлар. Уларга сак  
подшоси А – Морг, унинг хотини малика Спаретра,  
массагетлар маликаси Тўмарис, унинг ўғли Спартангиз,  
оддий сак қабиласининг фарзанди чўпон йигит Широқ  
кабилар қақшатқич зарба бердилар. Милодимиздан  
аввалги 329 йилда ўлкамизга македониялик босқинчи  
Искандар, VIII аср ўрталарида яна бир даҳшатли  
босқинчи – араблар бостириб кирдилар. Уларга қарши  
Спитамен, ҳунарманд йигит Ҳошим ибн Ҳаким (Муқанна  
номи остида), Самарқанд ҳокими Гурек, Хоразм шоҳи  
Фир қақшатқич зарба бердилар. Юртимизга босқинчилар

тинимсиз бостириб киравериб, босмачиларга қарши курашда тажриба орттирган халқимиз ичидан етишиб чиқкан ажойиб саркардалар: Хўжанд ҳокими Темур Малик, бухоролик әлакчи Маҳмуд Торобий, унинг укалари Муҳаммад ва Алиларнинг жасорати. Хоразмнинг янги шоҳи Жалолиддин Мангубердиек йигитларимизнинг мӯғул-татарларга қарши берган зарбасини тарих саҳифасига зарҳал ёзувлар билан ёзиш мақсадга мувоғиқ бўлур эди. Ҳа, бу босмачиларнинг чеки бўлмади. 1865 – 1900 йилларда Урта Осиё Россия томонидан босиб олинди. Үрис босмачиларига қарши Қўқон хонлигига Пўлатхон (Мулла Исҳоқ), андижонлик Мадали әшонлар бошчилигидаги қўзғолонлар шафқатсиз равишда бостириди. Бу қўзғолонлар – ўз миллий озодлик ва эркини талаб қилиб, үрис ҳукмдорларига қарши кўтарилган кураш эди. Фуқаролар уруши дейилганда бир миллат ичидан олиб борилган уруш тушунилади. Туркистонда эса бутун миллат бошқа давлатнинг босқинчилигига, ҳукмронлигига қарши курашган. «Босмачилар» эса (босиб келган босқинчилар) Туркистон Мухтор Жумхуриятини ўз қўлида сақлаш учун жумҳуриятнинг ҳарбий кучлари сифатида мавжуд тузумга қарши кураш олиб боргандар ва бу кураш 16 йилга чўзилган. Демак «босмачилик» деган атама Туркистон миллий озодлик ва эрк жангчиларига мос келмайди.

Туркистон халқарида Шўролар ҳукуматига, у юргизётган миллий сиёсатга ишонч қолмади, бундай ишонч тўп, миљтиқ ва замбараклардан ўқса тутилди. Сўз билан амалий иш бирлиги бузилди. Митинг ва намойишларда инсонпарвар, халқчил, демократик, социалистик ҳокимиёт тўғрисида сўз юритилди, амалда эса ўз эрки, озодлиги учун, адолат ва диёнат учун курашган гуноҳсиз мингминглаб оддий фуқаролар, ҳатто беозор кексалар, хотин-халаж ва болалар қириб юборилди, юзлаб қишлоқ ва овуллар ёндирилди, ер билан яксон қилинди.

Давлатни доимо қўлдан бермаслик учун Туркистон Шўролар ҳукумати ерли халқ давлатни бошқаришга ожизлик қиласди, уларга ишониш керак эмас, улар давлатни мустақил бошқара олмайдилар, деб асоссиз уйдирмалар тўқидилар.

Туркистон Шўролар ҳукумати Туркистон мухториятини тан олмади, уни агдариб ташлади ва йўқ қиласди. Натижада Туркистон халқлари миллий озодлик в эркинлик учун курашга отландилар. Бу кураш 16 йил давом

этди. Шўролар ҳукумати ана шу йиллар давомида Туркестонда маҳаллий миллат вакилларидан 200 мингдан ортиқ аҳолини қириб юборди. Агар далилларга мурожаат қиласак, Туркестон ўлкаси ҳалқарининг саводхонлик даражаси Россия ҳалқарининг саводхонлик даражасидан кам фарқ қиласди. 1897 йилги ўтказилган аҳоли рўйхати маълумотларига кўра Россияда саводхоналик 21 фоиз бўлган бўлса, Туркестонда 19,55 фоиз эди.

Туркестон ўлкаси меҳнаткашлар оммаси мухтор ҳукуматни қўллаб-қувватлади. Буни 1917 йил 6 декабрда Тошкентнинг Эски Жўва даҳасидаги Бекларбеги мадрасасида ўтган митингдан ҳам билса бўлади. Бу митингда Мунаввар қори, Мулло Одил, муфти Сайд Ғанихон, Шерали Лапин, Пирмуҳаммад Аълам ва бошқалар сўзга чиқдилар. Митинг иштирокчилари 13 декабрь – Муҳаммад пайғамбар тугилган куни намойиш ўтказишга қарор қирадилар. Уша куни Туркестон меҳнаткашларининг тинч намойиши бошланди. Шаҳар шўроси намойишчиларга қарши отлиқ қуролланган аскарларни юборди. Аскарлар намойишчиларни ўқса тутдилар, уларнинг раҳбарлари қамоқча олиниб, шаҳарда ҳарбий ҳолат эълон қилинди.

1917 йил 26 декабрда Қўқон шаҳрида мусулмон ишчи ва аскар вакилларининг 1 фавқулодда съезди бошланди. Съезд қатнашчилари 30 декабрда Қўқон мухтор ҳукуматини ёқлаб овоз бердилар. 18–19 февраль кунлари Қўқон мухториятига қарши ҳужум ҳаракатлари бошлаб юборилди. Ўзбекистон Марказий давлат архивида сақла наётган ҳужжатларнинг гувоҳлик беришича, Шўролар ҳукумати Қўқон шаҳрини қамал қилганда арман миллатига мансуб (дашноқ) кишилардан фойдаланган. Қўқон шаҳрида вазият ниҳоятда оғирлашиди. Мухториятни ўйқ қилиш мақсадида шўролар кўлидан келган барча номаъкулчиларни қиласди. Қўқонда бўлган воқеаларни ўз кўзи билан кўрган ҳужум иштирокчиси М. К. Шкорупа «Тинч аҳолининг уйлари. Туркестон, Россия учун ҳам тансиқ бўлиб қолган мануфактура, галла омборлари ёнарди. Шу кун ичida Қўқон шаҳрида 10 минг туркестонликлар ўлдирилди. Айниқса, бойликка ҳирс қўйган арман дашноқлари дарҳол «ўлжа» изланига тушдилар. Шаҳар остин-устун қилинди. Боқдоллар, сартарошлар, вино согувчилардан иборат бўлган арман аҳли шу заҳотиёқ жанговар инқилобчиларга айланди. Улар

шаҳарни, хусусан савдо тармоқларини, дўйконлар, расталар, омборларни талаб, вайрон қилдилар, қолган нарсаларга ўт қўйиб, ёкиб юбордилар. Бу воқеадан сўнг халқ оммаси большевикларнинг, мухториятчилар айтгани сингари, босқинчи, худосиз, мусулмонларнинг душмани эканлигига ҳеч шубҳа қилмайдиган бўлиб қолди. Шўролар ҳукумати армияси ва улар билан бирга ҳаракат қилаётган арман дашноқлари маҳаллий аҳолини батамом ўзларига итоат эттиromoқ учун Фаргона водийсидаги 180 та қишлоқка ўт қўйдилар.

Ш. Шомаъдиевнинг 1961 йили чоп этилган «Очерки гражданской истории в Ферганской долине» асарида арманлар 1918 йилнинг бошида Марғилон шаҳрида 7000, Андижон шаҳрида 6000, Намангандар шаҳрида 2000, Бўзқўргон ва Кўқонқишлоқ атрофларида 4500 га яқин туркестонликларни ўлдирганлиги тўғрисида асосли далилларни келтиради.

1918 йил январь ойида Скобелев шаҳар ҳокими В. Д. Дориомедов «Знамя свободы» газетасида «рус большевики ҳар қандай мухториятни тан олмади ва мазлум халқлар ўз ҳуқуқлари ва тақдирларини ҳақиқатан ўzlari белгиламоқчи бўлганларида бунга йўл қўйилмади», деб ҳаётий ҳақиқатни айтган эди.

Д. Манжара ҳам Туркистон шўроларининг сиёсатда йўл қўйган хатоларини тан олиб шундай деган эди: «Миллий сиёсатда йўл қўйган хатоларимиз туфайли Қўқон мухторияти вужудга келди... Уни йўқотиш пайти яна бир хатога йўл қўйдик. Қурол-яроғи деярли бўлмаган мухториятчилар жойлашган эски шаҳарни қамал қилиш ўрнига, биз тўплардан ўқса тутдик, кейин дашноқларнинг қуролли тўдаларини ишга солдик. Натижада талон-торож, номусга тегиш, қирғин бошлианди. Бундан мухториятчиларга алоқаси бўлмаган тинч аҳоли катта зарар кўрди».

Босмачилик ҳаракатлари ҳақида сўнгги 2–3 йил ичидаги жуда кўп турли-туман фикрлар аълон қилинди. Айримлар ҳақиқатан ҳам босмачи тўдаси каллакесарлар бўлган дейишишса, айримлар ўзи яшаб турган жойдан босмачи чиқиши мумкин эмас, босмачи сўзининг маъноси қаердандир келиб, ўзга юртни босиб олганларга босмачи дейилади, дейишиади. Ўлкамиздаги «босмачи» деб номланганлар ҳақиқатан ўз ўлкаси мустақиллигини чет элликлардан сақлаш учун миллий озодлик кураши олиб борган кишилардир. Бу ҳаракат икки даврга бўлиб

ўрганилса мақсадга мувофиқ бўлади. Биринчи даврдаги «босмачилар ҳаракати» деб аталган давр ўз юртини чет эл босқинчиларидан озод қилувчи, ўз миллий мустақиллигини сақлаб қолувчи миллий озодлик ҳаракати бўлса, иккинчи давр бу ҳеч ким ва ҳеч қайси мамлакат буларни қўлламагач, айримлар Қизил Армия сафига қўшилиб, айримлар ҳақиқатан ҳам босмачилик ҳаракатларини амалга оширган даврдир. Ўқитувчи чон этилган ва архив материаллари асосида буларни тушунтириб бериши керак. Шунингдек, Туркистон ўлкасида «босмачиларга қарши кураш» баҳонасида амалга оширилган бундай ваҳшиёна ёвузликлар тепасида М. В. Фрунзе, В. К. Куйбишев, Ш. А. Элиава, Р. И. Бокий, Я. Э. Рудзутак, Ф. И. Голошекин ва бошқалар турганини, улар 1919 йил 8 октябрда тузилган Турккомиссиянинг аъзолари сифатида бу ишларни амалга оширганлиги ҳақидаги ҳақиқатни ўқувчиларга тушунтириб бериши керак.

Ўқитувчи иккинчи масала, яъни миллий сиёсатни амалга оширишда қандай хатоликларга йўл қўйилганлигини далилий маълумотлар билан тушунтириб бериши керак. Миллий сиёсатдаги хатоликлар туфайли 1918 йилнинг бошида Марғилон шаҳрида 7000 га яқин, Андижон шаҳрида 6000, Наманган шаҳрида 2000, Бўзқўргон ва Қўқонқишлоқ атрофида 4500 га яқин бегуноҳ туркистонликларнинг шўро ҳокимияти томонидан ўлдирилганлигини ҳамда шўролар томонидан биргина Фарғона водийсида 180 та қишлоққа ўт қўйилганлигини ўқитувчи юқорида келтирилган далиллар билан ўқувчиларга тушунтириб бериши керак.

Ўқитувчи Фарғона водийсининг қайси жойларида миллий озодлик ҳаракатлари кўтарилганини, миллий озодлик ҳаракатларини бостириш учун Қизил Армия томонидан кўрилган чоралар ҳақида сўзлаб беради.

Ўқитувчи хулоса қилиб, Туркистон ҳудудида янги тартиб қоидалар минг-минглаб авлод-аждодларимизнинг азият чекканликлари, қурбон бўлганликлари эвазига зўрлик билан ўрнатилганлигини таъкидлайди. ТКП нинг VI қурултойида Н. Тўрақулов қилган маъruzадан маълум бўлишибча, Қизил Армиянинг ҳарбий ҳаракатлари натижасида Туркистонда 200 минг киши ўлдирилади ва майиб-мажруҳ қилинади. Буни Хоразм ва Бухорода амалга оширилган «инқиlobий зўрлик» ҳам исботлаганини ўқитувчи суҳбат асосида айтиб ўтади.

Ўтган ва янги мавзуни мустаҳкамлаш ҳамда ўқувчилар билимини баҳолаш учун бериладиган саволлар: 1. Туркистон халқларининг миллий озодлик ва эрк учун олиб борган курашларини сўзлаб беринг. 2. Хива ва Бухоро халқ республикаларининг ўрнатилиши. 3. Миллий сиёсатда йўл қўйилган хатолар қандай натижалар берди? 4. Туркистон халқларининг миллий озодлик ва эрк учун олиб борган курашлари Фарғона водийсининг қайси қишлоқ ва шаҳарларида бўлган? 5. Шу воқеалар билан боғлиқ бўлган қайси қишлоқ, район ва шаҳарлар номининг келиб чиқиши тарихини биласиз?

**Уйга вазифа:** ўқувчилар дафтарига «Ўзбекистонда фуқаролар уруши ва чет эл ҳарбий интервенцияси» жадвалини тузиш ҳамда Фарғона водийсидаги топоним номларни билиб келиш топширилади. Ўқитувчи юқоридаги масалаларни ўқувчилар томонидан ўрганиб олинганигини (мустаҳкамлаш учун бериладиган саволлар орқали) аниқлаб олгач, топонимик материалларни ўргатишга киришади. У суҳбатни Фарғона водийси вилоятлари, шаҳарлари, районлари ва қишлоқлари ҳақидаги умумий тушунчалардан бошлайди.

Ўқувчиларга Фарғона водийсида энг катта, серҳосил, қадимдан нахта етиштириб келаётган, Ўзбекистоннинг гуллаган вилоятларидан учтаси, яъни Андижон, Фарғона ва Намангандан жойлашганлиги ҳақида маълумот беради. Сўнг ўқитувчи водий энг қадимги сунъий сугориш дехқончилигига асосланиб ривожланганлиги, унинг ҳаёти сув билан бевосита боғланганлиги, шунинг учун ҳам жуда кўп қишлоқ, район, шаҳарлар номининг келиб чиқиши сугориш системалари, шохобчалари, ариқ, канал, сой ва дарёлар номлари яъни гидронимлар билан боғланганлиги ҳақида сўзлайди. Кўнгина кўхна ва янги қишлоқлар, районлар ва шаҳарларнинг номлари шу жойларнинг ўртаси ёки ёнидан оқиб ўтувчи ариқ, канал, сой ва дарёлар номини олганлиги азалдан маълум. Масалан: Шаҳриҳон сойи Фарғона водийсининг деярли кўп қисмини сув билан таъминлайди. Бу сой бир қанча шаҳар ва районларнинг экин майдонларини суғоради. Ана шу улкан сой соҳилида қад кўтарган шаҳар Шаҳриҳон шу сой номи билан аталади. Қувасой ҳам шу водийнинг, хусусан Фарғона вилоятининг кўпгина районларини сугорадиган сув артерияларидан биридир. Бу сой соҳилида бунёд этилган шаҳар ҳам шу сой номи билан Қувасой шаҳри деб номланган. Бундай топоним

номлар жуда кўн бўлиб, энг муқобил бўлган айрим номларнинггина топонимикасига тўхталиб ўтамиз.

**Андижон** – Ўзбекистоннинг хушманзара ва кўҳна шаҳарларидан бири. У Фарғона водийсининг жануби-шарқида жойлашган.

Шаҳар номининг келиб чиқиши тўғрисида бир қанча фикрлар бор. Бир афсонада айтилишича, шаҳарнинг номи Афросиёб ноибининг қизи Андижон номидан келиб чиқсан дейилади. Бошқа бир ривоятда бу сўзининг биринчи қисми «Анди» – шаҳарга асос солган кишининг номи, иккинчи – «жон» қисми эса жон деган маънони англатади, дейилади. Бирорлар қачонлардир бу ерларни «анди – ҳинд» лар ишғол қилингандар, бу ҳиндалар макони дейдилар. Яна бир гурӯҳ кишилар эса «Анди» шаҳарга асос солувчи, «жон» эса баҳш этмоқ демакдир, дейишади. Яна бир гурӯҳ кишилар карвон йўлида кетаётганда қароқчилар хужум қилиб «Ўнта жонни» ўлдирганлар. Андижон сўзи ўнта жон сўзининг бузилганлигидан келиб чиқсан, деб таъкидлайдилар. Х асрда яшаган араб географи ва сайёҳи Ибн Ҳавкал Андижон шаҳри тўғрисида «Деҳқончилиги ривожланган шаҳар, иқтисодий ва сиёсий жиҳатдан ҳам ривожланган, катта ҳунармандлар шаҳри» деб ёзган.

Андижон шаҳрининг пайдо бўлиши ва номи ҳақида тарихчиларимиз қуйидагича фикр юритадилар. Масалан, машҳур тарихчи В. Наливкин ўзининг «Краткая история Кокандского ханства» деган китобида «Андижон» сўзи ҳозирги шаҳар ҳудудида яшаган «анди» қабиласи номидан олинган, деб кўрсатади. «Анди» сўзига «ган» қўшимчасини қўшиш билан «Андин» ясалган ва кейинчалик бу Андижонга айланиб кетган, деб ёzádi. Шаҳар IV асрдан V асргacha Андукон, XII асрдан то XIX асргacha Андижон деб юритилади.

Андижон шаҳри топонимикаси ҳақида баъзи бир тарихчи олимлар, жумладан, С. Жалиловнинг шу соҳадаги фикри ҳам ҳақиқатга яқиндир. Яқин йилларга қадар, ҳатто ҳозир ҳам айрим кишилар бу шаҳарни Анжон деб келадилар. Айрим кишиларнинг айтишлари бўйича Ўрта Осиё чоризм тарафидан босиб олингандан сўнг руслар «ж» товуши олдига «д» қўшиб айтишлари натижасида «Анжон» Андижон бўлиб қолган. Хуллас, Андижон шаҳар тарихи қадимий ёзма маинбаларда аниқ таърифланган бўлса-да, Андижон сўзининг этиологияси ҳалига қадар илмий равишда исботланган эмас.

**Қўқонбой** – Қўқонбой қишлоғининг ташкил топиш даври қарияларнинг ва қишлоқ зиёлиларининг шоҳидлиги бўйича, Қўқон хонлиги даврига тўғри келади. Қишлоқ Тошкент – Андижон темир йўли ва Хўжанд – Қўқон карвон йўллари ёқасига жойлашган. Қишлоқдаги каттакатта, энг ҳосилдор ерлар Қўқонлик бойлардан Пўстин-пурушбой, Товоқчибой, Пичақчибой, Оллобой ва шу кабиларга қарашли бўлиб, яқин кунларгача ўша бойларнинг номи билан аталиб келар эди. Қария отахонларнинг айтишича, қишлоқ ерлари сув бошида бўлиб, ери жуда унумли бўлган. Шу сабабли бу ерларни Қўқонлик бойлар эгаллаб олиб, чорикорларга бўлиб берган ва бу ерда аста-секин аҳоли тўпланиб, қишлоқ пайдо бўлган. Қишлоқ асосан Қўқонлик бойларнинг еридан иборат бўлгани учун Қўқонбой деб атала бошлаган деган фикр бор.

**Савай** – 1930 йили ташкил топган совхоз номи. У Фарғона водийсининг шимоли-шарқидаги Андижон вилояти Қўргонтепа районида жойлашган бўлиб, Қирғизистон Республикаси билан чегарадошdir. Бу ер номининг келиб чиқиши қўйидагича бўлган. Совхоз ташкил топмай туриб, шу ерга яқин жойда Исарай деган одам яшаган экан. У ўз томорқасига Қорадарёдан бош оладиган ариқдан сув очган. Кейинчалик мана шу жойда давлат хўжалиги ташкил топган, худди шу ариқ ўрнида канал қазилган. Одамлар бу канални халиги ариқ ўрнидан очилгани учун «Исарай ариқ» деб, кейинчалик бу сўз бузилиб Савай ариқ деб атай бошланган.

«Савай ариқ» атрофида ташкил топган давлат хўжалиги номи ҳам «Савай» бўлиб қолган. Ҳозир ҳам шу ном билан машҳур. Мўғул уруғларидан бири ҳам Савай деб юритилган дейди Б. Аҳмедов.

**Хўжанд** – Тожикистон республикасидаги шаҳар. 1936 йилга қадар шу ном билан аталиб келинган. Нима учун Хўжанд деб аталганлиги тўғрисида бир қанча ривоятлар мавжуд.

Бир вақт Сирдарё тошиб, кечаси бу шаҳарни сув олиб кетган эмиш. Подшо Нуширвон мамлакатдаги энг яхши одамларни йиғиб, эски шаҳар ўрнидан сал нарироқда янги шаҳар барпо қилишга буйруқ берган экан. Шунда олдинги шаҳарнинг номи унутилиб, Хўбчанд (тожик тилида бир сўзи чанд, яхши сўзи – хўб) дейилган, яъни бир қанча одам келиб ўрнашган шаҳар деган маънони билдиради. Бора-бора, вақт ўтиши билан, Хўбчанд сўзи

Хўжанд бўлиб кетган, дейишиди. Яна бошқа бир ривоятда Хўжанд сўзи бу шаҳарда «оқ суюклар» кўп бўлганлиги сабабли «Хўжалар шаҳри» сўзидан олинган, дейилади.

Шундай қилиб, шаҳарнинг нима учун Хўжанд деб аталганлиги тўғрисида ишончли бир фикр йўқ.

**Наманган** — Фарғона водийсининг гўзал шаҳарларидан бири. Наманган сой, Янгиариқ ва Шимолий Фарғона каналидан сув ичади. Наманган ҳақидаги дастлабки маълумотлар Захириддин Муҳаммад Бобурнинг «Бобурнома» китобида тилга олинади. Наманган қишлоғи туз конига яқинлигидан «Намак кон» деб аталган. Кейинчалик бу ном ўзгариб Наманган бўлиб кетган. Новмакон (янги жой) деган ривоят ҳам бор. Шаҳарнинг вужудга келишига қадимги Ахсикент шаҳридан кўчиб келган аҳоли ҳам таъсир қилган бўлса керак. Ахсикент шаҳри Наманган яқинида Сирдарёning ўнг қирғоғида бўлган. У 1620 йилги зилзиладан яксон бўлиб кетган. Наманган шаҳрининг ривожланишида Норин дарёсидан 1818 – 1822 йилларда ўtkазилган Янгиариқ канали катта роль ўйнади. Бу ерда ҳунармандчилик ва савдо-сотиқ ривожланади. Фарғона вилояти тузилгач, Наманган унинг уезд шаҳарларидан бири бўлиб қолди. 1877 йили янги шаҳар қурилиши бошланади. Бу ерда дастлаб Андижон ва Фарғона шаҳарларидағи сингари қўргон қурилган. Янги шаҳар участкасида ҳарбий машқлар ўtkaziladiган майдон, шаҳар боги ва бозор учун жой ажратилган. 1894 – 1895 йилларда шаҳар аҳолиси 60 минг кишидан кўпроқ бўлган. XX асрнинг бошларида Наманган темир йўл орқали Қўйкон билан боғланади. Шундан кейин пахта ва ёғ заводлари пайдо бўлади. 60-йилларга келиб Наманган жуда катта шаҳarlардан бирига айланди. Ҳозир шаҳар Фарғона водийсидағи йирик шаҳарлардан бири, Наманган вилоятининг маркази.

**Ҳаққулобод** — Норин районидаги қишлоқ. Археологларнинг ва ерли кексаларнинг сўзларига қараганда, бу қишлоқ XVIII асрнинг охирида ташкил топган. Ўша вақтда бу жойларнинг ўрни ботқоқлик ва балчиқ бўлган. Шунинг учун бу ерда одамлар яшамаган. Район марказидан 6 км нарироқда «Эски Ҳаққулобод» деган қишлоқ бор. XVIII асрнинг охирида бу ерда жуда бой ва жоҳил Ҳаққулибек деган киши яшаган. У ер – мулкини кўпайтириш учун ўз одамларини тўқайзор ва балчиқ

ерларни ўзлаштиришга мажбур қилган. Унинг буйруги билан одамлар ботқоқларни қуритиб, әкин әкканлар. Бу қишлоқ унинг хўжайини Ҳаққулибек номи билан Ҳаққулобод деб аталган. 20—30- йилларда, ундан кейинги даврларда бу ерда ижтимоий ўзгаришлар юз берди. Ҳозир Ҳаққулобод Наманган вилоятининг энг гўзал қишлоқларидан бири бўлиб, Норин районининг маркази ва шаҳар тинидаги аҳоли яшайдиган манзилга айлантирилди.


**Қўқон.** Бу сўзининг этиологияси ҳақида ҳам турлитуман маълумотлар бор. Айтишларича, шаҳар жойлашган ҳудуд ботқоқлик, қамишзорлардан иборат бўлган ва у ерларда ҳўк (ёввойи чўчқа) лар жуда кўп бўлган. Шунинг учун у ерни чўчқалар, яъни тўнғизлар макони — ҳўккон деб атаганлар. Кейинчалик бу сўз Қўқон бўлиб қолган, деган фикр соҳтадир. Академик А. Н. Кононов: ХЎ сўзи «шамол» маъносида келади ва Қўқон (Хўқанд) «Шамол шаҳри», «сершамол шаҳар» маъносида бўлиши мумкин, деб таъкидлайди.

Дастлаб «Ҳудуд ал-олам» да Хўқанд, Хуваканд — халқ зич яшайдиган шаҳарча дейилган. Ибн Ҳавқал, Муқаддасий асарларида Хўқанд (Хувоканд) ва Хўқанд (Хувоканд) шаклларида қайд қилинган. «Бобурнома» да Хўқон вилояти деб тилга олинган. Ҳозирги Қўқон шаҳри тарихий Хўқанд ўрнида XVIII асрда ўзбекларнинг минг уруғи бошлиғи Шоҳруҳ-бий томонидан барни этилган. В. В. Бартольд шаҳар номининг адабий жиҳатдан тўғри шакли Хўқанд бўлиб, Қўқон жонли тилда талафғуз этилишидир, деб ҳисоблайди.

Юқоридаги олимларнинг турли изоҳларидан қатъи назар, ҳозирги кунга қадар Қўқон сўзининг этиологияси илмий асосда ўрганилган эмас.

**Фарғона** — антик давр юонон олимлари бу вилоятдан деярли бехабар қолганлар. Македониялик Искандарнинг Хўжандгача келгани аниқ. Аммо ундан шарққа, Фарғонанинг ичига ўта олмаган. Шунинг учун бўлса керак юононча китобларда қадимий Фарғонанинг тавсифи йўқ. У томонда «Яксарт орқасида» аллақандай ўтроқ аҳоли борлигигина қайд этилган, холос. Фақат илк ўрта аср адабиётидагина Фарғона номи қайд этилган.

Фарғона номининг маъноси шу чоқҷача аниқланган эмас. Лекин бу ҳақда бир ҳанча изоҳ, тахмин ва мулоҳазалар бор: Геродотнинг ёзишича, қадим замонларда Ўрта Осиёда Парикан номли қабила бўлган;



Қўқон. Ўлкашунослик музейи биноси

санскрит тилида паркана деб кичик вилоятга айтилади; пари хона, яъни «гўзаллар юрти» деган маъноси ҳам бор; форсча паранд (арабча фаранд) — «шойи», «ипак» сўзларидан келиб чиққан (фарандхона — ипакхона дегани); қадимий форс-тожикчада паргона — «тоғ оралиғидаги водий» демакдир. Бу сўзни маҳаллий қабилалар ўрганиб олиб, ўз юртларини Фарғона деб атай бошлиглар; Фарғона «ҳар хона» сўзларидан олинган ҳам дейилади. Бу ернинг яхшилигини билиб, ҳар жойдан турли қавмлар кўчиб келган, экинзор барпо қилиб, турғун бўлиб қолган. Хонадонлари ҳар жой-ҳар жойда, тиллари ҳам ҳар хил бўлган. Уларни «ҳар хона» деганлар. Бу сўзлар истеъмолда Фарғона бўлиб кетган, дейди Нажиб Бакрон (XIII аср бошлари) ўзининг «Жаҳоннома» китобида. Буни Ёқут Ҳамавий бошқачароқ изоҳлайди: ҳар хонадан биттадан киши қўчирилиб келтирилган, шундан «аз ҳар хона» (ҳар хонадан) дейилган, кейинчалик бу сўз Фарғона бўлиб қолган, дейди у; Тожикистон тоғлари (Туркистон, Зарафшон тизмалари) Фалгар деб аталган. Бу сўзнинг «тоғ этаги» деган маъноси ҳам бор. Шундан Фарғона номи ясалган дейди Н. Г. Маллицкий; паркана — қадимги тожик тилида «берк водий» деган сўз. Помирдаги рушон шевасида паркана деб «ҳар

тарафи төғ, бир ёнигина очиқ бўлган водийга айтилади» дейди проф. М. С. Андреев.

Заҳириддин Муҳаммад Бобур Фарғона вилоятини тасвирлар экан, М. С. Андреев айтган рушонча иборани ўзбекча баён этган: «Гирдогирди төғ воқеъ бўлибтур. Фарбий тарафидан... төғ йўқтур. Ушбу жонибтин ўзга ҳеч жонибтин қиши ёғи келаолмас» (Бобурнома). Бир мулоҳаза. Антик дунё тарихчиларининг маълумотига кўра, «парфияликлар» (Жанубий Туркманистон) бир замонлар скифлар орасидан қувилган қабила эдилар, парф сўзи скифча «қувилган кишилар» демакдир... уларнинг кийими тиниқ (ипак) ва бурмалидир. .. кўпинча от миниб юрадилар... Парфияликларнинг биридан-бири кўчили – отлиқ аскарлардир... Давань (Фарғона) билан Аньси (Парфия) шевалари ўртасида анча фарқ бўлмасада, уларнинг тили хийла ўхшаш ва улар гаплашганда бир-бирини тушунадилар». Парф қабиласининг кўп хусусиятлари Фарғонада ҳам бор: яхши отлар, ипак кийим, тил ўхшашлиги. «Фарғона» номи Парфиёна – Парфона – Фарғона трансформацияси бўлмаганмикан, деган фикр ҳам хаёлга келади.

Аммо юқоридаги 10 та изоҳнинг бирортасини ҳам қатъий деб айтолмаймиз. Фақат шуниси аниқки, бу вилоятнинг энг дастлабки номи Фарғона ёки Парфона бўлганлигини йирик шарқшунос В. А. Лившиц исботлаб берган.

Дамариқ – Андижон вилояти Хўжаобод районидаги Хўжаобод қишлоғига қарашли «Ўзбекистон» номли жамоа хўжалиги ҳудудида жойлашган. Авваллари бу ариқни «Ёмонёр» деб аташарди. Бу ариқ асли Ўш сойидан бош оларди, деб ҳикоя қилади шу қишлоқлик Турдигон ота Усмонов. Биз болалик давримизда Хўжаобод қишлоғини ва унинг ерларини шу ариқ суғорарди. Баҳор ойи ёки олма гуллаган пайтда бу қишлоқ аҳлини ваҳима босарди, чунки Ўш сойи тошиб ариқ бошини оқизиб кетарди ёки Шаҳриҳон сойига қўшиб юборарди. Натижада Хўжаобод, Булоқбоши, Қоратайит қишлоқлари сувсиз қоларди, ҳатто ичишга сув топилмас эди.

Сувсизлик азобидан қутулиш мақсадида шу қишлоқ оқсоқоллари Абдусамад ота Бойматов, мулла Собиржон Юсупов, Мавлон ота, Мамарозиқ оталар бошчилигида тўғонни қайта қуриш учун ҳашар ўюштирилар эди. Ҳашар бошлашдан аввал бу ишга кимларни жалб қилиш, қайси хонандондан нечта одам иштирок этиши мумкин-

лиги белгилаб олинарди. Сўнг Хўжаобод волость бошлиғига хабар қилинарди. Ҳашарда деярли камбағал дехқонлар иштирок этардилар, аммо сувнинг кўпидан бойлар фойдаланардилар. Тўғонни бир йил ичидаги неча марта сув бузиб кетарди. Ҳар сафар тўғонни қайта тиклаш учун камбағал дехқонлар ўз-ўзларидан тўғон қуриш учун асосий материал ҳисобланган шох-шабба, ёғоч, харакатичан, похол каби қурилиш материаллари олиб боришар эди. Волость раҳбарлари қурувчиларга ҳеч қандай ёрдам бермас эдилар. Тўғон қурилишига ёрдам бера олмаган, иложсиз камбағал дехқонларни уришар эдилар. Асримизнинг 20- йилларига қадар бу «Ёмон ёр» деб ном олган жойдан сув олиш жуда ҳам ёмон, оғир эди. Шунинг учун одамлар бу жойни Ёмон ёр, сув сайдан жуда дамланиб чиққанлиги сабабли ариққа Дам ариги деб ном берган, деб ҳикоя қилишади кекса отахонларимиз.

**Хўжаобод** – Андижон вилоятига қарашли шу номдаги район маркази. 1981 йилдан бошлаб шаҳар номини олди. «Бобурнома» муаллифи Ўш билан Андижон ўртасида бир обод жой бўлганлигини эслатади. Шу ерлик 7 марта ҳаж қилган Абдунаби Сайфуддин ҳожи ўғлининг ҳикоясига қараганда, қадимги Ўрта Осиё шаҳарларини Хитой билан боғлайдиган савдо йўли шу Хўжаобод орқали ўтган. Бунинг гувоҳи сифатида то ҳозирги кунгача сақланиб қолган Андижон шаҳридаги, шу Хўжаободдан борадиган йўл бошига қурилган Хитой консулининг биносини кўрсатадилар.

Хўжаобод сўзининг келиб чиқиши тарихи ҳақида аниқ фикр ва далил бўлмаса-да, айрим таҳминлар бор. Юқорида таъкидланганича, Хитойга борадиган савдо йўлида жойлашганлиги туфайли бу жойга бир гуруҳ хўжалар келиб жойлашиб қолишган. Шундан сўнг қишлоқ кенгайиб хўжалар обод қилган дейишиб, номини Хўжаобод қўйишган десалар, айрим кишилар, бу ердан хажга борганлар кўп бўлганлиги туфайли ҳожилар обод қилган, дейдилар. Хуллас, Хўжаобод шаҳри тарихи ҳали илмий асосда тадқиқ қилинмаган. Ҳожиобод дейиш ҳақиқатга анча яқиндир. 1993 йили «Меҳнат» нашриётида чоп этилган А. Набиевнинг «Бобур тавоғ айлаган диёр» номли рисоласида (10 босматабоқ) Хўжаобод тарихи, энг қадимги даврлардан то ҳозирги кунгача бўлган тарихи мукаммал ёритилган. Хўжаобод номининг келиб чиқиши тарихи ҳақида жумладан шундай дейилган:

«Бобурнома» нинг 50 – 51- бетларида Бобур Мирзонинг устози ва пири Хўжа Абдулло Мавлонаи қози номи бир неча бор тилга олинган. Эндилиқда шундай тарихий маълумотлар аниқланмоқдаки, ҳатто Хўжаобод воҳасининг номи ҳам айни шу тарихий шахс – Хожа Абдулло Мавлонаи қози номи билан боғлиқ бўлиб чиқди. Бинобарин, Бобур таърифлаганидек, воҳа номи уни боғ-роғларга айлантирган тарихий бир шахснинг номи билан боғлиқ экан. Бу фикрни ёзувчи Қўлдош Мирzonинг 1990 йили «Шарқ Юлдузи» да босилган «Бобур Мирzonинг тойлогоғи» номли қиссаси воқеалари яна бир карра тасдиқлади. Қисса муаллифи ўз асарида Хўжаобод Оқбўра дарёсидан сув ичганлигини, ундан янги-янги ариқлар чиқарилганлигини айтади. Яна таърифлайдики, шу ариқлар сувидан баҳра олган боғ-роғларни кўрган, ширин-шакар мевалару қовун-тарвузларидан тотиб кўрган Заҳириддин Мұхаммад Бобур ниҳоятда илҳомланниб кетади ва бу жаннатмакон юрт бошлиғини чақириб: «Сиз юрт айлаган ушбу навоҳи Хожа Абдулло Мавлонаи қози руҳи покининг ҳурмати важидин Хожаобод бўлсан. Бу тилаги ихлосмандлару ҳукми подшоҳдур. Онглайдингизму, сардор», – дейди. Шундан сўнг сардор аҳли юртни тўплаб, подшо ҳукмини эълон қиласди: «Шу бугундан бошлаб, бу юрт Хожаобод деб номлансин», – дейди. Шу тариқа қадимдан обод масканлардан бири бўлган бу юрт Хожаобод деб юритилади.

**Чортоқ** – Наманган ёнидаги қишлоқ. Буни «тўрт тоғ» деб изоҳлайдилар, аммо шундай эмас. Тўрт гумбазли (тўрт тоқиси бўлган) иншоот, арқ, қўргон, қоровулхона чортоқ дейилган. Баъзан тўрт томонидан кўриниб турадиган қоровулхоналар, баланд миноралар ҳам чортоқ деб аталган. Демак, чортоқ деб шу қишлоқ ўртасида жойлашган баланд арқ, қоровулхона туфайли аталган.

**Учқўргон** – Наманган вилояти Норин дарёси бўйида жойлашган. Учқўргон деб ном олишига асосий сабаб илгари Учқўргонда учта катта қўргон бўлиб, уни қурган эгалари бўлган экан. Бу қўргон эгалари XIX асрларда ҳозирги Учқўргон ҳудудига ҳукмронлик қилишган. Асримизнинг 20- йилларидан сўнг бу қўргонлар йўқ бўлиб кетган. Аммо қўргон бўлганлиги сабабли унинг номи Учқўргон номи билан сақланиб қолган.

**Сулдуз** – Андижон районидаги қишлоқ; сулдуз қабилаларидан бирининг номи. Сулдузлар Чингизхон даврида ўрмонда яшаган кўчманчилар бўлишган; сулдуз


аслида сулдез бўлган. «Сулде» монголча «байроқ», «с» эса кўплик қўшимчаси, демак «сулдес» — байроқлар демакдир.

**Қақир** — Андижон вилояти Хўжаобод районида ҳамда Фарғона вилояти Қува районидаги қишлоқлар номи. Қақир сув етиб бормайдиган, қақраб ётган ер деган маънони билдиради.

**Чувалачи** — Фарғона вилояти Бағдод районидаги қишлоқ. Тошкент шаҳридаги кўча номи. Тожикча «катта қоп» маъносидаги жувол сўзидан келиб чиқсан, деган фикр бор.

**Дилкушод** — Андижон вилояти Хўжаобод районида қишлоқ. Ҳозирги Дилкушод давлат хўжалиги ҳудудида жойлашган Дилкушод қишлоғининг ўрни аввал, яъни XVI – XVII асрларда катта карвонсарой бўлган экан. Хитойга Арабистондан кетаётган савдогарлар шу карвонсаройда тунаб ўтар эканлар. Хуллас, Дилкушод катта савдо йўлида жойлашган экан. Дилкушод номи қаердан келиб чиқсанлиги ҳақида ривоятлардан бирида шундай дейилади: Андижон ҳокими Заҳириддин Муҳаммад Бобур тез-тез Ўш шаҳрига бориб турар экан. Доим йўлда шу Дилкушод қишлоғида тўхтаб дам олар экан. Бобур Дилкушодда қўнгандан қишлоқни томоша қилас, ундаги гўзал табиат манзарасидан илҳомланиб шеър ёзар экан. Дилларни шод этувчи сўлим дам олиш жойи эканлигидан мамнун бўлиб, қишлоқ номини «Дилкушод» бўлсин деган экан. Дилкушод қишлоғининг қадимийлиги яна шундаки, у ерда ер ҳайдоётган пайтда бир хумча чиқсан. Ҳумчанинг ичидан XVI – XVII асрга оид тангалар, олтин буюмлар топилган. Шу нарсалар бу қишлоқнинг қадимий эканлигини исбот қиласди. Қишлоқ тоғ багрида бўлганлиги, манзараси, иқлими ва баҳаволиги билан дарҳақиқат дилни шод этади.

**Бағдод** — Фарғона вилоятидаги районлардан бири. Вилоят марказидан 10 километр нарида жойлашган. Бағдод номининг этимологияси қадимиий тарихга эга. Маълумки, Ироқ давлатининг маркази ҳисобланган Бағдод XII асрдаёқ маданияти гуллаган шаҳар бўлган. Бағдод — худо берган жой маъносидадир деб таъкидлайди филология фанлари номзоди Ҳайдарали Узоқов.





---

---

## V. Ўлкашуносликни ўрганишда архившуносликнинг ўрни

1. Марказий Давлат архиви фонdlари
2. Узбекистон Республикаси Марказии Давлат архиви

Архивларда ташкилотлар, муассасалар, корхоналар, жамоа ва давлат хўжаликларининг, айрим шахсларнинг кўп йиллик фаолияти ҳақидаги маълумотлар, ҳужжатлар сақланади. Ўлка тарихини ўрганишда бу ҳужжатларни аҳамияти каттадир. Архив ҳужжатларини қидириб топиш, улар устида ишлаш ва олинган маълумотларни ҳаётга татбиқ этиш мураккаб иш.

Ҳозирги кунда Узбекистон Республикаси раҳбарияти ана шу ҳужжатларни ҳар томонлама ўрганиб, тарих, инсон ва жамият дарсларида фойдаланиш ва ёшларни шу йўл билан ҳар томонлама гармоник ривожланган қилиб етиштириш вазифасини юкламоқда.

Шунинг учун ҳам Ўзбекистон тарихини ўқитишда ўлка материалларидан ва унинг асосий манбаларидан бири бўлган архив ҳужжатларидан фойдаланиш услубияти билан шугулланиш муҳим аҳамиятга эга.

Архив материаллари мактаб ва олий ўқув юртларида жонажон Ватанимиз тарихидан ўқилаётган маъруза ва амалий машғулотларидан асосий омил бўлиб хизмат қиласди ва мактаб ўлкашунослик музейини ташкил қилишда ёрдам беради.

## 1. Марказий давлат архиви фонdlари

Архив ҳужжатлари ёзма ва оғзаки шаклда бўлиши мумкин. Оғзаки тарихий ҳужжатлар ҳар хил техника воситалари билан ёзиб ёки тасвирлаб олинади. Ҳужжатлар маҳсус жойларда, яъни архивларда соҳаларга ажратилган хронологик саналарга, қиммати ва аҳамиятига қараб тартибга солинган ҳолда сақланади.

Архившунослик ишлари ҳам фақат 1917 йилдан кейин ўз равнақини топди. 20- йиллардан бошлаб архив ишларига катта эътибор берилди. Ҳужжатларни сақлаш ва улардан ҳар томонлама фойдаланиш мақсадида Ҳалқ Комиссарлари Советининг 1918 йил 1 июнда «Архив ишини қайта қуриш ва марказлаштириш ҳақида: деб номланган декретига асосан Москвада Давлат архив фонди (ДАФ) ташкил этилди.

Ҳозирги вақтда ДАФ составига тўнтаришгача бўлган давр, тўнтаришдан кейинги барча ташкилотларнинг фаолияти, муассасалар ва айрим шахслар, шунингдек тарихий ёзма ёдгорликлар, ҳукуқ, санъат, адабиёт ва Ҳамдўстлик давлатлари халқарининг майний, маънавий

маданияти, кинофото ҳужжат фондлари, кинофильм негативлари, фотосуратлар, уларни тўлатувчи позитивлар, граммафон, патефон пластинкалари ва ёзиб олинган овоз материаллари, илмий тарихий ва амалий аҳамиятга эга бўлган бошқа нарсалар: иллюстрациялар, қўлёзма негативлар, шунингдек, агитация ва пропаганда мақсадида нашр қилинган плакатлар, варақалар, чақириқлар, эълонлар ва бошқалар, микрофото ҳужжатлар киритилган.

Партия архивида сақланаётган партия ва комсомол ташкилотларининг ҳужжатлари ДаФи таркибиға кирмайди.

Марказий ДаФ қатъий илмий асосда ташкил қилинган бўлиб, халқ хўжалиги, илмий тадқиқот ва илмий маърифат ишларига доир ҳужжатлардан аниқ ва тез фойдаланиш имконини беради. ДаФни бошқариш Давлат Архиви Бош бошқармаси (ДАББ)га топширилган. ДаББ ва унинг жойлардаги органларига бир қатор йирик Давлат тарихий архивлари қарайди. Булар қуидаги Ҳамдўстлик мамлакатлари миқёсидағи архивлар: Москвадаги қадимги ҳужжатларни сақлайдиган Марказий давлат архиви. Санкт-Петербургдаги Марказий тарих архиви, Москвадаги Марказий ҳарбий-тарихий архив, Санкт-Петербургдаги Марказий ҳарбий-денгиз флоти давлат архиви Олий давлат органлари ва Бош бошқармасининг архиви, Москвадаги Марказий халқ хўжалиги давлат архиви, Марказий Армия архиви, Марказий адабиёт ва санъат архиви, Марказий давлат кинофото ҳужжатлар архиви ва 50 та республика Марказий давлат архивлари, 130 та вилоят ва ўлка давлат архивлари ва 2000 га яқин шаҳар ва район давлат архивлари ҳам Давлат архивлари Бош бошқармасига қарайди. Бундан ташқари, ҳар бир вилоят марказида ўша вилоятнинг фаолиятига оид тарихий ҳужжатларни сақлайдиган вилоят давлат архивлари бор.

## 2. Ўзбекистон Республикаси Марказий давлат архиви

Тошкент Ўзбекистон Республикаси Марказий давлат архиви (ЎзРМДА) сақланаётган қимматбаҳо ҳужжатларнинг сони ва моҳияти жиҳатидан Ўрта Осиё республикалари Марказий давлат архивлари ичida энг йиригидир. Унда XIX асрнинг иккинчи ярмидан бошлаб то ҳозирги

кунимизгача бўлган жуда кўп сонли ҳужжатлар сақланмоқда. Туркистон генерал-губернаторлигига қарашли, ҳозирги Ўзбекистон, Туркманистон, Тоҷикистон, Қирғизистон ва қисман Қозоғистон республикалари ҳудудидаги вилоятлар, уездлар волостлар, муассаса ва корхона ҳамда ташкилотларнинг тарихий фаолиятига доир барча ҳужжатлар мана шу Марказий архивда мужассамлаштирилган.

Бу ҳужжатлардаги Туркистонда чор ҳукуматининг олиб борган мустамлакачилик сиёсати, рус халқи билан Ўрта Осиё, шу жумладан, ўзбек халқининг маданий алоқалари, чор буржуа аппарати ва ташкилотларининг бекор қилиниши ҳақидаги хилма-хил ва бой материаллар Ўрта Осиё халқлари тарихини ҳар томонлама, чуқур ўрганишда бебаҳо дурдона бўлиб хизмат қиласди. Архивда Туркистон ўлкасидаги чор ҳукуматининг маъмурий ташкилотлари фаолиятига доир ҳужжатлар тўлиғича сақланган. Бу ҳужжатларнинг кўпчилиги чоризмнинг Туркистондаги мустамлакачилик сиёсатига оид бўлиб, унда маҳаллий аҳолининг аянчли аҳволи, чоризмнинг шафқатсиз зулми, чоризм амалдорларининг хатти-ҳаракатлари, чоризм ва унинг малайларига қарши халқнинг қўзғалиши, жойларда халқ оммасининг миллий озодлик учун олиб борган курашлари, сувсизлик, қурғоқчилик, қашшоқлик ва ҳуқуқсизликка қарши курашларига оидdir. Архив ҳужжатлари ўша даврда тартибли сақланмаган.

Ўрта Осиё хонликлари, бекликлари, диний бошқармалари фаолиятига доир ҳужжатлар деярли йўқ бўлиб кетган. Айрим мавжуд материаллар эса ўлкани Россиянинг босиб олиши жараёнидаги ҳарбий тўқнашувлар даврида йўқ қилиб юборилган.

Академик В. В. Бартольднинг сўзларига қараганда, босиб олинган жойлардаги хонликларнинг кутубхоналари ва архив ҳужжатларини сақлаб қолиш учун ҳеч қандай чора-тадбир кўрилмаган. Умуман, улар Ўрта Осиё халқларининг маданияти ва тарихий ёдгорликларини сақлаб қолишга старли аҳамият бермаганлар. Тарихчи А. И. Добросмисловнинг ёзишича, ерли архив ишлари назоратсиз қолган, фақат биргина генерал-губернатор канцелярияси архиви кўнгилдагидек олиб борилган, холос.

Умуман, 1917 йилгача архив ишлари яхши йўлга қўйилмаган. Ундан кейин сақланиб қолган ҳужжатлар

эса Ўзбекистон Марказий давлат архивининг маҳсус бўлимларида архив қоидасига мувофиқ сақланмоқда. Тўнтаришдан олдинги архив фондларида сақланаётган ҳужжатлар учун тузилган кўрсаткич (1948 йилда нашр қилинган) билан танишиб чиқамиз. Бу кўрсаткич 8 бўлимдан иборат.

І бўлим «Давлат маъмурий бошқарув органлари» деб аталади. У етти бобдан иборат.

Биринчи боб – «Туркистон вилояти Бошқарув органлари» ҳақидаги ҳужжатлар (336- фондда).

Иккинчи боб – «Ўлка ташкилотлари, яъни Туркистон генерал-губернатори канцелярияси, унинг Совети. Улуғ князь Николай Константинович Романовнинг Бошқарув ишлари, генерал-губернаторликдаги дипломатик – чиновниклар бўлими, Бухородаги императорнинг «сиёсий агентлиги»га оид ҳужжатлар (архивнинг 1- фондида).

Учинчи боб – «Хон ҳокимияти органлари: Хива хонлиги канцелярияси, Бухоро қушбегисининг бошқармаси» ҳужжатлари (126- фондда).

Тўртинчи боб – Сирдарё вилояти бошқармаси. Зарафшон округи бошлиғи, Самарқанд вилояти бошқармаси, Фарғона вилоят ҳарбий губернаси канцелярияси. Бошқармаси, давлат думасига сайлов ўтказиш комиссияси Сирдарё вилояти бўлими, қочоқларни ишга жойлаш Фарғона вилояти қўмитаси каби ҳужжатлар (17, 5, 18, 276, 19, 284, 274, 525- фондлар).

Бешинчи боб – шаҳар уезд, район ва участка ташкилотлари деб номланган, унда Тошкент шаҳар бошқарма бошлиқлари, Сирдарё вилояти Қурама уезди бошқармаси, Жиззах, Самарқанд, Андижон, Қўйқон, Наманганд, Скобелев, Чимён ва Учқўрғон уездларининг ҳар хил ҳужжатлари (36, 360, 24, 21, 22, 20, 25, 300, 329, 23, 15, 349, 296, 172, 299, 320- фондлар).

Олтинчи боб – Жандарм-полиция низорати органлари» деб номланган ва унда Туркистон районларини ҳимоя қилиш бўлимлари, Еттисув вилояти посёлкасидаги Вернан қидирив пункти, Темир йўл жандарм-полиция бўлими, Тошкент эски ва янги шаҳар полиция бўлимлари, Андижон ва Жиззах полиция приставлари ҳақидаги ҳужжатлар (461, 467, 677, 468, 462, 463, 464, 465, 620 ва 531- фондлар).

Еттинчи боб – «Қамоқлар ва қамоқ қўмиталари

ҳақида» бўлиб, у материаллар 80, 270, 325, 75- фондларда сақланмоқда.

II бўлим «Ўз-ўзини бошқариш ташкилотлари ва олий мартабали муассасалар» деб номланган. Унда Тошкент шаҳар думаси, шаҳар бошқармаси, шаҳар умумий хўжалик бошқармаси, Самарқанд ва Янги Марғилон хўжалик бошқармаси ва Тошкент мешчанлар оқсоқоли ташкилотларига доир ҳужжатлар (Марказий архивнинг 718, 37, 472, 473, 277, 286 ва 79- фондларида) жойлашган.

III бўлим «Суд ва прокурор фондлари» деб аталади. Бу бўлим ўз навбатида З бобдан, яъни биринчи боб – область судлари, иккинчи боб – оқруг судлари ва учинчи боб – уезд судлари, суд ижрочиси, жанжаллик ишлари комиссияси, ҳалқ судлари, қозилар, нотариуслар ҳақидаги ҳужжатлар (127, 134, 353, 178, 122, 504, 592, 593, 129, 133, 128, 132, 318, 130, 131, 278, 350, 150 ва 505 фондлар)дан иборат.

IV бўлим «Хўжалик-иктисодий ташкилотлар, муассасалар ва корхоналар» деб номланади ва етти бобдан иборат: биринчи боб – молиявий бўлим (87, 88, 89, 108, 13, 497, 475, 281- фондлар); иккинчи боб – саноат бўлими (41, 241, 113 ва 100- фондлар), учинчи боб – қишлоқ хўжалиги (7, 356, 104, 29, 16, 163, 614, 14, 42, 9, 78 ва 12- фондлар); тўртинчи боб – савдо-сотиқ бўлими (469, 264, 90, 99, 97, 93, 98 ва 214-фондлар); бешинчи боб – бож олиш бўлими (471, 121, 46, 187, 306, 185- фондлар); олтинчи боб – транспорт бўлими (33, 39, 538, 102, 101 ва 560- фондлар) ва, ниҳоят, еттинчи боб – алоқа ва статистика ишлари ҳақидаги ҳужжатлар (557, 43, 44, 266, 249, 269- фондлар).

V бўлим «Илмий ва маданий муассаса ва ташкилотлар» деб номланган. Ўрта Осиё илмий жамияти ҳақида 591- фонdda; Тошкент химия лабораторияси 73- фонdda; 1878 йили Тошкентда ташкил қилинган қишлоқ хўжалиги ва саноати кўргазмаси материаллари (575- фонdda); Туркистон қишлоқ хўжалиги жамияти (103- фонdda); Туркистон Ҳарбий округи қошидаги астрономия ва физика расадхонаси ҳақидаги маълумотлар (70- фонда); Туркистон археология ҳаваскорлари тўғараги (71- фонда); рус император географик жамияти Туркистон бўлими (69- фонда); император Шарқшунослик жамияти Тошкент бўлими (361- фонда); Туркистон энтомолог станцияси ҳақида (231- фонда).

да); полковник Серебренниковнинг Туркистон ўлкаси ҳақида тўплаган ҳужжатлари (715-фондда); Туркистон ўлкасидағи олий ва ўрта мактабларни бошқарув ҳақидағи ҳужжатлар (47-фондда); Сирдарё вилояти халқ ўқув юрти директори ҳақида (48-фондда); Тошкентдаги 8 йиллик эркаклар гимназияси (50-фондда); Тошкентдаги реал билим юрти (64-фондда); Тошкент ҳарбий гимназияси (51-фондда); Тошкент савдо билим юрти (56-фондда); Тошкентдаги биринчи хотин-қизлар гимназияси (52-фондда); Тошкентдаги рус-тузем мактаби (61-фондда); Тошкентдаги биринчи разрядли қуий қишилоқ гидротехника мактаби (65-фондда); Ўрта Осиё темир йўл Боз бошқармасига қарашли Тошкент темир йўл билим юрти (254-фондда); Самарқанд хотин-қизлар гимназияси (55-фондда); Скобелев хотин-қизлар халқ кутубхонаси (267-фондда) ва Туркистон халқ музейи ҳақидағи ҳужжатлар Марказий архивнинг 72-фондида сақланмоқда.

VI бўлим «Жамоат ташкилотлари» деб номланган ва бу ҳужжатлар 596, 27, 81, 268, 611, 34, 8, 595, 76, 490 ва 279-фондларда сақланмоқда.

VII бўлим «Диний назорат фонди» деб номланган. Бу ҳақдаги маълумотлар архивнинг 182, 85-фондларида сақланмоқда.

Кўрсаткичга илова сифатида VIII бўлимда географик ва шахсий кўрсаткичлар, шарқ тилларидағи айрим сўз ва терминларга изоҳлар ҳам берилган.

Ўзбекистон Марказий давлат архивида сақланадиган бу бебаҳо ҳужжатлар XIX асрнинг иккинчи ярмидан то XX асрнинг бошларигача бўлган Ўрта Осиё, шу жумладан, ўзбек халқлари тарихини, айниқса жонажон ўлка тарихини ўрганишда катта манба бўлиб хизмат қиласиди.

Архив ишлари, уни тартибга солиш ва ривожлантириш фақат 20-йиллардан кейингина тўлиқ амалга оширила бошланди. Дастробки кунлардан бошлиб архив ишларини тартибга солиш ва қайта қуриш тадбирлари амалга оширилди. 1918 йил 1 июнда собиқ Совет ҳукуматининг «РСФСРда архив ишларини қайта қуриш ва марказлаштириш тўғрисида» деб чиқарган декрети асосида Туркистон АССРда, сўнг Ўзбекистон ССРда ҳам архив ишлари қайта қўриб чиқилди ва марказлаштирилди.

1931 йил 20 майда Ўзбекистон Марказий Ижроия

Қўмитасининг қарорига асосан Ўзбекистон ССР Марказий давлат архиви ташкил этилди. Ўша пайтгача 20—30-йилларга доир ҳужжатлар Ўзбекистон ССР Марказий архив ишлари бошқармасининг ҳар хил секцияларида сақланиб келинар эди.

Тарих ва маданият, юридик ва иқтисодий бўлимлардаги 122 та фонддаги 188 710 та (ед. хр.) иш ёки ҳужжат 1926 йилга қадар архив ишлари бошқармасининг 3 секциясида сақланиб келди.

1924 йили Ўрта Осиёда миллый давлат чегараланиши ўтказилиши муносабати билан Туркистон АССР, Бухоро ва Хоразм Совет Xalқ Республикалари тугаттилиб, уларнинг ўрнида Ўзбекистон ССР ташкил топгач, соҳа архивларидағи барча ҳужжатлар Ўзбекистон Марказий давлат архивига топширилди ва архив фондлари шу ҳужжатлар ҳисобига бойиди. Шундан сўнг, Ўзбекистон ССРнинг барча ташкилотларидағи ҳужжатлар мунтазам равишда Марказий архивга кела бошлади.

Министрлар Советининг 1958 йил 20 ноябрдаги 750-сонли қарорига асосан Марказий Давлат архиви қайта тузилиб, унинг фондлари асосида ўлкани индустрлаш бўлими ташкил қилинди. 1959 йилнинг 1 январига келиб бу бўлимдаги фондлар сони 1527 тага ва ундаги ҳужжатлар сони 503 604 тага етди. Бу эса Ўзбекистонда архив ишларининг ниҳоятда ривожланиб кетаётганлигидан дарак беради. Ҳозирги кунда жуда кўп сонли ҳужжатлар тартибга солинган, чиройли қилиб тематика асосида батартиб тахлаб қўйилган ҳар бир фонддан ҳеч қийналмай фойдаланиш мумкин бўлган кўрсаткичлар, ҳар бир мутахассислик бўйича маҳсус систематик каталоглар тузиб чиқилган. Ҳар бир фондга обзорлар берилган. Хуллас, архивда сақланаётган жуда кўп ва турли-туман соҳаларга, тармоқларга бўлинган бу ҳужжатлардан кераклигини осонгина топиб фойдаланиш имконияти яратилган. Бу бўлимда Туркистон АССР, Бухоро ва Хоразм Xalқ Республикалари ва Ўзбекистон ССРнинг ташкил топган даврдан бошлаб то ҳозирги кунгacha бўлган, давлат, жамоат ва кооператив муассасалари, республика аҳамиятига молик бўлган ташкилотлар: суд ва прокуратура органлари, илмий-тадқиқот, ўқувтарбия, маданий-маиший, маърифат ва маориф, касаба союз ва жамоат ташкилотлари ҳамда айрим шахсий фондлар ҳам мавжуд.

Бу ҳужжатлар 1917 йил февраль ойидан то ҳозирги кунгача бўлган даврни ўз ичига олади.

Марказий архив фондларидан жой олган бу ҳужжатлар фақат ўзбек халқининг тарихинигина эмас, балки туркман, тожик, қирғиз, қозоқ ва бошқа қардош халқлар тарихини ҳам чуқур ва ҳар томонлама ўрганишда катта аҳамиятга эгадир.

Ўзбекистон Марказий давлат архиви фондларида ҳам тадқиқотчиларнинг қўли тегмаган Туркистон халқларининг 1918—1920 йилларда олиб борган миллий озодлик ва эрк учун курашлари. Туркистон Шўролар ҳукуматининг Туркистон мухториятини тан олмаганилиги, уни ағдариб ташлагани ва йўқ қиласланлиги, миллий мустақиллик учун кураш олиб борган Қўқон, Андижон, Марғилон, Наманган каби шаҳарлар аҳолисининг шўролар томонидан шафқатсизлик билан қириб юборилганлиги, миллий сиёсатни амалга оширишда шўролар ҳукуматининг йўл қўйган хатолари натижасида биргина Фарғона водийсида 180 дан ортиқ шаҳарларнинг шафқатсизлик билан йўқ қилиб юборилганлиги ҳақида жуда қимматбаҳо ҳужжатлар мавжуд.

Ўзбекистон Марказий архиви Чилонзор кўчасидаги тўрт қаватли ҳашаматли бинода жойлашган. Бу бино архив сақлашга мослаб қурилган. Унинг архив ҳужжатлари сақланаётган хоналаридан тортиб, то ўқув залигача ҳозирги замон талабига жавоб берадиган қилиб жиҳозланган. У ерда архив ишини яхши биладиган малакали кадрлар ишлашади, қандай материал сўрасангиз айтган вақтингизда муҳайё қилишади. Унинг ўқув зали билимга ташна бўлган одамлар билан ҳар доим тўла.

Архив ҳужжатлари асосида жуда кўп илмий ишлар қилинди. Ҳозирги кунга қадар шу материаллар асосида 200 дан ортиқ диссертация ёқланди.

Ўзбекистон Фанлар академияси тарих ва археология институти илмий ходимлари тўрт жилдли «Ўзбекистон ССР халқлари тарихи»ни архив ҳужжатлари асосида яратдилар. «Ўзбекистон халқлари тарихи» нинг уч жилдлигини яратишда ҳам архив ҳужжатларидан кенг фойдаланадилар. Нашрдан чиқсан кўпгина йирик илмий ишлар шу архив ҳужжатларидан фойдаланган ҳолда майдонга келди. Утган даврда ўзбек халқи эришган ютуқ ва камчиликлар ҳақида маълумотлар олишда архив материалларидан жуда кўп фойдаланилди ва йирик илмий ишлар қилинди.

Архив ҳужжатларидан фойдаланиш ва ўрганишга бўлган қизиқиш кундан кунга ортиб бормоқда. Ҳозирги кунларда педагогика институтларининг тарих факультетларига «Ўлкашунослик» курсининг киритилиши талабаларнинг архив ҳужжатларини ўрганишга бўлган қизиқишини янада кучайтириди. Қўпгина талабалар ўзларининг курс ишлари ва диплом ишларини мана шу архив материаллари асосида ёзмоқдалар.

Архив ҳужжатларидан фойдаланишни осонлаштириш мақсадида «Кўрсаткич» (Путеводитель) лар нашр қилинган. Булар эса архивда сақланаётган фонdlарнинг маъно ва мазмунини очиб беради, ҳужжатларни ўрганувчиларга қуладик түғдиради. Кўрсаткич 8 бўлимдан иборат бўлиб, улар тармоқлар ва соҳаларга мослаштирилган. Ҳар бир бўлим ва бобларда воқеалар тартиб билан тавсифланган ва хронологияга асосланган. Кўрсаткичда айрим фонdlарнинг илмий жиҳатдан муҳимлигини акс эттирувчи индивидуал характеристикалар ҳам берилган. Ҳар бир индивидуал характеристика тўрт қисмдан, яъни фонdlарнинг номи, фонд ҳақидаги справка-маълумотлар, фонdlарнинг ташкил қилинган вақти ва материалларнинг саҳифалари, фонд материали ҳақида аннотация қисмлардан иборат. Маълумотномадан фонdlарнинг рақами, фонди сақланаётган ишнинг ҳажми, ҳужжат ёзилган йил, илмий-ахборот аппаратларининг ҳаммаси кўрсаткичга, киритилган. Аннотациялар фонд материалларининг асл моҳиятини, қисқача мазмунини, фаоллигини очиб беради.

Ўзбекистон Республикаси Марказий Давлат архивининг «Туркистон АССРнинг ташкил топиши» дегағ бўлимидаги фонdlарни, шу давр учун нашр қилинган Кўрсаткич бўйича кўриб ва танишиб чиқамиз.

Кўрсаткичнинг биринчи бўлими «Туркистон ҳудудида Муваққат ҳукуматнинг тузилиши ва ишчи-солдат депутатлари Совети (октябргача)» деб номланган. Бунда Вақтли ҳукуматнинг Туркистон Қўмитаси ҳақидаги ҳужжат (1760-фондда) ва Туркистон Ўлка солдат ва ишчи депутатлари Совети (1-чақириғи) ҳақидаги ҳужжатлар (1613-фондда) сақланмоқда.

«Давлатнинг олий органлари ва давлат бошқармалари» деб номланган иккинчи бўлим ҳам ўз навбатида 5 бобдан иборатdir. Биринчи боб – Туркистон АССРнинг давлат органлари ва давлат бошқармалари деб аталган ҳужжатлар (17, 13, 16, 25, 20, 18, 111, 39, 621, 38, 35,

606, 34, 208, 33, 37, 337, 29, 182, 184, 215, 41 ва 21- фондларда); II боб — «Бухоро Ҳалқ Республикаси давлат органлари» (46, 47, 48, 49, 50, 1616, 56, 57, 61, 63, 58, 62, 51, 52, 68- фондларда сақланмоқда); III боб — «Хоразм Ҳалқ Республикаси давлат ҳокимияти органлари ва бошқармалари»га доир ҳужжатлар (71, 72, 73, 74, ва 75- фондларда); IV ва V боблар — «Ўзбекистон Давлат органлари ва давлат бошқармалари фаолияти»га доир ҳужжатлар (87, 86, 225, 837, 1807, 85, 95, 81, 2027, 1, 9, 11- фондларда); Адлия ва суд органлари» деб номланган учинчи бўлим ҳужжатлари 904, 344, 343, 354, 345, 1713 ва 1714- фондларда асралмоқда.

«Ҳалқ хўжалиги ташкилотлари, муассасалари ва корхоналарининг фаолияти»га доир тўртинчи бўлимнинг ўзи ҳам 7 бобга бўлинади. Биринчи боб — «Планлаштириш ва статистика» деб аталади (88, 10 ва бошқа фондларда); «Молия» деб номланган иккинчи бобдаги ҳужжатлар 93, 1680, 335, 634, 2086, 430, 333, 332, 436- фондларда; «Саноат» деган учинчи бобдаги ҳужжатлар 89, 2, 83, 103, 1977, 2117, 109, 2113, 87, 132, 1867, 1023, 2097, 2105, 2106 ва 2038- фондларда; «қишлоқ хўжалиги» деб номланган тўртинчи бобдаги маълумотлар 90, 611, 233, 226, 674, 218, 756, 473, 301- фондларда сақланмоқда; «Савдо, таъминот ва тайёрлов ташкилотлари» деб аталган бешинчи бобдаги материаллар 91, 274, 320, 701, 141, 272, 1753, 293 ва 1943- фондларда; «Транспорт ва алоқа» боби 233, 608, 2, 235, 244, 2085 ва 5 фондларда ва ниҳоят тинчи — «Лойиҳалаш ва қурилиш» бобидаги ҳужжатлар 169, 170, 610, 114, 2061, 2048, 2092 ва 1956- фондлардан жой олган.

Бешинчи бўлим «Маданий ва майший ташкилотлар» деб аталади ва бунга оид ҳужжатлар ҳам 4 бобдан иборат. Биринчи боб — «Ҳалқ маорифи ва фан», бундаги материаллар 94, 368, 375, 374, 633, 414, 364, 632, 631, 630, 361, 2091, 2082, 743, 394, 412, 1876- фондларда ва «Матбуот» деб номланган боблар эса 402, 431, 155, 405, 404, 403, 408, 409- фондларда сақланади. «Санъат» бобидаги ҳужжатлар 2087, 2062, 2088, 2089 ва 417- фондларда; «Соғлиқни сақлаш» соҳасидаги тўртинчи бобга доир ҳужжатлар 131, 350 ва 2096- фондлардан жой олган.

«Меҳнат ва социал таъминот ташкилотлари» деб номланган олтинчи бўлимдаги ҳужжатлар архивнинг 97, 328, 96, 419 ва 421- фондларида сақланади. «Касаба уюшмалари ва жамоат ташкилотлари» деб номланган бўлим

ҳам уч бобдан иборат бўлиб, биринчи бобга «Касаба союзлар» ҳақидағи ҳужжатлар архивнинг 735, 805, 20, 747, 792- фондларида сақланади. «Жамоат ташкилотлари» номли бобдаги ҳужжатлар 44, 245, 126, 406, 840, 423, 239, 348 ва 424- фондларга киради. «Спорт ташкилотларининг ҳужжатлари» 2043, 2053, 2047- фондларда ва ниҳоят «Шахсий фонд» деб номланган охирги бўлим 7226, 1591- фондларда сақланади.

Ўлкашуносликнинг асосий манбаларидан бири ҳисобланган архившунослик Ватан тарихини, шу жумладан, ўз ўлка тарихини ҳар томонлама ва чуқур ўрганишда талабаларга катта ёрдам беради.

Шуни таъкидлаб ўтиш керакки, республикамизнинг ҳамма районларида ва областларида район ва область давлат архивлари мавжуд. Район архивлари ўз қўй остидаги барча муассаса ва ташкилотлардаги давлат аҳамиятига эга бўлган ҳужжатларни йигиб олади ва маълум муддатдан сўнг уларни область давлат архивларига, улар эса ўз соҳа ва тармоқлари бўйича республика архивларига ёки бошқарма ё вазирликларга, улар ҳам ўз навбатида бир қанча муддат сақлаганларидан сўнг Марказий давлат архивининг қонун-қоидаларига риоя қилган ҳолда ҳужжатларни тайёрлаб, сўнг Марказий давлат архивига топширади. Ўзбекистон Марказий давлат архивидаги ҳужжатлар ўз аҳамиятига қараб бир умр ё бир неча йил сақланади ёки акт қилиб ёқиб ташланади.

Бундан ташқари, Тошкентда республика партия ташкилотлари, яъни район, область, республика партия ташкилотларининг ҳам маҳсус архивлари мавжуд. Бу архивларда бошлангич партия ташкилоти ҳужжатлари сақланади. Бу архивлардан ташқари яна бир неча тармоқларни ўз ичига олган архивлар ҳам бор.

Ўқитувчи архив ҳужжатларидан мунтазам равишда, ҳар бир мавзуни баён этиш жараёнида ўринли ва унумли фойдаланиши учун олдиндан қайси архивнинг қандай фондидан қайси мавзуни ўтишда қўллаш мумкин бўлган материалларни аниқлаб олиши зарур.

Агар ўқитувчи партиянинг аграр сиёсатини ўқувчиларга тушунтираётган вақтида Ўзбекистон Республикаси Марказий Давлат архивининг 1, 9, 25, 29, 167, 218, 301, 473, 674, 754- каби фондларида сақлананаётган 1917—1920 йилларда халқ хўжалигини қайта қуриш ва тиклаш, кооператив режани амалга ошириш учун олиб борилган кураш, мелиоратив ширкатлар ва «Қўшичилар союзи»нинг

иш фаолияти, халқ хўжалигини районлаштириш, ирригация ва сув хўжалигини қайта қуриш ва такомиллаштириш, ерларнинг мелиоратив ҳолатини яхшилаш, пахта мустақиллиги ва якка ҳокимлигининг келиб чиқиш сабаблари ўша ҳужжатлардан фойдаланган ҳолда баён қилинса жуда мақсадга мувофиқ бўлар эди.

Бунинг учун ўқутувчининг ўзи архивдан фойдаланиш йўлларини яхши билиши шарт.

Архив ҳужжатлари ҳар бир дарснинг ғоявий, сиёсий томонларини фактик материаллар билан бойитишдан ташқари, унинг таълимий ва тарбиявий аҳамиятини оширади, ёш авлодни эса ватанпарварлик, аждодларимиз меросини ўрганишга бўлган қизиқишини таъминлайди.





---

## VII. Ўлкашуносликни ўрганишда музей экспонатлари

1. М. Т. Ойбек номидаги Ўзбекистон тарихи музейи ўтмиши ҳақида бир неча сўз
2. Музей турлари
3. Музей залларида

Ўлкашунослик манбалари орасида ҳақиқий илмий ва маданий-маърифий муассасага айланиб қолган музейнинг ўрни ва аҳамияти каттадир. У моддий ва маънавий маданият ёдгорликларининг асл нусхаларини, археология, этнография, томонимикага оид материалларни тўплайди, сақлайди ва илмий асосда ўрганиб таҳлил қиласди, натижаларини эса экспозиция сифатида оммалаштиради.

Йиғилган ва музейда сақланаётган барча материаллар музейнинг илмий базасини ташкил этади ва унинг ижодий фаолиятида асос бўлиб хизмат қиласди. Мана шу манбалар асосида музейлар илмий тадқиқот ва илмий ҳамда маданий-маърифий таълим-тарбия ишларини олиб боради.

## 1. М. Т. Ойбек номидаги Ўзбекистон тарихи музейи ўтмиши ҳақида бир неча сўз

М. Т. Ойбек номидаги Ўзбекистон тарихи музейи Туркистоннинг машҳур олимлари ва жамоат арбоблари нинг ҳаракати билан ва бевосита раҳбарлиги ҳамда ёрдамида 1976 йилда ташкил этилган. Ўзбекистон ва умуман бутун Туркистоннинг ёдгорликлари кўпдан буён олимларнинг диққатини ўзига жалб қилиб келарди. XIX аср давомида осори атиқалар устида археологик кузатишлар, қидирув ишлари олиб борилди. Бу соҳада П. И. Лерх, Н. И. Веселовский, В. А. Жуковский, В. В. Бартольд, М. С. Андреев, В. Л. Вяткин, А. А. Диваев, Л. А. Зимин, В. А. Каллаур, Е. Ф. Каль, Б. Н. Кастанльский, А. Л. Кун, Н. П. Остроумов, Н. Н. Пантусов, А. А. Семёнов, Е. Т. Смирновлар тўплаган материаллар Ўзбекистон (Туркистон)нинг қадимий ёдгорликларини ҳисобга олиш, таърифлаш ва текшириш илмий муассасалари: Император археология комиссияси, Рус археология жамиятининг Шарқ бўлими, шунингдек, 1903 йил апрелда ташкил қилингган Ўрта ва Шарқий Осиё тарихий, археология, лингвистика ва этнография жамиятларининг қимматбаҳо материаллари ҳамда рус ҳаваскор коллекциячилари: Баршчевский, Вяткин, Добросмислов, Кастанльский, Комаров, Петров-Борзна, Пословский, Столяров, Терентьев, Трофимов ва бошқалар тўплаган кўпдан-кўп ажойиб материаллар бу музейнинг асосий фондларини ташкил этади.

Музейини ташкил қилишда А. П. Федченко фаол

иштирок этган. У табииёт антропология ва этнографияга оид материаллар тўплаган. Бу материаллар дастлабки экспонат сифатида музейга қўйилган. Федченко вафотидан сўнг бу ишга Н. А. Северцев, И. В. Мушкетов, В. Ф. Ошанин каби машҳур рус олимлари катта ҳисса қўшдилар. Биринчи маҳаллий археолог Акром половон Асқаровнинг хизматлари ҳам каттадир. Акром половон Асқаров ўзи тўплаган жуда кўп ажойиб ёдгорликлар (фақат танга-чақалардан 15 мингдан кўпроғини мана шу музейга топширган) музей фондини анча бойитган.

Умуман, бу музейнинг очилиши ва унинг фаолияти ўлканинг маданий ҳаётида муҳим воқеа бўлди. Музей экспонатлари халқаро кўргазмаларда намойиш қилинди, унда тузилган каталоглар эса ҳозирча ўз аҳамиятини йўқотган эмас.

Асримизнинг бошларида, яъни 20- йиллардан кейин бу музей ҳақиқий илмий ва маданий-маърифий муассасасага бўлиб қолди. Музей жамоаси Ўзбекистон халқари-нинг қадим замонлардан бўёнги тарихини ўрганиш юза-сида илмий текшириш ишлари олиб бормоқда. Музей фонди республиканинг ҳамма вилоятларига юбориб туриладиган археология, этнография илмий сафарларининг материаллари билан доимий равишда бойитилмоқда.

Ҳозирги вақтда музейда 40 мингдан ортиқ археологияга оид экспонатлар, 44 минг қадимги нул нусхалари, 10 мингдан ортиқ турли-туман этнографияга оид буюмлар, 2 мингдан ортиқ ноёб ёдгорлик буюмлар мавжуд. Музей фондидаги материаллар орасида қўшни республикалар – Туркманистон, Тожикистон ва Қирғизистонга тааллуқли маълумотлар ҳам кўп.

Музейда асосан материалларнинг асл нусхалари, шунингдек, макетлар, бадиий ва график тасвирлар, чизмалар, диаграммалар, расмлар қўйилган. Экспонатлар орасида ноёб нарсалар кўп. 1917 йилдан кейинги давр хронологик равиша 1965 йилгача кўрсатилган.

Музей 1967 йилда XIX асрнинг меъморчилик ёдгорликларидан бири ҳисобланган бинога кўчди. Бу бинода 1919 йилда Бутун Россия Марказий Ижроия Қўмитаси ва РСФСР Халқ Комиссарлари Советининг Туркистон ишлари бўйича комиссияси (Турккомиссия) ишлаган эди. Бу бинода 45 та зал бўлиб, уларда 7 мингдан ортиқ экспонат жойлаштирилган.

## 2. Музей турлари

Республикамиз ҳудудида уч турдаги музейлар мавжуд бўлиб, биринчи турдаги музейларга илмий-тадқиқот ва мағаний-маърифий ишларини олиб борадиган музейлар киради. Улар бир вақтнинг ўзида илмий-тадқиқот ва мағаний-маърифий ҳамда таълим-тарбиявий ишларни олиб боради. Иккинчи турдаги музейларга фақат бир соҳа бўйича илмий-тадқиқот ишлари олиб борадиган музей лабораторияларига эга бўлган маҳсус музейлар (масалан, Ўзбекистон Фанлар академияси қошидаги бактериология ва минералогия музейи) киради ва ниҳоят, учинчи турдаги музейларга фақат ўқув туридаги музейлар киради. Бу музейнинг асосий мақсади ўқув жараёнини яхшилашдан иборат.

Музей турлари кўп жиҳатдан унда сақланётган коллекция фонdlарининг характеристига ва улар фаолияти-нинг йўналишига боғлиқдир.

Шунингдек, турли фан соҳаларига бўлинган музейлар ҳам бор. Бу музейлар орасида кўпроқ маълум бўлганлари ёки фақат ўша соҳа мутахассисларигагина равшан бўлган маълум тармоқни акс эттирувчи музейлар ҳам мавжуд. Масалан, Тошкентдаги М. Т. Ойбек номли Ўзбекистон тарихи музейини, Тасвирий санъат музейини Алишер Навоий номли адабиёт музейини, Туркистон Ҳарбий Округи музейини, Табиатшунослик музейини кўпчилик омма яхши билади, аммо археология, әтнография, ҳарбий-тарихий, мемориал, регионал, санъатшунослик, техник музейларни кўпроқ ўша соҳа мутахассислари биладилар. Булардан ташқари яна Тошкентда мураккаб ва комплекс соҳали музейлар ҳам мавжуд. Тошкентдаги мавжуд музейлар ўзбек ва бошқа қардош халқлар томонидан ташкил этилган турли-туман соҳаларининг узоқ ўтмишдан то ҳозирги кунга қадар бўлган ривожланишини кўрсатиш билан бир қаторда, Ўрта Осиё халқларининг, шу жумладан, ўзбек халқининг ибтидоий жамоа, қулдорлик, феодализм давридаги ҳамда 1917 йилгача бўлган даврдаги ҳаёт йўлини акс эттирувчи экспонатлар билан бирга тўнтаришдан кейинги Туркистонда Шўролар ҳокимиятининг ўрнатилишига доир, фуқаролар уруши халқ хўжалигини қайта тиклаш, мамлакатда электрлаштириш режасининг амалга оширилишига доир материаллар ҳам музей экспонатлари ичida жой олган.

### 3. Музей залларида

Музей заллари томошабинларни Ўзбекистон тарихи музейи экспозициясида бўлган моддий маданият ёдгорликлари билан таниширишни назарда тутади.


Музей фонdlари асосан тўрт катта даврга бўлинган бўлиб, улар қуидагича номланган: «Ибтидоий жамоа ва қулдорлик тузуми даври», «Феодализм даври», «Туркистон чор Россияси таркибида» ва ниҳоят тўртинчи бўлим «Ўзбекистон тарихининг 1917—1990 йиллардаги даври» деб номланади.

*Ибтидоий жамоа ва қулдорлик тузуми даври* деб номланган биринчи бўлим ибтидоий жамоа одамларининг яшаган маконларига таъриф бериш билан бошланади.

Ибтидоий одамлар чайлаларда, ғорларда яшаганлар. 1938 йилда Бойсунтовнинг Тешиктош ғорида (Сурхондарё вилояти) қадимий тош даври (мустье даври) да одам яшаганлиги аниқланди. Ғорнинг ичи кенг, баландлиги 21 метрча келади. Ғор ичидаги гулхан қолдиқлари, тошдан ясалган меҳнат қуроллари, ёввойи қуш ва ҳайвонлар — айиқ, кийиқ, тоғ эчкисининг суюклари топилдики, бу ҳол Тешиктошда яшаган одамлар овчилик билан кун кечирганликларидан далолат беради. Юқоридаги таърифга биноан Тешиктош ғори (макети) қўйилган.

Тешиктош ғоридаги чуқурда 8—9 яшар боланинг скелети топилган. Қабр атрофида тоғ эчкисининг шохлари ётган экан. Машҳур антрополог-ҳайкалтарош М. М. Герасимов суюк тузилишларига қараб боланинг ҳайкалини яратди. Боланинг бош суюги жуда сиқиқ, пешанаси яйдоқ, паст, қош-қовоғи осилиб туради. Чайнаш мускуллари бақувват, ияги текис. Бош суюгининг ҳолати ва буқчайган қомати ўша вақт одамининг хали қаддини ростлаб юришга одатланмаганидан далолат беради. У ўз қиёфаси билан Европада яшаган неандерталь туридаги одамларга жуда ўхшайди.

Қадимги одамларнинг тирикчилиги асосан овчилик ва йиғувчилик билан кечган. Улар тоғ эчкиси, ёввойи от, айиқ, қоплонларни ов қилишган. Ов кўп одам иштироқини талаб қилганидан ибтидоий одамларни жипслаштирган. Яралангандай ииртқич ҳайвон билан олишувда кўпинча одамлар ҳалок бўлганлар. Ўлжани бирга баҳам қўрганлар, ортигини эҳтиёт қилиб қўйганлар. Аёллар йиғувчилик — мева-чева териш, илдиз ковлаш билан шуғулланади.



Бронза даври меҳнат қуроллари.

ганлар, меҳнат қуроллари тайёrlаганлар. «Ибтидоий одам синантроп овда. Эрамиздан 600—400 минг йил илгари» деб номланган макет худди жонлидай қилиб ишланган.

Т. Содиқов томонидан чизилган «Малика Тўмарис қасос олмоқда» номли суратга қўйидагича таъриф берилган: милоддан олдинги VI асрда Ўрта Осиёга форслар ҳужум қилганлар. Милоддан олдинги 529 йилда босқинчилар массагетлар томонидан тор-мор қилинади, подшоҳ Кир эса ўлдирилади. Афсонада талқин қилинишича, массагетлар маликаси Тўмарис Кирнинг бошини қон тўлдирилган мешга ташлатар экан: «Юртимизга қон ичгани келдинг. Мана энди тўйиб-тўйиб қон ичгин» деган.

Милоддан олдинги 521 йилда подшо Доро бошчилигига форс галалари бостириб келади. Широқ деган чўпон йўл қўрсатаман деб, уларни жазирама чўлу биёбонда адаштиради. Тилка-пора қилинаётган Широқ: «Мен ғалаба қилдим, ҳалқимни ҳалокатдан қутқардим» деб мардона хитоб қиласди.

Ўша вақтларда Ўрта Осиёда ҳукмрон бўлган оташпастлар урф-одатига кўра ўлган одамнинг жасади тоққа олиб чиқилиб, «Сукунат минораси» деган жойга қўйилар экан. Қушлар жасаднинг этини чўқиб еб, суюгини тозалаб қўйишар экан. Шу суюклар дафн яшиги — оссуарийга солиб қўмилар экан. Оссуарийлар қушлар, ҳайвонлар, одамлар расми чизилиб безатилган бўлар экан. Музейда Қўйқирилган қалъадан топилган «Ўтирган аёл тасвир этилган оссуарий»нинг асл нусхаси қўйилган.



Чуст манзилгоҳидан топилган буюмлар.

Милоддан олдинги 329 йилда Александр Македонский (Искандар Зулқарнайн) қўшинлари Ўрта Осиёга бостириб кирган. Халқ босқинчиларга қарши бош кўтариб чиққан. Рассом М. Набиев чизган расмда Спитамен чавандозларининг Мароканда (Самарқанд) атрофида македонияликлар қўшинига ҳужуми тасвирланган.

Қулдорлик даврида савдо-сотиқ ишлари ривож топади. Александр Македонский ҳукмронлиги замонига, Юнон-Бақтрия ва Кушон подшолиги даврига оид танга пулларга шоҳлар, тангрилар тасвири, ҳукмдорларни мадҳ этувчи ёзувлар зарб этилган экан. Бу топилган танга пуллар қулдорлик давлатлари ўртасида савдо-сотиқ ривожланганлигидан дарак беради. Бу ерда «Фил сурати солинган кумуш қуюшқон қуббаси»нинг археологлар томонидан топилган асл нусхаси ҳам қўйилган.

Заргарлик буюмлари, кумуш зеб-зийнатлар зодагон жангчиларнинг отларига bezak бўларди. Уларда Юнон-Бақтрия зодагонларининг жанговар ҳаётидан манзаралар чизилган. Термизда топилган ва асл нусхаси қўйилган «Базм қўриниши тасвирланган идиш» жуда характерлидир.

1932 йилда Амударёда «Октябрёнок» катерида кетаётган чегарачилар Айритомга яқин жойда оқ тош кўрганлар. Бу ногорачи тасвири ўйиб солинган тош фриз экан. 1934 йилда ўша ерга профессор М. Е. Массон бошчилигига экспедиция юборилди. Шундай қилиб,



Бронзадан ясалган қуроллар ва ўша давр кўзаси.

Амударёning қирғоидаги Айритомда милодимизнинг I – II асрларига оид будда ибодатхонаси топилди. У оҳак тошдан ишланган ажойиб фриз билан безатилган эди. Фризда акант барглари орасига ишланган созандалар ва гулчамбарлар тасвири кўзга ташланади. Бу Кушанлар замонидан қолган ноёб санъат ёдгорлигидир. Бу жойга «Айритом фризи»нинг асл нусхаси қўйилган.

Тупроққалъа милодимизнинг III – IV асрларида Хоразм ҳукмронларининг пойтахти бўлган. Шаҳар тўғри тўртбурчак шаклида бўлиб, гир атрофи қалин қўрғон девор, бурчакларида квадрат мезаналар қад кўтарган экан. Қўрғон ичидаги иккала бетига иморат тушган кенг кўча бўлган. Шаҳарнинг шимол қисмидаги уч қаватли иморат шоҳ саройи бўлиб, унинг заллари гўзал ҳайкаллар ва нақшлар билан безатилган. Ҳайкалларда Хоразмнинг илоҳийлаштирилган ҳукмронлари ва уларнинг лашкарлари тасвирланган. Музейда Тупроққалъа саройидан топилган «қизил бош» ҳайкалини ва ўша сарой деворидаги «Арфа чалувчи аёл» расмини кўрамиз.

Кушан даври сопол буюмлар ишлаб чиқариш ривож топганлиги билан характерлидир. Археологияга оид



Милодимизнинг VI – VII асрларига оид Сурхондарё ҳудудидан топилган сопол ҳайкалчалар.

қазилмаларнинг кўрсатишича, ўша вақтларда нафис сопол буюмлар – қизил лак ва қизил бўёқ берилган син-силиқ қадаҳлар, косалар, хумчалар, кўзачалар ва бошқа идишлар ишланган.

Диний эътиқодлар билан боғлиқ бўлган терракотик ҳайкалчалар – ҳосилдорлик маъбудаси Анахита, эркаклар ва чавандозлар тасвирланган ҳайкалчалар жуда ажойиблиги билан диққатни ўзига жалб этади. Бу музейга Сурхондарё вилоятидан топилган, милоддан илгариги I асрга доир «Маъбуда Анахита ҳайкалчаси» нинг асл нусхаси қўйилган.

Қадимги аскарнинг уст-боши: бели сиқилган чакмон, кенг чоловор, юмшоқ этик, чарм бошлиқдан иборат бўлган. Аскарлар чап томонга қилич ва пичоқ, ўнг томонга ёй ва ўқдан таққанлар. Қўлларида эса узун найза бўлган.

Бу воқеага далил сифатида Амударё хазинасига тегишли тилла пластинкадаги «Хоразм жангчисининг



Сопол ҳайкалчалар



Сурхондарё. Капкиртепадан топилган I – II асрларда яратилган бронза ойналар

уст-боши» ва таърифда айтилган асбоб-ускуналар қўйилган.

Энди Ўзбекистон тарихи музейидаги «Феодализм даври» деб номланган иккинчи бўлимга қисқача тўхталиб ўтамиз.

Бу бўлим Самарқанддаги «Ишратхона» макетини таништириш билан бошланади. Бу ерга V – VI асрларга оид Болалик тепадан топилган расм ҳам қўйилган. Ўзбекистоннинг жанубидаги Болалик тепа феодаллар қўрғони бўлиб, теварак-атрофига зовур қазилган. Қўрғоннинг ичкари ҳовлиси ёнма-ён қурилган иморатларни бирлаштирган. Заллардан бирининг деворига чиройли расмлар ишланган. Расмлардан бирида феодалларнинг зиёфати тасвириланади. Улар зарбоф кийимларга бурканиб, супада ўтиришибди. Уларнинг орқасида хизматкорлар уларни елпигич билан елпимоқдалар.

Бу бўлимда турк аскарлари қабрига қўйиладиган тош ҳайкалчалар ҳам бор. Бу ҳайкалчалар кося ёки ойна ушлаб турган аскарни тасвир этади. Ҳайкалчалар атрофига мазкур аскар ўлдирган душманнинг сонига тенг бўлган тош терилган. Бу ерга VII – VIII асрларга оид бўлган бу воқеани акс эттирувчи ана шундай «Турк тош ҳайкалчаси» нинг асл нусхаси қўйилган.

Панжакент сўғдларнинг ilk феодал шаҳри бўлиб, уни араблар хароб қилганлар. Россия Фанлар академиясининг археологияга оид илмий сафари қўп йиллар мобайнида бу ерда қазиш ишлари олиб борди. Натижада муҳташам қўрғон ва саройлар, туарар жойлар, ҳунармандчилик устахоналари, катта-кичик дўконлар, қаторлашган кўчалар очилди. Зодагонларнинг уйлари ва ибодатхоналарнинг деворларига ранг-баранг бўёқларда расмлар солинган, ўймакор ёғоч ҳайкалчалар ишланган. Булар зодагонларнинг турмуши, кураши, зиёфат-базмалини тасвиrlайди. Булар ажойиб санъат ёдгорликлари бўлиши билан бирга сўғдларнинг қиёфаси, кийимкечаги, қурол-яроғлари ҳақида тасаввур беради. Бўлимда Панжакентдан топилган деворга ишланган «Чавандозлар» расмидан бир қўриниш берилган.

Бухородан 40 километр гарб томонда қадимиий Варахша шаҳрининг харобалари бор. Бу шаҳарда VI – VII асрларда Бухоро воҳасининг ҳукмдорлари яшаганлар. 1938 – 1953 йилларда Ўзбекистон Фанлар академиясининг (у 1943 йилда ташкил этилган) В. А. Шишкин бошчилигидаги илмий сафари шаҳарда археологияга оид

Қазиш ишлари олиб борди. Қўрғон ичидаги хукмдорларнинг муҳташам қасри топилди. Бу икки қаватли иншоотнинг чор атрофини айвонлар ва дабдабали заллар қуршаган ҳовлилари бўлган. Заллар ранг-баранг бўёқли расмлар ва ўймакор ганч нақшлар билан безатилган Варахша шаҳар-қўрғонининг икки қаватли ҳашаматли иншоотини В. А. Нильсен таъмири асосидаги расмда кўриш мумкин.

Ҳар хил маиззаралар – қўчкор ови, сакраб чопаётган архарлар, ўйинга тушаётган раққоса, сувда сузиб юрган балиқлар, ёнирилиб учиб кетаётган күшлар тасвиранланган. Ток барги ва узум бошлари тасвиранланган гирихнинг чизиқлари бир-бирига чирмашиб кетган. Бу саройнинг муҳташамлиги тилларда достон бўлиб кетди, деб бежиз айтилмаган. Варахшадан топилган «Ярадор қўй» тасвири ҳам берилган.

VI асрнинг 80-йилларида ҳозирги Бухоро вилояти ҳудудида истиқомат қилган турк камбағаллари турк хоқонига ва маҳаллий феодалларга қарши қўзғолон кўтарганлар. Қўзғолонга турк шаҳзодаси Абрўй бошчилик қилган. Бойлар, жумладан, катта мулкдор деҳқон «Бухорхудот» шимолга қочиб, улуг хоқон Қораҷуриндан мадад сўраган. 585 йилда қўзғолон шафқатсизлик билан бостирилган. Абрўй қатл қилинган, қўзғолончи камбағаллар қайтиб келган бойларга қул қилиб берилган. Бу ерда В. И. Кайдалов чизган «Абрўй қўзғолони» деб номланган расм қўйилган.

1200 йиллик китоб (араб халифаси Усмонга тегишли Қуръон)дан кўчирма нусха берилган. 1200 йил илгари қуфий хатида ёзилган бу китоб VIII асрга оид ноёб ёдгорликдир. Қуръон 353 варақ бўлиб, эни 68 см, бўйи 53 см, ёзув  $50 \times 40$  см ўрин эгаллайди. Ҳар бети 12 сатрдан иборат. Қуръон Самарқанддаги ҳожи Аҳрор масжидида сақланган. Ўрта Осиё Россия томонидан босиб олингандан кейин генерал Абрамов бу қадимий қўллөзмани катта пулга сотиб олиб, Туркистон генерал-губернатори К. П. Кауфманга совға қилган. 1869 йил 24 октябрда бу қуръон Петербург Император халқ кутубхонасига юборилди. 1917 йилдан кейин ноёб қўллөзма Ўрта Осиё ҳалқига қайтарилиган.

Ўрта Осиёning ҳунарманд усталари X – XIII аср бошларида ажойиб союз ва шиша идишлар ясаганлар. Қазиб олинган рудадан металл идишлар ва безаклар қуйганлар. Бу даврда ҳунармандчилик жуда тараққий

этган. X – XII асрларда ажойиб гуллар солиб ишланган сопол идиш-товоқларнинг энг нафислари музейдан жой олган.

Феодализм даврида Ўрта Осиёда меъморчилик ва бинокорлик янада ривож топади. Бухородаги Исмоил Сомоний мақбараси (X асрда қурилган), Минораи Калон (XII асрда қурилган), Термиз шоҳлар саройи, Хоразм шоҳлар саройи (XII аср бошларида қурилган) меъморчилиknинг ажойиб намуналари дандир.

Ўймакор, мураккаб нафис геометрик ва ўсимлилк нусха орнаментлар қилиш кенг тус олган. Бу таърифлардан сўнг Исмоил Сомоний мақбараси, Жарқўргон минораси, Минораи Калон каби бир қатор ажойиб мақбара ва миноралар расмлари берилган.

Абу Али ибн Сино (980–1037) – Шарқда ном чиқарган улуғ қомусий олимдир. У фалсафа, фалакиёт илми, шеърият билан шуғулланган, хусусан, тиббиёт бобида жуда шуҳрат қозонган эди. Ибн Сино ҳар хил касалликларни ўрганиб, уларнинг пайдо бўлиш сабабларини аниқлади, жуда кўп дори-дармонлар кашф қилди. Ибн Синонинг жарроҳлик соҳасидаги хизматлари ҳам катта. Унинг «Тиб қонунлари» ҳозир ҳам Европа ва Шарқ шифокорлари учун дастуруламал бўлиб келмоқда. Музейда мусаввир М. Набиев яратган ана шу буюк сиймо – Абу Али ибн Синонинг расми турибди.

Абу Райҳон ал-Беруний (973–1048) хоразмлилк машҳур қомусий олим. Унинг илмий фаолияти хилма-хил фанларни ҳамраб олган. Беруний тарихчи ва файласуф, географ, минералог, фалакиёт илми билимдони эди. У 150 дан ортиқ асар ёзган. «Қадимий ҳалқлардан қолган ёдгорликлар», Ҳиндистонга оид «Ҳиндларнинг ақлага сигадиган ва сифмайдиган таълимотларини аниқлаш китоби», шунингдек, катта аҳамиятга эга бўлган «Минералогия» ва бошқа жуда кўп асарлар яратди. Олимнинг М. Набиев томонидан чизилган расми ҳам музей экспозициялари ичидан ўрин олган.

Чингизхон 1220 йилда Бухорони босиб олгач, Самарқандга юриш қилди. Унга Чигатой ва Ўқтойхон ҳам қўшинлари билан келиб қўшилди. Самарқанд гарнizonи 50 минг кишидан ортиқ эди. Улар тўрт кечакундуз шаҳарни ҳимоя қилиб, бешинчи куни таслим бўлдилар. Фақат 400 баҳодир қалъани мудофаа қилиб қаттиқ олишди, бироқ ҳаммалари ҳалок бўлишиди.

Мўғулларга қарши курашда Темур Малик бошлилиги-

даги Хўжанд жангчилари қаҳрамонлик намуналарини кўрсатдилар. Улар олдин шаҳарни мудофаа қилдилар, сўнгра Темур Малик мингта жангчиси билан Сирдарёдаги ороллардан бирига чекинди. Мўгулларнинг камон ўқи уларга етмасди, улар дамба қурмоқчи бўлдилар. Лекин Темур Малик жангчилари дамбани бузавердилар. Темур Малик ўз одамларини қайиқларга ўтқазиб, кечаси Сирдарёнинг қуий оқими томон жўнаб кетди. Ривоятларга қараганда, мўгуллар дарёга тўғон-занжир тортганлар, аммо жасур Темур Малик тўсиқни бузиб, Хоразмга йўл олган. Бу ерда Темур Малик бошчилигидаги Хўжанд мудофааси ва мўгулларнинг занжир-тўғонини бузиб ўтиб кетаётган Темур Малик кемалари тасвирланган расм бор.

Мўгуллар ва улар билан тил топишган маҳаллий феодаллар деҳқон ва ҳунармандларни талон-торож қилиб, зулм ўтказганлар. Сайёҳ Плано Карпини бундай деб ёзди: «Мўгуллар ҳар бир ҳунармандга ғаллани жуда кам тортиб беришади, ҳафтада уч марта жуда оз миқдорда гўшт беришади. Меҳнаткашлар олдида ё ҳуқуқсизлик ва очлиқдан ўлиш ёки қўзғолон кўтариш масаласи турарди».

1238 йилда Бухорода мўгулларга қарши қўзғолон кўтарилиди. Унга Тороб деган қишлоқлик Маҳмуд бошчилик қилди. Феодаллар мўгул отрядларини ёрдамга чақирдилар, аммо қўзғолончилар уларни тор-мор қилишиди. Маҳмуд Торобий ҳалок бўлди, қўзғолон эса бостирилди.

1365 йилда Мўгулистон хони Илёсхўжа бошчилигига мўгул отрядлари Самарқандга юриш бошладилар. Самарқандда қўргон девор йўқ эди. Улка ҳокими Амир Ҳусайн ва унинг ихтиёрида хизмат қилаётган Темур шаҳарни душманга ташлаб кетдилар. Шундан сўнг косиб Абубакир Калавий, сипоҳий йигит Хурдак Бухорий ва мударрис ҳамда Мавлонозода бошлиқ ҳалқ Самарқандни мудофаа қилишга отландилар. Бу ҳаракат тарихда сарбадорлар қўзғолони деб аталади. Қўзғолончилар фақат бир жойдан киришга йўл қўйиб, бошқа йўлларни тақа-тақ бекитдилар. Шу очик йўлдан шаҳарга кирган мўгуллар пистирмаларга дуч келдилар ва тор-мор қилиндилар. Мусаввир В. Нечаев томонидан чизилган «1365 йил, Самарқандда бўлиб ўтган сарбадорлар қўзғолони» деб номланган расм диққатга сазовордир.

Ўрта Осиё жангчисининг асосий қуроли маҳсус лак

билин бўялган камон ва ўқлар солинган ўқдон эди. Шу билан бирга, жангчидаги найза, қилич, дубулга, узун енгил найза ва арқон, шахсий чодир, 10 кунлик озиқ-овқат, сув ва қўшимча отлар бўларди. Шу жойда юқоридаги айтилганларнинг ҳаммасини ўзида мужассамлаштирган «Ўрта Осиё жангчиси» нинг сурати қўйилган.

Темур даврида ва унинг авлодлари – темурийлар даврида саройлар, масжид, мадрасалар қурилиши мисли қўрилмаган даражада авж олиб кетди.

XIV – XV асрларда қурилган Шоҳизинда мақбараси, Гўри Амир, Ишратхона, Бибихоним масжида, Улуғбек мадрасаси, осмон ўпар миноралар ва бошқа ажойиб ёдгорликлар бизнинг замонамизгача етиб келган. Бу муҳташам иморатларнинг фасадлари ранг-баранг сирли нақшлар билан безатилган. Эшик, дарвозалар ўйма-корлик санъатининг юксак намунаси бўлиб, деворларига зарҳал нақшлар берилган. Ҳар бири санъатнинг ноёб намунаси бўлмиш бу ёдгорликларда XIV – XV асрлардағи халқ усталарининг даҳоси, бениҳоя гўзал ёдгорликлар бунёд этган меъморларнинг тенги йўқ маҳорати ўз аксини топган. Бу ерда Самарқанддаги «Бибихоним масжидининг, «Гўри Амир» мақбарасининг расмлари қўйилган.

1428 йилда Самарқандга яқин Кўҳак тепалигида Улуғбекнинг қўрсатмасига биноан Шарқда энг катта обсерва – расадхона қурилган эди. Бу катта бинонинг ичкарисига осмон гумбази чизилган эди. Undagi асосий асбоб ер остида қурилган астрономия асбоби – сексант эди.

Самарқанд олимлари осмон ёриткичлари ҳаракатини кузатиб Улуғбек раҳбарлигига «Зижи жадиди қўрагоний» жадвалини тузганиларки, бу жадвал ўша вақтларда маълум бўлган жадваллардан юксак даражада аниқлиги билан фарқ қилган. Шунинг учун XVII асрда Европада чизилган рамзий гравюрада Улуғбек астрономия ҳомияси – Урания ёнидан фахрли ўрин олган.

Улуғбек илм-фан ҳомияси эди. Бухоро мадрасасида ўйиб ёзилган унинг «Билим олишга интилиш – ҳар бир мусулмон ва муслиманинг бурчидир» шиори руҳонийлар ва феодалларнинг ғазабини келтирган эди. Шунинг учун улар Улуғбекнинг ўғли Абдуллатифга отасига қарши исён қўзғатишга ёрдам бердилар. 1449 йилда феодаллар ва руҳонийларнинг иғволи билан Улуғбек ўлдирилди. Музейда Самарқанддаги «Улуғбек расадхонаси»нинг

В. А. Нильсен томонидан таъмирланган умумий кўринишининг расми қўйилган.

1941 йилда Давлат комиссияси Темур, унинг ўғиллари ва невараларининг мозорларини очиб кўрди. Шу комиссиянинг аъзоларидан антрополог олим М. М. Герасимов уларнинг бош суюклари асосида қиёфаларини тиклади. Темур ва унинг невараси – фалакиётшунос Улуғбекнинг ҳайкал сурати диққатга сазовордир. М. Герасимов томонидан тикланган Темур ва Улуғбекларнинг ҳайкал суратлари тартиб билан музей экспонатлари қаторидан жой олган. Булардан ташқари, «Улуғбек жаҳоннинг машҳур астрономлари орасида» деган (XVII аср) гравюра ҳам қўйилган.

Музейда А. Абдуллаев чизган улуғ ўзбек шоири Алишер Навоий (1441 – 1501) нинг расми ҳам бор. Унинг фаолияти Хуросоннинг XV аср иккинчи ярми маданий ҳаёти билан узвий боғлиқдир. Унинг ажойиб лирик шеърлар тўплами «Чор девон» айниқса, машҳур «Хамса»си ва бошқа жуда кўп асарлари жаҳон маданиятига қўшилган бебаҳо ҳиссадир. Навоий асарлари ўша вақтнинг энг яхши рассомлари, жумладан, «Шарқ миниатюрасининг пири» Беҳзод миниатюралари билан безалган.

Машҳур ўзбек олими, шоири ва давлат арбоби Захирiddин Муҳаммад Бобур (1483 – 1530) миниатюраси ўзига диққатни жалб этади. Унинг қаламидан камол топган «Бобурнома» қадимиий ўзбек насрый жанрида шоҳ асар, деб эътироф этилган.

Туркистонда деҳқончилик маданияти бошқа соҳалардан анча орқада қолиб, асосий иш қуроллари омоч, мола, кетмон ва шу кабилар эди. Деҳқонларнинг кўпчилиги кам ерли ва мутлақо ерсиз бўлиб, улар бойлардан ижарага ер олишга мажбур эдилар. Улар чорикор дейилар эди. Улкада кўп шуғуланиладиган ҳунарлардан бири тўқувчилик эди. Лекин тўқиши усули жуда содда бўлса ҳам маҳсус малака талаб қиласарди. Кошиблар 16 – 18 соат заҳ дўёнда ўтириб, атиги 4 – 6 газ бўй тўқиб, меҳнатига ниҳоятда кам ҳақ олардилар.

Кулолчилик, чилангарлик, кўнчилик ҳам анча тарақкий этган эди. Айрим районлар ўз маҳсулотлари билан: Бухоро – турли-туман матолари билан, Чуст – пичоқ-ханжарлари билан, Фиждувон – идиш-товоқлари билан машҳур эди. Музейга рассом В. И. Евенко жуда

жонли қилиб чизган «Жафокаш дәхқон» деган расм ва түқувчининг дастгоҳи билан олинган муляж қўйилган.

«Туркистон чор Россияси таркибида» деб номланган учинчи бўлим «Уйғонган Шарқ» фотолавҳаси билан бошланади.

Туркистон ҳалқлари ҳаётининг баъзи бир хусусиятлари ўрта ҳол дәхқон уйининг музейда тасвирланган ички кўринишида тўлиқ кўрсатилган. Уй одатда пойдеворсиз ва ҳом ғиштдан қурилар ва деворлари сомон сувоқ қилинади. Уйнинг ички деворларида рўзгор буюмлари – идиш-товоқ учун токчалар бўларди. Уй ўртасида сандал, чор атрофига кўрпачалар ёзиларди. Даҳлизда ўчоқ, ҳовлида тандир бўларди. Музейдаги бу манзара ҳаётда қандай бўлса, худди ўшандай қилиб тасвирланган.

Ўрта Осиё Россия томонидан босиб олингандан сўнг бу чекка ўлканинг табиий бойликлари, тарихи, маданиятини ўрганиш учун ўзгача шароит туғилди. Бу ерга Россиянинг жасур ва истеъдодли олимлари бошчилигига илмий экспедициялар юборилди. Уларнинг биринчи қаторида Ўрта Осиёнинг машҳур тадқиқотчилари Н. А. Северцов, А. П. Федченко, И. В. Мушкетов, В. В. Бартольд бўлганлар.

Музейда В. В. Бартольд, А. П. Федченко, Н. А. Северцов, Зокиржон Фурқат, Муҳаммад Аминхўжа Муқимийларнинг расмларини қўрасиз.

«XIX асрнинг иккинчи ярмида Туркистон ҳалқлари маданияти» мавзусини ўтаётганда ўқитувчи Туркистон ҳалқлари маданияти жуда юксак даражада ривожланган бўлиб, кўп минг йиллик тараққиёт жараёнини бошдан кечирганини, бироқ бир неча юз йиллар мобайнида юзага келган тарихий шарт-шароитлар, ишлаб чиқарувчи кучлар ва маданият ривожланиш суръатининг сусайиши уларнинг ер эгалиги муносабатлари доирасидан воз кечишига имкон бермаганлигини уқтириб ўтиши керак. Рус ҳукумати ҳам аҳоли турмушининг анъанавий шаклини ўзгартиришдан манфаатдор эмасди. Чунки қийинчиликлардан боши чиқмаган ҳалқни бошқариш осон бўлар эди. Чоризм ҳалқнинг ўқиб, кўзи очилишидан қўрқар, шунинг учун мусулмон руҳонийлари ёрдамида ўлкада жаҳолат ва мутаассибликни сақлаб қолишга ҳаракат қиласиди. Ўқитувчи миллионлаб меҳнаткашларни маданиятдан, зиёдан, билимлардан маҳрум этган чоризмнинг тескаричиллик сиёсатини фош этиш билан бирга ҳалқ оммаси маърифат, зиё ва билимдан бу қадар маҳрум

қилингандай бундай ҳеч бир мамлакат қолмаганини таъкидлаши зарур. Шу билан бирга, маҳаллий аҳоли Россиядан кўчиб келган ҳунарманд ва деҳқонлардан саноат ишлаб чиқариш ва қишлоқ хўжалигининг янги техникасини ўзлаштираси эди.

Босмахона ва литографиянинг пайдо бўлиши Ўрта Осиё аҳолисининг маданий ҳаётида муҳим воқеа бўлди. Йирик шаҳарларда маҳаллий тилларда газеталар, журналлар, китоблар чоп этила бошлади. Ўтган асрнинг 80-йилларида А. С. Пушкин ва М. А. Крилов асарларидан айримлари ўзбек тилига таржима қилинди. 1870 йилда фалакшунослик расадхонаси ва кимёгарлик лабораториясига асос солинди. 1880 йилда Тошкетда биринчи марта жамоат кутубхонаси очилди. Шарқшунос олимлар қатор илмий жамиятлар туздилар, тарихий, археологик музейлар, наботот боғи очилди, шифохоналар қурилди, чечак ва бошқа касалликларга қарши эмлаш йўлга қўйилди.

Мусулмонлар орасида қадимийчиллик ва жадидчилик тус ола бошлади. Туркистон буржуазияси орасида жадидлик ҳаракати кенг тарқалди (жадид арабча сўз бўлиб, янги усул деган маънони билдиради). Жадидлар янги усуздаги мактаблар тузиш дастурини олға сурдилар, бу мактабларда асосан туркий тил ва теология (дин асослари) асосий дарс ҳисобланарди.

Самарқанд, Тошкент, Бухоро, Чоржўй, Термизда жадидлар бирлашмаси ташкил қилинди. Тошкент, Бухоро ва Самарқандда улар газеталар ҳам чиқара бошладилар. Жадидлар халқни маърифатга чақирдилар, М. Беҳбудий, А. Фитрат, Чўлпон, Ҳамза, А. Қодирийлар бу борада фаоллик кўрсатдилар.

Туркистон ҳарбий-ершунослик бўлимига 1867 йилда асос солиниб ўлканинг ер усти тузилишини суратга олиш бўйича катта ишлар қилинди. Бу бўлим олимлари томонидан Ўрта Осиёning биринчи бош харитаси тузилган эди.

Туркистон табиий бойликларини илмий жиҳатдан ўрганишга шарқшунос олимлар анча ҳисса қўшдилар. 1870 йилда табиат, антропология ва этнография ҳаваскорлари рус жамиятининг Туркистон бўлими очилди. Н. А. Северцов, И. В. Мушкетов, В. Ф. Ошанин сингари машҳур олимлар бу жамият аъзолари эдилар.

1864—1882 йилларда Ўрта Осиё ҳудудлари ва табиий бойликларини ўрганишга Санкт-Петербург Фанлар академиясини бошқарган географ Ф. П. Литко катта

ҳисса қўши. У 1873 йилда Ўзбекистонда биринчи илмий муассаса – Тошкент фалакшунослик ва табиатшунослик расадхонаси ташкил этишда жонбозлик кўрсатди.

XIX асрнинг иккинчи ярмида П. П. Семёнов Тяньшанский Тянь-Шань тоғ тизмалари катта қисмининг таркиби ва тузилиши ҳақида дастлабки қимматли маълумотларни чоп эттириди. Унинг хизматлари шарафига Иссиккўл соҳилида биринчи ҳайкал ўрнатилган. А. П. Федченко Фарғона водийсининг ўсимликлар дунёсини тадқиқ этишда кўп ишлар қиласи ва ўлка ўсимлик бойлигининг янги манбаларини очди.

И. В. Мушкетов Г. Д. Романовский билан биргалиқда Туркистон ўлкасининг биринчи ер усти харитасини тузди. И. В. Мушкетовнинг олтин, темир маъдани, қорамой, кўмир сингари кўплаб қазилма бойликларни кашф этиши, кейинчалик Ўрта Осиё жумҳуриятлари табиий бойликларининг ўзлаштирилиши 74 йил мобайнида Россия империясининг шу бойликларга бўлган эҳтиёжини таъминлаб келди.

Шарқшунос, йирик муаррих академик В. В. Бартольдинг Туркистон ўлкаси тарихи ва урф-одатларини, элини ўрганиш асосида ёзган «Еттисув тарихидан лавҳалар», «Туркистоннинг суғорилиш тарихи» 'каби ўнлаб китоблари Ўрта Осиё халқларига бағишлиланган.

Ўрта Осиёда илмий тадқиқотлар олиб борган шарқшунос олимларнинг фанга қўшган ҳиссаларидан айримларинигина келтирдик, холос деб ўқитувчи ўз нутқини якунлади.

Ўқитувчи 1917 йилги февраль буржуа-демократик инқилоби натижасида икки ҳокимиётчиликнинг вужудга келиши, ўша кунларда туркистонлик мардикорлар, ишчи ва аскар депутатлар намойишлар, сўнгра мажлислар ўюнтирганликларини айтиб, бу намойишлар бошида ўзбек мардикори Эшонқул Миржамолов турганлигини айтиши керак. У Самарқандга келгач, бу ерда «Захматкашлар иттифоқи» раҳбарларидан бирига айланади. 2 июнда Шайхонтоҳурда 800 киши қатнашган мардикор ишчилар мажлиси бўлиб, у келажакка умид шиори остида ўтади.

Тошкент маҳаллий ишчиларининг 1917 йил 14 майда бўлган мажлисида Мусулмон меҳнаткашлари, ишчилар депутатлари Советининг Низоми тасдиқланди. Низомга мувофиқ ташкилий бюро 15 июлда бўлган йиғилишда Тошкент шаҳар Мусулмон ишчи вакиллари Шўросини

сайлаш таклиф қилинди. Унга 32 киши сайланди. Ижроия комитет 8 кишидан иборат бўлди. Унинг бошлиғи қилиб Салоҳиддин Муфтизода сайланди. 1917 йилнинг ёзида Тошкентнинг Эски Шаҳарида 12 касаба комитети тузиљди. Унга Султонхўжа Қосимхўжаев раис бўлди.

Уша йилнинг август ойи бошларида Андижон шаҳрида мусулмон ҳунар аҳлиниң «Санойи «ул-ислом» кенгаши тузиљди. Унга 1500 киши аъзо бўлиб кирди.

Тошкентда «Хуршид», «Садойи Туркистон», «Турон», «Турк эли», «Нажот», «Кенгаш», «Шўрайи ислом», Самарқандда «Ойна», «Ҳуррият», Бухорода «Турон», «Бухоройи Шариф», Қўқонда «Садойи Фарғона», «ТИРИК СЎЗ» газеталари, «Ҳуррият» журнали, Фарғонада «Фарғона нидоси» газетаси чиқа бошлади. Уларда халқнинг сиёсий фаол бўлиши таъкидланди.

1917 йил 23 июлда Қўқонда Фарғона вилояти мусулмон меҳнаткашлари қурултойи бўлди. 25 июлда Марғилон меҳнаткашлари Шўроси мажлиси бўлиб, у «Фарғона ишчи ва аскар депутатлари Шўросидан Марғилон шаҳри милициясининг бутун таркибини фронт орқасидан қайтиб келган маҳаллий кишилар билан алмаштиришни» илтимос қилди.

Аммо большевиклар 1917 йил июль воқеаларидан сўнг партия VI съезди дастурлари асосида оммани зўр бериб қуролли қўзғолонга тайёрлаб бордилар.

Ўқитувчи 28 октябрда Тошкетда қуролли қўзғолон бошлангани ва 1 ноябрда Туркистондаги Муваққат ҳукумат ағдариб ташланиб, Тошкентда ҳокимият Шўролар қўлига ўтгани ва Туркистон ўлкасининг бошқа шаҳарларида ҳам ҳокимият бирин-кетин большевиклар қўлига ўтганини уқтиради.

Айниқса, халқ кутган мақсадлар рўёбга чиқмаган Туркистон халқларининг 1918 – 1920 йилларда миллий-озодлик ва эрк учун олиб борган курашлари, Шўроларнинг миллий сиёсатдаги хатоликлари ва уларнинг оқибатлари музей материалларида деярли ёритилмаган.

1924 йилда драма театрининг бир гуруҳ ижочилари: М. Уйғур, А. Ҳидоятов, С. Эшонтўраева ва бошқалар Москвага ўқишига юборилди. Улар Е. Вахтангов раҳбарлигида ўқидилар. Ўзбек драма театри саҳнасида Н. В. Гоголининг «Ревизор», Д. Фурмановнинг «Исён», В. Ивановнинг «14 – 69 бронепоезд», Шекспирнинг «Гамлет» ва «Отелло» асарлари қўйилганлиги ўзбек халқининг санъати нақадар ўсганлигидан далолат беради.

Москвада 1937 йил 21 майдан 30 майгача ўтқазилган ўзбек адабиёти ва санъати декадаси республикада қисқа муддат ичидаги маданият соҳасида катта муваффақиятларга эришилганлигини кўрсатди. Ҳамза номидаги ўзбек Давлат академик драма театри, Ўзбекистон Давлат филармонияси ҳамда Муқимий номидаги Ўзбек музикали драма ва комедия театри Меҳнат Қизил Байроқ орденлари билан мукофотландилар. Ўзбекистон мисолида мустамлака зулмидан озод бўлган мамлакатда маданият нақадар тез ўсганлиги катта намойиш қилинди.

Дастлабки беш йилликлар мобайнида ўзбек халқи саноатни ривожлантиришда катта муваффақиятларга эришди. Ўзбекистон саноатининг структураси тубдан ўзгарди: саноатнинг қишлоқ хўжалик машинасозлиги, минерал ўғит ишлаб чиқариш, кон саноати, тўқимачилик саноати каби янги тармоқлари вужудга келди. Қувасой цемент-оҳак комбинати, Тошкент тўқимачилик комбинати, Чирчиқ химия комбинати, «Ташсельмаш» заводлари қурилди. «Ташсельмаш»нинг ишга туширилиши билан қўплаб қишлоқ хўжалик машиналари ишлаб чиқарила бошлиди. Урушдан олдинги икки беш йилликда Ўзбекистонда 400 та янги корхона қурилиб ишга туширилганди. Музейда ўша биринчи беш йилликда Тошкентда қурилган биринчи электр элеваторининг расмини ҳам қўриш мумкин.

Улуғ Ватан уруши қаҳрамони генерал-майор Собир Раҳимон (1902 - 1945) гоят истеъдодли ва жасур ҳарбий саркарда, биринчи ўзбек генерали эди. 1945 йил март ойида генерал С. Раҳимов дивизияси Болтиқ бўйидаги катта порт шаҳри Гданьскка яқинлашади. Шиддатли жанглар вақтида у оғир яраланади. С. Раҳимов жанговар постда, Ватан озодлиги ва мустақиллиги йўлида ўзини қурбон қилди. У жанговар хизматлари учун иккинчи даражали Суворов ордени, тўртта жанговар Қизил Байроқ ордени, Қизил Юлдуз ордени ва «Кавказ мудофааси учун» медали билан мукофотланган эди. Ўзбекистон тарихи музейида генерал-майор Собир Раҳимовга бағишинланган маҳсус бурчак ташкил қилиниб, бу ерда унинг ҳарбий кийим-кечаклари, қурол-аслаҳалари ва шахсий ҳужжатлари, фотосуратлари қўйилганки, буларнинг ҳаммаси ёшларни ҳарбий ватанпарварлик руҳида тарбиялашда катта далилий ҳужжат бўлиб хизмат қиласди.

1941 йил декабрида Ўзбекистоннинг биринчи прези-

денти Йўлдош Охунбобоев бошчилигига биринчи Ўзбекистон делегацияси фронтга жўнаб кетди. Делегация аъзолари билан сұҳбатда генерал Л. А. Говоров бундай дейди: «Қабиҳ душман Москвага яқинлашиб, Москва хавф остида қолгандар... бизлар ўз позициямизда мустаҳкам турдик. Биз бутун совет халқининг, шу жумладан, ўзбек халқининг доимий ёрдами ва қўллаб-қувватлашини сезиб турдик. Қорли Москвадан қўёшли Ўзбекистонгача - мингларча километр. Аммо бу масофа бизни ажратса олмайди. Биз биламизки, сиз бизларга яқин ва азиздирсизлар, биз ҳам сизга яқин ва азиздирмиз». Мана шу сўзлар «Ўзбекистон делегацияси Ғарбий фронтда», «Генерал-лейтенант Л. А. Говоров Ўзбекистоннинг биринчи президенти Йўлдош Охунбобоев билан» деган панно остига ёзиб қўйилган.

1943 йил 24 сентябрда уруш қийинчиликларига қарамай, Ўзбекистонда Фанлар академияси ташкил этилди. Унга 23 та илмий-тадқиқот институтлари кирди. Уруш вақтида Ўзбекистонга кўчириб келтирилган Москва, Ленинград, Киев, Харьков олимлари республика олимларига катта ёрдам бердилар. Уша йилларда Ўзбекистонда 43 та олий ўқув юрти бўлиб, ундаги студентлар сони 21 027 кишини ташкил қилган эди. 52 та техникумда эса 10 068 ўқувчилар ўқирди. Музейга Халқ Комиссарлари Советининг Ўзбекистон Фанлар академиясини ташкил этиш ҳақидаги қарорининг фотосурати қўйилган.

Ўзбекистонда газ конлари асосан Бухоро-Хива, Фарғона ва Сурхондарё районларида жойлашган. Газли кони жумҳуриятимиздаги энг йирик конлардандир. Музейда газопровод ўтказиш тасвирланган расм бор.

Ўзбекистонда қишлоқ хўжалигини ривожлантиришнинг негизларидан бири комплекс механизациялаштиришdir. Республика жамоа хўжаликлари тобора кўпроқ янги техника билан қуроллантирилмоқда. Масалан, Сирдарё вилоятида янги тузилган «Сайхун» жамоа хўжалигининг бир ўзидағина 60 та паҳта териш комбайнлари ишлайди, қўриқ ерларда тузилган колхозларда эса 600 дан ортиқ паҳта териувчи зангори кемалар ишламоқда.

Урушдан кейинги йилларда қишлоқ хўжалигини ривожлантиришда асосан паҳтачиликни янада юксалтириш кўзда тутилган эди. Мирзачўлни ўзлаштириш ишлари бошланиб, янги паҳтакор районлар вужудга келди. 1963 йилда Сирдарё вилояти тузилди. 1960 —

1965 йиллар мобайнида бу ерда 37,4 минг гектар қўриқ ва бўз ерлар ўзлаштирилиб, экин майдонига айлантирилди.

Тошкент чинни заводи ўзининг хилма-хил маҳсулотлари билан шуҳрат қозонди. Миллий нақшлар солинган идиш-товоқларга, шунингдек, юбилейларга ҳамда муҳим воқеаларга атаб ишланган бошқа ҳар хил совғаларга қизиқиш катта. Жуда ажойиб ва нозик дид билан ишланган Тошкент чинни заводи маҳсулотларидан намуналар музейда ўз аксини топган.

Хуроса қилиб шуни айтиш мумкинки, музей материалилари ўлкамиздаги қадим замонларда яратилган энг ноёб ёдгорликлар ва кейинги даврда қўлга киритилган муваффақиятларни намойиш қилиш билан кенг меҳнаткаш оммани, шу жумладан, ўқувчи ва студентларни ватанпарварлик руҳида тарбиялаш ишига хизмат қиласди.

Ривож топган музейлар тарих ва маданият ёдгорликларини тарғиб қиласдиган муҳим масканларга, оқил ва фозил кишилар асарларининг, энг нодир қўлёзмаларнинг ҳалқ усталари ясаган буюмларнинг хазиналарига айланди. Ҳозир республикада 31 та давлат ва 150 та ҳалқ музейи бор. Уларнинг фондида Ўзбекистон ҳалқ усталарининг нодир асарлари алоҳида ўрин олиб турибди.

Самарқанд, Бухоро, Хивадаги улуғвор меъморчилик асарлари, Ўзбекистоннинг ҳозирги замон архитектураси, музейларнинг бой фонди, воқелигимизнинг ўзи кишиларимиз учунгина эмас, кўпгина чет эллардаги кишилар учун ҳам катта жозибадор куч бўлиб қолди. Кейинги йилларнинг ўзидағина Ўзбекистонни 520 мингдан зиёд ажнабий ва 840 минг туристлар келиб кўрдилар. Шу вақт ичida давлат музейларининг ўзини 19 миллионга яқин киши келиб томоша қиласди.

Ёдгорликлар мафкура ишининг таъсирчан воситасидир. Бу ёдгорликлар ҳамиша сафда, кўз ўнгимизда, уларни истаган вақтда бориб кўриш мумкин. Бинобарин, ҳар бир ёдгорлик тўғрисида ғамхўрлик қилиниши, унга эътибор берилиши, у яхши ҳолатда сақланиши ва ўрганилиши лозим. Бу ишга қўпроқ мактабларда ўлкашунослик ишини олиб борувчи раҳбар – тарих, география ва инсон ва жамият фанлари ўқитувчилари тортилмоғи даркор.





---

---

## VII. Мактаб музейи.

1. Мактаб музейининг вазифалари.
2. Мактаб музейи соҳасини танлаш.
3. Мактаб музейини ташкил этиш.
4. Мактаб музейи фондлари.

## 1. Мактаб музейининг вазифалари

Улкани ва унда мавжуд бўлган тарих ва маданият ёдгорликларини муҳофаза қилиш, ўрганиш ва улардан фойдаланиш ҳар бир фуқаронинг муқаддас бурчидир. Тарихчиларга бу қонун муқаддас дастуриламал бўлиб хизмат қиласди. Биз ёшларни тарихий ёдгорликларни авайлаб сақлашга, тарихий обидаларга меҳр-муҳаббат билан қарашга ўргатиб, бу ёдгорликлар фақат ўтмишни ўрганиш учунгина эмас, шу билан бирга илм-фанни, ҳалқ маорифи ва маданиятни янада ривожлантириш учун ҳам бебаҳо дурдона эканлигини сингдириш руҳида тарбиялашмиз керак.

Мактаб музейи ёшлар олдига қуийидаги вазифаларни: биринчидан, жамият ҳаёти ва ҳалқ турмушидаги энг муҳим тарихий воқеаларни, давлат ва ҳарбий арбобларнинг, ҳалқ қаҳрамонларининг ҳаёти ва фаолияти билан боғлиқ бўлган бинолар, иншоотлар, эсдалик жойларни ўз ўлкасига боғлаб ўрганишни, иккинчидан, археология ёдгорликлари: қўйна шаҳарлар, қўргонлар, қалъалар, қадимий манзилгоҳлар, истеҳкомлар, корхоналар, каналлар, йўлларнинг қолдиқлари, қадимий дафн жойлар — мозоратларни, тош ҳайкаллар, қоялардаги тасвирларни, қадимий буюмларни ўз жойига боғлаб ўрганишни; учинчидан, меъморчилик обидалари, тарихий марказлар, кварталлар, майдонлар, кўчалар, шаҳар ва бошқа аҳоли яшайдиган манзилларнинг қадимий тузилиши, қурилиши ва қолдиқларини; граждан, саноат, ҳарбий, диний, ҳалқ меъморчилиги иншоотларини, табиат ландшафтларини ўз ҳудудига мослаб ўрганишни; тўртинчидан, санъат ёдгорликлари — монументал, тасвирий, амалий-декоратив ва бошқа турдаги санъат асарларини; бешинчидан, ёдгорлик ҳужжатлари — давлат ҳокимият органлари ва давлат бошқарув органларининг актлари, бошқа ёзма ва график ҳужжатлар, кино-фото ҳужжатлар ва товуш ёзувлари, шунингдек, қадимий ва бошқа қўллэзмалар ҳамда архивлар, фольклор ва музика ёзувлари ва шу каби нодир материалларни излаб топиш, ўрганиш ва умумлаштириш вазифаларини қўяди.

Мактаб музейи олдига жуда катта ва улкан вазифалар қўйилган бўлса-да, ҳалқ ва давлат музейларидан ўзига хос хусусиятлари билан тубдан фарқ қиласди. Биринчидан, мактаб музейи ўқувчилар учун мўлжалланган. Иккинчидан, бу музей мактаб ўқитувчилар жамоаси

ҳамда ёшлар ташкилотлари томонидан йиғилган материаллар асосида ташкил этилган. Учинчидан, музейдан фақат юксак тарбиявий мақсаддагина эмас, балки таълим жараёнида ҳам унумли фойдаланиш мумкин. Политехника таълимида кичик музейни ташкил этиш бениҳоя катта аҳамиятга эгадир.

Мактаб музейи ташкил қилингандан мактабларда ўқувчи-ларниң ижтимоий фанлардан олаётган билимлари, мустақил ишга ва меҳнатга, ўтмин тарихи ва маданиятига қизиқишилари ўсиб бораётганлиги аниқланмоқда. Шунингдек, юқори синф ўқувчиларининг билим доираси кун сайин кенгайиб, дастлабки илмий-тадқиқот ишларига бўлган қизиқиши сезиларли даражада ўсмоқда. Давлат музейлари бўлмаган районларда мактаб музейининг вазифаси янада мураккаброқ бўлади. Бундай ҳолларда мактаб музейи маҳаллий аҳолини ҳам ўзига жалб қиласди ва тарихий ёдгорликларни сақлаш ва улардан фойдаланишга бўлган қизиқишини орттиради.

Мактаб музейи қандай бўлиши керак? У қандай ташкил этилади. Ундаги ишлар қандай уюстирилади?

Мактаб музейи илмий тизимга солинган, барча материаллар тўпланиб, намойиш қилишга тайёрланган, тарих ва маданият ёдгорликларининг имкони борича асл нусхасини ёки ҳар хил воситалар ёрдамида кўчирма (нусха) олиб, ўлкашуносликнинг манбалари бўйича даврлаштирилиб қўйиладиган, мактаб жамоаси, ўқувчилар ҳамда ўша ҳудудда истиқомат қилувчи маҳаллий аҳолига мўлжалланган кичик бир бошланғич илмий, маданий муассасадир.

Музейга материаллар жойлаштирилаётганда, албатта район ёки вилоят ўлкашунослик музейлари ходимларидан маслаҳат олиш зарур. Чунки материалларни хронологик асосда жойлаштириш давлат ва ҳалқ музейларидан фарқ қилмаслиги керак. Мактаб музейи тушунчаси кўпинча унинг танлаб олган соҳасига қараб аниқланади.

## 2. Мактаб музейи соҳасини танлаш

Мактаб музейи соҳасини танлаб олишда мактаб ёшлар ташкилотлари ва ўқитувчилар жамоаси ҳамда отаоналар қўмитаси унинг гоявий-сиёсий ва таълим-тарбиявий вазифаларини ҳисобга олишлари керак.

Мактаб музейига асосий соҳа қилиб маданият оби-

далари ва тарихий-революцион жойлар танлаб олинса мақсадга мувофиқ бўлади.

Бунда бевосита юқорида таъкидлаб ўтилганидек, ўз ўлкасидағи мавжуд тарихий, моддий ва маънавий ёдгорликларни қидириб, у ерлардан музей учун яроқли бўлган археология, этнография, топонимикага оид топилмаларни музей фондига топшириш ва шу йўл билан экспонатлар сонини кўнайтириш мумкин.

Бунда ўлкашунос раҳбар-ўқитувчи маълум ҳудудни танлаб олиши ва тадқиқот олиб борадиган қишлоқ, район, шаҳар ёки микрорайонларни аниқ чегаралаб қўйиши зарур. Айрим ҳолларда мактаб музейи фақат мактаб тарихини ўрганиш билангина чегараланиб қолади. Бунда, албатта, мактаб микроучасткасининг қадимги ҳаёти, археологияси, этнографияси ва топонимикасига оид материаллари билан ҳам қизиқиш керак. Шу билан бирга ўша ҳудудда яшаб меҳнат қиласан, ҳозирда ҳам ишлаб турган халқ қаҳрамонларининг ва меҳнат қаҳрамонларининг, гражданлар урушида ва Улуғ Ватан урушида қатнашган кишиларнинг фаолиятига оид материаллар музей фондларидан жой олиши лозим.

Музейнинг хронологик даври ёки рамкаси ҳам ҳар хил бўлиши мумкин. Музей ўрганиш обьекти қилиб олган ҳудуднинг ёнг қадимги даврдан то 1917 йилгача бўлган даврини ўрганиш ҳам мумкин ёки ундан кейинги даврдан то ҳозирги кунгача бўлган даврини ўрганиш ҳам мумкин. Жуда кўпчиллик мактаблар ўлкашунослик соҳасини танлаб тўғри қилади. Бу нарса, биринчидан, мактаб музейини ташкил этишда ва турли-туман материаллар тўплашда қулайлик туғдирса, иккинчидан, бу соҳада музей учун исталганича ўқувчиларнинг бевосита ёрдамида ўз ўлкаларининг маданият тарихини, яъни археологияси, этнографияси, топонимикаси ва архив ҳужжатларини йиғиш имконини беради. Учинчидан, бу ишга ўқувчиларнинг хоҳишлари ва истаклари катта бўлади. Тўртинчидан, у бошқа фанлар билан, яъни тарих, инсон ва жамият, география, адабиёт, тиашунослик фанлари билан яқин алоқада бўлади, бу эса музей материалларини кўп миқдорда топишга имкон беради.

Мабодо мактаб шароити учун қадимги даврни ўрганиш қийинлик туғдиргундай бўлса ёки материал топилмаса, ошкоралик, демократия, тарихни рўй-рост ёритиш кенг авж олдирилган ҳозирги даврни ўрганиш ва

шу ҳақда материал түнлаш, мана шулар асосида музей ташкил қилиш ҳам мумкин.

Шундай қилиб, мактабда ташкил этилган тарих ва ўлкашунослик музейи ва унга қўйилган экспонатлар мактаб ўқув таълим-тарбия талабларига тўлиқ жавоб бериши керак.

### 3. Мактаб музейини ташкил этиш

Мактаб музейи юқорида айтилгандек, аввало ёшлар ҳамда ўқитувчилар жамоасининг, ўқитувчилар ва кенг жамоатчиликнинг фаол иштирокида ташкил этилади. Музей ташкил этиш учун аввало материаллар йигиш, ҳужжатлар түнлаш ва уларни ўрганиш зарур. Музей ташкил этиш ишининг ташкилотчиси ўлкашунос-тарихчи ўқитувчи бўлиши шарт. Мактаб ўлкашунослигини аввало ўқувчиларнинг ўзлари ташкил этади. Шунинг учун ҳам бу иш жамоатчилик асосида бошқарилади.

Мактаб музейини ташкил этиш учун аввалимбор қўйидаги ташкилий ишларни амалга ошириш лозим: музей соҳаси мактаб ўқитувчилари мажлисида муҳокама қилиниб, унга раҳбар тайинланади; музей ташкил қилиш масаласи юқори синф ўқувчилари йигилишларида муҳокама қилинади. Йигилишларда ўқитувчилар мажлисида тайинланган раҳбар музей ташкил қилиш юзасидан ахборот беради; ўқувчилар йигилишида музей кенгаши сайланади. Улар вақт-вақти билан музей ишлари қандай бораётганлиги ҳақида ўқувчилар йигилишида ахборот бериб туради.

Кўнинча ўлкашунослик тўғараги аъзолари бу ишнинг ташаббускори бўлишиб, улар тарих ва ўлкашунослик бўйича ташкил қилинган саёҳат ва илмий сафарларда тўплланган коллекциялари, археология, этнография, топонимияга оид материалларини мактаб музейига экспонат сифатида топширадилар. Бу материаллар музей фондига айланади. Музей кенгаши ҳар йили сайланади. Унинг таркибида 10–13 кишидан иборат фақат аъло ўқийдиган ва шу инга жуда қизиқадиган жамоатчи аъзолари бўлади. Булар ўртасида ишлар қўйидагича тақсимланади:

1. Музей кенгани раиси. У ўқувчининг бевосита раҳбарлигидаги кенгашини иш режасини тузади, режага асосан ишларни тақсим қиласди. Кенгашининг ташкилий масалаларини ҳал қиласди, материал түнлаш, экспозиция

тузиш, музейдаги навбатчилик жадвалини тузиш билан бу ишларнинг бажарилишини кузатади.

2. Музейнинг катта сақловчиси. У музейдаги барча материаллар ва экспонатларнинг сақланишига ва ўрни-ўрнига қўйилишига жавоб беради. Музей материалари-ни ҳисобга олиш дафтари юритади ва музей материалларининг асл нусхаларига картотекалар тузади.

3. Музей кенгашининг котиби. У саёҳатлар ва илмий сафар ишларининг якунига бағишлиб ўтказиладиган ва музейдаги барча ишлар бўйича ўтказиладиган йиғилишлар қарорларини мунтазам ёзиб боради. Барча олиб борилган ишларни ҳисобга олиб боради.

4. Музей Кенгаши аъзолари. Улар экспозиция тузишга, материал тўплашга, экспозицияларни безаш ишларига жавобгар шахслар тайинлади, фуқаролар уруши ва 2-жаҳон уруши фахрийлари билан учрашувлар ташкил қиласди ва ҳоказолар. Бундан ташқари, Кенгаш аъзолари музейга материаллар йиғиш, илмий сафар ва саёҳатлар уюштириш, музейшуносликка оид бўлган адабиётларни ўқиши, жамоат ўлкашунослиги ходимлари ва коллекционерлар билан сұхбатлар, учрашувлар ўтказиш бўйича аниқ режа тузиб чиқадилар.

Музей кенгаши яқинроқда жойлашган район ёки вилоят ўлкашунослик музейи ходимларидан экспозицияларни тўғри ва илмий равишда ўрганиш ва жойлаштиришда мунтазам маслаҳат олиб туришлари керак.

Мактаб музейи ўзининг асосий фондида бўлган материаллар ҳақида ўлкашунослик музейларига қўйида-ги шаклда маълумот бериб туриши керак: 1. Музейдаги топилмаларнинг тартиб рақами. 2. Экспонатларнинг инвентарь рақами. 3. Топилмаларнинг номи. 4. Топилманинг топилган жойи. 5. Топилманинг ким томонидан топилиб, музейга қачон топширилгани.

Музей Кенгашининг асосий вазифаларидан яна бири ўқувчиларнинг музей ишига доимий фаоллигини оширишдан, яъни материал тўплаш, экспозиция тайёрлаш, музейни безаш, навбатчилик қилиш кабилардан иборат. Мактаб музей кенгаши таркибиға ота-оналар қўмитаси аъзоларидан киритиш ҳам мақсаддага мувофиқдир.

#### **4. Мактаб музейи фондлари**

Мактаб музейи фондига қўйидагилар: тарихий ва маданий ёдгорликларнинг ёки топилмаларнинг асл

нусхалари, моддий топилмалар, ёзма тарихий манбалар, тасвирий санъат ёдгорликлари, моддий ва маънавий, этнография ва топонимикага оид материаллар киради. Шунингдек район ёки вилоят ўлкашунослик музейларидаги мавжуд экспонатлардан кўчирмалар, фотосуратлар, ҳар хил материаллардан ўшанга ўхшатиб ясалган макетлар ҳам киради.

Мактаб музейини доимо материаллар билан бойитиб бориш мақсадида қуидаги ишлар амалга оширилади: ўрганилаётган соҳа бўйича мунтазам равиша материал йиғиб бориш; бунинг учун тартибли равиша саёҳат ва илмий сафарлар уюстириб бориш; музей материалларини бойитиш мақсадида аҳоли қўлидаги мавжуд топилмаларни йиғиб олиш ва уларни ҳам бу ишга жалб қилиш.

Мактаб музей фонди қуидаги бўлимларга бўлиб қўйилса мақсадга мувофиқ бўлади. Асосий бўлимлардан оддин мактаб музейи тарихи ҳақида ва уни ташкил этувчилар тўғрисида, унданаги экспонатларнинг сони ва ундан ўқувчилар ва ўқитувчилар ўз фаолиятларида қандай фойдаланаётгандиклари ҳақида қисқача таъриф берилади, сўнг асосий бўлимларга ва уларда жойлаштирилган материалларга таъриф бериш бошланади. Масалан, биринчи бўлимни «Ибтидоий жамоа ва қулдорлик жамияти» деб номлаш мумкин. Бу бўлимга асосан ўз ўлкасидан ёки ўрганаётган ҳудудидан (агар шундай манбалар бўлса) топилган археологияга оид материаллар, масалан, Тешиктош ғорининг ясама кўриниши, М. М. Герасимов томонидан реконструкция қилинган 8—9 яшар неандерталь боланинг дарсликдаги ҳайкалининг тасвири, «Ибтидоий одам — синантроп овда» деган расмдан кўчирма ёки ясама кўриниши, археологияга оид қазилмалар натижасида топилган тош даврига оид турли хил меҳнат қуроллари, сопол идишларнинг синиқлари, хуллас, палеолит, неолит, энеолит, мис, бронза ва темир даврига оид қуроллардан намуналар, асл нусхалари бўлмаган ҳолда уларнинг ясама кўринишларини ёки кўчирма нусхалар қўйиш мумкин.

Музей учун йиғилган материаллар ҳажмига қараб иккинчи бўлимни «Феодализм даври» деб номлаш ва бу бўлимга феодализм даврида яратилган тарихий ва маданият ёдгорликларидан Самарқанд, Бухоро ва Хивадаги меъморчилик ёдгорликларини акс эттирувчи фото-

суратлар ва Болаликтепа (V – VI аср), Панжакент, Варахша, Афросиёб, Даъварзин ва Ахсикентлардан топилган археологияга оид ҳар хил топилмалар ва сопол идиш-товоқлар (асл нусхаси бўлмаса расмлари ёки ясама кўринишларини қўйса ҳам бўлади), ўша даврга доир танга-чақа пуллардан намуналар қўйиш мумкин. Учинчи бўлимни «Ўлкамиз чор Россияси қарамлигига» деб номлаш ҳам мумкин. Бунда чор Россияси зулмидан маҳаллий омма ва жафокаш, тўрт девор ичидаги тутқунликда ҳуқуқсиз кун кечирган Шарқ хотин-қизлари, жумладан, ўз ўлкаси хотин-қизлари ҳаётига тааллуқли бўлган материаллардан қўйилса, Бухоро амири, Хива хони қаҳридан азоб чекаётган меҳнаткашлар, Қўйқон хони ўрнига келган чор ҳукумати зулмидан ҳувиллаб қолган қишлоқлар ҳақидаги маълумотлар музей материалларида акс эттирилса ўқувчилар кўз ўнгига ўтмиш аниқ тасвирланади ва чоризм сиёсатига нисбатан қаҳр-ғазаб, меҳнаткаш оммага нисбатан меҳр-муҳаббат уйғотади.


Тўртинчи бўлим «Ҳозирги даврда жонажон ўлкам» деб номланса ва бу бўлимда Ўзбекистоннинг 20- йиллардан то шу кунгача, яъни мустақил жумҳуриятлар ташкил топаётган, шунингдек Ўзбекистон ҳам мустақилликни қўлга киритиб, унда яшаётган ҳалқлар ўз тарихи, маданияти, ўзлигини англаётган, хорижий давлатлар билан ҳам иқтисодий, ҳам маданий алоқалар кун сайин яхшиланаётган ҳозирги давргача бўлган ўз ўлкасининг иқтисодий, сиёсий ва маданий ҳаётини исботловчи далиллар музей экспонатлари қаторидан жой олса, музей ўшандагина мактабнинг ҳақиқий музейига айланади ва унинг таълим-тарбия ишларига қўшаётган ҳиссаси янада ошади.

Масалан, Тошкент шаҳридаги 73- ўрта мактаб тарих ўқитувчиси марҳума Лола Раҳимова ўз мактабида Низомий номли Тошкент Давлат Педагогика институти қадимги дунё, ўрта асрлар ва ўлкашунослик музейи ташкил қилдилар. Музейда инсоният пайдо бўлган палеолит – қадимги тош даври, мезолит – ўрта тош даври, неолит – янги тош даври, энеолит – мис-тош даври, бронза – жез даври, темир даври ҳамда ибтидоий жамоа даври бузилиб, қулдорлик даври пайдо бўлган вақтга қадар ўша давр меҳнат қуролларини Ойбек номли республика музейи ходимлари ёрдамида намойиш қилишга эри-

шилди. Кейинги даврлар ҳам хронологик асосда ташкил этилди. Бу мактаб музейида бўлган ёшлар республиканизнинг маълум даражада ҳақиқий ватанпарвари бўлиб этишишига ишонч ҳосил қиласди.

Шуни таъкидлаб ўтиш лозимки, республиканизнинг кўпгина вилоят ва район марказларида ўлкашунослик музейлари мавжуд. Уларда шундай нодир, қимматбаҳо материаллар сақланмоқдаки, бу материаллардан ҳалига-ча фойдаланилгани йўқ. Андижон, Фарғона, Наманган, Самарқанд вилоятлари, ўлкашунослик музейларидағи материаллар, айниқса дәхқончилик, ҳунармандчилик, савдо-сотиқ, у ерларда яшаган ҳалқларнинг урф-одатларини аниқ ашёвий далиллар билан исботлаб берувчи материаллар, шулар жумласидандир. Чунончи, Фарғона вилояти ўлкашунослик музейида қадимги Фарғона суформа дәхқончилик маданиятининг қадимги Миср, қадимги Ҳиндистон, Икки дарё оралиғи давлатлари суформа дәхқончилик маданиятидан устун эканлигини исботловчи фонд материаллари бор. Самарқанд вилояти ўлкашунослик музейида XIX аср охириларида яшаб ижод этган мушҳур шарқшунос олимлар томонидан яратилган, ҳалқимизнинг жуда кўплаб асори-атиқалари, кийим-кечаклари, тўй ва мотам маросимларига доир 96 томдан иборат «Справочник Самаркандской области» деб номланган тўплам мавжудки, бундан «Ўзбекистон тарихи»ни ёзишда фойдаланилса мақсадга мувофиқ бўлур эди.

Хулоса қилиб айтганда, вилоят ва район ўлкашунослик музейларида сақлананаётган материаллардан фойдаланмай туриб республикамиз тарихини рўй-рост яратиш мумкин эмас. Шунинг учун «Мактаб музейи» деб номланган мазкур бобни ўрганишда тарих, инсон ва жамиятдан дарс бергаётган ўқитувчилар ўз вилоят ёки районидаги ўлкашунослик музейларида сақлананаётган материаллардан ўринли ва унумли фойдаланишларини тавсия этамиз. Шундагина биз мактаб музейи материалларидан фойдаланишни йўлга қўйган ҳамда ўқувчиларнинг бу материаллардан ўз вақтида самарали фойдаланишларига эришган бўлур эдик.





---

## VIII. Ўлкашунослик тўгараги

1. Ўлкашунослик тўгарагини ташкил этиш.
2. Ўлкашуносликдан амалий машғулотлар ўтказиш.

Ўқув-тарбия ишларининг савиасини буғунги кун юксак талаблари даражасига кўтаришда ўлкашунослик тўгараги катта аҳамиятга эга. Тарихий ўлкашунослик тўгараклари ва музейларининг ўрта ва олий ўқув юртлари тарих факультетлари қошида ташкил этилиши ва бу ишга мактаб ўқитувчилар жамоаси, ёшлар ва отаоналар қўмитаси ҳамда талабалар кенг жамоатчилигининг жалб қилиниши унинг ишларини яхши йўлга қўйишга ёрдам беради.

Мактабда ўлкашунослик тўгарагини ташкил этиш ўқувчиларнинг ўз ўлкаларини чуқур ўрганишларига катта ёрдам беради.

## 1. Ўлкашунослик тўгарагини ташкил этиш

Ўлкашунослик тўгарагини ташкил этишдан олдин ана шу муҳим ва мураккаб ишга раҳбарлик қила оладиган, ўлкашунослик ишини чин кўнгилдан севадиган ва бу соҳада етарли билим ва малакага эга бўлган мутахассисдан раҳбар танлаш ва уни мактаб ўқитувчилар Кенгашида тасдиқлаб олиш зарур. Бу анча қийин масала. Ўлкашунослик тўгарагининг бўлғуси раҳбари нималарни яхши билиши керак? Энг аввало, у ўлкашунослик нима ва у нималарни ўрганади ва нимадан баҳс этади, ўлкашуносликнинг манбалари, объектлари қайсиilar, 1917 йилгача ундан кейин ўлкашуносликнинг ривожланиш босқичлари, турлари, тарихий ўлкашуносликнинг илмий-назарий ва услубий асослари ва бошқаларни жуда яхши билган ва тушуниб олган бўлиши керак.

Бинобарин, ана шуларни ўрганиб олмасдан туриб ўлкашунослик соҳасида маълум бир натижага эришиб бўлмайди.

Ўлкашунослик тўгараги иши унинг қўйидаги асосий манбаларини ўрганишдан бошланади. Дарсликда баён қилинганидек, даставвал ўлкашунослик ҳақида қисқача маълумот берилади; ўлкашуносликнда археология, этнография, топонимиканинг роли ва аҳамияти очиб берилади; ўлкашуносликнинг асосий манбаларидан бири архившунослик, музей экспонатлари ҳақида батафсил тушунча ҳосил қилинади. Хўш, бу манбаларнинг ҳар бири қандай масалалар билан шуғулланади? Демак, иш ўлкашуносликнинг биринчи манбаи археология нима деган саволдан бошланади.

«Археология» сўзи лотин тилидан олингган бўлиб «архайос» – қадимги, «логос» – фан дегани, яъни қадимийликни ўрганадиган фан маъносини англатади<sup>1</sup>. Дастлаб бу атамани милодимииздан аввалги IV асрда Платон (Афлотун) ўзининг «Гиппий» диалогида қадимги замон ҳақидаги фан сифатида тилга олган. Бу фан Европада анча қадимдан ривожланиб келаётганлиги, рус археологияси ҳақида қисқача сўз айтиш билан бирга, Ўрта Осиё Россия томонидан босиб олингач, Ўрта Осиё, шу жумладан, Ўзбекистон ҳудудида ҳам шарқшунос олимлар, ҳаваскор археологларнинг олиб борган бу соҳадаги ишлари билан таништирилади. Сўнг бошқа фанлар қатори археология фани ҳам кейинги даврда ривож топгани, Ўзбекистонда археологиянинг вужудга келишида, ривожланишида рус шарқшуносларининг кўрсатган бекиёс хизматлари, маҳаллий археологларнинг олиб борган ишлари, ҳозирги кунда ўзбек археологларининг улкан ютуқлари тўғрисида тўғарак раҳбари батафсил гапириб бериши керак.

Тўғарак раҳбари археология – қазиш йўли билан топилган тарихий манбалар асосида инсониятнинг узоқ ўтмиши ўрганилишини айтиб бериш билан бирга, у қандай олиб борилади? Археология қидирув ишларининг қандай турлари бор? Қазиш ишларини ташкил этиш тартиблари қандай? деган саволларга жавоб беради. Археологлар ўрганадиган предмет, обьектлар ҳақида тушунча беради. Сўнг археологияга яқин ва уни аниқлашда бевосита иштирок этадиган фанлар устида тўхталади. Масалан, тош, металл, сопол ва ёғочдаги ёзувларни ўрганувчи соҳа эпиграфика, танга пулларни ўрганадиган соҳа нумизматика, муҳрларни ўрганадиган соҳа сагистика, гербларни ўрганадиган географика каби археологиянинг бир қанча соҳаларини далиллар билан тушунириб бериши лозим.

Археология тарихга оид фан бўлиши билан бирга тўғарак раҳбари изоҳлаб бермоқ учун геология, ботаника, зоология ва антропология маълумотларидан фойдаланади ва шу билан бирга ўзи ҳам ўша табииёт фанларига қимматли материаллар беради, топилган материалларнинг айниқса «ёшини» аниқлашга ёрдам беради.

Ўлқашуносликнинг иккинчи манбаи энтография -

<sup>1</sup> Археология ҳақидаги батафсил маълумот мазкур дарсликнинг II бобида берилган.

га келсак, у ўтмишда ва ҳозирда халқларимизнинг миллий хусусиятлари, урф-одатлари, маданиятига доир маълумотларни ҳамда миллатларнинг келиб чиқишиларига, уларнинг моддий ва маънавий маданиятининг ўсиб боришига доир материалларни ўрганади.

Этнография сўзи лотин тилидан олинган бўлиб, «этнос» – халқ, «графейн» – ёзмоқ ёки ёзаман деган маънони англатади. Бу фан халқшунослик фани деб ҳам юритилади. Демак, этнография фани халқимизнинг ўтмишидан бошлаб то ҳозирги кунгача сақланиб келаётган урф-одатлари, моддий ва маънавий маданият, турмуш тарзи ва миллатларнинг келиб чиқиши муаммоси (этногенез), уларнинг ўзро алоқалари ва бошқаларни ўрганади.

Ўлка тирихини ўрганишнинг асосий маңбаи бўлган топонимикачи? У нима дегани? Қандай масалани ўрганади?<sup>1</sup> Бу сўз ҳам лотин тилидан олинган бўлиб, икки сўзнинг бирикмасидан ташкил тоғган, яъни «топос» – жой, «онома» ёки «онима» – ном, демак жойнинг номи ўрганиладиган фан деган маънони билдиради. Греклар бу фани «ер тили» деб ҳам атайдилар. Масалан: Сариосиё – бош тегирмон, Тахтапул – тахта кўприк, Жиззах – диз (жиз) – қалъа, ак кичрайтириш аффикси -ча, яъни қалъача демакдир. Ҳар қандай тил лексикаси қатор манбалар ҳисобига бойиб боради. Ана шундай манбалардан бири юқорида таъкидлаб ўтганимиздек топонимикадир.

Топонимлардан ном олган буюмлар, ўсимлик, ҳайвонлар шу қадар кўпки, баъзан ҳатто уларнинг этиологияси тўғрисида ўйлаб ҳам ўтирумаймиз. Қўқон арава, бухори қовун, чуст дўйниси ёки пичоги каби сўзларда ўша жойнинг номлари эсга келиши мумкин.

Демак, топонимика қишлоқ, туман, шаҳарларнинг номларини иқтисодий, социал, сиёсий ҳаётдаги ўзгаришлар заминида ўрганади. Ўқитувчи-раҳбар топонимлар ҳақида ганираётганида унинг бевосита тилшуносликка оид бўлган ва топонимлар деб ҳисобланган қуйидаги терминлари ҳақида ҳам тўхталиб ўтиши зарур, чунки ўқувчилар материал йигиш жараёнида мана шундай терминларга ҳам эътибор берадиган бўладилар. Масалан, антропоним сўзи – лотин тилидан олинган бўлиб, «антропо» – одам, «онома» – ном, киши исми,

<sup>1</sup> Топонимика шу қўлланманинг IV бобида батафсил баён этилган.

лақаби, фамилияси демакдир; антропонимика – киши исмларини ўрганадиган фан. Гидроним – грекча – «гидро» – сув, «онома» – ном, сув объектларининг, масалан, канал, ариқ, анҳор, дарё, сой, жилға, ирмоқ, булоқ, қудуқ, денгиз, кўл ва қўлтиқ, бўғоз, шаршара-ларнинг номларини ўрганади.

Диминутив – лотин тилидан олинган сўз бўлиб, кичрайтирилган шаклдан топоним ясалиши демакдир. Ўзбекистонда -ча ва -ак баъзан -ик аффикслари диминутив шаклдаги топонимлар ясайди; бундай топонимлар отлардан (Ҳисорак, Хумдонак, Рудак), сифатлардан (Кўкча, Оқча, Қорача, Сарича), этнонимлардан (Дўрмонча, Найманча) ясалиши мумкин. Баъзи ҳолларда эса бирон топонимга тақлид қилиб ном қўйилганда ҳам диминутив шаклдаги топонимлар ясалади, чунончи Бухороча, Самарқандак, Бағдодик, Регистонак ва бошқалар.

Метатеза – лотин тилида метатесис – жой алмаштириш сўздаги товушларнинг ўрин алмашиши (Бешоғоч – Бечоғаш, Сайрам – Сарём).

Метафара (грекча – «кўчириш») – сўзниңг кўчма маънода ишлатилиши (Туятош – катта қоя, Мингбулоқ – кўп булоқ), Этак – дарёning, тогнинг, сойниңг ёки одамнинг этаги, бурун – одамники, қайиқниги ва бошқалар.


Метонимия (грекча «қайта ном қўйиш») – топонимикада жой номининг қўшни объект номига ўтиши, масалан, дарё номининг шаҳар номига айланиши (Зарафшон дарёси – Зарафшон шаҳри, Чирчиқ дарёси – Чирчиқ шаҳри), дарё номининг тоб номига кўчиши (Кўксув дарёси, Кўксув тизмаси, Вахш дарёси – Вахш тизмаси). Ўзбекистонда метонимия ҳодисаси жуда кенг тарқалган.

Микротопонимия (грекча «микро» – кичкина, «онома» – ном) – кичик объектлар: булоқлар қудуқлар, далалар, ўтлоқлар, жарлар, йўллар, кичик тепалар, кўчалар ва ҳатто атоқли отга эга бўлган айрим дарахтларнинг номлари; микротопонимия билан макротопонимия орасида муайян чегара йўқ, масалан, баъзи бир тадқиқотчилар кўчаларни микротопонимлар десалар, бошқа бирорлар макротопоним деб ҳисоблайдилар. (Масалан, Сиоб аригини айрим тадқиқотчилар сиёҳ об, яъни қорасув десалар, баъзилари ўттиз, об – сув сўзидан олинган дейдилар.)

**Оронимия** (грекча «орос» — шаҳар, «онома» — ном) — ер юзининг рельеф шакллари — тоғлар, чўққи-лар, қирлар, даралар, текисликлар, жарлар номларини ўрганади.

**Полинимия** (грекча — «полис» — шаҳар, «онома» — ном). Урбонимия сўзи ҳам лотин тилидан олинган бўлиб, «урбс» — шаҳар, аҳоли пунктлари; хутор, овул, қишлоқ, шаҳарча, станция, шаҳарларнинг номларини ўргатадиган махсус фандир.

Ўлкашунослик тўгарагининг асосий манбаларидан бири — архив ҳужжатларидан<sup>1</sup> фойдаланиш эканлигини ўқитувчи яна бир аниқ далиллар билан тушунтиради.



Юқорида келтирилган чизма масалага маълум даражада аниқлик киритади. Демак, ўлкашунослик ўз навбатида иккига, яъни мактаб ўлкашунослиги ва болалар туристик экспурсия станциясига бўлинади. Мактаб ўлкашунослиги дарсда ва дарсдан ташқарида амалга оширилади. Болалар туристик экспурсия станцияси экспедициялар ҳамда туристик походлар ўюштиради. Натижада дарсдан

<sup>1</sup> Архив ҳужжатлари билан тўлиқ танишинш учун ушбу ўқув қўлланманинг V бобига қаралсин.

ташқари олиб борилган ҳамда болалар туристик экскурсия станциялари томонидан уюштирилган экспедициялар ва туристик походларда түпланган материаллар мактаб ўлкашунослик тұғарагида мұхокама қилинади.

Демак, раҳбар-ұқитувчи ўлкашуносликнинг барча манбалари билан ўз аъзоларини батафсил таништириб чиқиши шарт.

Ўлкашунослик тұғарагида қатнашадиган үқувчиларни танлашга алоҳида әътибор бериш зарур.

Тұғаракка шу ишга астайдыл қизиқадиган, тарих, инсон ва жамият, география, адабиёт ва бошқа фанлардан шукта билимга эга бўлган, синчков, қидирувчан, аълочи үқувчилар танлаб олиниши керак.

Тұғарак аъзолари билан биргаликда мақсад-режалар ҳақида обдон маслаҳатлашиб, мактабнинг ўлкашунослик ишларига бевосита ёки билвосита алоқаси бўлган үқитувчилар билан фикрлашиб чиққандан сўнг тұғаракнинг иш режаси тузилиб у үқувчиларнинг умумий йиғилишида мұхокама қилинади ва билдирилган фикр-мулоҳазалар ҳисобга олиниади.

Ўлкашунослик тұғарагининг иш режаси үқувчилар умумий йиғилишида мұхокама қилингач, болалар саёҳат станцияси ходимлари билан ҳам фикр алмашинилади.

Юқоридаги тұғарак режаси мактаб үқувчилар йиғилишида ва үқитувчилар кенгашида узил-кесил тасдиқланғандан кейин тұғарак раҳбари ўз аъзоларини ҳар бир соҳа бўйича қилинадиган ишлар характеристи билан таништириб чиқиши, йўл-йўриқлар ва маслаҳатлар бериши лозим. Ўлкашунослик масалаларини аниқ мисоллар келтириш, саёҳат, суҳбатлар уюштириш йўли билан ўрганиш керак.

Ўлкашунослик тұғарагининг иш режаси тахминан қуйидагича бўлиши мумкин;

### Тұғаракнинг иш режаси

Т/Т №	Бажариладиган ишнинг мазмуні	Бажарыш вақти	Бажарувчи шахс
I	Жамоа ва давлат хўжалиги, қишлоқ, овул ва район тарихини ўрганиш		
I	Жамоа ва давлат хўжалиги, овул, қишлоқ, район, ҳудудидаги жой номларининг маъноси, келиб чиқишини ўрганиш.	йил давомида	

Т/Т №	Бажариладиган ишнинг мазмуни	Бажариш вақти	Бажарувчи шахс
2	Жамоа ва давлат хўжалиги, овул қишлоқ ва райондаги ветеранлар ҳақида маълумот йигиш ва ўрганиш		
3	Жамоа ва давлат хўжалиги, овул, қишлоқ ва район ҳудудидаги тарихий ёдгорликларни сақлаш, топиш, ўрганиш ва улардан фойдаланиш		
4	Жамоа ва давлат хўжалиги, овул, қишлоқ ва район тарихига оид қўлёзмалар, ёзма ҳужжатларни тўплаш		
II	Жамоа ва давлат хўжалиги, овул, қишлоқ, район тарихини ёритадиган фотоальбом, фотовитрина, стенд ва паннолар ташкил қилиш		
III	Тўпланган материаллар асосида жамоа ва давлат хўжалиги, овул, қишлоқ, район, шаҳар тарихини оммалаштирувчи маҳаллий матбуотдан фойдаланиш		
IV	Барча тўпланган материалларни умумлаштириб, ўз ўлкасининг тарихини яратиш		

Тўгарак аъзоларининг ҳар бири муайян тошириқ олишлари керак. Топшириқ бериш вақтида тўгарак аъзоларини юқорида кўрсатиб ўтилган тўрт соҳа бўйича группаларга бўлиш маъқул. Ҳар бир гурӯҳ, ўз навбатида, шу соҳа бўйича аниқ иш режасини тузиб чиқиши керак. Тўгарак аъзоларининг ўз соҳалари бўйича тузган иш режалари ўлкашунослик тўгарагининг маҳсус кенгashiда тасдиқланади.

Соҳалар бўйича топилган иш режаси

Т. Р. №	Биркитилган соҳанинг номи	Қайси группага биркитилган	Бажариш вақти
1	Археологияга оид материаллар тўплаш	Биринчи группа	
2	Этнографияга оид маълумотлар тўплаш	Иккинчи группа	

Т. Р. №	Биркитилган соҳанинг но- ми	Қайси группага биркитилган	Бажариш вақти
3	Топонимикага оид матери- аллар түплаш ва умумлаш- тириш	Учинчи группа	
4	Маҳаллий ҳужжатлар ёки архившунослик бўйича ёз- ма манбалар түплаш ва ўрганиш	Тўртингчи группа	
5	Вилоят республика тарих музейлари экспонатларидан кўчирмалар, фотосуратлар ёки макетлар олиш	Бешинчи группа	

Юқоридаги гуруҳлар ўзларига биркитилган соҳа бўйича материаллар түплашига киришадилар. Ҳар беш соҳа бўйича иш олиб борадиган гуруҳлар «Тарих ва маданият ёдгорликларини муҳофаза қилиш ва улардан фойдаланиш тўғрисида»ги Қонунга асосланишлари керак.

Ўлкашунослик тўғараги иши ҳам гоявий ишнинг таъсирчан воситаларидан биридир. Тўғарак томонидан ўрганилаётган ёки унинг аъзолари томонидан топилган ҳар бир тарихий ёдгорлик ҳудуддаги аҳолининг кўз ўнгига бўлиши, исталган вақтда уни бориб кўриши, бу ёдгорликлар устида доимо ғамхўрлик қилиниши, у яхши сақланиши ва шу билан бирга таълим-тарбия ишида ўз аксини топа олиши лозим.

«Тарих ва маданият ёдгорликларини муҳофаза қилиш ва улардан фойдаланиш тўғрисида»ги Қонуннинг I моддасига мувофиқ қуидагилар тарих ва маданият ёдгорликлари жумласига киради.

Тарихий ёдгорликларга – ҳалқ турмушидаги энг муҳим тарихий воқеалар билан, жамият ва давлатнинг ривожи, инқилобий ҳаракат билан, фуқаролар уруши, Улуғ Ватан уруши билан, ижтимоий ва техникавий қурилиш билан, ҳалқлар маданияти ва турмушининг ривожи билан, атоқли сиёсий, давлат, ҳарбий арбобларнинг, ҳалқ қаҳрамонларининг, фан ва санъат арбобларининг ҳаёти билан алоқадор бўлган иморатлар, иншотлар, эсадалик жойлар ва бошқалар киради.

Археологияга оид ёдгорликларга – кўхна шаҳарлар,

қалъалар, қўргонлар, қадимий манзилгоҳлар, истеҳкомлар, корхоналар, каналлар, йўлларнинг қолдиқлари, қадимий дафн жойлари, тош ҳайкаллар, қоялардаги тасвиirlар, қадимий нарсалар, қадимий аҳоли пунктлари-даги тарихий маданият қатламлари участкалари киради.

Шаҳар қурилиши ва меъморчилик ёдгорликларига меъморчилик ансамбллари ва комплекслари, тарихий марказлар, кварталлар, майдонлар, кўчалар, шаҳарлар ва бошқа аҳоли пунктларининг қадимий тузилиши ва қурилиши қолдиқлари, граждан, саноат, ҳарбий, диний архитектура, халқ меъморчилиги иншоотлари табият ландшафтлари киради.

Санъат ёдгорликларига – монументал, тасвирий, амалий-декоратив ва бошқа турдаги санъат асарлари киради.

Ёдгорлик ҳужжатларига – давлат ва давлат бошқарув органларининг актлари, бошқа ёзма жадвал ҳужжатлар, кино – фотоҳужжатлар ва товуш ёзувлари, шунингдек, қадимий ва бошқа қўлёзмалар ҳамда архивлар, фольклор ва музика ёзувлари, нодир босма нашрлар киради.

Бу ёдгорликлар жумласига тарихий, илмий, бадиий қимматга эга бўлган ёки бошқа хил маданий қимматга эга бўлган обьектлар ҳам киритилиши мумкин. Мана шу материаллар тартиби билан ўлкашунослик тўғараги йиғилишларида муҳокама қилинади.

Соҳалар бўйича ишлар қандай бажарилаётганлиги тўғарак машғулотларида мунтазам равишда муҳокама қилиб борилади. Юқорида таъкидлаб ўтилганидек, аввало археологияга оид материаллар жуда узоқ даврларни ўз ичига олганлиги, тонилмаларни ҳали тўғарак аъзолари яхши ўзлантириб олмаганлиги сабабли ишмана шуларни ўрнатишдан бошлиданади. Ибтидоий жамоа тузумининг энг узоқ даврини кечирган қуйи палеолит, ўрта палеолит, юқори палеолит (бу сўз лотин тилидан олинган бўлиб, «палойос» қадимги «литос» – тош, яъни қадимий тош демакдир) даври тош қуролларининг ўзига хос хусусиятлари, уларнинг ҳали қўпол ишланганлиги, бундай тош қуроллар оддий тошдан эмас, балки энг қаттиқ чақмоқ тошлардан ясалганлиги тушунтирилади. Мезолит – ўрта тош давридаги қуролларнинг палеолит давридаги тош қуролларидан анчагина фарқ қилиши, неолит – янги тош даврига келиб эса тош қуролларнинг мураккаблаша бошлаганлиги музейлардаги мавжуд материаллар асосида тушунтирилса, болалар

экспедиция ва саёҳатларга чиққанларида бундай тош қуролларни оддий ёки табиий тошлардан тез ажратадиган бўладилар.

Сўнгра ўқитувчи – раҳбар энеолит – мис-тош даври ва унинг қуроллари ҳақида тушунча беради ва улардан намуналар кўрсатади. Кейин милодимииздан аввалги III мингинчи йилларга хос бўлган ва Ўрта Осиёда кенг тарқалган бронза даврига доир материаллар билан, астасекин сунъий сүғоришга, дехқончиликка ўтилиши муносабати туфайли шу даврга доир материаллар билан таниширади. Ҳунармандчilikning келиб чиқиши, сопол идишлар даврма-давр ўргатилади. Натижада ўлкашунослик тўгараги аъзолари археологияга оид материалларни жуда яхши ажратса оладиган ёш археологлар бўлиб стишадилар.

Ўтмишдан то ҳозирги кунга қадар ҳаёт кечириб, меҳнат қилиб, ўз маданиятини яратган ҳалқимизнинг моддий ва маънавий маданиятини, ҳалқларнинг келиб чиқишини, уларнинг тиллари, урф-одатларини ўрганадиган этнография ҳақида материаллар йиғиш ва уни ўрганиш жуда қизиқ эканлиги далилий ашёлар асосида тушунтирилса, студент ва ўқувчилар этнографияга оид материаллар тўплашда ҳам қийналмайдилар.

Ўлкашунослик тўгараги ишига иложи борича қишлоқ ёки мактаб ҳудудидаги қўпчилик оммани жалб этиш мақсадга мувофиқдир.

Айниқса, этнография, топонимикага оид ва қадимий қўлёзма китоблар ва ҳужжатлар тўпланида ўша ҳудудда истиқомат қилувчи қариялардан кўпроқ фойдаланиш лозим. Тўгаракда муҳокама этилган ҳар бир масала мактабда ўқитилаётган тарих, инсон ва жамият фанлари олдига қўйилган юксак талабларни амалга оширишда катта ҳисса қўшади. Уларнинг шу фанлардан олаётган билимларини мустаҳкамлашга ва кенгайтиришга ёрдам беради.

## 2. Ўлкашуносликдан амалий машғулотлар ўтказиш

Студентлар ўлкашунослик курсини тўла ўзлаштириб олганларидан сўнг: амалий машғулотларни бажаришга киришадилар.

Амалий машғулотлар қадимти қўлёзма, археология, топонимикага оид, архив ҳужжатлари, музей экспонатла-

ри ва халқ орасида тилдан-тилга ўтиб юрган афсона, ривоятлар асосида яратилган материалларни тўплашдан бошланади.

Материаллар тўплаб бўлингач, уни қўйидаги кўрсатилган б машгулотнинг хоҳлаган ёки танлаб олингани бўйича режаси тузилади ва реферат ёзишга киришилади.

#### **1-машғулот.**

Ўзбекистон тарихи курсидан бирор мавзу танлаб олиниб, ўша мавзу асосида ўлкашуносликка оид библиография тузиш.

#### **2-машғулот.**

Ўзлари яшаб турган жамоа ва давлат ҳўжаликлари қишлоқ, шаҳарнинг тарихини (археология, этнография, топонимикага оид, архив ҳужжатлари ва музей экспонатлари материаллари асосида) ёзиш.

#### **3-машғулот.**

Мактаб музейи материаллари асосида ўша мактаб ёки унинг микрорайонининг тарихини ёзиш.

#### **4-машғулот.**

Тарихий ўлкашунослик материаллари асосида бирор дарснинг режа – конспектини тузиш.

#### **5-машғулот.**

Тарихий ўлкашуносликдан эккурсия, саёҳатлар ўtkазиш режасини тузиб, уларни шу режа асосида амалга ошириш (қўлланмадан фойдаланган ҳолда).

#### **6-машғулот.**

Архивлар, музейлар, тарихий маданият обидаларини муҳофаза қилиш ва ундан фойдаланиш жамияти ходимлари ва уларнинг ишлари билан танишиб чиқиш ва ўз таассуротлари асосида изоҳли альбомлар яратиш.

Демак, студент юқоридаги 6 машғулотдан хоҳлаганини мустақил ёзиш мумкин. Қуйида тарих факультети I курс тарих-педагогика ва эски ўзбек ёзуви бўлимлари талабалари учун ўз ўлкаси – «Она диёри» ҳақида ёзган амалий машғулотидан намуналар келтирамиз.

Бухоро шаҳрининг қадимий ёдгорликлари тарихи ҳақида.

#### **Амалий машғулотнинг режаси**

1. Бухоро вилоятининг географик ўрни.
2. Бухоро – қадимий меъморчилик ёдгорликлари шаҳри.
3. Қадимий ёдгорликлар тарихи.
4. Халқ ҳокимияти – қадимий ёдгорликлар ҳимоячиси.

## 5. Хулоса.

Бухоро вилояти — Ўзбекистон Республикасининг ўн икки вилоятидан бири. У 1938 йил 15 январда ташкил этилган. Вилоят республиканинг жануби-ғарбида, Зарафшон дарёсининг қўйи оқими бўйлаб жойлашган. Майдони 144,2 минг кв. км. У шимолдан Қозоғистон, ғарбдан — Туркманистон ва Қорақалпогистон, жануби-шарқдан Қашқадарё ва Самарқанд вилоятлари билан чегарадош.

Денгиз сатҳидан энг баланд ери 226 метр. Ёзда ҳарорат деярли 50 даражагача исийди, энг паст ҳарорат — 29°.

Вилоятда 6 шаҳар, 10 шаҳар типидаги посёлка, 13 район бор.

Бухорода 80 дан ортиқ турли миллат вакиллари яшайди. Бу Бухоронинг кўп миллатли вилоят эканлигини тасдиқлади.

Бухоро шаҳри тарихи жуда қадим замонлардан бошланади. 1971—1975 йилларда Ўзбекистон Фанлар академиясининг археология институти томонидан тарих фанлари доктори А. Муҳаммаджонов бошлилигига Бухоронинг ўтмишини ўрганиш юзасидан илмий-тадқиқот ишлари олиб борилди.

Бухоро ўзининг кўп асрлик тарихи мобайнида бир неча бор юксалиш ва инқироз даврларини бошидан кечирди, чет эл истилочиларининг қурбони бўлди.

Моддий маданият ва санъатнинг шунчалик хилма-хил ва турли даврга оид ёдгорликлари тўпланган бундай шаҳарлар жуда оз. Шаҳар шарқ меъморлари яратган нодир меъморчилик ёдгорликлари билан бутун дунёга маълум.

Бухоронинг биринчи тарихчилари ёзиб қолдирган афсоналардан бирида Бухоро қалъаси Сиёвшумонидан қурилган, деб айтилади. Сиёвшумон замонларда илоҳий шахс сифатида ҳурматланган. Кейинги даврларда яратилган шеърий афсонага қўра, Эрон шоҳи ва турк аёлининг фарзанди бўлган Сиёвшумон шоҳи Афросиёб томонидан ўлдирилган.

VII асрда шаҳар сўғдча ном билан Нумижкат, VII — VIII асрларда эса Пухо, Бухо, Буге деб номланган.

VII асрнинг иккинчи ярмида араб истилочилари Ўрта Осиёга, шу жумладан Бухорога бостириб кира бошлиланлар. Биринчи бўлиб Амударёни кечиб ўтган Убайдулла ибн Зиёд 674 йилда Пойкентни эгаллаб, Бухорога

бостириб киради. 709 йилда Қутайба ибн Муслимнинг катта лашкари бой ва яхши мустаҳкамланган Бухорони эгаллайди. Ўша пайтгача шаҳарнинг тўрт, кейинчалик еттига дарвозаси бўлган.

VIII – IX асрларда Бухорода катта ўзгаришлар юз беради. 849 – 850 йилларда шаҳар атрофи II дарвозали девор билан ўралади.

IX асрда маҳаллий Бухоро боёнлари Исмоил Сомоний бошчилигида ташаббусни ўз қўлларига оладилар. Улар марказлашган, амалда халифаликдан мустақил бўлган феодал давлати тузадилар.

IX – X асрларда у иқтисодий ва маданий жиҳатдан Ўрта ва Яқин Шарқнинг йирик шаҳарларидан бирига айланди.

Бу даврларда ижод қилган 30 га яқин шоирнинг номи тарихда сақланиб қолган. Абу Абдуллоҳ Жаъфар Рудакий ўша даврнинг энг улуғ шоири эди. Рудакийнинг бизга маълум бўлган энг ажойиб асарларидан «Шароб онаси», «Қарилликка қасида» ни қайд этиш лозим.

Ўрта асрнинг буюк қомусий олимларидан бири бухоролик Абу Али ибн Сино (980 – 1037) эди. Ибн Синонинг асосий асарлари бўлган «Тиб қонунлари», «Муолажа китоби», «Илмлар китоби»да унинг табиий-илмий ва фалсафий қарашлари ифода этилган.

1220 йилнинг февралида Бухоро Чингизхон томонидан забт этилади.

1370 йилда Бухоро Темур империяси таркибиغا киради.

XIV – XV асрлар мобайнида Бухоро диний марказ вазифасини бажарди. Улуғбек томонидан Бухорода (1417 йил) қурилган мадраса феодал ҳукмдорнинг руҳонийларга эътиқоди билангина эмас, балки унинг олим сифатидаги маданий-маърифий фаолияти билан ҳам боғлиқдир.

XVI – XVII асрларда Бухоро сезиларли даражада гуллаб-яшнади. Шаҳар тубдан қайта қурилди, меъморчилик ансамблари пайдо бўлди. Бу иншоотларнинг кўплари бизнинг замонимизгача сақланиб қолган. Ноёб иншоотлар шаҳарда ўзига хос меъморчилик мактаби вужудга келганлигидан далолат беради. Қораҳонийлар даврида қурилган Жомеъ масжиди ҳаробалари ўрнида Кабон масжиди (1514 йил), унинг қаршиисида эса Мир Араб мадрасаси (1530 – 1536 йиллар), Баланд ва Ҳўжа Зайниддин масжидлари барпо этилди. Қўҳна Бухоро-

нинг эскириб қолган қўплаб монументал бинолари қайта тикланди ва қисман бошқача қилиб солинди. Шаҳар чеккаларида улкан Чор Бакр ансамбли, ҳовузлар, сардобалар, кўпприклар, карвонсаройлар ва Баҳовуддин қишлоғида мақбаралар қурилди. Қалъа деворидан ташқаридаги Файзободда оригинал хонақоҳ (1598—1599 йиллар) қурилди. У чиройли гумбазга, ички томони эса икки қават ганчга ўйилган гўзал нақшларга эга эди.

Бухоро жаҳондаги энг кўхна шаҳарлардан бири. Олимларнинг тахминий мўлжалига кўра ва айrim ёзма манбалардаги тахминларга кўра, шаҳарга 2500 ёш бермоқдалар.

Бухорони эртак шаҳар деб ҳам атайдилар. Дарҳақиқат, унинг кўхна обидалари, қадимий меъморчиликка оид ансамбллари мамлакатда ва чет элларда кенг маълум бўлиб, улар ҳар йили бу кўхна шаҳарни зиёрат қилувчи минглаб чет эл сайёҳлари ўртасида катта шуҳрат қозонган. Утмиш меъморчилигининг дурдоналари бўлмиш Сомонийлар мақбараси, Минораи калон, Лаби-ҳовуз, Регистон ансамбллари, Абдулазизхон, Улуғбек мадрасалари ва бошқалар ҳақиқатан улкан тарихий аҳамиятга эга бўлган нодир ёдгорликлар ҳисобланади.

### Бухоро арки

Бухоро — Бухоро вилоятининг пойтахти бўлиб, унинг ҳокими бухор — худот деган унвон билан аталар эди. Наршахий ўзидан анча олдинроқ ёзилган манбага, яъни Абулҳасан Нишонурийнинг «Ҳазойинул-улум» («Илмлар хазинаси») деган асарига асосланиб ёзишича, Бухоро қалъаси жуда қадимий қалъа бўлган ва у тилларда достон бўлиб қолган Сиёвуш ҳамда Афросиёб замонларида қурилган. Наршахий Сиёвуш кўҳандизнинг ичидаги, унинг шарқидаги дарвоза ёнида кўмилган деган афсонани келтиради.

Кўҳандиз (қалъа)нинг 2 та дарвозаси бор эди. Шарқдаги дарвоза Ғурён дарвозаси деб, гарбдаги дарвоза Регистон майдонига очилганлиги сабабли Регистон дарвозаси деб аталар эди. Бухоронинг режасига қаранганди, бизнинг замонамизгача етиб келган арк майдони 34675 кв. метрга тенг бўлган. Айланасининг узунлиги 780 метр бўлган. У 20 метр баланд тепалик устига қурилган. Ҳозир арк майдони 4,2 гектар келади. Унинг тик девори ҳозир пишиқ фишт билан қопланган. Арк ҳамма томондан қўргон девор билан гир айлантириб

ўраб олинган. Бу девор кейинги иккинчи-учинчи асрда қурилган.

Араблар истилосига қадар Арқда шаҳар ҳокимлари – бухор худотлар яшаган. Сомонийлар даврида (IX – X) Арқ қайтадан қурилган ҳамда девор ва мезонлар билан мустаҳкамланган (шимоли-ғарбий томонидаги мезананинг ўрни ҳозиргача сақланган).

Қорахонийлар ва Қорахитойлар даврида (IX – XI асрлар) ва мӯғуллар босқинчилigi вақтида (XIII аср) Арқ бир неча бор вайрон қилинган. Аркнинг ҳозирги қиёфаси XVI асрда Шайбонийлар сулоласи даврида шаклланган. Ҳозир Арқда вилоят ўлкашунослик музейи жойлашган.

Аркка кираверишдаги йўл аста-секин кўтарила бориб, узун йўлакдан Жомеъ масжидига олиб чиқади. Арқдаги бинолар XVII – XX асрларга, яъни аштархонийлар ва манғитлар сулолаларига доирдир. Ўша вақтларда Арқ шаҳар ҳокимлари, кейинчалик хонлар, амирлар, мансабдорлар ва ҳарбий бошлиқлар яшайдиган жой бўлган. XX аср бошларида Арқ аҳолиси тахминан уч минг кишига етган. Арқдан шаҳар ва унинг яқин атроф манзаралари ва тепаликлар кафтдай кўриниб туради.

### **Исмоил Сомоний мақбараси (IX – X асрлар)**

Ўрта Осиё меъморчилиги ўзига хос аниқ ва муайян хусусиятлари билан ажralиб туради. Бу меъморчилик ўз халқи ва унинг ғояси, дид-фаросати билан чамбарчас боғланган халқ усталарининг ижодидан иборат.

Аввало IX – X асрларда қурилган Сомонийлар мақбараси ўша давр бинокорларининг маҳорати ва юксак бадиий дидидан далолат беради. Бу ёдгорлик 892 – 907 йилларда қурилган деб тахмин қилинади. Мақбара шаҳардаги маданият ва истироҳат боғида жойлашган. У куб шаклида бўлиб, ярим шарсимон қубба билан ёпилган. Унга ҳусн бўлсин учун бурчакларига тўртта кичкина қубба ўрнатилган. Девори қалин (1,8 метргача) бўлганилиги туфайли бу ёдгорлик минг йилдан бери яхши сақланиб келмоқда.

Мақбаранинг фасади йўқ, тўрт томони ҳам бир хил. Бундай иншоотлар центрик композиция деб аталади. Мақбара квадрат шаклида бўлиб, пишиқ ғиштдан қурилган. Ривоятларга кўра, бу мақбара Исмоил Сомоний томонидан отаси Аҳмад ибн Асад учун қурилган.

Кейинроқ бу мақбара Сомонийлар хонадонининг даҳмаси бўлиб қолди. Унга 907 йилда вафот этган Исмоил, кейинроқ мақбарага кираверишдаги ёзувга кўра, Исмоилнинг набираси – 914 йилдан 943 йилгача ҳукмрон бўлган Наср ибн Аҳмад дағн қилинган. Бино ҳозирга қадар сақланиб турибди. Бу ёдгорликни Ватанимиздан ташқари жойларда ҳам яхши биладилар.

Сомонийлар мақбараси содда, ажойиб зийнати ва асрлар давомида синовдан ўтган обида сифатида мураккаб гумбаз томли конструкцияни қўллаган бинокорларнинг муҳандислик маҳорати жиҳатидан жаҳон меъморчилигининг энг мукаммал асарларидан бири ҳисобланади.

### Чашмаи Айюб мозори (XII аср)

Ҳозирги Марказий маданият ва истироҳат паркида жойлашган. Бу ёдгорлик гарбдан шарқ томонга ёнма-ён жойлашган тўртбурчакли мураккаб тўртта бинодан иборат.

Бу бинолар турли давларда қурилган. Улардан энг қадимииси конуссимон баланд гумбаз билан қопланганadir. Ривоятларга қараганда, иморатнинг бу қисмини Қорахонийлар ҳукмдори Арслонхон Минораи калон билан бир вақтда қурдирган. Мозор ичидағи совуқ сувли чашма ҳозиргача сақланиб қолган.

Ёдгорлик чуқур сойликда бўлиб, яқин вақтгача унда катта булоқ суви оқиб турар эди. Бу булоқ мозордаги қудуқ билан бирлаштирилган.

Қадимий гарбий бино ёнига XVI асрда, яъни Шайбонийлар даврида, яна иккита бино қурилган. Қадимий бинонинг эшиги тепасига осиб қўйилган гулдор кошинга «Бу бинони Темурнинг ўзи қурдирди», деб ёзилган. XVI асрнинг иккинчи ярмида бинонинг пастки пештоқдан иборат икки қуббали сўнгги тўртинчи қисми қурилган.

Тўрт бинонинг ҳар қайсисида бир-бирига ўхшамаган қуббалар бор. Уларнинг ташқи кўринишлари шимол ёки жануб томондан қараганда оригинал ва ўзига хосдир.

### Моғоки Аттори масжиди (XII, XVI, XX) асрлар)

Бу масjid шаҳар марказида жойлашган бўлиб, илгариги атторлар раастаси ўрнига қурилгани туфайли Моғоки Аттори деб аталган. Масjid қарийб 6 метр ерга



Бухоро. Минора Калон

кириб туради — кўп асрлар давомида аста-секин шаҳарга тупроқ қатламлари уюлиб, у шундай кўмилиб қолган. Мофоки Аттори масжиди ёпиқ типдаги масжидлардан бўлиб, томини б тош устун кўтариб туради.

Масжиднинг хиёбон томонидаги жанубий пештоқи архитектуранинг ноёб асари ҳисобланади. Пештоқ ва унингравоги ҳар хил, чунончи, ўймакор ганч, сайқал берилган гишт, кошин, ўйиб нақшланган сопол гиштчалар билан безатилган.

Бинонинг шарқий томонидан кириладиган қисмида кенг тош зина бор. Зина жанубий пештоқ қурилгандан кейин ишланган. Бу зина кириш учунгина эмас, балки намоз ўқиладиган жой ҳам бўлган.

### Намозгоҳ масжиди (XII, XIV, XVI асрлар)

Бухородан жануб томонда, шаҳар ташқарисида жойлашган. Бундай масжидлар ҳайит кунлари шаҳар масжидлари намоз ўқувчиларни сифдира олмаганлигидан шаҳар ташқарисига қурилган. Намозгоҳ масжиди ана шундай масжидлардан ҳисобланади.

Намозгоҳнинг пешайвон, галлерея шаклида гумбазли биноси бўлган (XVI аср), унга нафис қоплама безакли пештоқ қурилган. Фарб томондан бинонинг монументал қисми меҳробли қадимий деворга тақалган. Меҳроб нозик ўйма гулли сопол гиштлар ва майдада гишт парчалари билан безатилган.

Ҳозирги намозгоҳ масжиди ўрнида бир вақтлар ажойиб боғ ва ҳайвонотхона бўлган. Бу ер Шамсиобод деб аталган. Бу жойни тарихчи Наршахий ўз асарида тўла тасвиirlаб ўтган.

### Пой Калон ансамбли

Минора Калон (1127) ёки Катта Бухоро минораси қорахонийлардан Арслонхон ҳукмронлик қилган даврда қурилган. Бу минора шаҳардаги энг баланд иншоотdir.

Унинг баландлиги 46,5 метр. Унинг қурилган вақти (1127 йил)ни кўрсатадиган ёзув корпуснинг ўрта белидаги кошинлардан бирида қисман сақланиб қолган. Минора баланд, думалоқ устунсимон бўлиб, тепасида равоқли «фонуси» (томи) бор. Унинг ичидаги 104 пиллапояли айланма зинаси бор. Миноранинг юқори томони сал ингичкароқ бўлиб, цилиндр шакли гумбазида 16 та дарча бор.

Минорадан аzon айтилган. Минорада ёв пайдо бўлишини кузатадиган дарча ҳам бўлган. Миноранинг қоровулхонаси ҳали ҳам бор. Миноранинг сирти жимжимадор қилиб терилган пишиқ ғишт билан қопланган. Бухоро шаҳрининг ташқи кўринишида бу минора бадиий жиҳатдан катта аҳамият касб этади.

Гумбазнинг зангори белбоғи XVI асрда ишланган кошинлардан иборат. Нақш билан сўзлар ёзилган эски қисми XII асрда ясалган оч мовий тусдаги кошинлардан иборат бўлиб, Бухоро музейининг Ситораи моҳи хоса филиалида сақланмоқда. Минора корпусининг пастки қисми таъмирланди, у ўн бурчак шаклида бўлиб, устига минора қурилган.

### Масжиди калон

Жума намози ўқиладиган бу масжид 1514 йилда қурилган бўлиб, катталиги жиҳатидан Самарқанддаги Бибихоним масжидидан кейин иккинчи ўринда туради.

У XII асрдаги эски масжид ўрнига қурилган. Масжид XV асрда қурила бошланиб, XVI аср бошларида (1514 йилда) битказилган. Масжид тўғри тўртбурчак шаклида ҳовлиси бўлган очиқ масжидлар тинига киради. Масжиди калоннинг етти эшиги бор. Асосий шарқий эшиги олдида ва ичидаги кенг айвонлар бор.

Масжиднинг умумий майдони бир гектар келади ( $127 \times 78$  метр). Ҳовли галереяси 288 қубба билан қопланган, уларни 200 та устун кўтариб туради. Масжиди калон ноёб меъморчилик ёдгорликларидан биридир.

### Мир Араб мадрасаси (1530 йил)

Шаҳарнинг марказий қисмида 2 та гумбаз атрофидаги иморатлардан ажralиб турибди. Улардан бири — шимолий гумбаз тикланган ва ярим мовий кошин билан қопланган, жанубий гумбаз эса безатилмаган.

Мадрасага ҳашаматли баланд пештоқдан кирилади. Мадрасадаги бинолар ҳудди Улуғбек мадрасасидек



Бухоро. Мир Араб мадрасаси

ўринлаштирилган. Фақат дарсхона ўрнида гўрхона бор. Бу ерга Яманлик шайх Абдулла ва унинг қариндошлари дафн қилинган. Ёдгорлик Мир Араб номи билан аталган.

Мадраса ҳовлисисининг чор атрофини икки қаватли ҳужралар ўраб туради, ҳужралар қаторини пештоқ ажратиб турибди. Бир вақтлар пештоқлар жуда баланд бўлган.

### Улуғбек мадрасаси (1417 йил)

Бу мадраса Темурнинг набираси фалакиётшунос олим Улуғбек қурдирган уч мадрасанинг энг қадимийсидир. Тўғри тўрт бурчак шаклида қурилган бу бинонинг ҳовлиси ва безатилган баланд пештоқи бор. Мадрасанинг олд томони икки қават қилиб қурилган. Кираверишдаги миёнхонанинг бир томонида дарсхона, 2-томонида масжид, иккинчи қаватда китобхона бўлган.

Мадрасани уста Исмоил ибн Тоҳир Исфаҳоний қурган. 1585 йилда бу бино тикланган. Кейинги йилларда ҳам у тез-тез таъмирланиб турилган. Нақшларнинг таркибий қисмида юлдузсимон шакллар кўпчиликни ташкил этади. Буни фалакиётшунос Улуғбекнинг дунёқарашига боғлаш мумкин.

Дарвоза табақаларига «Билим олиш ҳар бир мусулмон ва муслиманинг бурчидир» деган ибора ўйиб ёзилган. Мадраса ўз чироий ва нақшларининг жуда гўзаллиги билан кишиларни ҳайратда қолдиради. Бу бино Ўрта Осиё меъморчилигининг равнақини кўрсатадиган ёдгорликдир.

### Абдулазизхон мадрасаси (1652 йил)

Бу мадраса бадиий безакларга бой бўлиб, ўз аҳамияти жиҳатидан Ўрта Осиё меъморчилигида алоҳида ўрин тутади. Бу бино Улуғбек мадрасаси рӯпарасида қурилган бўлиб, нафас меъморийлиги ва безатилиши жиҳатидан улар гўё бир-бирига рақобат қилаётгандек кўринади. Ҳолбуки, ҳар икки ёдгорлик қурилиши (1417 ва 1652 йилларда) ўртасида икки асрдан ортиқ вақт ўтган.

Абдулазизхон мадрасасида оддий геометрик, юлдуз-симон ва ўсимликларни тасвирлайдиган безаклар ўрнига анча мураккаб ва хилма-хил қилиб ишланган нақшлар кўзга ташланади. Бу ерда аждар ва семурғ қушнинг сурати бор. Мадрасада икки масжид бор: ёзгиси ҳовлида, дарвоза йўлагининг гарбий бурчагида эса қишики масжид бор. Иккала масжиднинг ҳам девор ва шиплари жуда серҳашам қилиб безатилган.

Мадраса ҳалқ меъмори уста Ширин Муродов иштирокида таъминланган (1930 йил).

### Болоҳовуз масжиди (1712 йилда қурилган)

У арк қаршисида қурилган. Масжиднинг ҳужралари ва 20 та баланд ёғоч устунли айвони бор. У бир вақтлар шаҳарнинг жума намози ўқиладиган масжиди бўлган ва амир Бухорога келган пайтларда шу масжида намоз ўқиган. Амир келганда Арқдан масжидгача гиламлар тўшалган. Болоҳовуз масжидига Регистон майдони томонидан қаралса, унинг пешайвони, майдон ёнбошидаги кичкина минораси ва ўртасидаги чуқур ҳовуз кишида ажойиб таассурот қолдиради.

### Чор минор (1807 йил)

Чор минорни бошқача айтганда халифа Ниёзқул мадрасаси деб ҳам аталади. Бу ёдгорлик сўнгги вақтларда қурилган обидалар қаторига киради. У 1807 йилда қурилган ва шаҳарнинг шимолигарбий қисмида жойлашган. Ёдгорлик мураккаб меъморчилик комплекси бўлиб, пешайвон сифат масжид, бир қаватли мадраса, ҳовуз ва ажойиб пештоқдан иборат.

Тўртта баланд мезанаси бор. Улар минорага ўхнайди, шунинг учун ҳам Чор минор мадрасаси деб аталади. Аслида эса бу мезаналар бўлмай, фақат бинонинг бадиий беzagидир. Улар Ҳиндистон масжидлари меъморчиликнинг таъсири борлигини кўрсатиб турибди.



Бухоро Болоҳовуз масжиди

## Лабиҳовуз (XVII аср)



Бухоро. Нодир Девонбеги мадрасаси

Ғарбий томонида Девонбеги хонақоси бор. Лабиҳовуз масжидининг шарқий томонида Девонбеги мадрасаси бор. Шимолий томонида эса 1578 йилда қурилган Кўкалдош мадрасаси жойлашган. XVII асрнинг йигирманчи йилларида қурилган дастлабки икки ёдгорлик айниқса сернақш ва серҳашамдир. Бу ерда шаҳардаги тоқилярнинг ҳаммасини бир-бири билан боғловчи савдо кўчаси бошланарди.

## Тим ва тоқиilar (XVI аср)

Бухорода энг йирик савдо иншоотларидан тўрттаси: Тоқи Заргарон, Тоқи Телпакфуруушон, Тоқи Саррофон ва Абдуллахон тими сақланиб қолган. Тоқиilar Шаҳристоннинг Лабиҳовуз майдонидан Регистон майдонигача борадиган асосий савдо кўчасидаги чорраҳаларда қурилган. Мунтазам саккиз бурчакли ички хонага маҳобатли гумбазнинг меридионал қовурғалари бор. Тоқи Заргаронда ўтиздан ортиқ заргарлик дўкони ва устахоналар бўлган. Бу ерда ҳар хил зеб-зийнат буюмлари ясаб сотилган.

Тоқи Телпакфуруушон кўчалар чорраҳасига қурилган. У олти бурчак шаклида бўлиб, марказий гумбазда дарчалар бор.

Тоқи Телпакфуруушон илгари Тоқи Китобфуруушон деб аталган, чунки бу ерда китоблар сотилар эди. Тоқи Саррофон икки кўча чорраҳасида бўлиб, улардан бири Регистон томонга қараб кетган. Бу тоқи шунинг учун

Тоқи Саррофон деб аталганки, унда кўпинча саррофлар ўтириб чет эл пулларини алмаштирганлар ва пул майдалаганлар. Бухоронинг Абдуллахон тими ва тоқилари қадимий шаҳар қурилишининг обод, йирик кўчаларида сақланиб қолган элементларигина, холос.

Ўрта Осиё ва Шарқ мамлакатларида бирорта шаҳарда бунчалик монументал архитектура иншоотлари йўқ, деса бўлади.

Девонбеги хонақосининг олд томони Лабиҳовуз сувида ойнадек акс этиб турибди. Шунинг учун бу ёдгорликни Лабиҳовуз деб ҳам атайдилар.

Шарқ томонида масжид рўпарасида Нодир Девонбеги мадрасаси (1622 йил) қад кўтарган. У карvonсарой сифатида қурила бошлаган бўлса-да, кейин қурилиш давомида мадрасага айлантирилган. Шунинг учун унинг режаси оддий ва мадрасалар режасига ўхшамайди.

### **Зиндан (XVIII аср)**

XVIII аср охирида Шаҳристоннинг шимоли-ғарбий бурчагидаги тепаликда (ҳозирги Колхоз кўчаси ўрнида) Бухоро зиндани қурилган. Бино кўримсиз бўлиб, баланд ғишт девор билан гир айлантириб ўраб олинган.

Зинданга жанубий девордаги пастак пештоқдан кирилади. Кичкина ҳовли икки қанотли тош бинога олиб боради. Ўнг қанотнинг бошидаги хонага қарзини узолмаган кишилар қамалган.

Бинонинг чап қанотидаги тўртинчи хона кишида оғир таассурот қолдиради. У қоровулхона орқасидаги 5 метрли чуқур ертўладир. Ер устидаги қисми дарчали қубба, ертўлага поддаги катта тешикдан тушилади.

Зиндан ҳовлисида маҳбуслар «пирининг» қабри ҳамда зинданнинг шарқий ва шимолий томонларидан ўтадиган баланд тор йўлак бор.

Ҳозирги вақтда зинданга Бухоро ўлкашунослик музейининг экспонатлари қўйилган.

### **Ситораи моҳи хоса саройлари**

Шаҳардан 4 километр нарида шимол томонда икки сарой бор. Улардан бири Бухоронинг энг охирги амири Саид Олимхон саройидир. Бу сарой бир қаватли бўлиб, «Г» ҳарфи шаклида қурилган. Бундан гарчи ҳалқ усталари ўйма ганчкорликда ва деворларга сурат солишида ажойиб маҳорат намуналарини кўрсатган бўлса-

лар-да, амирларнинг, мешчанлик дид-фаросатлари, уларнинг бир-бирига зид дабдабали ҳашаматли суратларга ўчлиги ўз аксини топган. Амир саройни безаттиришда Европа меъморчилигига тақлид қилган. Бутун шу дабдабаю ҳашаматларга тақлид қилиб ишланган сурат ва нақшлар орасида ситораи моҳи хосадаги «Оқ сарой» («Оқ зал») га берилган пардозлар ҳалқ санъаткорлари ҳунарини кўз-кўз қилиб туради.

Бу зални истеъоддли санъаткор уста Ширин Муродов бошлиқ бир гуруҳ Бухоро усталари қурган.

Ҳозирги вақтда Ситораи моҳи хосага Бухоро вилоят ўлкашунослик музейи бўлнимининг экспозициялари жойлаштирилган. Сарой ҳудудида санаторий очилган.

Ситораи моҳи хосада амирнинг отаси амир Абдулаҳад қурдирган иккинчи сарой ҳам бор. Бу бино сарой ҳаётининг ёдгорлиги бўлиб, тамоман бошқача режалаштирилган ва безатилган. Ҳозир бу иккинчи саройга болалар санаторийси жойлашган.

Қўш мадрасадан жанубда, замонавий бинолар қурилиши олиб борилаётган жойда унчалик катта бўлмаган баланд масжид (XVI аср) қад кўтариб турибди. «Баланд» номи масжиднинг қишики биноси билан ёғоч устунли айвони жойлашган пойдевори билан бўлганлиги учун берилган.

Имаратнинг барча меъморий бойлиги ҳозирги пайтда унинг ички томони ҳисобланади. Олтин суви юргутирилган нафис гуллар ялтироқ катакча тоштахтачалардан иборат баланд оч-яшил панель кишини завқлантиради.

Пештоқчалардаги серҳашам ўсимлик суратидаги безак IV асрнинг «гулдор» гиламларига жуда ўхшайди.

<b>VI. Ўлкашуносликни ўрганишда музей экспонатлари</b>	277
1. М. Т. Ойбек номидаги Ўзбекистон тарихи музейи ўтмиши ҳақида бир неча сўз	278
2. Музей турлари	280
3. Музей залларида	281
<b>VII. Мактаб музейи</b>	301
1. Мактаб музейининг вазифалари	302
2. Мактаб музейи соҳасини танланш	303
3. Мактаб музейини ташкил этиш	305
4. Мактаб музейи фондлари	306
<b>VIII. Ўлкашунослик тўгараги</b>	311
1. Ўлкашунослик тўгарагини ташкил этиш	312
2. Ўлкашуносликдан амалий машғулотлар ўтказиш	321

АБДУФОФУР НАБИЕВ

## ТАРИХИЙ ЎЛКАШУНОСЛИК

Олий ва ўрта педагогика ўқув юртлари та-  
лабалари ва ўрта мактаб тарих ўқитувчи-  
лари учун ўқув қўлланма

Тошкент «Ўқитувчи» 1996

Таҳририят мудири С. Мұмінов

Муҳаррир Р. Мирҳомиён

Бадний муҳаррир М. Кудряшова

Техник муҳаррирлар: Э. Валиданова, Т. Золотилова

Мусаҳхих: З. Ефимова

ИБ № 5285

Теринига берилди 20. 04. 95. Босишига руҳсат этилди 05. 08. 95. Формати 84×108/32. Кегъл 10  
шпонсиз. Бапниковская гарн. Офсет босиши усулида босилди. Шартли б. л. 17,64 ± 0,21 форз.  
Шартли кр. отт. 18,06. Нашр 17,45 ± 0,32 форз. Тиражи 5000. Буюргича 2766.

«Ўқитувчи» наприяти. Тошкент, Навоий кўчаси, 30. Шартнома 07 – 223 – 89.

Ўзбекистон Республикаси Давлат матбуот қўмитасининг Тошполиграфкомбинати. Тошкент,  
Навоий кўчаси, 30. 1996

# Мундари.

## Кириш

## I. Ўлкашунослик ҳақида қисқача маълум

1. Ўлкашуносликнинг турлари . . . . .	8
2. Тарихий ўлкашуносликнинг ривожланиши. 1917 йилга қадар ўлкани ўрганиши масаласи . . . . .	10
3. Ўрта Осиё тарихини ўрганишида рус шарқшуносларининг роли . . . . .	16
4. Рус шарқшунослитининг маҳаллий тарихчиликка таъсири . . . . .	30
5. Тарихий ўлкашуносликнинг 1917 йилдан кейинги аҳволи . . . . .	34
6. Ўлкашуносликнинг асосий манбалари . . . . .	39

## II. Ўлкашуносликда археологиянинг роли

1. Рус шарқшунослиги ва археология . . . . .	43
2. Узбекистонда археологиянинг ривожланиши . . . . .	45
I. <i>Ибтидоий жамоа даври</i> . . . . .	46
1. Она уруги даври (матриархат) . . . . .	50
2. Она уругининг ривожланиши . . . . .	51
3. Калтаминонликлар чайласи . . . . .	54
4. Ота уруги даври. Металлнинг тарқалиши . . . . .	56
5. Суғоришнинг келиб чиқиши . . . . .	61
II. <i>Қулдорлик жамияти даври</i> . . . . .	62
III. <i>Феодализм даври</i> . . . . .	69
1. Үқувчиларни археологияга оид маълумотлар тўплашга ўргатиш . . . . .	75
2. «Ибтидоий жамоа тузуми» мавзуини ўрганишида археологияга оид маълумотлардан фойдаланиш . . . . .	79

## III. Ўлкашуносликда этнографиянинг аҳамияти

1. Узбек халқи тўғрисидаги этнографияга оид дастлабки маълумотлар . . . . .	93
2. Узбек этнографияси . . . . .	104
3. «XVI асрда Узбекистонда маданиятнинг ривожланиши» мавзусини ўрганишида этнографияга оид маълумотлардан фойдаланиш услублари. . . . .	115

## IV. Топонимика – ўлка тарихини ўрганишнинг асосий манбаларидан бирини

1. Топонимика тушунчаси ва унинг моҳияти ҳақида . . . . .	123
2. Ўлка тарихини ўрганишда топонимик материал тўплаш ва улардан фойдаланиш . . . . .	124
3. Бухоро, Қашқадарё ва Сурхондарё вилоятлари топонимикасини ўрганиш . . . . .	129
4. Самарқанд вилояти топонимикаси ва уни ўрганиш . . . . .	172
5. Ҳоразм вилояти топонимикасидан дарсда фойдаланиш . . . . .	210
6. Фарғона водийсидаги қишлоқ, шаҳар номларининг келиб чиқиши тарихини дарс жараёнидаги ўрганиш . . . . .	235
6. Фарғона водийсидаги қишлоқ, шаҳар номларининг келиб чиқиши тарихини дарс жараёнидаги ўрганиш . . . . .	246

## V. Ўлкашуносликни ўрганишда архившуносликнинг ўрни

1. Марказий давлат архиви фондлари . . . . .	264
2. Узбекистон Республикаси Марказий давлат архиви . . . . .	265